

DEFENSIO
DECRETORUM
CONCILII TRIDENTINI.
ET

APOSTOLICARUM CONSTITUTIONUM
ECCLESIAE ROMANAE
IN CAUSA PAUPERTATIS MONASTICAE
ADVERSUS

DUOS LIBROS INSCRIPTOS
VITA CLAUSTRALIS.
ET

VINDICIAE REGULARIUM &c.
AD PONTIFICEM MAXIMUM
BENEDICTUM XIV.
AUCTORE

F. DANIELE CONCINA
Ord. Prædicatorum Sac. Theolog. Lectore.

*Accedunt Censura in Censuram Discipline Apost.-Monast. Et Animadversiones
in Epistolam Exegeticam. P.G.C.*



BONONIAE MDCCXLV.
SUPERIORUM PERMISSU.

PROSTANT VENALES VENETIIS
APUD SIMONEM OCCHI, SUB SIGNO ITALICÆ.

Antisthenes :... cum audisset Socratem de paupertate disputantem, dixisse fertur ad Discipulos suos: Abite, & Magistrum querite; ego enim jam reperi. Statimque venditis quæ habebat, publice distributis, nihil sibi amplius quam paliolum servavit Unius tantum Philosophi exemplum posui, ut formosuli nostri, & thorosuli, & vix fummis pedibus adumbrantes vestigia, quorum verba in pugnis sunt, & syllogismi in calcibus, qui Paupertatem Apostolorum, & Crucis duritiem aut nesciunt, aut contemnunt, imitentur saltem Gentilium parcitatem. Sanctus Hieronymus lib. 2. cont. Jovin.



SANCTISSIMO PONTIFICI
BENEDICTO XIV.

F. DANIEL CONCINA Ord. Præd.
FELICITATEM.



*Non est, BENEDICTE
MAXIME, quod subli-
mes animi TUI Dotes, & amplif-
sima Merita, sive quæ TE ad istud
supremæ, peneque Divinæ dignitatis fa-
stigium,*

*stigium , non sine singulari Numinis
afflatu , tota plaudente Christiana Re-
publica , atque TE aliud omne prorsus
cogitante , extulerunt : sive quæ post oc-
cupatam hanc Beati Petri Cathedram
Apostolica vigilantia , & invicta pecto-
ris fortitudine , in universo Catholico
regundo Orbe TIBI comparasti , com-
memorem , nedum sermone exornem .
Quare silentio obvolvam , & plenissi-
mam illam , æternumque admirandam
carnis , & sanguinis abdicationem , quæ
TE consanguinitate intactum demonstrat :
& illam in calamitosis , perturbatisque
vicibus animi celsitudinem , & magnani-
mitatem , & innumera alia , quæ TE de-
corant ornamenta , tacitus prætermi-
tam : Quo solam SAPIENTIAM , quæ
BENEDICTUM XIV. adamussim re-
fert , quæque causam , quam TIBI sisto ,
juvat , collocatque in tuto , commendem .
Quam jure , ac merito hanc unam , quæ*
velati

*veluti sol stellas , caterarum Virtutum
TUARUM coronam illustrat , celebran-
dam selegerim , tum intelligent omnes ,
cum quæ continuo dicturus sum secum
animo reputaverint .*

*Præpotens Orbis effector , ac pruden-
tissimus Moderator Deus , in formando ,
ornandoque Ecclesiæ suæ Principe , qui sui
ipsius vices gerat , Jusque interpretetur ,
& dicat , hunc sibi præstituit modum , ut
in plurimum , variorumque donorum largi-
tione , illud eidem impertiat uberius ,
quod temporum rationi quam maxime
congruat , quod commisso sibi Evangelico
Gregi ab hostium moribus defendendo ,
quod sanctissimo Fidei , Morumque verita-
tis Deposito integro custodiendo , validius
conducere præcognoverit . Porro inter ex-
trema mala , quæ hoc impeditissimo tempore
Catholicam Ecclesiam Sponsam TUAM
undequaque premunt , exagitantque , il-
lud dirius ad perniciem grassatur , quod*

sacrae Doctrinae tenebras offundit, & Ecclesiastica Disciplina nervos extenuat, peneque enecat. Sua est cuique professioni Theologia mitissima, quae quo est alicubi in domesticos mores misericordior, eo est in alienos severior. Civile bellum Theologos inter ardet, & ultro citroque exprobrantur errores. Erumpunt in dies ex ipso Ecclesiae sinu opinionum monstramentitiae benignitatis fuco delibuta. Solutissimis moribus laxior respondet Doctrina. Et pauci sunt, qui domi Veritatem, & Justitiam hospitem, nedum dominam patiantur. Deprædicant illi saniores Doctrinam; at sæpenumero eorum sermonem confundunt eorum opera. Ostentant hi quidem severiores mores; sed illorum Doctrinae pugnant cum illorum operibus. Hac rerum nostrarum discrimina, hæc horrida temporum nostrorum facies eum postulabant PON-
TIFICEM, qui Sacra præstaret Erudi-

tiōne,

*ratione, qui celesti Sapientia splendidius
præfulgeret.*

*Exulter itaque nunc, sibi plaudat Uni-
versus, qua late patet, Christianus Orbis
animumque intendat in Providentiam il-
lam, qua Clementissimus Deus BENE-
DICTUM XIV. jam inde a teneris ungui-
culis, Sacris innutrivit Disciplinis, Sa-
pientia aluit, atque Scientiarum fere
omnium ornameto cumulavit. Quorsum?
ut Pontificem sibi formaret temporum
conditioni aptissimum, errorum tene-
bris dissipandis, & Disciplinæ cum Ec-
clesiasticæ, tum Monasticæ instaurandæ
quam maxime opportunum. Hæc divina
Providentia TE, BEATISSIMÆ PA-
TER, quadraginta circiter annos in hu-
jusce Almæ Urbis, & Purpuratorum
Patrum Collegiis perpolivit, exorna-
vitque. Quanta vero TU Æternæ Sa-
pientiæ consiliis, industria, & diligen-
tia dederis operam, non equidem testes*

appello doctissima Opera TUA: Non Libros, quos Ecclesiis Anconitane, & Bononienfi, quibus præfuiſti, imbuendis graviter, & ſolide ſcripſiſti: Non ingentia illa volumina auro, cedroque digna, qua Sanctorum Catui amplificando viam parant, remonentque obſtacula. Hac, & alia longe plurima aliis enarranda relinquo. Illa ego ſplendidissima Sapientie TUÆ monumenta recordabor, qua ut ſupremus Eccleſiæ Catholice Paſtor prodidiſti: quæque TE his afflictiſ, perturbatiſque temporibus a divina Providentia nobis datum, reſervatumque demonſtrant. Et primum omnium in medium veniant celeberrimæ illæ CONSTITUTIONES, quibus Orientalium Indiarum Ritus ab Ethnica ſuperſtitione purgaſti, effugiis quibuſque occluſis, & ſublata captioſa circuitione verborum. Duo alia ſuccedant Diplomata, quibus Occidentalis Eccleſia

*sic collapsam Jejuniorum Disciplinam
ad pristinam revocasti integritatem ,
opinionum pravitate rejecta . Sed quid
singula persequor ? Si vix obiter in-
dicare valeo Sanctiones illas saluber-
rimas a TE conditas , ut Sacrorum
Ministorum Electionem , Ordinatio-
nem , Residentiam , aliaque Episco-
porum Officia ad severiores Ecclesie
Regulas conformares : Ut incruentum
Sacrificium a cujusque mercimonii spe-
cie intaminatum servares : Ut indis-
solubile Matrimonii vinculum firmitus
confisteret : Ut Sacramenti Pœniten-
tiæ administratio sanctius perficeretur :
Ut demum Catholicorum Græcorum
mores puriores , & Christianæ
Doctrinæ tradendæ rationem facilio-
rem efficeres . Hæc , ut cætera hujus
generis plurima reticeam , sunt locuple-
tissima Sapientiæ TUÆ testimonia
ære perenniora . Et quod omnes admi-*

ratione

ratione defixos tenet, illud est, quod
tot, & tam ingentia molitus sis opera,
hoc ipso turbulentissimo tempore, quo
bellorum incendio universa ardet Eu-
ropa, & infelix Italia nostra imma-
nissimæ pestis, & transalpinae militiæ
cladibus patuit: hoc ipso tempore, quo
TU, ceu amantiſſimus omnium Catholico-
rum Principum, Populorumque Parens,
non industriæ, non consiliis, non preci-
bus, non tandem ærario pepercisti,
quo omnes ad pacem, concordiamque in-
flecteres, urgeres, revocares.

Gravissima hæc sunt atque sublimia.
Verum tam alta de TE, BENEDICTE
SAPIENTISSIME, existimatio præva-
let, atque fiducia, ut his longe majora,
& luculentiora ominentur docti, spe-
rentque boni omnes. In TE redivos con-
fidunt Alexandrum VII. & Innocen-
tium XI. & quam illi Theologiæ Chri-
stianæ reformationem, centum, & am-
plius

plius propositionibus damnatis , feliciter ceperunt , eamdem TIBI promovendam , perficiendamque destinatam veluti oculis cernunt , ne dum animo anhelant . Medium jam elapsum Sæculum est , ex quo nihil mollioris Ethices , tametsi in dies ad extrema vergat , proscriptum sit . Quid , quod non modo laxiores quotidie prodeunt opiniones ; verum etiam ipsarum propositionum a Decessoribus TUIS Alexandro , & Innocentio damnatarum Interpretes quidam benigni , variis distinctiunculis , ineptisque commentariis easdem partim extenuarunt , partim in nihilum redegerunt , & elusis Pontificiis decretis , universam pene Theologiam , non secus ac antea , deformarunt . Hinc jacet omnium Scientiarum splendidissima & quæ , si æternæ salutis negotium spectetur , omnibus cum primis esse cordi debet : jacet , inquam deformata erroribus , con-

rentionibus discerpta : nunc fucatur calamistris, modo obducitur larvis, & tot saepe formas subire cogitur, quot sunt animorum rationes diversae. Idque ad illius accedit infortunium, quod hoc cultissimo saeculo, quo artes, & scientiae aliae fere omnes, barbarie pulsa, expolitae magnopere splendent, una squaleat venustissima omnium Virtutum Mater, & Altrix. Quid, quod ipsi Ethnicorum sapientissimi Viri, sive Graeci, sive Romani, Socrates, Plato, Aristoteles, Theophrastus, Panaetius, Cicero, aliique innumeri eo maximam studiorum partem suorum contulerunt, ut bene, beateque vivendi regulas illustrarent. Quid autem, si Sapientissimo Pontifice BENEDICTO XIV. Regnante, ad avitum non revocaretur splendorem Christianorum Theologia? Tam tristitia ne vel suspicari licuerit, cum tot luculentissima argumenta occurrant,

BENE-

BENEDICTUM XIV. *a divina Providentia idcirco nobis esse datum , ut potissimum nobiliorum Scientiarum studia , & Dogmatum veritates , morumque Disciplinam instauret , confirmetque . Quo , amabo te , pertinent quatuor Sapientum Virorum erectæ Academiæ ? Non alio scilicet , nisi eo , ut puriores omnium Scientiarum fontes adeantur , ut vetustâ tum Sacræ , tum profanæ antiquitatis monumenta reviviscant : ut prima denique principia , unde conscientie nostræ regulæ repetendæ sunt , excolantur . Quid ergo est reliquum , quam , ut morum Theologia , erigendo etiam , si expediens visum fuerit , Theologorum in hunc finem Collegio , suæ restituantur integritati , laxis , erroneisque opinionibus proscriptis ? Huc , BENEDICTE MAXIME , omnium bonorum vota conspirant . Hoc egregium facinus est a TE præstandum , quod & seræ Po-*

c

steritati

steritati NOMEN TUUM æternum commendabit, atque immensam TIBI gloriam in Cælo pariet.

Porro si qua Theologiæ pars est, quæ illustratione opus habeat, illam, quæ Monasticam versat Disciplinam, reformatione summo pere indigere, olim in Opere inscripto DISCIPLINA APOSTOLICO-MONASTICA palam ipse feci. Quantum enim splendoris ex eadem Disciplina optime instituta Romanæ Sedi, & Universæ Catholicæ Ecclesiæ accedat: Quantum contra detrimenti, & obscuritatis eadem collapsa patiatur illa, Tridentina Synodus amplissimis verbis declaravit. Quam vero inconcussa, quam luculenta sit Doctrina a me ibidem propugnata, oppido confirmant Scripta duo, videlicet VITA CLAUSTRALIS: & VINDICIÆ REGULARIUM: quæ adversus præfatam Disciplinam Monasti-

*cam prodire . Tot quippe erroribus , tot
laxis- sententiis scatent , ut non mea
modo , sed Universæ Ecclesiæ interesse
existimaverim , eadem magnâ , quo
ad fieri potest , efficacitate refellere ,
nulla Authorum , sed solius veritatis ,
ut antea consuevi , habita ratione . Si-
quidem adeo perspicua , atque evidens
est causa , quam orandam contra Ad-
versarios duos aggredior , ut animus
mibi fuerit illam TIBI BEATISSIME
PATER dedicare . Audax fortasse vi-
debitur consilium , quod ego exiguæ fa-
mæ vir tantam subire Majestatem non
reformidaverim : Sed evanescet cujusque
audaciæ nota continuo ac rationes , quæ
me ad id perpulerunt , indicavero . Sunt
autem hujusmodi . Nihil frequentius
in ore habere , nihilque ad speciem ca-
piofius solent illi , quibus mirior arri-
det vivendi ratio , quam Summorum Pon-
tificum, reique Monasticæ curanda Præfe-*

etorum, silentium, tolerantiam, & con-
ventiam in eo, quod spectat ad remissam
in Cœnobiis morum formam, obtrudere,
atque imprudentiæ, & phanatismi la-
bem illis aspergere, qui pro veritate de-
certant. Quæ commenta Heterodoxis
ansam Romanam carpendi Ecclesiam,
& imperitis laxius vivendi occasionem
suppeditant. Quibus omnibus ut pro
modulo meo occurrerem, Tribunal TUUM
adire non dubitavi. In hocce autem Ope-
re, quod Augustissimo Throno TUO si-
sto, non meam quampiam, non aliquorum
Doctorum singularem opinionem, sed
Concilii Tridentini Decreta, Summorum
Pontificum Decessorum Tuorum Consti-
tutiones, Patriarcharum omnium Re-
gulas, & communem Theologorum, at-
que Canonistarum Doctrinam propugno.
Quapropter in firmam erigor spem, ut
quo incredibili studio illa omnia pro-
moves, quæ amplificandæ, tuendæque

Reli-

*Religioni conducunt , eodem amplecti
velis hoc Scriptum , in quo Sedis Apo-
stolicæ adversus Novatores decus agi-
tur , & Monastica Disciplina splendor
a vanis interpretamentis asseritur . Ho-
minum mores ad Legum Præscriptum
conformari sepe nequeunt , quoniam Ani-
marum conversio Dexteræ Excelsi fru-
ctus est . At quid impedire Veritatis , sa-
niorisque Doctrinæ manifestationem va-
let ? Fulgeat itaque , sin minus ubique
morum Sanctitas , saltem ubique Doctri-
næ veritas . TU autem , BENEDICTE
DOCTISSIME , Sacerdotum Princeps ,
& Universæ Catholicæ Reipublicæ Ca-
put , ac Moderator , Sacrosancti Depo-
siti veritatum Evangelicarum cum Fi-
dei , tum morum Custos Supremus in-
stitutus es . TUÆ fidelitati , vigilan-
tiæ TUÆ , sacre Doctrinæ Thesaurum
concredidit Deus ipse custodiendum . Ne-
mini ergo , nisi TIBI PONTIFEX*

MAXI-

*MAXIME , hoc Opus offerre debui , ut
ad suum verum , Supremumque Judi-
cem causam deferrem , quam , pedibus
TUIS Sanctissimis provolutus , animo
obsequentiissimo protegendam , quatenus
veritatem continet , una cum ejusdem
Authore subjicio , dedico , consecro .
Vale .*

APPRO-

A P P R O B A T I O
R. A D M O D U M
P. P H I L I P P I
D E C A R B O N E A N O

Ord. Min. S. Francisci de Observantia.

DUO a Fratre Daniele Concina Ordinis Prædicatorum elucubrata volumina, unum scilicet Venetiis anno 1739. hoc titulo impressum: *Disciplina Apostolico-Monastica Dissertationibus Theologicis illustrata*: & alterum nondum in lucem editum inscriptum: *Defensio Decretorum Concilii Tridentini, & Apostolicarum Constitutionum Ecclesie Romanae in Causa Paupertatis Monastica adversus duos libros inscriptos: Vita Claustralis: & Vindicta Regularium*: Jussu Sanctissimi D. N. BENEDICTI XIV. legi, & diligenter examinavi, nec quidpiam offendi, quod vel ex Monachorum Regulis, Conciliorum Canonibus, Summorum Pontificum Bullis, & Sacrarum Congregationum Decretis deductum, aut celebriorum Theologorum autoritate confirmatum non sit, vel laudabilem non exhibeat Authoris zelum, qui in paupertatis causa, in qua vitium splendido quodam colore plerumque tegitur, imminens æternæ salutis periculum ante oculos ponit, hortatur, atque vehementi quandoque oratione, ut quisque sibi caveat, inculcat. Quamobrem opus utrumque Monachis omnibus perutile, & postremum luce quoque dignum existimo.

Romæ in Cœnobio Aracclitano Kal. Junii 1744.

*F. Philippus de Carboneano in eodem Cœnobio
Sacra Theologia Lector.*

APPRO-

A P P R O B A T I O

R. A D M O D U M

P. D. ANSELMII BORTOLETTI

*Monachi Casinensis Sac. Theol. Professoris, &
SS. Canonum Lectoris.*

Opus, cui titulus est: *Defensio Decretorum Concilii Tridentini, & Apostolicarum Constitutionum Ecclesie Romanae in causa paupertatis Monasticae adversus duos libros inscriptos Vita Clausstralis &c. Et Vindicta Regularium a F. Daniele Concina O. P. & S. Theol. Lect. Jussu Sanctissimi D. N. BENEDICTI XIV. diligenter examinavi, & nihil offendi, quod bonis moribus, aut fidei Orthodoxae contrarium sit: immo cum in ipso Cl. Author Monasticas Regulas, Conciliorum Canones, & Romanae Sedis Constitutiones ad Religiosam paupertatem pertinentes, illustret quam maxime, saluberrimasque Monachis omnibus proponat Regulas, ne in re gravissima, atque periculi plena decepti in transversum abripiantur; dignissimum illud existimo, ut publica luce donetur.*

Romae ex Aedibus S. Callisti Kalendis Martii MDCCXLV.

*D. Anselmus Bortoletti Casinensis S. Theologiae Professor, & in
Collegio Anselmo-Benedictino SS. Canonum Lector.*

DISSER-

PRÆFATIO.

I.



NEQUE dolendum nobis est, neque mirandum, quod *DISCIPLINÆ APOSTOLICÆ MONASTICÆ* scriptum continuo ac in lucem prodiit, utramque expertum fortunam sit, propitiam nempe simul, & adversam; quum sciamus novum haudquaquam esse, sed pervetustum, & consuetum, Evangelicam veritatem, quæ hominum cupiditati, & appetitionibus bellum denuntiat implacabile, nunquam mundi reprehensiones, censuras, odium, & invidentiam penitus evasisse. Clausralibus, quibus æternæ salutis negotium cordi est, probatum opus fuit, acceptumque. Quibus e contrario arridet peculii privati opinio, non aliter visum, quam ferox quædam legio, quæ populabunda, & ingentia anhelans spolia, Cœnobiorum penetralia invaderet, & scriniis expilatis, ac universo sublato patrimonio, eadem dirueret, soloque æquaret. Non secus isti ad præfatæ Disciplinæ aspectum commoti sunt, atque perterrefacti, quam si truculenti milites, districtis pugionibus, eorundem jugulum petentes inclamassent: Eja agite dum Clausrales: aut pristinam, quam professi paupertatem estis, amplectamini, aut pugionum istorum ictibus succumbendum. Hoc sub truci sane aspectu apparuit *Disciplinæ Apostolicæ Monasticæ* liber iis ipsis, qui nec intus legerant, nec de facie cognoverant.

II. Hic tamen non armatus, sed supplex: non minax, sed verecundus, & totus ad modestiam composi-

Tomo I.

d

tus

tus illorum subivit vultum. Nativam Evangelicæ Paupertatis imaginem refert, fūco posito. Quid vi Monasticæ Professionis agendum, quid omittendum sit ob oculos statuit, atque exponit. Non quampiam privatam opinionem plus iusto rigidam; sed doctrinam Conciliorum, Patrum, Pontificum, Theologorum, & benigniorum Casuistarum unanimi consensione firmatam propugnat. Nec propterea tamen ad illam, quam evincit paupertatem servandam, quempiam cogit, nemini vim infert; sed supplex deprecatur, ut, rejectis præjudiciis domo delatis, veritati ultro se se ingerenti mentis oculi aperiantur. Quid ergo tot rumusculos ferere, tot maledicta jaculari, si eadem, ac antea, & peculii retinendi, & honestis indulgendi solatiis facultas persistit? Siquidem aut vera doctrina est, aut falsa: si falsa refutanda: si vera, neminem invictum compellit; quia non alios, quam liberos assecclas in suam suscipit clientelam.

III. Bene omnia. At si Disciplinæ Apostolico-Monasticæ Opus libere incedat, fama dejicimur, violatæ professionis nostræ fontes postulamus, & mala, quæ cervicibus nostris imminet, ipsi præsentimus. Sacrum illud super Disciplina Regulari Collegium, novis forte, præter constitutas in laxioris Disciplinæ Claustrales, pœnis animadvertet, & ad ferendum observantiæ Regularis jugum vel invitos adiget, urgebitque. Quare, ut impendentium malorum radicem averruncarent, fœdere inito, qua literis, qua voce conclamarunt ad arma, mutuoque sese concitarunt ad pugnam. Consilia tenuere plura, sollicitarunt Principes Viros, nullumque non moverunt lapidem, ut Urbe, & agro librum extermarent. Et nisi viri sapientes, atque sanioris doctrinæ intrepidi assertores, & vindices, infracto pectore, intercessissent, vix extremam declinasset ruinam. His itaque frustra tentatis, arma capessere decreverunt, hoc ordine, ut principio e Palestra Neapolitana
erum-

erumperet subitaneus miles, alibi hastatis, triariiſque ad ſubſidium diſpoſitis, atque paratis.

IV. Sed quod admirationem affert extremam, eſt, me ejus generis naſtum adverſarios eſſe, quos confœderatos & habere debuiffem, & revera me habiturum exiſtimaveram. In Controverſiis, quæ Chriſtianorum mores ſpectant, cum *Probabiliſtis* nuper diſputatum, pugnatumque. Si alicui aggredi *DISCIPLINAM APOSTOLICAM MONASTICAM* licuiſſet unquam, id ſane *Probabiliſmi* Patroni jure ſibi aliquo vindicare poterant. Quam enim in alios, quidni & erga ſemetipſos benignitatem, miſericordiamque exercere, & pro eadem pugnare merito valent? Et tamen iſtorum nemo vocem exaltavit, nemo proſilivit in campum, nemo arma ſtrinxit. Quin plurimi eo in ſe ipſos ſeveriores, quo blandiores in alios, Opus, Doctrinam, conatum laudarunt, atque probarunt. Ex ſolis *ANTI-PROBABILIſTARUM* caſtris egreſſi ſunt adverſarii duo, quorum inſtituti ratio, doctrinæque Angelicæ jurata profeſſio, ſilentium ſaltem, & diſſimulationem ſuadere, & penitus abducere eos ab ejuſmodi conſlictu debuiffent. Quid, quod omni ſpectato jure, nec rectum illi hac in Controverſia judicium ferre, nec animo anticipationibus vacuo eamdem verſare queant? Enim vero fieri ne poteſt, ut qui a teneris unguiculis innutriti peculiis, privatiſque commodis ſunt, peculia damnent, aut eorundem pravitatem conſiteantur? Percurramus ſingulos hominum ſtatus. Si Artificibus operum ſuorum & pretia pro ingenio definire, & artificia, verſutiaſque ſuas a crimine purgare concederetur, quænam illæcita fraus eſſet, aut injuſtum pretium? Si de uſuris, de cambiis, de contractibus Theologicis inſtituere diſſertationes, & *VITAM MERCATORIAM* defendere Negotiatoribus datum eſſet, quinam contractus, quænam negotiatio, aut injuſtitix, aut uſuræ labere ſcaterent? Quoddam Caſtittatis periculum in Thea-

tris, in Choreis, si Poetis, si Comicis, & Cytharedis disputatio Theologica permitteretur? Quid si edaces de jejunio disputarent? Quid si Amatorculi de muliercularum illecebris, & lenociniis, deque earumdem promiscua consuetudine Morales scriberent Resolutiones? Improbarent ne Advocati, Politici, Bellatoresque professionis suæ stratagemata? Quæ omnia eo dicta pertinent, ut salva semper discriminis ratione, officioque erga Adversarios integro, perspicue pateat, lege omni & naturali, & divina, humanaque neminem esse æquum in causa propria Judicem. Ut quid ergo eruditi Adversarii crumenis lateri proprio hærentibus de suo peculio super Cathedram disputantes sedent? Pecuniarum marsupium, seu præjudiciorum spissum velamen prius ponant: post in arenam descendant, & Judicem personam induant, sustineantque. Verum non quod fieri debuisset, sed quod factum sit, enarremus.

V. Prodiit igitur Neapoli Anno MDCCXL. opusculum inscriptum *Vindiciæ Regularium in causa paupertatis Monasticæ*, quod volanti, nedum currenti calamo, se exarasse Author Lectorem admonet, ut rem non negligendam. Refutatione antehac dignum minime illud reputavi, quod sua exilitate propriisque gravissimis antilogiis sponte, nulloque contra pugnante, corruat. Si quidem, quænam insolentiora paradoxa, quam Claustrales minime profiteri paupertatem evangelicam, seu Apostolicam communitatem a Luca descriptam *At. 2. & 4.* sed aliam longe inferiorem, hominum nempe opinione inventam, quæ est ipsissima Novatorum calumnia? Quanam commenta adeo absona, quam privata Claustralium peculia pacem, & tranquillitatem fovere, caritatem, & sanctitatem sartam tectam custodire: & e contrario exactam rerum communionem lege præscriptam turbas ciere graves, jurgia concitare plura, concordiamque fraternam discindere? Et tamen hæc sunt *Vindiciarum* istarum principia prima: hi cardines, quibus universa

vol.

volvitur machina. Quamobrem vel ipso Adversariorum iudicio *Vindiciæ* istæ non vindicant, sed produunt peculii Monastici causam.

VI. Ad Triarios ergo res devenit. In Longobardia novus centurio classicum cecinit, spisso volumine, hoc eodem currente anno 1743. tres ab hinc menses emisso, hac grandiore insignito Epigraphæ: *VITA CLAUSTRALIS a Christo Salvatore exemplo atque hortatu inducæta, ab Apostolis more comprobata, & a SS. Patriarchis toto orbe propagata, ac diffusa, variis dissertationibus illustrata OPUS CRITICO HISTORICO THEOLOGICUM &c. Veronæ MDCCXLIII.* Nullum unquam aptius, concinniusque patellæ operculum. Universæ Operis Doctrinæ quam maxime titulus responder, nullusque sive congruentior, sive significantior occurrere poterat. Omnium quippe Historicorum consensione *Vita Claustralis* apud Mendicantes Fratres *Disciplinam* sonat *Relaxatam*, ut *Dissert. Prelim. cap. XII.* documentis adductis ostendam. Huic *Vitæ Claustralis* seu *Relaxatæ* Operi conando, poliendoque quinque & amplius annos Recentis Theologi dædavit industria, ne *volanti*, præcipitique calamo, uti *Author Vindiciarum*, causam proderet. Auxiliares, confederatosque socios variis in locis dispersos habuit ille: alios, qui animos facerent, & consilio juvarent: alios, qui codices, & pervetustas tabulas lustrarent, ut si quid peculio tuendo, promovendoque reperissent, sibi transmitterent seræ posteritati consignandum. In oppugnando porro hoste partim sub iisdem, cum suo Commilitone Magistro *Vindice*, vexillis, partim sub propriis, longeque diversis signis prælium instituit. Propugnat ille quidem, *Claustrales* paupertatem profiteri evangelicam, & Apostolicam bonorum communionem. Verum hanc privati peculii turgidam asserit: sua habuisse peculia a communi bonorum penu sejuncta contendit, non Judam modo, Ananiam, Saphiramque; verum etiam cæteros omnes Apostolici Collegii alumnos.

Pe.

Peculium a Christo propositum, in Evangelio exaratum, & solemnî ritu Deo nuncupari adfirmat Doctor eximius. Tam ingentem vero pecuniarum summam Mendicantibus Fratribus impertitur, ut victui, vestitui, argentæ supellestili, argenteis horologiis, honestis solatiis *intra, & extra Ordinem*, munerum largitioni, ludis, itineribus, & etiam pietatis operibus satis sit. Ipsum quæstionis statum perpetuo implicat. Documenta alia apocripha, alia in pravos sensus detorta obtrudit. Opellam cujusdam Raphaelis de Pornasio, quem ut Magistrum sequitur, enormi interpolatione corruptam exhibet, ut suo loco palam fiet.

VII. Hæc autem commenta incredibili ausu ambo Magistri propugnant. Ubique victoriam, & triumphum ostentant, & epicinium sibi pangunt: & tum maxime de supercilio loquuntur, altioresque induunt cothurnos, cum fractis cruribus, & capite, vix repere terra valent. Ambo non læsi, non provocati, manibus collatis, impotenter irruerunt in Disciplinæ Monasticæ Authorem, & tanta improperiorum, & calumniarum tempestate illum pessundant, ut nihil illiberalius excogitari queat. Magister *Vitæ Clausstralis* illum compellat hominem obscurum, mendacem (a) Ardelionem, (b) nugarum plantatorem, supinæ ignorantie plenum (c) hominem nugacem (d). Passim vero *Rigoristam*, & *Rigoristarum Aristarchum*. Author Vindiciarum illum traducit ceu *Zelotem declamatorem*, *Plagiarium*, *Pbanaticum*, *Regulariumque calumniatorem*. Eo malorum, hoc sæculo, perventum est, ut si jejuniorum, & pœnitentiæ corporalis leges tueamur, *Rigoristæ* æstutum audimus. Si *Probabilismi*, & *Rigorismi* extrema refellimus, a *Probabilistis* in suspicionem trahimur, aut *Jansenismi*, aut *Pbanatismi*. Si tandem Evangelicæ Paupertatis, & Monasticæ Dis-

Sci-

(a) pag. 410. (b) pag. 433. (d) pag. 436.

sciplinæ observantiam inculcemus, *Antiprobabilistæ* ipsi arma in nos retorquent, & *Rigorismi* larvam nobis affingunt. Quoniam pauci reperiuntur, qui domi sedere suæ iustitiam velint. Hæc tamen, quæ hæctenus indicavi, levia sunt, iis, quæ sequuntur, comparata.

VIII. Omnium calumniarum gravissima, non personam, sed doctrinam spectat. Ut Magister Claustralis invidentiam, odiumque extremum conflaret Disciplinæ Apostolico-Monasticæ, evulgare non reformidavit in ea doceri, nullo unquam in casu licitum peculium esse, neque ad *necessarios usus*, neque ex Superiorum permissu. Hæc quippe scribit laudatus Claustralis vel in ipsa præfatione pag. XVIII. *Contendit siquidem* (Author Disciplinæ Monasticæ) *quod nemo unquam dixit, Claustrales omnes exactam rerum communionem in solenni professione vovere, nullamque impertitam esse Prælati nostris vel minimum peculiariter indulgendi subditis suis facultatem, & peculio ad usus, quantumvis honestos, & Necessarios, accedente etiam Superioris permissu, & venia, uti, idem prorsus atque omnino esse, ac Evangelicam paupertatem, paupertatisque votum pessundare ac labefactare. Quis hæc audiens non moveatur, postquam noverit, nec Patriarchas Sanctissimos Claustralium Ordinum Institutores, nec Romanos Pontifices, nec Concilia id unquam voluisse, tantumque rerum communionem commendasse omnes; nec deesse inter Cœlitæ solenni Apotheosis Claustrales adscriptor, qui dum viverent, eam non exercuerint. Hoc igitur, quod in Daniele spongia dignum invenio, corrigo, atque emendo. Duæ in hoc textu imposturæ. Altera adversus Disciplinæ Monasticæ Authorem. Altera adversus SS Patriarchas, Pontifices, & Concilia. Utraque paucis expendamus.*

IX. Ad primam quod attinet. Si Disciplinæ Monasticæ Author in nullo unquam eventu licere peculium, neque ad *necessarios usus*: atque adeo in peccato, eos omnes versari, qui iusta occurrente causa peculio utuntur.

tuntur, doceat, nemo illo ignorantior, nemo demen-
tior. Si autem ab ejusmodi erroribus innocens ille sit,
quas luere pœnas debeat Magister Claustralis, cæteri
judicent. Age porro. Quem tantorum criminum testem
allegat. eruditus Adversarius noster? Nullum prorsus.
Non ne ingenui, honestique viri erat verba transcribere,
quibus Author Disciplinæ Monasticæ objectos er-
rores dixerim, an deliria, defendat? Cur saltem locum
non indicavit, & paginam? Cur in universo Vitæ
Claustralis Opere repetit has imposturas, & nullibi
aut verba transcribit, quibus id asseratur, aut locum
aliquem designat, in quo ejusmodi reperiantur errata?
Quid si errores isti gravissimi in tota Disciplina Mo-
nastica non occurrerent? Quid si nec vestigium talium
errorum appareret? Quodnam tunc enormi calumnia
dignum supplicium? Quam subiret Magister Claustra-
lis infamiam? Verum enim vero, quid si non modo
errores isti in universa Disciplina Apostolico-Monasti-
ca non apparerent, verum etiam, non in uno, sed
pluribus in locis, conceptis verbis, & non obiter, sed
ex instituto confutarentur, & contraria doctrina pro-
pugnaretur? Hoc autem evincam infra *Dissert. I. cap.*
XII. item Dissert. III. cap. III. ubi, ex professo atro-
cissimam calumniam propulsabo. At quia Magister
Claustralis vel in ipsa præfatione tam immanes mihi
affingere imposturas non dubitavit, e re mea existima-
vi easdem in hac ipsa præfatione obiter refellere, &
earumdem admonere Lectorem, ut si quod ex præsa-
tis criminationibus præjudicium adversus Disciplinæ
Monasticæ Authorem concepit, antequam causam le-
gat, deponat.

X Oro itaque, obtestorque Lectorem, ut Discipli-
nam Apostolico Monasticam legat *Dissert. I. cap. V.*
pag. 19. & 20. ubi conditiones pro licito peculii usu
describuntur his verbis. *Peculii notione paucis exposita,*
conditiones, quas pro illius honesto usu Theologi, & Cano-
nisti

nistæ UNANIMI CONSENSIONE observandas præscribunt, recensentur. N. III. Hæc sunt pro LIGITO peculii Monastici usu conditiones, quas communiter præscribunt Theologi Istarum conditionum infra sæpius recurret sermo, & ex earum neglectu & transgressione, proprietatis crimine infectos non paucos demonstrabimus. Legito quæso Diff. 2. cap. 1. pag. 84. & 85. ubi fuso calamo status quæstionis exponitur, & varia Theologorum placita explicantur. Loco primi principii constituitur, Regularibus licitum esse peculii usum, legitima urgente causa. Pauca ex multis transcribo. Num. I. Quandoquidem, quia non peculiarem opinionem nostram, cui minime in tanto negotio fideremus, sed communem doctorum sententiam propugnaturus spondimus, ideo Theologorum sensa enucleatius aperienda sunt. N. III. Ut igitur prudenti, solidoque criterio hæc Theologorum placita discutiantur, quæ pene omnes extra disputationem posita sunt, exponenda. In primis fatentur omnes, vitam communem severissimo præcepto impositam esse Regularibus. Unanimi pariter consensu ad hanc vitæ communitatem suscipiendam animo paratos esse debere Regulares, immo pro viribus adlaborare, ut introducatur, fide sit, adfirmant. CERTUM quoque apud OMNES est, Regularium professionem CONTRACTUM quendam esse solemnem ritu peractum, in quo Religiosus perpetuam spondet paupertatem, non quamcumque, sed eam, quam propria Regula præscribit ET RELIGIO VICISSIM EODEM VINCULO sese obstringit, vitium, & vestitum, omniaque necessaria Religioso præstituram. SICUTI AUTEM IN QUOLIBET CONTRACTU UNA DEFICIENTE PARTE, DEFICIAT QUOQUE ALTERA NECESSE EST; ITA SIMILITER, SI RELIGIO IN VICTUS, ET VESTITUS PROVISIONE DESIT OFFICIO SUO, ILLICO IN RELIGIOSO PROFESSORUS ORITUR NATURÆ QUEMLIBET ANTECEDENS CONTRACTUM, VICTUM, ET VESTITUM

PROPRIO PECULIO COMPARANDI. Quis vel benigniorum Casuistarum clarius licitum peculii usum docuit, rationemque validiorem, cur peculium liceat Regularibus, iusta occurrente causa, assignavit?

XI. Hæc doctrina, quæ est unum ex primis totius systematis Disciplinæ Apostolico-Monasticæ principiis, recurrit per universum Opus. Eam iterum legito *Disser. IV. num. 1. pag. 162.* Enim vero sustentandæ naturæ urgens necessitas nullam agnoscit legem, immo omnem legem antecedit. Quamobrem deficiente communi provisione, naturali jure quisque obstringitur ad ea sibi comparanda, quæ suæ sustentationi necessaria sunt. Brevi igitur respondeo, præceptum communitatis baudquaquam urgere, vera extante inopia, quæ necessariam victus, & vestitus subministracionem impediat. Impossibilia enim Deus non præcipit. Quid ultra vales a me repetere, qui, vera existente Monasteriorum egestate, intuam manibus, pedibusque concedo sententiam? Legito pag. 171. ubi iterum eadem repetitur Doctrina. Ostendimus ex ipsissimis Navarri verbis, perdoctum virum non aliud defendisse peculium, quam illud, quod, iusta exigente causa, conceditur. Justam perro causam asserit evidentem necessitatem technis semotis, & fictionibus. Quæ necessitas, utpote naturalis alendæ vitæ, quamlibet antecedit positivam legem Duo itaque penes omnes authores certissima sunt. Primum, ad exactam communitatem ex gravissimo præcepto teneri Regulares omnes. Secundum, solam necessitatem non fictionem, non voluntariam, sed veram ab hujusmodi præcepti vinculo solvere. Consule Navarrum, Passerinum, Calderinum. Iterum percurrere sequentem pag. 172. in qua universa Disciplinæ Monasticæ doctrina paucis peritringitur. Num. III. Dicimus, omnes tum Theologos, tum Canonistas, ipsosque benigniores Probabilistas manibus pedibusque in nostram concedere sententiam. Quandoquidem omnes peculium permittunt solum in hypothese veræ necessitatis, pluribusque adjectis limitibus, QUOD ET NOS

IMPERTIMUR. Nobiscum omnes damnant peculium, nullis definitum terminis, nec usus, nec temporis, nec quantitatis. Nobiscum omnes adfirmant, Prælatos Regularium teneri ad hanc tollendam necessitatem, victum, & vestitum de communi ærario, si fieri potest, subministrando, nisi grave timeant scandalum. Nobiscum tandem concludunt, subditos peccare mortaliter, verosque esse proprietarios, cum Prælati communitatem inebere conantibus resistunt. Singulas propositiones ad severum criterium exi-ge, & si vel unam minus consistentem inventris, victoria tua esto. Si plura cupis, consule infra *Diff. 1. cap. 12. item diff. 3. cap. 3.*

XII. Non modo igitur *Discipline Apostolico Monasticæ* Author licitum peculii usum, iusta urgente causa, defendit, sed etiam Trithemii, Dionysii Carthusiani, Gersonii, Fagnani, aliorumque Doctorum sententiam, quæ cujusdam rigoris speciem præferre imperitis videtur, ea majori, qua fieri potest, benignitate, interpretatur, communemque Theologorum doctrinam propugnat, ut legenti *Disciplinam Apostolico-Monasticam diff. 1. cap. 1.* constabit. Hinc sponte corrui altera non minus enormis impostura, videlicet omnes laxioris *Discipline* Professores juxta nostram Doctrinam damnatos esse. Quæ pariter calumnia *loc. cit. diff. 4.* quatuor integris ultimis capitibus profligata est. Hæc cum ita perspicua, & luculenta sint, qua via *Vita Clausstralis* a nota libelli famosi liberabitur? In re adeo aperta, obvia, & in propatulo constituta, Publico imponitur? Nullus Litterariæ Reipublicæ respectus, nulla proprii decoris ratio a tam evidenti vulganda falsitate abstergere Adversarium potuit? Duæ recensitæ imposturæ singulis fere paginis *Vitæ Clausstralis* repetuntur. Easdem evulgavit *Professor Regius* in suis *Vindictis Regularium*. Neuter vero tanti fuit, ut ex universa *Disciplina Apostolico-Monastica* vel unam propositionem propriis Authoris verbis conceptam decerperet. Revolvantur integra duo volumina

Vindictarum, & Vitæ Clauſtralis. Si vel unica periodus e Diſciplina Monaſtica tranſcripta inueniatur, quæ aut errorem, aut nimium rigorem præferat, ſponte cadere cauſa velim. Porro duo Volumina emittuntur in lucem aduerſus præſatam Diſciplinam, & nec unica periocha opponi valet cenſura digna? Pro ingenio dumtaxat erroneæ opinionones proximo aſſinguntur? Deberent heinc aliquo ſenſu affici, ne dicam pudore, plures utriuſque Magiſtri Aſſectæ, & Fautores, qui Religioni minime ſibi vertunt conſutatas fabellas in vulgus ſpargere, eadẽdemque illorum auribus inſuſſurare, qui ob negotiorum molem legere libros nequeunt, & calumniam deprehendere, qui denique labem Rigoriſini Diſciplinæ Monaſticæ aſpergere, eidẽdemque ultimas parare inſidias non erubescunt.

XIII. Antequam alteram perſtringo impoſturam, ſub oculos iterum veniat Clauſtralis noſtri ultima citati textus pars. *Quis hæc audiens non moveatur, poſtquam uerit, nec Patriarchas Sanctiſſimos Clauſtraliũ Ordinũ Inſtitutores, nec Romanos Pontifices, nec Concilia id unquam voluiſſe, tantumque rerum communionem commendafſe omnes, nec deeſſe inter Cœlites ſolemni Apotheoſi Clauſtrales adſcriptos, qui dum viverent, eam non exercuerint. Hoc igitur, quod in Daniele ſpongia dignum inuenio, corripi, atque emendo.* Mendum prius deſignare, non fingere debebat, ut ſpongia illud delere poſſet. Nos vero illius graviffimum mendum in laudato textu contentum deſcripſimus, & ſeuera plectendum cenſura illis, quorum intereſt, ſubjicimus. Neque Patriarchæ Sacrorum Ordinũ Inſtitutores, neque Pontifices, neque Concilia bonorum communionem præcipiunt? Hanc Bonorum communionem tantum commendant? Nullum eſt iſtius communitalis præceptum, ſed conſilium dumtaxat? Hic eſt primus, & capitalis *ERROR* Vitæ Clauſtralis, unanimi Theologorum, atque benigniorum, imo laxiorum Cauiſtarum authoritate improbatuſ. At, inquit, *inter*
Cæ.

Cœlites solemnī Apotbeesi adscripti sunt Claustrales, qui dum viverent, eam communitatem non exercuerunt. Pe-regregia sane argutatio. In Sanctorum albo adscripti sunt, qui repentina correpti morte, absque Sacramentis Pœnitentiæ, & Eucharistiæ decesserunt: ergo nulum est utriusque Sacramenti suscipiendi præceptum. Hæc est perpetua utriusque Adversarii hallucinatio, ut in hoc Opere fufius palam fiet. Claustralium plures, iusta occurrente causa, vel quod de communi Cœnobiorum penu necessaria ad victum, & vestitum non porriguntur, vel ob aliud grave momentum, quod bonum publicum spectet, bonorum communionem non servant, sed peculium iustis terminis circumscriptum iuste, & licite retinent. Ergo infert Magister *Claustralis* cum suo Commilitone Magistro *Vindice*, nulla est lex, quæ vitam communem præcipiat, præceptum nulum, quod peculium vetet. Quæ argumentatio, si consisteret, actum, conclamatumque de legibus omnibus positivis, tum divinis, tum humanis esset. Animo porro adeo fidenti hanc communitatis exactæ legem pernegat Magister uterque, ut manifesti erroris expostulet quemcumque, qui pro ejusmodi lege decertat. Quamobrem certamen subire cum istius generis Adversariis detrectabam, quod iustitia, & ratione destituti, arte, & imposturis agere causam studeant.

XIV. Quæ igitur ad scribendum animum compuleret? Duo, eaque gravissima. Unum, ac potissimum est, Concilii Tridentini, & Romanæ Ecclesiæ Constitutum ab ineptissimis commentis, & ab iis, quæ heinc profluunt, offendiculis, iustissima vindictio. Tam quippe compertum, exploratumque est, *Vindictas Regularium*, & *VITAM CLAUSTRALEM*, deridendum propinare Romanæ Sedis praxim, legesque tum in Concilio Tridentino, tum in Pontificiis Constitutionibus rogatas, sibilis, & cachinnis tum catholicorum, tum hæreticorum exponere; quam evidens est, solem lucere me-

meridianum. Et quamquam hoc vel sub initium Dissertationis *Preliminaris* ostensurus sum, tamen, quia Author Clausalis in ipsa sua præfatione plenis buccis pernegat, SS Patriarchas, Concilia, & Pontifices præcipere bonorum communionem, ut ex allato textu patet, operæ pretium existimo quidquam eorum, quæ fuscè dicturus sum, cursim delibare. Ajo itaque, nullum in universo Tridentino Concilio Decretum quidquam evidentius in morum Disciplina aut præcipere, aut vetare, quam Decreta 1. & 2. *Sess. XXV.* jubeant bonorum communitatem Regularibus, vetentque peculium. Ajo, nullam ex omnibus Pontificiis Constitutionibus magis perspicue, luculentiusque aliquam virtutem præcipere, aut vitium damnare, quam Constitutio LX. Clementis VIII. communionem bonorum a Tridentino præscriptam confirmet, novoque mandato jubeat, improbetque peculium, & omnia excogitata in ejusdem defensionem sophismata. Quod ut sub oculis obiter constituam, animadverto, Romanam Sedem ea ultima, extremaque, in causa communitatis, & peculii Monastici dirimenda, adhibuisse remedia, quæ in gravioribus Fidei controversiis secundis executioni demandavit. Facta cum factis conferamus, quæ his ultimis temporibus in utraque causa, toto spectante Catholico Orbe, contingere. Pervium nobis est in Fidei negotio exemplum. Urbanus VIII. peculiari Constitutione anno 1641. *Augustinum* Jansenii proscripsit. Dissidiis exortis, Innocentius X. quinque propositiones, ex eodem decerptas libro, damnavit. Novis erroribus super eisdem propositionibus serpentibus Alexander VII. **FORMULARIUM** Fidei subscribendum transalpinis præscripsit anno 1665. illudque posteriores Pontifices, damnato obsequioso silentio, confirmarunt, ejusdemque subscriptio in dies obtinet. Huic institit viæ Romana Sedes in causa nostra. Concilium Tridentinum, ut anteriora fidei, novis Decretis & communitatis observantiam præ-

præscribit, & peculium vetat. Eludere vanis interpretationis Concilii Decreta tentatum. Clemens VIII. Constitutione lata anno 1599. tanta perspicuitate, qua majorem in quacumque morum controversia nulla Pontificia lex præfert, communitatem à Tridentino præscriptam confirmat, vetatque peculium, cavillis, & excusationibus sublatis. Clementis Constitutionem confirmarunt Paulus V. Urbanus VIII. Innocentius X. Alexander VII. Innocentius XI. Et tandem Innocentius XII. non modo Præcessorum confirmavit Decreta, verum etiam *FORMULARIUM* in hac causa instituit, illudque suæ Constitutioni datæ anno 1695. inseruit *sacro jure jurando* subscribendum ab omnibus Regularibus, qui facultatem recipiendi ad professionem juvenes impetrare volunt. Accedit, quod Sacrum Purpuratorum Patrum Collegium super Disciplina Regulari nuncupatum erexit. Sacræ istius Congregationis partes sunt, vocem adversus peculii, & relaxationis corruptelam exaltare, & clamare, *ne vano falsoque silentii nostri prætextu*, inquit Pontifex Summus in sua Constitutione infra danda, excusare se quisquam valeat. Istius quoque Congregationis est, Regularibus facultatem suspendere recipiendi ad Monasticam Professionem juvenes, nisi prius solemniter juramento laudato *FORMULARIO*, exactæ communitatis servandæ in professionis emittendæ Cœnobiis, subscribatur. Singulis bienniis testimonium *sacro jure jurando* firmatum præfatæ Sacræ Congregationi exhibent reapse Claustrales, testantes in præfatis Cœnobiis exactam bonorum communionem secundum Decreta tum Concilii Tridentini, tum SS. Pontificis Clementis Papæ VIII. vigere.

XV. FACTUM istud non minus URBI, & ORBI compertum exploratumque est, quam Romam extare. Et in tantæ lucis conspectu Magister *Vitæ Claustralis*, ejusque antesignanus Author *Vindiciarum* libris typis editis vulgare audent, neque Concilium Tridenti-

tinum, neque Clementem VIII. neque Romanam Sedem bonorum præcipere communionem, peculiumque vetare? Qui negaret, Urbanum VIII. proscriptis Jansenii librum, aut Innocentium X. damnaſſe quinque propositiones, aut Alexandrum VII. Formularium in eadem materia ſubſcribendum inſtituiſſe, non ne potius tanquam ſana deſtitutus mente commiſerandus, quam ſevera plectendus cenſura foret? Quæ ergo in eos dicenda ſententia eſt, qui non modo negant, Tridentinum Concilium, Clementem VIII. Paulum V. Urbanum VIII. Innocentium XII. præcipere exactam rerum communitatem; verum etiam nos, qui oppoſitum defendimus, ceu Rigoriſtarum Ariſtarchos, atque Clauſtralium diſſamatores traducunt? Nullus nunc dubito, quin ſatis quiſque intelligat, quam grave ſit, urgensque momentum, quod me ad hanc adornandam ſpartam compulſit, & quam opportune Opus iſtud inſcripſerim: *DEFENSIO DECRETORUM CONCILII TRIDENTINI, ET APOSTOLICARUM CONSTITUTIONUM ROMANÆ SEDIS.*

XVI. Alterum, quod calcaria ad cauſam hanc graviffimam vindicandam addidit, eſt Ordinis, quem Adverſarii profitentur, & Regularium omnium, non ficta, & arbitraria, ſed vera, pia, & neceſſaria propugnatio. Ad illorum Ordinem quod attinet, jam inde uſque a nativitate ſua ſanioris Doctrinæ ſpiritus imbibit, temporis decurſu illum aluit, ſibiſque veluti ex aſſe hæreditatem aſſeruit. Pro hac unica cœleſti Doctrina, tanquam pro aris & focis calamo, voce, ſanguiniſque effuſione, quinque & amplius ſæcula decertavit. His ultimis temporibus adverſus luxuriantium ingeniorum *NOVUM OPINANDI MODUM* recens inventum, & ab Alexandro VII. & Innocentio XI. improbatum, eorundem Pontificum hortatu, & juffu calami ſtrinxit. Verum enim vero ſimul atque in lucem prodierunt *Vitæ Clauſtralis* laxiſſimæ opiniones,
con-

continuo sequentes resonare Probabilistarum voces ipsi audivimus. En bellulas, inquiebant, Antiprobabilistarum in causa propria sententias? Ecce severissimas domesticæ Moralæ Regulas? En quo tandem recidat sæculi nostri, quem vocant, Rigorismus? Pro domo sua, non minus probabiles modo, & benigniores, sed laxiores, improbables, erroneasque promovere sententias: alienis vero cervicibus onera gravissima immitti severitate imponere. In Christianorum formandis moribus Auræ ætatis Legis Evangelicæ disciplinam exaggerant. Antiquorum Canonum, Patrum, & Conciliorum Regulas inculcant. Ut autem Monastica solatia, diverticula, commoda, & peculia cœnobitica, honesta, licita, & sancta propugnent, primi Christianismi sæculi disciplinam adulterant, solatiis indulgisse, & sua privata habuisse peculia vel ipsos primævos Apostolici Collegii alumnos, communi Patrum choro clamante, velis, remisque defendunt.

XVIII. Hæc & alia longe graviora, non sine magna veritatis specie, Probabilistæ regerunt in Antiprobabilistas, atque adeo in Ordinem, quem isti profitentur. Illum ut ab hac asseramus nota cum Augustino respondemus: *Nemo vos fallat Fratres, si non vultis falli, & vultis amare Fratres. Scitote, omnem professionem in Ecclesia Dei habere fictor. Non dixi omnem hominem esse fictum, sed omnem professionem habere fictas personas.* (a) Iraque Antiprobabilistas ejusmodi, tameris ejusdem professionis, rejicimus: quin addimus, hanc esse Ordinis istius prærogativam, non minus domesticorum, quam exterorum aberrationes refellere. Nam (ut inquit Ambrosius Catharinus in Præfatione Annotationis adversus Cajetanum ad Generalem O. P. Joannem de Finario) *gloria Ordinis, si vera queratur,*
Tomo I. f a glo.

(a) in psal. 99.

a gloria Dei non secernitur. Ille potius gloriam effuscat, qui in Ordinem falsas doctrinas, ac peregrinas inducit: non is qui jam inducitur, ne quis ab eis fallatur, sedulo detegit, & officiose demonstrat. Ne ergo quispiam impostero præfato obiectare Ordini ex horum Pseudo-antiprobabilistarum autoritate opinionum laxitatem valeat, nos omnium primi illos refutandos duximus, tamquam de Ordine proprio, & de Regularibus omnibus male merentes. Ecquam, enim vero, atrociorum inurere universæ Regularium Societati notam poterant Authores isti, quam litteris prodere, Mendicantes Fratres, qui ex eleemosynis vivunt, qui crebra jejunia, qui abstinentiam a selectioribus epulis fere perpetuam, vestiumque asperitatem profitentur, tot retinere pecunias privatas, quibus præter victum, & vestitum, valeant & oblectamenta extra Ordinem captare, & murerà elargiri, & ludis vacare, & itinera arbitraria arripere? Quamnam exitialiore infamiae labem aspergere sanctissimo Mendicantium Cœtui poterant, quam loco paupertatis Evangelicæ adscribere eas delicias, commoda, pecunias, blanditiasque, quibus vix mundani homines fruuntur? Ut igitur & Ecclesiam, & proprium Ordinem, & Regulares omnes a tam gravibus injuriis vindicarem, calamum acui. Et sane adeo urgentia sunt indicata, quæ me in campum apparere momenta coegerunt, ut si tacerem, atque dissimularem, non patientia christiana esset, sed veritatis proditio: non prudens silentium, sed officii prævaricatio. Consentire quippe videtur erranti, qui ad resecanda, quæ corrigi debent, non occurrit, inquit S. Gregorius in caput consentire dist. 86.

XVIII. Disputationis autem susceptæ hæc erit methodus. Antequam causam ingredior, singulares Adversariorum aberrationes, quæ communi causæ extraneæ sunt, ante oculos statuo. Destinaveram duo præmittere prolegomena, in quibus utriusque Magistri errata

rata

rata refellerem. Verum hæc multa cum fiat, ne plus justo in limine detinerem lectores, consilio mutato, in Operis calcem Dissertationem adversus errores *Vindictiarum* rejeci, & singulares gravioresque *Vite Clausularum* in una *Preliminari* Dissertatione collectas refutavi aberrationes. Errores utriusque Magistri propriis illorum ipsorum verbis rescripti, & ut quælibet iisdem imponendi, invidiamque creandi suspicio in antecessum amoveatur; atque, ut illi discant viam, rationemque, quam servare debent, dum in aliorum sententias censuras inurendas suscipiunt. Opus vero, in quo communis peculii Monastici, & exactæ communitalis causa agitur, in Dissertationes quinque tributum est. Quo animo hanc causam susceperim, in ejusdem tractatione testari curabo. Utriusque Adversarii Nomina alto obvolvam silentio, ut compertum fiat, adversus, non personas, quas colo, suspicioque, sed laxitatem, & errores, quos unice execror, mihi esse colluctandum. In id studium meum referam, ut omnes intelligant, non modo causæ æquitate, & cordis sinceritate, sermonisque candore me esse superiorem; verum etiam in servandis modestiæ, lenitatis, & patientiæ regulis constantiorem. Cavebo, ne qua vox aut contumeliosa, aut plus justo asperior calamo excidat, nisi quam vel accusationis iniquitas, aut causæ magnitudo extorserit. Occurrent, non inficior, non pauca, quæ utriusque Magistri animos pungent, & forte lancinabunt; non tamen verborum asperitate, sed veritatis stylo, & quæ illi ipsi obtrudere, ut sibi regererentur. Sciant etiam, me nec reperturum fore voces novas, ut communes rerum notiones exprimam: nec omisurum usitatas cum veritatis dispendio, ut id evitem, quod eis displicere potest. Sed errorem, errorem, calumniam, calumniam, lignonem, lignonem vocabo. Quod si tandem veritatis defendendæ amor, aut sanioris doctrinæ propugnandæ studium, quidquam aut acrius, aut severius, præter animum,

num, extorserit, recogites velim, causam hanc esse non eruditionis, sed doloris : non contentionis, sed pietatis : non terreni negotii, sed æternæ salutis. Causa est, cujus aut voluntaria ignoratio, aut injusta defensio, omnium infortuniorum extremum, æternam videlicet damnationem parit. In hoc certamine alterutram errare partem necesse est. Fieri vero nequit, ut utraque salva consistat; sed alterutram æternum perituram consequitur. Si ergo in tamformidabili, funestoque discrimine interdum vocem exaltavero, ut obtusas Adversariorum aures vellicando excitem, indulgentiam, & veniam summa rei gravitas mihi conciliare, atque continere debet. Vale.

I N D E X

Capitulum, & Paragraforum Tomi Primi.

DISSERTATIO PRIMA.

C A P U T I.

A *Postolica Romana Ecclesie sollicitudo in Disciplina Monastica integra custodienda. Decreta & Constitutiones, quae pro asserenda exacta rerum communitate perpetuo edidit.* Pag. 1

C A P U T II.

Specimen Doctrinae Operis inscripti VITA CLAUSTRALIS. 9

C A P U T III.

Suscepta pro Romana Ecclesia defensionis necessitas. 14

C A P U T IV.

ERROR PRIMUS

Vitæ Clausuralis.

In Apostolico Collegio nec perfectissima, nec perfecta rerum communitas obtinuit. 16

C A P U T V.

ERROR SECUNDUS

Vitæ Clausuralis

Peculii privati corruptela serpebat in Apostolico Collegio Hierosolymitano. 25

C A P U T VI.

ERROR TERTIUS

Vitæ Clausuralis.

Contendens tanta certitudine demonstrari, peculium jam inde ab Apostolis ad

xlij INDEX CAPITULORUM,

ad hac usque tempora perenni saeculorum omnium traditione obtinuisse penes *Claustrales*, quanta demonstrantur Dogmata Fidei. A Christo commendatum peculium, in Evangelio exaratum, & solemnī professione Deo nuncupari defenditur.

23

CAPUT VII.
ERROR QUARTUS

Vitæ Clausstralis.

Præceptum exactæ communitatis nunquam ab Ecclesia latum contendit. Constitutionem Clementis VIII. equiti comparat, qui desultorios equos dextrorsum inflectit, & sinistrorsum. Ut Fabellam, Monstrumque ingens huic præceptum sibilat, execraturque.

31

CAPUT VIII.
ERROR QUINTUS

Vitæ Clausstralis.

D. Patriarcham Dominicum suis Fratribus peculium, D. Augustinum suis Monachis exactam communitatem præscripsisse ait. Patriarcha Gusmanus a calumnia vindicatur.

33

CAPUT IX.
ERROR SEXTUS

Vitæ Clausstralis.

Tria peculiorum genera adeo ampla Mendicantibus Fratribus impertitur, ut, præter honestos necessariosque usus, satir sit ad solatia, ad recreationes, ad horologia argentea, arculas argenteas, ad lidos pecuniarios, aliæque id genus habenda.

P E.

PECULIUM PRIMUM NECESSARIUM. 37

PECULIUM SECUNDUM VOLUPTARIUM. 39

PECULIUM TERTIUM pro suppellectili argentea
Fratrum Mendicantium. 40

PECULIUM QUARTUM pro ludis pecuniariis. 45

C A P U T X.

ERROR SEPTIMUS

Vitæ Claustralis.

*Descriptum peculium asseritur ab Authore Claustrali eeu primum Monastica
Sanctitatis fundamentum, & Sacrorum Ordinum propugnaculum. Nihil
eum paupertatis voto commune habere ait bonorum communionem.* 47

C A P U T XI.

ERROR OCTAVUS

Vitæ Claustralis.

*Observantiam Disciplinæ Regularis in sola arbitraria indulgentia, aut rigore
Prelatorum constituit. Extrema laxitatis error Probabilistarum austeri-
tate labefactatur.* 52

C A P U T XII.

*Epocha certissima inuelli peculii, & relaxationis Disciplinæ in Mendi-
cantium Ordines. Omnia ad unum Historicorum auctoritate fabulosa
VITÆ CLAUSTRALIS commenta repelluntur. Quam apprimè Opevi
congruat ejusmodi Titulus Vita Claustralis.* 64

C A P U T XIII.

*CALUMNIA TRIPLEX Disciplinæ Apostolico-Monasticæ Authori im-
pacta: Altera Rigoris: Altera, quod insinaverit omnes collapsæ Di-
sciplinæ Claustrales, damnatos illos asserendo. Tertia, quod Authorem
textus truncaverit.* 76

C A.

xliv *INDEX CAPITULORUM,*
C A P U T X I V .

*Utriusque Magistri Claustralis, & Vindicis Antiprobabilissimus cum eorum
laxis opinionibus comparatus. Aut Vitam Claustralem, & Vindicias ,
aut Antiprobabilissimum retrahent, necessum est.* 85

C A P U T X V .

*Necessitas gravissima prescribendi laxas opiniones in materia paupertatis Mo-
nastica, & posissimum duos libros: Alterum inscriptum VITACLAU-
STRALIS &c. Verona editum hoc anno 1743. Alterum Vindicix Re-
gularium &c. typis eusum Neapoli anno 1740.* 89

C A P U T X V I .

Epilogus istius Dissertationis.

DIS-

DISSERTATIO SECUNDA

DE LEGE

Regulares ad exactam rerum communitatem
cujusque peculii expertem obligantem.

CAPUT I.

Status questionis. Aberrationes perpetue, & sophismata, quibus causam
explicant. Puncta quæ ad dirimendam causam probanda sunt. 101

CAPUT II.

Notio exacte communitatis a Regularibus servandæ. Magister Vindicia-
rum affirmat, communitatem Apostolicam immunem esse ab omni pecu-
lio: sed negat Monachos & Mendicantes Deo adpromittere hanc pau-
peratatem. Magister Vitæ Claustralis adfirmat, Claustrales spondere com-
munitatem descriptam a Luca in Act. cap. 2. & 4. Sed simul docet,
Alumnos Apostolici Collegii sua habuisse privata pecunia. Ambo errores
castigantur. 109

CAPUT III.

Notiones domini, usufructus, ususfacti, certi, & incerti. Adversariorum
vota interpretamenta. Capacitas, quam ad dominium retinent Jesuitæ,
quos scholares vocant, non impedit quominus sint veri Religiosi. Com-
munitum Magistri Claustralis refellitur. 118

CAPUT IV.

Notiones Proprii, & Peculii. 125

CAPUT V.

Regulares vocantes paupertatem Monasticam, vocent exactam communita-
tem peculii vacuam. 134

xlvj *INDEX CAPITULORUM,*

§. I.

*Demonstrationes duæ, quibus evincitur, vi voti Regulares teneri ad exactam
communitatem.* 134

§. II.

Responsa Magistri Vindiciarum. 138

§. III.

Responsa Magistri Vitæ Clausralis seipso corruptum. 141

C A P U T V I.

*Vi gravissimi præcepti astricti sunt Regulares exactæ communitati peculio va-
cua.* 147

§. I.

Regule Monachales omnes sub præcepto imponunt communem vitam. 148

§. II.

Singularia Magistri Vindiciarum, & Vitæ Clausralis Responsa. 150

§. III.

*Communia utriusque Magistri Vindicis, & Clausralis commenta, V. Hum-
berti, & Turccremata auctoritate falso nixa.* 151

§. IV.

*Venerabilis Humbertus exactæ communitatis Præceptum in Regula Augu-
stini contineri conceptis verbis docet, & probat. Peculia, deposita que-
que, vestiarium in pecunia collatum, ut sacrilegio proprietatis inquinata,
exccratur. Bona fides Adversariorum in illius interpretatione.* 159

§. V.

§. V.

Cardinalis de Turre Cremata vi gravissimi præcepti exactæ rerum communitati adstrictos esse Regulares docet. Quin addit, teneri RR. Magistros adversarios, si degant in Conventibus, ubi peculia serpent, petere eo, ubi exacta servatur communitas. 165

§. VI.

Cardinalis Joannis Dominici, S. Antonini, Gersonii, Trithemii, Christiani Lupi, Donati, aliorumque Theologorum unanimi consensione, Regula Augustini, & Benedicti sub gravissimo præcepto exactam communitatem præscribunt. 170

§. VII.

CONSECTARIUM

In quo Adversariorum effugia vana esse compertum est. .173

CAPUT VII.

Communis omnium fere Theologorum, & graviorum Canonistarum sententia etiam ante Concilium Tridentinum negat, licitum esse Superioribus Regularium permittere subditis suis peculium. Omnium Canonistarum, nemine excepto, falsa est Magistri Vindicis, & Magistri Claustralis opinio. 174

CAPUT VIII.

Concilii Tridentini Decreta, & Summorum Pontificum Constitutiones exactam communem vitam præcipiunt: peculium quodlibet, siue depositum, siue censura vitalitium prohibent. 180

§. I.

Primum Tridentini Decretum, quo præcipitur vita communis ut basis Disciplinæ Regularis. ibid.

xlviij INDEX CAPITULORUM,

§. II.

Secundum Tridentini Decretum, quo peculium cuiusque generis vetatur. 181

§. III.

Tertium Tridentini Decretum, quo omnis habendi peculii radix amputatur. 182

§. IV.

Adversiones in laudata Decreta. Vana quorundam commenta refelluntur. ibid.

C A P U T IX.

Interpretamenta RR. PP. Magistrorum Vindictis & Vitæ Clausstralis. 183

§. I.

Communia utriusque Magistri Vindictiarum, & Vitæ Clausstralis interpretamenta. 186

§. II.

Potissimum RR. Magistrorum sophisma mixum Constitutionibus plurium Regularium Auctoritate Apostolica approbatis etiam post Tridentinum. Eorumdem insincera fides in referendis O. P. Capitulis Generalibus. Ab eorum impostura vindicantur Magistri Generales Justinianus, & Caballus. 189

§. III.

Oppositum sophisma, Mendicantium Constitutionibus Auctoritate Pontificia contrarium innixum, omnium Canonistarum Theologorumque consensu refutatur, convellitur. 193

§. IV.

§. IV.

Incredibilis P. Magistri Vitæ Clausstralis hallucinatio in interpretatione Constitutionis Clementis XII. cujus initium: Ecclesiæ Catholicæ. 202

§. V.

Eminentissimus Cardinalis PETRA ab impostura Magistri Vitæ Clausstralis vindicatur. 209

§. VI.

Refellitur sophisma ab Autoritate falso petita BENEDICTI XIV. Sanctissimi Pontificis Regnantis. 212

CAPUT X.

Concilia Provincialia exactam bonorum communionem, ab Occumenico Tridentino Concilio præscriptam, novis Decretis confirmant, vetitumque peculium iterum prohibent. Magistri Vitæ Clausstralis lepidæ interpretationes in hæc Concilia. 218

CAPUT XI.

Constitutiones Pontificiæ a Clemente VIII. ad hæc usque tempora confirmant Tridentina Decreta adversus Regularium peculia, eaque clarius, severiusque prohibent tanquam labe proprietatis inquinata. 233

§. I.

CONSTITUTIO CLEMENTIS VIII. qua Tridentinum Decretum adversus peculia Regularium explicatur, & ipsorum excusationes atque effugia penitus convelluntur. *ibid.*

§. II.

Interpretamenta Magistri Vindictæ refelluntur. 236

§. III.

I INDEX CAPITULORUM,

§. III.

Responsa Magistri Vitæ Clausstralis, valde mirifica, nimii vigoris, & durioris severitatis postulante Clementis Papa VIII. Constitutionem. 237

C A P U T XII.

URBANUS Papa VIII. confirmat Decretum Clementis VIII. præcipientis exactam verum communitatem, pulsus peculiis quocumque velamine tectis. Incredibili confidentia hoc FACTUM negat P. Magister Vitæ Clausstralis. 242

C A P U T XIII.

INNOCENTIUS XII. confirmat Decreta Clementis, Urbani, aliorumque Prædecessorum Pontificum Decreta super exacta verum communitate. Sacrum Cardinalium Collegium erexit, ut hæc Decreta sacra tecta custodiat. Facultatem Clausstralibus adimit recipiendi ad habitum juvenes, nisi SACRO JURE JURANDO testentur exactam verum communitatem vigere in Canoniis, in quibus professio Monastica emittenda est. 243

C A P U T XIV.

FORMULARIO præscripto a SS. Pontifice INNOCENTIO XII. exacte communitatis servanda in Canoniis pro Monastica professione designatis, reapse solemniter JURAMENTO hodie subscribunt Regulares, ut facultatem recipiendi juvenes a Sacra Congregatione super Disciplina Regulari obtineant. Ad incitas rediguntur Adversarii, qui alto silentio hoc solemne juramentum obvolvunt. 248

C A P U T XV.

RR. Magistri Vindex, & Clausstralis aut negare debent Ecclesiam posse præcipere vitam communem peculiis expertem & aut sateri coguntur illam reapse præcepisse, pulso peculiis. 253

CA-

ET PARAGRAFORUM.
CAPUT XVI.

lj

Alia sunt peculia, quæ hodie obtinent apud Claustrales: alia quæ defenduntur a RR. Magistris. Tam illa, quam hæc chimericum efficiunt Paupertatis Monastica votum.

259

CAPUT XVII.

Secundum doctrinam Authoris Vindiciarum Claustrales sunt communiter vitio proprietatis infecti. Antilogie, quibus Regius Professor jugulum causæ suæ petis, eamque penitus destruit.

262

CAPUT XVIII.

Error gravissimus, quo RR. Magistri docent, nulla lege, nullo rito, nulla præcepto Claustrales astrictos esse exacta communitati, sed peculium absolute, præcisæ quacumque circumstantiæ, licitum esse, iterum convellitur.

266

CAPUT XIX.

Duo gravissimi errores cum universa Catholicorum doctrina pugnantes: Alter Magistri Vindiciarum negantis Claustrales promittere communitatem descriptam in Actibus Apostolorum: Alter Magistri Vitæ Claustralis effingentis in Collegio Apostolorum peculiorum corruptelam obtinuisse. Mutuus Magistrorum conflictus illorum causam destruit, confodit.

269

CAPUT XX.

Consuetum illud POTEST Prælati revocare peculii usum, quem nunquam revocat: jactata illa subditorum animi promptitudo dimittendi peculium, quod nunquam dimittitur, ludicrum chimericumque efficiunt solemne Paupertatis votum. Scriptura, Patres, Theologi, & communis omnium hominum sensus id evidenter confirmant.

272

CA.

liij INDEX CAPITULORUM, &c.

C A P U T X X I.

Peregrina doctrina Authoris Vitz Claustralis afferentis, Praelatos Regularium non posse de subditorum peculio disponere absque eorundem assensu. 276

C A P U T X X I I.

Diluitur sophisma multitudinem obrudens Regulariam peculio utensum, & exiguum numerum eorum, qui perfectam communitatem servant. 280

D E.

1

D E F E N S I O DECRETORUM CONCILII TRIDENTINI

E T

APOSTOLICARUM CONSTITUTIONUM &c.

DISSERTATIO PRIMA PRÆLIMINARIS.

CAPUT PRIMUM.

Apostolica Romane Ecclesie sollicitudo in Disciplina Monastica integra custodienda. Decreta, & Constitutiones, quæ pro asserenda exacta rerum communitate perpetuo edidit.

I. A Ntequam de causa ipsa dicere instituo, pauca præfari expedit. Et principio Titulus operi impressus mihi est a cujusque censura vindicandus. Epigraphes isthæc *Defensio Decretorum &c.* utrisque adversariis invidiam creare videtur, ejusdemque Romanæ Ecclesiæ veluti oppugnatores, hostesque traducere, & carpere. At, ut scopulum hunc declinarem, non in Authores, quos veneror, suspicioque, quorumque nomina alto præterito silentio, sed in eorum libros *Defensio hæc nostra instructa unice est.* Quoties igitur evidenter ostendero, sicuti me ostensurum certo confido, & spondeo, *Vita Clausstralis* errores, non modo Ecclesiæ Romanæ doctrinæ adversari, verum etiam Ecclesiam ipsam ludibrio, & derisioni

Tomo I.

A

pro-

propinare, nihil est quod vellicare quispiam præfatum titulum jure valeat.

II. Alterum, quod præloquor, est, me hoc in capite hand fore descripturum Conciliorum Decreta, Pontificum Constitutiones, quarum perpetua voce Ecclesia Romana clamavit adversus diram peculii Monastici corruptelam. Paucis hæc omnia in præsentiarum perstringam, infra relaturus ejusmodi documenta omnia fide summa.

III. In hac autem prima Dissertatione duo præstabo. Alterum *ERRORES Vitæ Clausstralis* adversus Ecclesiæ Romanæ doctrinam: alterum calumnias adversus proximi famam spectat. Hæc seorsim discutienda, ut Causa princeps ab extraneis tricus sejuncta, clarius faciliusque constitui pleno in lumine valeat. Ambo Authores, tam præfatæ *Vitæ Clausstralis*, quam *Vindiciarum Regularium &c.* cum nec latum unguem *Disciplinam Apostolicam Monasticam*, quam oppugnandam susceperunt, loco dimovere suo potuerint, in gravissimos errores lapsi sunt, ut licitum privati peculii usum propugnarent. Pauci illi laxioris Ethices Arbitri, qui olim pro peculio steter, veritum illud Ecclesiæ legibus esse omnes fassi sunt, at leges istas non obligare Claustrales omnes autumarunt vel ob Cœnobiorum penuriam, vel ob Superiorum negligentiam, qui omnia necessaria de communi porrigere subditis præmittunt. Hos prætextus, cæterasque omnes excusationes, quæ allegari in peculii favorem solent, penitus convellit *Disciplina Apostolica Monastica* Author tanta evidentia, ut nulla evadendi rima pateat. Hinc est, quod Novissimi peculii Monastici defensores Magistri, communi Casuistarum contempta doctrina, ut inepta ad peculium vindicandum Claustralibus, novas, atque omnino contrarias vias hæctenus incognitas, & turpium errorum plenissimas arripuer. Conciliorum Decretis, Apostolicis Constitutionibus de medio penitus sublati, ore rotundo, non compresso oscillo pernegantes, aut Regulas Monachales, aut Concilium Tridentinum, aut Clementem VIII. aliosque Romanos Pontifices rerum communitatem peculii expertem præcepisse. Quare opportunum duxi, antequam causam ipsam ingredior, *Vitæ Clausstralis* errores perstringere, rejecta, in hujus operis calce, Dissertatione Apologetica adversus singularia errata *Vindiciarum*, ne plus justo in ipso limine lectores detineam. His delibatis, ad id quod instat.

IV. Sacrosanctum evangelicæ perfectionis perpetuum duraturæ depositum, Romanæ Ecclesiæ, quæ columna est, & firmamentum veritatis, factum testum custodiendum consignavit Deus Optimus Maximus. Et quoniam istius divinæ perfectionis basis Paupertas illa est bonorum omnium exacta communione fulta, quam Christus consuluit, quam Apostoli, & Christo ipso in terris degente, & post illius ad Patrem regressum exsecuti sunt ipsi, & in posteros veluti ex asse hæredes derivarunt; ideo Ecclesiæ Romana non sollicitudini, non vigilantie pepercit, quo depositi sibi commissi leges adamussim impletet. Nullum illa non movit lapidem, ut istius Apostolico-Monasticæ communitatis observantiam promoveret in *peculiaritatis* corruptelam severissimis, oportunitate data, constitutis pœnis. Quatuor inter triginta sex Monachales Regulas, quæ præfatam communitatem, pulso peculiis, præcipiunt, solemner confirmavit.

V. Decreta Clementi I. & Urbano I. Pontificibus Summis falso adjudicata, aliæque plurima, quæ celebris Gratianus in suo Decreto congerit in communitatis servandæ præsidium, & ad peculium Monasticum exterminandum lata, prætereo. Pervetustus Monachorum prætextus peculia tegendi sua, semper fuit Prælatorum indulgentia, & potestas. Quare Concilia Lateranensia III. sub Alexandro III., & IV. sub Innocentio III. Claustralium Superiores facultate concedendi Monachis peculii destitutos manifestarunt, gravissimis in Abbates constitutis pœnis, si laxandæ Apostolicæ communitatis observantiæ occasionem, quidquam peculiare subditis concedendo, porrigerent. Quæ in Conciliis Lugdunensi X. & Constantiensi, aliisque plurimis pro reparatione Monasticæ Disciplinæ acta sunt, Eruditorum neminem latent.

VI. Monastica Disciplina vires instauraverat suas ex severissima Mendicantium paupertate usquedum in primevo suo vigore eadem floruit. Verum hac pariter remissa, & in dies ad extremum, his maxime duobus postremis sæculis, collabente, sollicitudinem, vigilantiam, studiumque suum duplicavit Ecclesiæ, quo extremis malis extrema opponeret remedia. Sigillatim itaque perflringenda quæ huc pertinent Decreta ab Ecclesiæ lata.

VII. Primum omnium celeberrima est Congregatio, quam Paulus III. Pontifex Summus instituit. Quatuor selegit Cardinales sapientia, morum-

rumque integritate præstantissimos, nimirum *Gasparem Contarenium* Venetum, *Joannem Petrum Carassam* Neapolitanum, *Jacobum Sadoletum* Mutinensem, *Reginaldum Polum* Anglum. His quinque adjunxit Praefatos doctrina itidem, ac probitate ornatissimos. Fuerunt autem *Fredericus Fregosus* Archiepiscopus Salernitanus, *Hieronymus Alexander de Morta* Archiepiscopus Brundusinus, *Joannes Mattheus Gibertus* Episcopus Veronensis, *Gregorius Corbesius* Abbas S. Georgii Venetiarum, & *Thomas Badia* O. P. Sacri Apostolici Palatii Magister. Huic sapientissimo Collegio imperavit Pontifex Summus, ut omni mundano respectu abscisso, & quacumque humana ratione posita, ex animi sententia ea omnia patefacerent, quæ coram Tremendo Judice Deo, ad cujus Tribunal illorum conscientias appellavit, pro convellendis Ecclesiæ morbis, imminentiæque malorum ruinæ reparandæ opportuna, & consentanea fore existimarent. Sic illi ipsi in scriptione, quæ MSS. in Bibliotheca Vaticana asservatur, quamque integram publici juris fecit Natalis ab Alexandro in sec. xv. & xvi. ar. 16. præfatur. *Certissimam hujus divina sententiæ conjecturam nos facere valemus, quibus SANCTITAS TUA ad se vocatis mandavit, ut nullius, aut commodi tui, aut cuiuspiam alterius habita ratione, tibi significarem abusus illos gravissimos, videlicet morbos, quibus jam pridem Ecclesia laborat, ac præsertim Romana Curia, quibus effectum prope est, ut paulatim, ac sensim ingravescens pestiferis morbis, magnam hanc ruinam traxerit, quam videmus. Et quoniam SANCTITAS TUA Spiritu Dei erudita . . . probe novit, principium horum malorum inde fuisse, quod nonnulli Pontifices Prædecessores tui prævarientes auribus, ut inquit Apostolus Paulus, concervarunt sibi Magistros ad desideria sua, non ut ab eis discerent quid facere deberent, sed ut eorum studio, & calliditate inveniretur ratio, qua liceret id quod liberes.*

VIII. Animadvertas hic velim, principem causam, quæ extremam malorum cladem Ecclesiæ parat, benigniores esse Theologos, qui vanis distinctionibus nummorum æstuanti cupiditati, explendæque ambitioni indulgendum exquisita calliditate docent: qui sub illudentis benignitatis lenocinio Divina miscent humanis, sanctionesque Evangelicas infucant, carnisque appetitionibus attemperant, insectant, supponunt. Sed initæ viz insistamus. Inter gravissimas Ecclesiæ calamitates *Claustralium Relaxationem* adnumerant, exaggerant laudati Sapientissimi Patres. Quod-

nam

nam tantæ auferendæ corruptelæ designatum remedium? Abolendos omnes *Conventuales*, seu relaxatæ disciplinæ *Claustrales* suggesserunt; hac tamen adjecta cautione, ne cuiquam injuria fieret: quod facile præstari potest, si, illis facultate recipiendi juvenes adempta, in solis Cœnobiiis reformatis educari Novitios decernatur. En illorum verba. *Alius abusus corrigendus est in Ordinibus Religiosorum, quod adeo multi deformati sum, ut sint scandalo secularibus, exemploque plurimum noceant. CONVENTUALES ORDINES ABOLENDOS esse putamus omnes, non tamen, ut alicui fiat injuria, sed prohibendo, ne Novitios possint admittere, Sic enim sine nullius injuria cito deleberentur, & boni Religiosi eis substitui possent. Nunc vero putamus optimum fore, si omnes pueri, qui non sunt professi, ab eorum Monasteriis repellerentur. Hoc saluberrimum remedium non ita pridem indicaverat Doctissimus Cardinalis Cajetanus 2. 2. q. 189. ar. 5. „ Hic error in multis hodie viget locis, dum dantur pueri, & puellæ Monasteriis Religiosorum, seu Religiosarum vitæ communis [seu relaxatæ] qui vulgo Conventuales, seu Claustrales appellantur, quo fit ut reformandi numquam reformari possint, dum transgressores vitæ regularis nutriuntur, ac augentur. Unde sanciri deberet, ne ullus puer, nulla puella possit Religionem tradi, nisi ubi vere vivitur regulariter. Sic enim aut exstinguerentur irregulariter viventes, aut reformarentur vexatione dante eis intellectum. Hoc ipsum confirmat ar. 9. Actus iste, qui est inducere ad vitam conventualem (seu laxam) est actus ex genere suo malus, quoniam inducitur quis ad vitam reprehensibilem . . . Unde vituperabile est non solum inducere, sed etiam ingredi, & recipere ad vitam irregularem personas utriusque sexus, quamvis Ecclesia hoc toleret permissive. Consule Disciplinam Apostolico-Monasticam Diss. V. cap. XIII.*

IX. Concilium Tridentinum sess. 25. de Regular. Reform. tria edidit Decreta. In quorum prima *Vitam communem* tanquam basim, ac primum universæ Monasticæ disciplinæ fundamentum præcipit. In altero peculia vetat, & Superioribus omnibus gravi præcepto inhibet, ne illa subditiis permittant. In tertio definit, in quolibet Cœnobio illum dumtaxat Religiosorum numerum admittendum, qui ex communi Patrimonio ali possit, ut sic omnis habendi peculii auferatur occasio.

X. S. Pius V. duas edidit Constitutiones. Alteram *Illæ nos*. Alteram *Ad*

Ad extirpandos &c. in confirmationem exactæ rerum communitalis a Clausalibus servandæ. Verum primus, post Tridentinum Concilium, Pontifex, qui ultimos intendit nervos, ut juxta laudati Concilii præscriptum Regulares reformaret, fuit Clemens Papa VIII. Anno quippe 1599. die 20. Junii, & anno 1602. die 19. Maji duo emisit Decreta, quibus cavetur, ne Juvenes ad profitendam Religionem recipiantur, nisi in Cœnobiis, in quibus, peculis sublati, rerum communitas, & Regulæ, legumque observantia vigeat. Alteram edidit Constitutionem anno 1599. quæ est 60. cujus initium est *Nullus omnino &c. Quo Tridentini Concilii Decreta de PAUPERATIS VOTO custodiendo &c.* In hac celeberrima Constitutione explicat Tridentina Decreta, quæ paupertatis Monasticæ vota, & universæ Disciplinæ Regularis instaurationem spectant. Exactam rerum communitatem novo præcepto confirmat, eandem vividius exprimit: peculia quæque etiam sub latebra *deposui vel custodia* diris devovet: latum a Tridentino Superioribus mandatum, quo cavetur, ne peculia subditis permittant, confirmat: quamcumque Superiore licentiam, dispensationemve in hac materia nullam irritamque declarat: jubet subditis, ne fidem adhibeant Superioribus, etiam si asseverarent, se posse peculii usum concedere: vetat denique Regularibus aliisque omnibus, ne Decreta sive Tridentina, sive sua interpretari, aut laxare sub quocumque prætextu audeant.

XI. Paulus V. anno 1605. in sua Constitut. IX. quæ incipit *Sanctissimus in Christo Pater*, Decreta Tridentina, & Clementis VIII. quæ vitam communem jubent, confirmat: inculcatque potissimum, ne major numerus Religiosorum admittatur, quam is, qui ex communibus redditibus sustentari queat, ut omnem habendæ peculiaritatis radicem præcidat. Studium, quo Pontifex iste omnibus Regularibus recipiendi Novitios prohibuit juxta Decreta Clementis VIII. iis Cœnobiis exceptis, in quibus perfecta communitas & Disciplinæ observantia vigeat, compertum omnibus est, exploratumque.

XII. Urbanus Papa VIII. omnia Decreta Clementis VIII. *pro reform. Regul.* inseruit suæ *Const. 28. de Regul. Apost. & ejusl.* Eaque confirmat, singulariter illa, quæ vitam communem spectant: & conceptis verbis damnat cavillationes, quibus se habere peculia Clausuales asserebant, ex Prælatorum dispensatione, ad eorum nutum, ad usum
fa-

facti, & titulo depositi vel custodiz, quæ sunt vetustissima relaxatorum Claustralium effugia toties a Conciliis penitus condemnata.

XIII. Innocentius X. & Alexander VII. non modo Tridentina, & Clementis VIII. decreta confirmarunt, sed novis editis Constitutionibus, rerum communiatem & Disciplinæ Regularis reformationem totis viribus promoverunt.

XIV. Post Clementem VIII. cæterosque Romanos Pontifices, qui pro instauranda Monastica Disciplina sedulam impenderunt operam, INNOCENTIUS XII. primas sibi vendicat. Cognita plurium Claustralium Decretorum Tridentinæ Synodi, & Clementis VIII. inobservantia, ultima poenarum severitate eos multavit. Facultatem recipiendi Novitios ipsis ademit, quod in Cornubiis ad id munus designatis neque communiatem exactam, neque disciplinam vigere publica fama rescivisset. Hoc tremendissimum sterilitatis supplicium, quod poenæ mortis comparatur, plurium annorum spatio fuisse Claustrales laxioris Disciplinæ universa Italia testis est. Diuturna poenarum severitate expertos sese aliquantisper ostendere studuerunt eorumdem plures. Crumenas privatas se dimissuros, & exactam rerum communiatem suscepturos sponderunt, si, supplicio soluti, beneficium recipiendi ad Religionem Novitios assequi possent. Annuit Clementissimus Pontifex, hac adjecta conditione, suisque Decretis anno 1695. latis inserta. *Postquam vero Regularem observantiam, & signanter quoad EXACTAM VITAM COMMUNITATEM, cum effectu stabilitam fuisse tam ex eorumdem Superiorum Generalium, seu Provincialium relatione, quam Præpositi, & Fratrum in præfatis Conventibus degentium JURE JURANDO FIRMATO TESTIMONIO, nec non per secretas informationes, atque etiam ubi opus fuerit per Apostolicos Visitatores ad hoc specialiter deputandos, eidem Sacra Congregationi sufficienter constiterit; TUNC SANCTITAS SUA antedictam licentiam, qua hæcenus distulit, Novitios ibi recipiendi benigne concedet; Sancivit insuper, nullos in posterum erigendos Conventus NISI SUB EXPRESSA OBLIGATIONE EXACTÆ VITÆ COMMUNIS.* Denique, ne amplius larva consuetudinis, aut silentii, & tolerantiz Ecclesiæ latebra se se tegere umquam possent collapsæ Disciplinæ Claustrales, Cardinalium Collegium crexit, seu jam erectum confirmavit, ut vocem perpetuo exaltaret adversus peculii Monastici corruptelam. Initium

§ *Defensio Decretorum Concilii Trid. &c.*

nitium Decreti præfatæ erectionis est : *Debitum Pastoralis officii &c. Ut Omnis Transgressoribus VANO FALSOQUE PRÆTEXTU SILENTII NOSTRI se se excusandi occasio penitus præcidatur.*

XV. Missis plurimis aliis Decretis Sac. Congreg. quorum infra mentio fiet, tria hinc colligas velim. Alterum, Ecclesiam Romanam, duobus potissimum ultimis sæculis, qua Conciliorum Decretis, qua Pontificum Constitutionibus, qua poenarum extrema severitate in id suas contulisse curas, & sollicitudinem, ut Claustrales ad abigenda peculia, exactamque servandam communitatem revocaret. Vix aliam licet designare legem, cujus tanto studio, tamque acerbis suppliciis observantiam promoverit. Alterum, Claustrales ipsos hodiernos reipsa non assequi facultatem recipiendi ad Religionem Novitios, nisi SACRO JURE JURANDO in Cenobiis emittendæ professionis exactam rerum communitatem, cujusque peculii expertem, & universæ Monasticæ Disciplinæ vigere observantiam testentur. Neque nunc reponas, *juratam hanc communitatem commentitiam esse, atque perjuriis obtineri privilegium perpetuandæ relaxationis; quoniam facta hæc cum sint, nostra haud interest discutere.*

XVI. Serio nunc animo tecum Lector reputet, quid amplius præstare Romana Ecclesia poterat, ut Claustrales ad pristinam revocaret Disciplinam? Numquid poenas graviores constituere? Numquid firmiori vinculo, quam *facto jure jurando* servandæ communitatis legem munire? Quid plura. Cum infra laudata Decreta referam, tum magis compertum fiet, verbis adeo perspicuis, formulis adeo decretoriis esse illa concepta, ut omnes adversariorum sophisticæ cavillationes in fumum abeant. Tum siquidem provocabo illos, ut vel unicum designent verbum, quod sive ad præcipiendam communem vitam, sive ad vetandum peculii usum ex Prælatorum venia revocabiliter concessum, necessarium sit, quodque tum a Concilio Tridentino, tum a Clemente VIII. in citatis Decretis adhibitum non fuerit. Id si præstiterint, de sententia decedere velim. Quare aut negare illi Ecclesiam posse præfatas leges rogare, aut concedere easdem rogasse, astringentur. Hoc autem præmonitum lectoris mentiamimoque altius infixum sit oportet, ut facilius assensui controversiæ statum valeat.

CAPUT II.

Specimen doctrinae Operis inscripti

VITA CLAUSTRALIS.

I. **A**Ntequam deformem *Claustralis Vita* faciem depingo, admonere lectorem magnopere interest, me sequentibus capitibus confirmaturum propriis Adversarii verbis fore quæcunque in præfens obiter dicturus sum. Quod ideo præmitto, ne quis suspicetur errorum portenta, quæ hic enarrare aggredior, aut plus justo exaggerari, aut ad invidiam odiumque illi creandum augeri. Ad rem ergo.

II. Univerſum *Vita Claustralis* opus tributum est in partes tres. Secundæ dumtaxat partis, quæ universi Operis princeps est, quæque tota in Voti paupertatis Monasticæ explicatione occupatur, capite hocce specimen levi manu adumbrabo. Hæc porro eo unice spectat, ut evincat nunquam in catholica Ecclesia exactam rerum communitatem obtinuisse. Hic præstitutus Operis scopus & meta, principium & finis. Quare primi principii loco constituit istius *Claustralis Vita* Author, communitatem Apostolici Collegii descriptam a Luca Evangelista *Act.* 2. & 4. nec *perfectissimam*, fuisse, nec *perfectam*; (pag. 204.) sed similem dicendam contendit illi, quam collapsæ Disciplinae Regulares servant. Apostolici cæterus Alumnos ex Apostolorum licentia sua habuisse privata peculia docet, non secus ac modernos remissæ Monasticæ observantiæ cucullatos. Hos esse evangelicæ paupertatis Heroes propugnat, qui suis privatis crumenis lateri hærentibus ceu exquisitissimis penicillis vividisque coloribus Apostolicæ communitatis imaginem referunt, exprimuntque. Nec tibi in mentem veniat obiter hæc ab eo dici. Sed hic cardo est primus, cui tota vertitur machina, & a principio ad finem recurrit. Mirum quod in designandis Monastici peculii primordiis Carumulem in repetenda *Probabilismi* origine æmulatus non sit: & quemadmodum hic Anglicos *Probabilistas*, ita ille *peculiaristas* & *proprietaryos* eisdem ab appetitu propriæ dignitatis & pulcritudinis similitudinem du-

cens, non effecerit? Monströse picturæ horroꝝ, festivo aliquo colore identidem temperandus. Persequamur nunc cætera.

III. Constituta prima Monastici peculii sede in Apostolico Collegio, singula percurrit sequentia sæcula vir eruditus, ut perennem *pecuniosam* apud Monachos *traditionem* evincat. Sæculis I. II. & III. Claustrales privatum habuisse peculium, tametsi ex Synchronis scriptoribus adfirmare non auit, tamen ex subsequentiũ sæculorum Regulis, & Monachorum praxi iisdem quoque illud concessum conjicit. Hac caliginosa ætate transacta, claram, certamque inter Monachos peculii Epõcham illigat IV. Ecclesiæ sæculo, quo Monachos SS. Antonii, & Hilarionis privatis instructos marsupiiis repræsentat. Sub initium V. Sæculi, Augustinum concessisse peculium Monachis a se in Africa institutis, mirifica subtilitate colligit ex factò Januarii, quem ob peculii flagitium in proprietatis crimine obiisse deplorat Sanctissimus Pater. Gallorum Lerinæ Insulæ tunc temporis Monachorum peculium, ex Joanne Cassiano certissime se se demonstrare confidit.

IV. Sæculis VI. & VII. ut eundem peculii morem obtinuisse apud Monachos probet, quem testem locupletissimum allegat^r Sanctum Gregorium Magnum primum hujus nominis Romanum Pontificem. At non ne Pontifex iste Sanctissimus in Monachum *Justum* excommunicationis fulmen vibravit, quod privatum in eo peculium deprehenderit? Verum habet, inquit acutissimus Criticus, sed ideo hoc evenit, quod Justus peculium non manifestavit Abbati, qui extemplo illud eidem impertiisset. Quare stolidus habendus est Monachus ille, qui ignorans Abbatis sui effusam ad concedendum cucullatis suis peculium liberalitatem, occulte retinere voluit quod palam, & libere habere poterat. Propterea non mirum si anathematis ictu percussus in jumentorum sepulchrum projectus fuerit. D. Patriarcham Benedictum peculium in sua Regula Monachis permittere extra controversiam ponit, verbaque transcribit cap. 54. quæ exactissimam vitæ communis imaginem præferunt communi sensui. Verum ad criticem exacta *Magistri Clausstralis* peculium produunt. Consule illum pag. 369. & 370.

V. Ineunte Ecclesiæ sæculo VIII. floruit inquit pag. 371. Venerabilis Beda Regulam Benedicti professus. Hunc habuisse privatum marsupium narrat Guthbertus ejus discipulus, qui hæc de suo Magistro jam
jam

jam morituro scribit. *Hora autem nona dixit mihi (Beda) quaedam pretiosa in mea capsella habeo, idest piper, oraria, & incensa: curre velociter, & Presbyteros nostri Monasterii adduc ad me, & ego munuscula, qualia Deus donavit illis, distribuam. Divites in hoc seculo aurum, & argentum, & alia quaeque pretiosa student dare: ego autem cum caritate multa, & gaudio fratribus meis dabo, quod Deus dederat. Decretorius hercle textus ad evincendum censum vitalitium, nummorumque crumenam. Equidni, reponit Eximius Magister? En demonstrationem evidentem. Quidquid habet Monachus, quod Abbas de communi non ministrat, peculium est. Venerabilis Beda plura habuit non ab Abbate collata, sed a Deo donata: ergo peculium habuit. Quid deliras? Ita nevero. Audi verba ipsa Magistri Claustralis cit. pag. 371. *En vir Sanctus, & Ecclesiae Doctor cum propria sua Capsella, CAPSELLA MEA, in qua quamplurima reposita habebas, qua nec a Patre Monasterii nec e communi acceperat, sed qua Deus aliunde illi donaverat. Quot, & quanta ea fuerint, supervacaneum est inquirere. Ecqua ratione probas haec munuscula non accepisse ab Abbate? Quia Deus aliunde illi donaverat. Scitissime. Porro subdit continuo: Monachus S. Beneficii quidquid sine multum sive parum habent, quod Abbas non dederit, aut e communi haberi non permiserit, ex Danielis interpretatione peculium est. Haec munuscula Deus donavit. At non ex licentia Abbatis. Ergo peculium, & non quidem parvum, sed ingens. Quoniam, inquit ibidem pag. 372. Monasterium (Gyrvense) supra centum habuisse Monachos nullus dubito. Quot ergo piperis, & incensi modii recludebantur in illa capsella, ut possent in centum Monachos distribui? Igitur, philosophatur Magister, si quam plures erant Presbyteri, quam plurima quoque, quae eis dispensaveris BEDA, fuerint oportet. Quae ibidem persequitur adeo gravia sunt, & solida, ut ad vivum exprimant Authoris genium. Quae illa legito si otio abundas. Conclusionem interim ego dabo. Si BEDA (concludit pag. 373.) Vir sanctus, cujus Festum sub ritu duplici omnis Ordo Benedictinus celebrat, PECULIUM habuit: quanto magis id habuerint eo saeculo Monachi alii? Argumentum est Decretorium.**

VI. Saeculo inquit pag. 373. Ecclesiae IX. peculium Claustralibus adferitur unanimi Patrum in Conciliis Congregatorum consensione. Beruo Cluniacensium Pater testis est peculii habitus a Monachis saeculi X. De

peculio vero Monastico sæculi XI. & XII. clara habentur monumenta in Apologia D. Bernardi ad Guillelmum Abbatem, & in Epistola ad Robertum Nepotem. Plura Concilia Provincialia sæculi XIII. & XIV. peculiarum consuetudinem exhibent. Postremum Comitia Generalia Ordinis Cisterciensis peculio usos fuisse Monachos sæculis XV. & XVI. condecesciunt.

CONSECTARIUM quod hinc colligit Auctor noster pag. 386.

„ VII. Omni itaque sæculo a primordiis usque Claustralis Disciplinæ
 „ repertum est PECULIUM ab omni proprietatis vitio immune, atque
 „ absolutum esse. *Eo usi sunt primi viæ communis sectatores Hierosolymi-*
 „ *tani, quibus de in Apostolorum Actis, quosque tanquam Regulam, nor-*
 „ *nam, atque exemplar respexere Patriarchæ omnes Claustraliæ Ordi-*
 „ *num institutores. Peculium permisit Magnus Antonius, indulsit Hila-*
 „ *rio, concessit Augustinus, non reprobatit Benediclus, non expulsi Grego-*
 „ *rius, probarunt Berno, Odo, & Majolus, agnovit Bernardus, qui quan-*
 „ *to solliciti fuere in amovendis a fluxarum rerum amore Affectis suis,*
 „ *tanto benigniores, atque indulgentiores sese illis in necessariis mini-*
 „ *strandis ac dispensandis exhibuere, vitam communem attendentes qui-*
 „ *dem, sed ad quam eos alliceret amor, non cogeret necessitas, quæque*
 „ *liberum faceret non mancipium. Ordines Cluniacensis, Cisterciensis,*
 „ *Grandimontensis, nec non Canonici Regulares, probe scientes nec Re-*
 „ *gulæ, nec paupertati adversum, sed apprimè conforme (peculium) nec*
 „ *non Prælatorum Prudentiæ, atque Oeconomix reservatum, benigne conce-*
 „ *serunt, ut & cæteri Ordines alibi a nobis indigitati. Ita omni sæculo,*
 „ *ita omni ætate, & lapsa, & florente Disciplina sub ipsorum non commi-*
 „ *ventium, sed approbantium Patrum oculis tanquam licitum, atque hone-*
 „ *stum, quandoque etiam necessarium agnitum est. Qua de re si ad FIR-*
 „ *MANDUM FIDEI DOGMA, quod semper, quod ubique, quod ab*
 „ *OMNIBUS id verum est: Quidni etiam licitum erit quod in omnibus fere*
 „ *Ordinibus, quod SEMPER, quod UBIQUE in more positum fuit? eo*
 „ *vel magis quod exacta rerum communitas mille parasangs a paupertatis vo-*
 „ *to distans mutationi obnoxia est, & pro temporum, & personarum condi-*
 „ *tione sæpe mutatur.*

VIII.

VIII. His eruditis deliriis seu primis sui operis fundamentis præactis, quæ sponte sua consequuntur somnia in medium promit. Præceptum exactæ communitatis ab Ecclesia latum in fabulis habet. Tantæ paupertatis jugum, ut humanis cervicibus impar, & Tyrannicum execratur. Quod si illi obijcias Ecclesiæ Decreta, Ordinis sui Constitutiones, quæ conceptis verbis præceptum istud imponunt, seu impositum declarant, reponit, præceptum non *proprie*, non *strictim*, sed *large*, & loco consilii accipiendum esse. Asserto Clausuralibus Peculio, confirmatoque perpetua Ecclesiæ traditione, ac si esset, inquit ille, *Fidei Dogma*: ablegata communitate, ceu arbitrario commento, ultra pergit ad pecuniæ habendæ quantitatem designandam.

IX. Confinia, quæ suo monastico peculiis præfinit, amplissima sunt. Duplex peculiis genus constituit. Alterum ad *necessarios*, alterum ad *voluptarios* usus. Illud extendit pag. 471. ad infirmitatum curam, ad libros comparandos, ad itinera aut necessaria, aut utilia arripienda, ad vestes, ad epulas lautiores emendas, dummodo altero quoque die commensationibus Clausurales non vacent, ut gulæ, & ventri indulgeant. Peculium vero *voluptarium* concedendum Fraatribus Mendicantibus docet primo pro itineribus ad inviscendos parentes, consanguineos, amicosve. Secundo *pro honestis solatiis intra vel extra Ordinem*. Tertio *pro elargiendis muneribus*, quæ gratitudo, vel iustitia fieri jubeat. Quarto pro aliquo pietatis opere. Quinto ut mensam furculis, & cholearibus argenteis instruere ad nitorem, & munditiam valeant. Sexto pro horologiis argenteis, & pro tabacchi arculis pariter argenteis. Postremum ut *ludis* pecunias exponere valeant. Hæc porro peculia, non modo licita cucullatis Mendicantibus asserit, verum etiam miris encomiis extollit. Hæc peculia pacem fovere, sanctitatem tueri, firmare concordiam Fraternali docet: Ne multa. *Tolle peculium* (inquit pag. 391.) *caute adhibitum, & Religio non est Religio, non securitatis portus, non tranquillitatis statio.*

X. Hæc est contracta ædificii facies, hæc prima monstruosæ imaginis lineamenta adeo sincera, germanaque, ut mox omnia propriis Authoris verbis expressa legeris. Quid si singulas Operis partes explicarem? Si perpetuas a quæstionis statu aberrationes, si ratiocinia vanissima, si textus Patrum, Conciliorum, Pontificum in erronea sensa detortos, si scurrilitates, jocos frigoris & quiescentiarum plenissimos, si diæteria, si fraudulenta

lentas textuum interpolationes sub una oculorum acie præferrem? Verum ne lector nimio horrore absterreatur decrevi, hæc non una, sed partite, & separatim in Operis decursu oculis objicere. Ex paucis quæ delibavi, veluti ex ungue leonem, ideam concipias velim *VITÆ CLAUSTRALIS*.

C A P U T III.

Susceptæ pro Decretis Romanæ Ecclesiæ defensionis necessitas.

I. **C**onferas nunc invicem velim *Ecclesiæ Romanæ* doctrinam priore capite paucis expositam, cum *Doctrina Vitæ Clausstralis* hæctenus in compendium redacta. Non major lucem inter & tenebras, quam inter utrasque sententias pugna & oppositio. Alterutrum ergo dicendum. Aut *Ecclesiæ* in re adco gravi fallere, & falli, quæ est hæresis apertissima: Aut vitæ *Claustralis* doctrinam erroneam esse, scandalorum plenam, piæramque aurium offensivam. Enimvero si nullum est exactæ communitatis præceptum: si Apostoli, si Patres, si Patriarchæ Sacrorum Ordinum Institutores, si Concilia peculium concedunt: si semper, si ubique peculii consuetudo penes *Claustres* obtinuit; quid Concilium Tridentinum, ut cætera fileam, tria Decreta adversus peculium Monasticum edidit? Quid *Clemens VIII.*, *Paulus V.*, *Urbanus VIII.*, *Alexander VII.* & *Innocentius XII.*, alique *Romani Pontifices* tot Constitutiones pro instauranda exacta rerum communitate rogare? Quid severissimum supplicium mortis pœnæ æquale in laxiores Ordines inflixerunt? Quid *Sacrum jus jurandum* quoto biennio florentis communitatis peculii cujusque vacuæ exposcit *Romana Ecclesiæ*, ut facultatem indulgeat recipiendi ad *Monasticam Professionem* juvenes? Recurrit ergo iterum dilemma. Aut rejiciendæ *Ecclesiæ* Sanctiones, ejusdemque praxis damnanda: aut diris devovenda *Vitæ Clausstralis* Doctrina. Nullus hic ad effugium aditus, rima nulla. Alterutrum eligendum. Non primum: ergo secundum.

II. Ex apertissima itaque pugna doctrinam *Romanæ Ecclesiæ* inter & errores *Vitæ Clausstralis* necessitas consequitur & illam defendendi, & illos refutandi. Quodnam esset tum *Catholicorum*, tum *Hæreticorum* offendiculum,

enlum, si in conspectu totius Ecclesiæ, nullo reclamante, libere incederet hæc *Claustralis Vita*? Bene habet reponere quispiam. At quiste iustus controversiæ arbitrum sedere fecit? Quis te sive Judicem, sive defensorem elegit? Non ergo, subdo ego, cuiusque civis est pro patria, cuiusque filii pro matre pugnare? Quo pertinent hæc Domini verba? *Mandavit illis Deus unicuique de proximo suo. Eccl. 17.* Quo tendunt alia? *Recnpere proximum tuum secundum virtutem tuam.* Quid lamentabatur Isaias exclamans? *Va mihi quia taci.* Quid David silentii & taciturnitatis poenas dedit? *Quoniam taci, inveteraverunt omnia ossa mea.* Quid tandem Deus mutis canibus comparat Doctores suos, qui humanis acti respectibus, vocem exaltare, acuire calamus adversus Pseudoprophetarum commenta, & somnia non audent? *Canes muti non valentes latrare, videntes vana, dormientes, & amantes somnia. Isai. cap. 56.* Parendum ergo Domino dicenti per Hieremiam cap. 51. *Nolite tacere super iniquitatem ejus.* Alioquin Christus Dominus minatur: *Qui me erubuerit, & sermones meos, hunc filius hominis erubescet. Luc. 19.* Heinc colligas velim, laboris suscepti causam minime esse aut Vindicationem *Disciplinæ Apostolico-Monasticæ*, cujus doctrinam nec aggredi adversarii potuere, nisi sublati Evangelicis consiliis, primisque paupertatis Monasticæ principiis: aut studium propulsandi disteria, scommata, imposturas, quas christiana fortitudine contemnimus. Eo curæ nostræ cogitationesque unice tendunt, ut Apostolicam communitatem ab Evangelista Luca descriptam, ut Tridentini Concilii Decreta, summorumque Pontificum Constitutiones, a vanis commentis asseramus. Veritati haudquaquam sunt Adversarii evulgare, ab Authore *Disciplinæ Monasticæ* magnam esse Regularibus constatam invidiam, quod docuerit eosdem exactæ rerum communitati peculiorum vacuæ astrictos: cum enim singuli privata peculia teneant, ut votæ paupertatis temeratores traducuntur in publicum, inquit. Bene haberet, nisi Regulæ Monachales, Decreta Tridentina, Constitutiones Pontificiæ, & Casuistarum Opera, quæ hanc illorum gravissimam inculcant obligationem, media non versarentur in luce. Quare evidentia nulli cavillationi obnoxia palam fiet, ipsos RR. Magistros *Vitæ Claustralis*, & *Vindictarum* gravissimam infamix labem Regularibus omnibus, & quod caput est, ipsi Romanæ Ecclesiæ aspersisse. Quod ut præstem, primum **ERRORES** propriis eorundem Authorum verbis describam. Post, censuræ in eosdem adjicientur.

III. Nec est quod opponas, supervacaneum fore laborem nostrum, tum quod surdis canimus, lateraque lavamus, tum quod adeo evidentes sint utriusque operis aberrationes, ut nullo resellente corruant. Prompta enim responso est ex Scriptura dicente: *Si autem ammonueris impio, & ille non fuerit conversus ab impietate sua & a via sua impia, ipse quidem in iniquitate sua morietur: Tu autem animam tuam liberaſti. Ezech. 3. v. 19.* Fateor errores adeo crassos esse, ut tucum eruditio siccis nullum valeant. At ideo ne abstinendum ab eorum confutatione? Non ergo resellenda fuissent tot Hæreticorum opera, quæ apertissima mendacia continent, quæque eruditorum indignationem potius, quam perversionem inferre apta sunt. Imperitis prospiciendum est, atque imbecillibus: & quamquam nulla esset eorum, qui in proprietatis luto hærent, salutis fiducia; nihilominus eorum, qui stant, respectus habendus, curandumque, ne alienis insidiis decepti pereant.

C A P U T IV.

ERROR PRIMUS VITÆ CLAUSTRALIS.

In Apostolico Collegio nec perfectissima, nec perfecta rerum communitas obtinuit.

I. **U**T oppignoratam fidem liberemus, partite, & præcise ostendenda sunt monstrosa illa commenta, quæ supra cap. 2. ex Vita Claustrali obiter, & cursim indigitavimus. Et principio animadverto Authorem *Vindictarum Regularium in causa paupertatis* sateri pag. 26. communitatem Hierosolymis sub Apostolorum Regimine servatam, perfectam fuisse, cuiusque privati peculii vacuum. Idcirco, ut peculium licitum Mendicantibus Fratribus asserat, negat istos ejusmodi profiteri communitatem a Luca in *Actis* descriptam, sed aliam longe mitiorem, peculio videlicet turgidam, quam *Regularem* vocat. Ut *Vitæ Claustralis* Author hunc sui Commilitonis errorem omnium Patriarcharum Regulis reprobatum declinaret, in alios quam longissime turpiores prolapsus est. Et primum, ut basim, ac fundamentum sui ædificii præjacet, communitatem Apostolicam a Luca Evangelista in *Actis* c. 2. & 4. enarratam, nec perfectissimam,

nam, nec perfectam fuisse, sed imperfectam qualem hodie servant laxioris disciplinæ Claustrales. Sic ille scribit 2. p. *Differt. 2. cap. 2. pag. 204.*

„ Christum IESUM perfectissimam communionem re, & factio cum suis
 „ Apostolis coluisse res compertissima est, & aliter suspicari scelus est,
 „ & religio. Quamnam habuerint primi Hierosolymæ credentes, de quibus S. Lucas in *Actis cap. 2. Or. 4.* non adeo facile intelligitur. Verum
 „ si temporis, loci, & personarum conditiones expendamus, conijcere
 „ haud temere possumus, nec perfectissimam, immo nec perfectam, inter
 „ eos fuisse rerum communionem. Et quis per DEUM IMMORTA-
 „ LEM animo sibi fingere poterit, factum fuisse sine evidenti miracu-
 „ lo, cujus nec Scriptura, nec Patres unquam meminere, ut tanta ho-
 „ minum multitudo ad decem & amplius millia, paupertatem evangeli-
 „ cam perfecta rerum communiōne amplexa sit, diuque servaverit! Si Sa-
 „ crum textum consulamus, hoc tantum habemus, nimirum divites, for-
 „ tunas suas, vendentes, eorum pretia Apostolis obtulisse pro pauperum neces-
 „ sitatibus, atque inter eos fuisse Apostolos, quotiescumque a divitibus
 „ pecuniæ afferebantur, nequaquam vero singulis diebus præstitisse. Dif-
 „ ficile namque est cogitatu, Apostolos in paranda annona, & re frumen-
 „ taria pro alenda adeo ingenti hominum multitudine fuisse sollicitos.
 „ Naves onerariæ ex Ægypto, aut aliunde expectandæ fuissent, agendum,
 „ que cum proxenetis, & mercatoribus. Res erat supra decem hominum
 „ millia præter pueros, & foeminas pascere, & vestire: aliis calcei, aliis
 „ tunicae, aliis pallia, alia aliis fuissent subministranda; immo & foemi-
 „ nis, aut lactantibus, aut prægnantibus, aut puerperis, nedum & po-
 „ tellis atque infantibus fuisset providendum, quæ omnia Apostolos per
 „ quam maxime dedecuisse: quin immo nec si voluissent onus hoc sub-
 „ ire, facile propterea potuissent, quod Evangelii propagationi pro viri-
 „ bus intendere debebant: neque quibus hominum Provinciam hanc de-
 „ mandaverint reperimus, quasdam dumtaxat mulieres ex Græcis, Judæis-
 „ que conversas, quæ mensis ministrarent constitutas invenimus, quibus
 „ ob jurgia, & contentiones Græcos inter & Hebræos exortas septem Dia-
 „ conos Apostoli sufficere. Quis vero ærario, quis vestibus, quisve præf-
 „ set annonæ nullibi legitur. Accedit, quod cum nec communem haberent do-
 „ mum, nec commune templum, sed singuli suis inclusi domibus, quæ ab
 „ Apostolis accipiebant, privatim, & per familias proprium in usum con-

„ vertebant, frangentes per domos panem, unde non supererat locus ubi
 „ rerum communionem servare potuissent. *Accedit alterum longe gravius,*
 „ *quod si hæc omnia contigissent, Romanos, aut Judæos in suspensionem tanto*
 „ *apparatu adduxissent, quasi aliquid adversus Romanum Imperium, Judæi-*
 „ *camque Rempubicam molirentur homines,* qui ob novum vivendi genus,
 „ novamque Religionis speciem cunctis gentibus invidi erant, nec semel
 „ propterea ad necem conquiriti, & quandoque solum vertere, & qua pa-
 „ tet Terrarum Orbis dispergi coacti sunt, ut patentissimum est in Apo-
 „ stolorum Actis. Dicendum itaque in eo fuisse primorum credentium
 „ communem vitam, quod familiaræ singulæ acceptæ ab Apostolis pretio-
 „ rum ex divitum largitate provenientium portione, propriis providerent
 „ indigentibus, *sibi que de necessariis consulere,* quod rationi magis consenta-
 „ neum est, nec plus exhibet textus, nec plus ratio dicitur. „

C E N S U R A.

II. Primus hic ERROR verborum farragine implexus est. Ut e la-
 tebris excutiat, aculeis urgendus Author. Et ut a clarioribus exor-
 diar. *Conjicere, inquit, haud temere possumus, nec perfectissimam, immo*
nec perfectam inter eos fuisse rerum omnium communionem. Cedo. Possi-
 bilis ne est hæc omnium bonorum communio perfecta, an secus? Si
 secundum. Rem ergo impossibilem Christus consuluit. Chimæra ergo est
 perfecta bonorum communitas. Si primum. ERROR enormis est, hanc
 perfectionem Apostolici Collegii alumnis denegare. Erroneum quippe
 est, ac temeritatis plenissimum, ut eum Patribus omnibus Aquinas do-
 cet, perfectionem quampiam alicui Sanctorum tribuere, quæ in Aposto-
 lico Collegio splendidius non emicuerit. Christus post abitum ad Pa-
 trem, cætum hunc Sanctissimum omnium cælestium donorum copia
 affluentem ornavit. In eum Spiritum Sanctum Pentecostes die misit,
 ut suprà universam illam multitudinem divitiarum gratiæ effunderet. Sa-
 crum istud Collegium vitam, mores, doctrinamque Christi, ut vivum
 exemplar referebat. Hæc est prima Christianæ Sanctitatis schola, hic
 fons ille limpidissimus, a quo in cæteros omnes rivuli evangelicæ per-
 fectionis permanarunt. Hæc est prima exactissimæ vitæ communis se-
 des, hoc primum perfectissimæ paupertatis domicilium. Numquid pa-
 ginæ

ginæ mihi implendæ, ut omnium Patrum textus isthuc transcribam ? Lege Chrysostomum *hom. 7. in Act.* ubi Cœtum huc *Angelicam Rempublicam* vocat, quod nemo in ea quidquam peculiare haberet. Basilium *in Reg. fus. cap. 19.* Cassianum *coll. 18. cap. 5.* Augustinum *serm. 49. de divers.* sive 355. D. Thomam 2. 2. q. 188. a. 7. Lege commentarios omnium Sacræ Scripturæ Interpretum Ugonis, Lytani, Cajetani, Cornelii a Lapide, Calmeti, Lorini *in cap. 2. 4. & 5. Act. Apost.* Omnes ad unum fatentur perfectissimæ, nedum perfectæ communitatis observantiam in Hierosolymitano Cœtu viguisse.

III. Sed agendum. Quænam sunt rationum momenta, quæ illum movent, ut primævis illis Christianæ Religionis Parentibus hanc perfectissimæ paupertatis prærogativam surripiat ? Quia inquit : *Quis arario, quis vestibus, quive præfesset annonæ nullibi legitur.* Nullibi legitur ? Tam rudem Scripturarum se prodit, si in iisdem Actis, in quibus exactissima describitur communis vita, præfessi annonæ & rei vestiariæ designantur ? Legat quæ habentur *cap. 6. Act. v. 3.* *Considerate ergo Fratres viros ex vobis boni testimonii septem plenos Spiritu Sancto, & Sapientia, quos constituamus super HOC OPUS.* En victus & vestitus fideissimos dispensatores, quorum Princeps Stephanus. Opponit acutus Clausalis, quod *Nec communem haberent domum, sed singuli suis inclusi domibus &c.* Suis inclusi domibus ? Commentum istud apertissime opponitur Divinæ Scripturæ asserenti *Act. cap. 4. v. 34.* *Quotquot enim possessores erant agrorum, aut domorum, vendentes afferebant pretia eorum &c.* Non ergo suis inclusi erant domibus, si, Divina Scriptura testante, proprias domos venderunt. *Sed inter omnia eis communia* [inquit Lorinus hic in v. 45. c. 2.] *etiam domus intelligenda sunt communes.* Iterum cavillatur novissimus Scripturarum interpres, inquit, *Nilil de vestium aut cibi, sed tantum de pecunia partitione ac dispensatione sermo ibi est.* Hæc somnia comminiscitur, ut *Vestiarium pecuniosum*, quod in deformatis Conventibus distribuitur, ex Apostolis ipsis originem ducere ostendat. Nihil ibi de cibo ? Quid prodit hic versiculus 1. *cap. 2. Act.* ? *Non est æquum nos derelinquet re Verbum Dei, & ministrare MENSIS.* Sed pudere Magistrum debere ea pernegare, quæ singulis hebdomadibus Regula Augustini, quam professus est, auribus suis insonat. *Ex distribuat unicuique vestrum a Proposito vestro victus & segumentum.* Sic enim legitis in actibus Apostolorum.

rum. Idem adfirmant Basilii, Chrysostomus, Benedictus, Hieronymus, omnesque tum Patriarchæ Regularum Monachalium institutores, tum cæteri Patres.

IV. Maximum, quod adversus hanc Apostolicam communitatem opponit commentum, sequens est. *Accedit alterum longe gravius, quod si hæc omnia contigissent, Romanos aut Judæos in suspicionem tanto apparatu adduxissent, quasi aliquid adversus Romanum Imperium Judaicamque Rempublicam molirentur homines &c.* Hæc rescripti, non ut refellam, sed ut deridenda proponam. Nullus quippe disputandi finis esset, si vellem ubique persequi hominem ineptiis illudentem, & cavillis ineptientem. Tenuem victum, & vile tegumentum illorum pauperum, qui, divitiis contemptis, uni Deo inserviebant ceu *Apparatum* adeo immensum exaggerat, ut ad *Romanum imperium* exterminandum, *Judaicamque Rempublicam* submovendam destinatum, Romani Senatores suspicarentur. Dicendum itaque [pergit Author] *in eo fuisse primorum fidelium communem vitam, quod familia singula accepta ab Apostolis pretiorum ex divitum largitate provenientium portione, propriis providerent indigentis, sibi quæ de necessariis consulentes.* His verbis depingit deformem illam communitatis imaginem, quæ in Cœnobiis collapsæ Disciplinæ obtinet, ubi, tributa certa pecuniarum summa, quam *vestiarium* vocant, singuli reliqua sibi propria industria conquirunt. Si primævi fideles singuli de necessariis sibi consulebant, quid instituti fuerant septem Diaconi, ut huic communi omnium provisioni invigilarent? Nullum ergo erat illorum ministerium? Falsus ergo est Textus Sacer? *Dividebatur autem singulis, prout cuique opus erat cap. 4. v. 35.* Sed instat Adversarius. *Res erat supra decem hominum millia præter pueros, & faminas pascere, & vestire: aliis caleci, aliis tunice, aliis pallia, alia aliis fuissent subministranda: immo & faminis, aut lactentibus, aut prægnantibus, aut puerperis, nedum & pæpellis, atque infantibus fuisset providendum, quæ omnia perquam maxime Apostolos dedecernisset.* Quorsum hæc? Ut e sacro illo collegio bonarum communio penitus eliminetur? Eo sane tendunt relata verba. At hoc cum Scriptura Sacra apertissime pugnat. Quid ergo? Ut undique Magistrum Claustralem premam, plenoque in lumine gravissimum illius errorem, quem verborum involuero tegere studet, constituam, duo distinguo. Unum, communitatis naturam, & substantiam; alterum, formam, mo.

modumque ejusdem exequendæ communitalis, spectat. De forma, qua executioni demandata fuerit bonorum communium partitio, non aliud nobis Scriptura narrat, nisi septem institutos fuisse Ministros, qui ejusmodi bona omnibus distribuere, prout cuique opus erat. Utrum postea hi Ministri singulis personis, ac singulis familiarum Recloribus: utrum bonorum portionem in pecunia, vel in re vestiaria, & cibariis porrexerint, Scriptura Sacra aperite non differit. Communis Patrum omnium traditio est, septem Diaconos victum & vestitum in specie distribuisse singulis, Scriptura ipsa suffragante. *Dividebatur autem singulis, prout cuique opus erat. Act. 4. v. 35.* Nec mirum hoc videri Magistro Claustrali deberet, si propriis oculis spectat, non decem, sed centum millia Religiosorum, qui in suis partiti Cœnobiis ex uno pascuntur cellario, & ex uno vestiario induuntur. Verum, ut illius erroris gravitas evidentius, pateat, nullum mihi cum ipso dissidium super forma, qua septem Diaconi bona communia distribuerint: fuerit illa in pecunia, aut rerum distributione exereira. Eum, qui magis sibi arridet, modum Adversarius seligat: essentia, natura, seu substantia communitalis spectanda est. Hæc porro in hoc sita erat, quod omnia bona erant communia, & de communi singulis providebatur. Quæ autem de communi accipiuntur, sive in specie, sive in pecunia, nemo ratione præditus peculium dixerit. Substantia illius communitalis erat, quod nemo illorum sibi retinebat: census vitalitium, aut minimam bonorum partem peculiarem, præter unum Ananiam morte percussam. Quæ singuli manuum labore, aliave industria lucrabantur, in communem usum conferebant. Idcirco perfecta, & perfectissima fuit communitas illa. Cur negat Magister Claustralis perfectam illam extitisse bonorum communionem? Causam edisserat. Quia, contendit ille, præter portionem de communi acceptam, habebant insuper ex indulgentia Apostolorum peculia privata, quemadmodum hodierni Claustrales, præter victum, & vestitum de communicolarum, habent ex venia Prælatorum suos census vitalitios, suas pecunias, prædicatione, lectione, aliave industria partas, quæ reapse non in communes Fratrum usus, sed in peculiarem utilitatem fratris illas acquirentis cedunt. Hoc peculium originem trahere, inquit ille, ex Collegio sacro Hierosolymitano a Luca descripto, a quo perenni sæculorum omnium traditione in hodiernos Claustrales permanavit. Et
hic

hic est illius gravissimus, atque turpissimus error severa plectendus censura.

V. Neque veritus ille est in tanti erroris praesidium asciscere auctoritatem Cl. Thomassini, qui in sua *Discipl. Vet. & Nov. lib. 1. cap. 1. n. 4.* hæc habet. *Qui enim Christi fidei accedebant, tum incunctanter hereditates, & latifundia sua distrahebant, pretiumque in eos dispensabant quibuscumque, quovis opus esset, & ad eum modum communia erant omnia.* Ubi quæso in his verbis peculii privati vola? Quid, quod vitæ Claustralis errori faveat? Præter quam quod hæc Thomassini periocha sic præcise accepta, impedita est. Præferre quippe videtur, fideles ipsos bona dispensasse Collegii Apostolici alumnis, quod Scripturæ repugnat. Quare continuo ibidem subdit Eruditus Author. *Ideo, & ad pedes Apostolorum effundebantur pretia rerum, quæ dividebantur, ut & ab eis ea fieret pia dispensatio.* Accedit, quod hoc eodem capite *n. VIII.* conceptis verbis perfectam illam communitatem fuisse scribat. *Testatur Lucas in Actis, suppeditatum cuique fuisse quo egeret, atque ita eguisse neminem.* Dividebatur singulis &c. Hanc ille Apostolis propriam laudem vendicat, & providentiam, ut cum animo & voluntate paupertati studerent: nec proprium quidquam retinissent, nulla tamen re necessaria deficerent. Cæterum, si quis scire cupiat, qua sinceritate Magister Vitæ Claustralis alleget Doctorum auctoritates, legat Thomassinum ipsum *p. 1. lib. 3. cap. 21.* ubi ex instituto peculium Monasticum improbat.

VI. Non minus festivum est, & lepidum quod in favorem peculii ex communitate Apostolica inferunt quidam alii. Inquiunt: Communitas illa Consilii erat, non voti, aut præcepti. Dominium ergo habebant fideles illarum rerum. Ergo nihil ex præfato Lucæ textu aut contra peculium Monasticum, aut ad evincendum exactæ communitatis debitum, eruitur. Duplici ex capite sponte corrui futile sophisma. Et primum, communis est Patrum, & Theologorum sententia, Apostolos, primævulque Apostolici Collegii alumnos a Luca descriptos, paupertatem vovisse. Paucos hic obiter indicabo. S. Hieronymus *Epist. 8. ad Demetr. Ananias, & Saphira dispensatores timidi, imo corde duplici, & ideo condemnati, quia post votum abstulerunt quasi sua, & non ejus, cui semel ea voverant, partemque sibi jam aliena substantia reservantes.* D. Augustinus *serm. 27. de verbis Apost.* *Dum ex eo, quod promiserat, partem subtraxit,*
sa-

sacrilegii damnatur, & fraudis: sacrilegii quod Deum in pollicitatione fefellerit: fraudis, quod integris numeribus portionem quamdam putaverit subtrahendam. S. Joannes Chrysostomus *hom. 12. in Act. Apost. Quare hoc fecisti? Vultisti habere? Oportebat initio habere, & non promittere: nunc autem postquam consecrasti, majus sacrilegium commisisti.* S. Gregorius Papa *lib. 1. epist. 33. ad Venant. Ananias pecunias Deo voverat, quas postea victus persuasione Diaboli subtraxit.* Legantur S. Basilius *serm. 1. de Institut. Monach.* S. Athanasius *serm. de passion. & Cruc.* S. Gregorius Nazianzenus *Carmin. de Virg. præc.* Cyprianus *lib. 3. Testim. c. 30.* Cassianus *coll. 18. cap. 7.* aliosque, quos citat Cornelius a Lapide in *cap. 5. Act. v. 2.* D. Thomas 2. 2. q. 88. ar. 4. ad 3. *Apostoli intelliguntur voluisse pertinentia ad perfectionis statum, quando Christum relicti omnibus sunt secuti.* Quid plura. Non modo communiter Sacre Scripturæ interpretes Catholici, sed vel ipse Beza, inquit citatus Cornelius, hanc veritatem fatetur. Hoc itaque ex capite ruit objecta cavillatio. Sed, ut labatur etiam ex altero: fac communitatem descriptam a Luca Evangelista non voti, aut præcepti, sed meri consilii fuisse: fac primævos fideles dominium illarum portionum habuisse, quas de communi accipiebant. Quid heinc? Sanctissimi Patriarchæ Regularum Monachalium Institutores selegerunt exactam rerum communitatem descriptam a Luca Evangelista tanquam exemplar paupertatis, quam sub voto observandam proponunt omnibus suarum Regularum Professoribus. Servaverint primævi fideles perfectam illam bonorum communionem sive ex consilio, sive ex voto, quid inde? Numquid quia illi non voverunt paupertatem, nec Mendicantes Fratres Claustrales eam voverunt? Quid ineptius, quid fatilius? Missis ergo vanis cavillationibus, Spiritus Apostolicæ communitatis spectandus est, in hoc situs, ut jam dixi, quod omnia omnino bona erant communia. Et hanc perfectam bonorum communionem in omnibus Regulis Monachalibus descriptam profitentur Claustrales. Hæc est totius rei summa.

VII. Altera *Claustralis* nostri periodus sub examen veniat. *Christum* [inquit] *JESUM perfectissimam communionem re, & factio cum suis Apostolis coluisse res compertissima est, & aliter sentire scelus est & religio.* Ita ne vero? Unde colligit Christum, & Apostolos exactissimam servasse rerum communitatem? Non ex Actibus a Luca descriptis, quorum

rum

rum communitatem nec *perfectissimam*, nec *perfectam* fuisse scribit. Unde ergo? In Evangelio extrema Christi paupertas narratur, communis vitæ forma conceptis verbis non describitur. Sed quod caput est, edisserat. Apostoli fuerunt ne istius communionis *perfectissimæ* cultores, vivente Christo tantum: an etiam post ejusdem ad Patris abitum? Si primum: ergo Apostoli, postquam die Pentecostes repleti fuerint Spiritu Sancto, continuo a *perfectissima* illa rerum communione, quam cum Christo servaverant, descivere. Si secundum: emieuit ergo, non *perfecta* modo, verum etiam *perfectissima* rerum communitas in Sanctissimo illo Cætu, quem regabant Apostoli Hierosolymis. Præterea, si communitas descripta a Luca *Act. 2. & 4.* neque *perfectissima*, neque *perfecta* est: Numquam ergo fuit, nec est in Catholica Romana Ecclesia sive *perfectissima*, sive *perfecta* rerum communitas peculii expert: Vel communitas, quæ nunc penes Regulares Reformatos, Dominicanos, Franciscanos, Carmelitas, Carthusianos, cæterosque viget, perfectior est communitate Apostolica a Luca descripta. Hæc namque omni privato peculio caret. Sed quid amplius in quæstione torquemus hominem semetipsum propriis antilogiis efficiëntem, & ubique sub proprietatis onere labantem.

VIII. Paucis CENSURAM erroris perstringamus. *Perfectæ & Perfectissimæ rerum communitatis forma*, quam Ecclesia Romana perenni Conciliorum, Patriarcharum, & Pontificum traditione Regularibus servandam proponit, communitas illa est, quam S. Lucas Evangelista describit *cap. 2. & 4.* Ergo falsa, erronea, scandalique plena, Scripturæ Sacræ, Conciliis, Patribus, & Theologis omnibus, atque adeo universæ Ecclesiæ contraria est doctrina *Vitæ Clausstralis* asserentis *communitatem* descriptam a Luca *Act. 2. & 4.* non fuisse nec *perfectissimam*, immo nec *perfectam*. Textum, quem ex Cl. Thomasio obtrudere non veretur, prætereo: nil quippe ex eo erui in tanti erroris præsidium valet. Legatur Thomasinus *p. 1. lib. 3. cap. 11. n. 9.* sed potissimum *p. 1. lib. 3. c. 21.* Legantur omnes Scripturarum Interpretes, Patres, & Regule Monachales.

C A P U T V.

ERROR SECUNDUS VITÆ CLAUSTRALIS.

*Peculii privati corruptela serpebat in Apostolico
Collegio Hierosolymitano.*

I. **V**ITA Claustralis 1. *part.* Dissert. 2. *cap.* 7. pag. 243. Equidem fatemur, planum esse Sanctos Patriarchas Augustinum & Benedictum omnium bonorum communis, in **ACTIBUS** Apostolorum descriptam, eorum Regulam profitentibus præcipere. At **ROTUNDE NEGAMUS PERNEGAMUSQUE**, vitam communem, quam Apostolorum exhibent **Acta**, talem, tantamque fuisse, quæ cujusque **PECULII EXPERS FORET & CASSA**. Item Dissert. V. *cap.* 1. pag. 365. *Primis Christi Fidelibus*, quæ nempe Hierosolyma ad Petri Apostolorum Principis Prædicationem conversi fuerant, quique, ut in *Actibus* Apostolorum legimus, propria secerant communia, indultum fuisse, ut **PECULIUM** haberent, ex iis quæ initio hujus II. *Partis* dicta sunt facile dignoscitur. *Legè* pag. 309. pag. 390. & alibi passim.

C E N S U R A.

II. Hic secundus error primum declarat, & confirmat. Hi duo errores sunt universi Operis *Vitæ Claustralis* pupis & prora: hi duo primi Cardines, quibus tota volvitur *Claustralitatis* machina. Queris, quo vade, quo sponfore, hoc anile delirium in publicum afferat? Non alio, quam suo ausu, & aliena ignorantia. Universa quippe Ecclesiæ autoritas, contra clamat, ut mox dicam. Duos tantum Apostolici Collegii Alumnos peculium habuisse legimus. Primus fuit Judas, qui *loculos* habebat privatos, *veluti* [inquit Alardus Gazæus in *Cassianum* lib. 7. de spiritu philargyæ cap. 23.] *proprium peculium ex denariis, & elemosynis, quæ a piis, & devotis Domino mittebantur*. Hæc est prima inter Christi Alumnos *privati peculii* tenebrosa origo. Secundus fuit Ananias, qui repentinæ mortis pœnas dedit ob retentum peculium. Respondet Author Clau-

Tomo I.

D

stralis

stialis 2. p. diff. 2. cap. 5. pag. 310. non ob id Ananiam peccasse, quod bonorum partem sibi licite retinere arbitratu est, sed ex eo quod partem pretii clam sibi & furtim retinuit. Quapropter non sine injuria *Claustales* Anania posteri dicuntur, qui proprietatis crimen, & pœnas illi debitas evadere sibi *BLANDIUNTUR*, quod non occulte, sed palam ex Superiorum beneplacito sua habeant peculia. Scitissime. Et ipse sentio sibi blandiri, sibi illudere *Peculiaristas*, vanaque se se lactare spe evadendi supplicia proprietati debita, quod non clam, sed coram, & publice proprietatis crimen perpetrent. At blandiloquentia rejecta, & veritate prævalente, severius publica, quam occulta crimina punientur. Ideone proprietatis Monastica malitiam exiit, quod manifesta, non occulta sit? Tamquam extremum malorum lugent Patres Cyprianus, Augustinus, Chrysostomus ceterique, quod scelera tum licita evadunt, cum publica esse cœperint. Quid Superiorum beneplacitum obtruditur? In loco labefactabo futile sophisma, ut turpem, qui in manibus est, errorem exagitem. Cedo. Cur Ananias clam retinuit agri partem, seu peculium? Si ut ille contendit, Apostoli tum mittebant peculium, non secus ac Superiores *Claustales* laxioris Disciplinae, adeo ne stolidus, demensque Ananias fuisset, ut occulte, & furtim retinere voluisset quod coram, & consentientibus Apostolis, habere poterat? Quis est nunc, inquit *Diana*, inter laxiores *Claustales* proprietarius, etiam si obiret cum socia ingenti crumena? Nemo unus. Quoniam, aut expressa, aut tacita Prælati licentia præsumitur. Non ne, inquit *Diana*, plurimi Cucullati Mendicantes pingui peculio, & opimis spoliis relictis, moriuntur? Quis damnatur proprietatis? Vix unus in centum. Si idem mos obtinuisset in Apostolico Collegio, numquid Ananias uti publica licentia Apostolorum detrectasset, ut pœnas evaderet proprietatis?

III. Verum pressius gravissimum errorem excutiamus ipsius Scripturæ verbis. Evangelistas Lucas inquit cap. 2. vers. 44. *Habebant OMNIA communia, & dividebant illa omnibus, prout cuique opus erat.* Et cap. 4. vers. 34. *Neque enim quisquam egens erat inter illos.* Adeo perspicua, adeo luculenta sunt verba hæc, ut nec obfirmatus Apella peculium interferere auit. Usus *peculii*, non communis, sed peculiaris est. Peculiare, & commune mutuo pugnant. *Omnia* fuisse *communia* clamat Scriptura: Ergo peculium nullum. Tum. *Illam dividebant omnibus, prout*

cuique

enique opus erat. Si singuli, quod sibi opus erat, habebant de communi penu: Ergo superfluum peculium. Tandem. Nullus egens erat inter illos. Ubi peculii privati corruptela serpit, alii famelici, alii saturati, alii egentes, alii redundantes: & quemadmodum peculiorum forte, ita quoque cordium affectu sejuncti, & diltracti. Multitudinis autem credentium erat cor unum & anima una, Act. c. 4. vers. 32. Ergo communitas a Luca Evangelista deferipta, non minus a peculio abhorret, quam lux a tenebris, quam virtus a scelere. Ergo ERROR *Viz. Claustralis* enormis est, Scripturæ Sacræ hostiliter repugnans.

IV. Quid si Scripturæ authoritati Patrum, Sacrorum Interpretum, & Theologorum authoritatem adjicerem? Immenso profecto forem in re minime necessaria. Verendumque mihi esset, ne veritatem certissimam proluxa disputatione dubiam efficerem. Plura infra allegabo. Obiter nunc solius Dionysii Carthusiani textum transferibo ex *Opus. de Reform. Clustral. cap. 9.* „ Si vis perfectus esse, vade vende omnia &c. „. *Quem in his verbis sensum intenderis Christus, & quomodo intelligenda sint ea, nec certius, nec verius scire valemus, nisi ex verbis, & factis eorum, quos Spiritu Sancto plenissimos fuisse non dubitamus, videlicet Apostolorum, & eorum, qui cum Apostolis conversati noscuntur. Deinde ex dictis & factis Sanctissimorum virorum, & Patrum, qui Ordines instituerunt, ut puta Hieronymi, Augustini, Basilii Antonii, Pachonii, Benedicti, atque similium. Deinceps ex commentariis, & expositionibus fidelissimorum expositorum. I. taque, quod Christi intentio fuit in prædictis perfectam consulere paupertatem omne PECULIUM excludentem, primo constat ex eo, quod sicut in Actibus Apostolorum describitur: Missi in die Pentecostes Spiritu Sancto, & aliquot millibus Judæorum ad fidem conversis, statim universi illi Ecclesia Primitiva Fideles vitam communem ducere inceperunt, nec quisquam illorum aliquid proprium possidebat, sed erant eis cuncta communia. Quod eos ex informatione Apostolorum, potius autem ex monitione Spiritus Sancti fecisse dubitare non licet, eo quod Christus talem paupertatem docuerit. Nec quisquam illorum, cui administratio commissa non fuit, PECULIUM HABUIT.* Hæc est omnium Catholicorum unanims vox.

V. Paucis CENSURA perstringitur. Collegium Hierosolymis sub Apostolorum Regimine a Luca deferiptum, illam paupertatis virtutem excolebat, quam Christus verbo, & exemplo docuit. Alterutrum neces-

fario feligendum: Aut Christus perfectissimam paupertatem ejusque privati peculii expertem non docuit: Aut si illam docuit, Apostoli, & Primævi fideles, quos describit Lucas *Act.* 2. & 4. paupertatem absque privato peculio servarunt. Quoniam non aliam præter eam, quam a Christo didicerant, voverunt Apostoli, servandamque fidelibus a se conversis Hierosolymis propofuere paupertatis formam. Ergo *Vita Clausstralis* ERROR SECUNDUS non secus ac PRIMUS evidenter repugnat Særæ Scripturæ, Ecclesiæ Traditioni, & communi Catholicorum sensui. Accedit, quod turpissimam labem aspergit hæc *Vita Clausstralis* Sanctissimo Hierosolymitano Collegio, cui affigit peculium Judæ, & Ananix non occultum, sed publicum.

C A P U T VI.

ERROR TERTIUS VITÆ CLAUSTRALIS

Contententis tanta certitudine demonstrari Peculium jam inde ab Apostolis ad hæc usque tempora perenni seculorum omnium traditione obtinuisse penes Clausstrales, quanta demonstrantur Dogmata Fidei. A Christo commendatum peculium, in Evangelio exaratum, & solemnè professione Deo nuncupari defenditur.

I. **V**ITA Clausstralis p. 2. *disp.* 3. *cap.* V. *pag.* 308. „ Ez omnia,
 „ quæ hucusque fusiore calamo dicta sunt, in compendium contra-
 „ Sta tuis nunc objicere oculis consentaneum existimavi, Lector huma-
 „ nissime, & unico fere conspectu ceu in pellucido speculo INCON-
 „ CUSSA MONASTICI PECULII ARGUMENTA, quæ extra cu-
 „ jusque disputationis aleam omnis criminis reatu illud eximunt, ejus-
 „ que honestum, necessariumque usum probant, tuenturque, valeas con-
 „ templari.

II. *Pag.* 309. „ Hoc pacto nunc differas velim. Si controversia, quæ
 „ fidei dogma aliquod tangeret, adeo clarissimis Scripturæ textibus, tam
 „ perenni traditione, tot Conciliorum Canonibus, tot Patriarcharum
 „ Regulis, tot Pontificum Decretis, singulis ferme seculis munita, fir-
 „ mata-

„mataque essent, non ne manifesta hæreseos damnaretur quicumque
 „auderet contradicere? Quamquam autem argumentum [Peculii] quo de
 „agimus, extra fidei limites divagetur; morale tamen continet docu-
 „mentum a CHRISTO PROPOSITUM, IN EVANGELIO EXA-
 „RATU, MORE TUO solemnî professione Deo nuncupatum, verbo di-
 „cam, maximum, summumque æternæ salutis negotium versat. Quis igitur
 „tanta temeritatis erit, ut veritati adco manifeste sese opponat,
 „pravaque sua opinione id arctare velit, & quod indultum permissum-
 „que est, indultum permissumque nolit?

III. „Agedum. Revolvito omnia documenta, quæ in hoc disser-
 „tatione produximus, eaque mente præjudiciis vacua expendito, non
 „modo tollerata peculia invenies, sed firmis inviolabilibusque legibus
 „concessa. Percurre tumetipse Patrum omnium, Theologorum, Cano-
 „nistarum, atque Summistarum volumina.

IV. A pag. 365. usque ad pag. 386. initium ducens a cætu Hiero-
 solymitano, de quo Lucas in Act. 2. evincere studet perennem peculii
 traditionem, ex qua pag. 386. & 387. hanc eruit conclusionem.

V. „Omni itaque sæculo a primordiis usque Clausalis Disciplina
 „reperitum est peculium ab omni proprietatis vitio immune atque ab-
 „solutum esse. *Eo usi sunt* primi vitæ communis sectatores Hierosoly-
 „mitani, quibus de in Apostolorum Actis *Peculium permisit* Ma-
 „gnus Antonius, indulsit Hilario, concessit Augustinus, non reproba-
 „vit Benedictus, non expulit Gregorius Ita in omni sæculo, in
 „omni ætate & lapsa, & FLORENTE Disciplina sub ipsorummet non
 „conventium, sed approbantium Patrum oculis tanquam licitum, atque
 „honestum, quandoque etiam necessarium agnitum est. Qua de re si ad
 „firmandum FIDEI DOGMA, quod semper, quod ubique, quod in
 „omnibus id verum est: QUIDNI ETIAM LICITUM ERIT
 „QUOD IN OMNIBUS ORDINIBUS, quod semper, quod ubique
 „in more positum fuit?

C E N S U R A.

VI. Ut ERRORIS istius enormitatem clare percipias, illud animad-
 vertas oportet, sermonem hic haud esse de peculio, quod vel necessi-
 tate

rate naturæ, quæ omnem legem antevertit, in aliquo casu licitum est, aut ob collapsam in Clausuris Disciplinam ex hypothesi sublata communitatis, quisque alere & induere semetipsum cogitur. Illud peculium *Autor Clausuralis* defendit, quod omni circumstantia precisa, absolute licitum contendit. Quod a Christo propositum, in Evangelio exaratum, & ore tuo solemniter professione nuncupatum. Illud peculium propugnat, quod sub Apostolis in cœtu Hierosolymitano obtinere cepit, deinde perenni sæculorum omnium traditione in Clausuris, & lapsa & florente disciplina, insonuit. Illud peculium defendit, quod Antonius, Hilario, Augustinus, Benedictus, Gregorius Magnus, & ceteri Sacrorum Ordinum Institutores permiserunt, concesserunt in suis Regulis, quod omni ætate, quod ubique sub ipsorummet non conniventium, sed approbantium Patrum oculis tanquam licitum agnitum est. Quapropter sicut fidei Dogma firmum agnoscitur, quod ubique, quod semper, quod ab omnibus agnitum est. Idem dicendum de peculio est. Si quidem & istud a Christo propositum, ab Apostolis concessum, omni ætate, omni sæculo semper & ubique obtinuit. Erubescit atramentum, tremunt manus talia scribens.

VII. Si causæ gravitas, & magnitudo sinerent, ridicularia & jocosa, quæ hisce scandalis miscet, discutienda paululum essent. Ex omnibus Sacris Monachorum, & Clausuralium Ordinibus, qui ab Apostolorum ævo ad hæc nostra tempora Ecclesiam illustrarunt, solos Monachos Therapeutas non habuisse peculium scribit pag. 365. ubi peculium I. II. III. IV. & V. Sæculi describere aggreditur. Therapeutas, quos fide Christianos, & professione fuisse Monachos probavimus, quum de his scripserit Philo, quod contemplationis roræ veluti cicada potius, quam cibo vescerentur, & cilicina veste aeris temperie ad id cogente induebantur duntaxat, peculium tanquam omnino inutile, ac supervacaneum respicere crediderim. Istos Therapeutas sive Judæos, sive Christianos, quæ de re dissident Eraditi, tanquam exemplaria perfectissimæ Christianæ Paupertatis proponere in suis Actibus, missis Hierosolymitanis, debebat Lucas Evangelista. Isti Therapeutæ observant Persicam, & Persicissimam communitatem, secus Apostolici Collegii alumni, secus Monachi sub disciplina Antonii, Basilii, Augustini, Benedicti, Dominici, & Francisci. Peculium privatum habuere Catholicæ Religionis Sanctissimi viri. Penes solos Judæos Therapeutas altissimæ illius paupertatis forma replevit,

duit, quæ ab omni abhorret peculio. Næ tu *Magister Clausstralis* egregius Criticus, & bellulus Asceta?

C A P U T VII.

ERROR QUARTUS VITÆ CLAUSTRALIS.

Præceptum exactæ communitatis numquam ab Ecclesia latum contendit. Constitutionem Clementis VIII. equiti comparat, qui desultorios equos dextrorsum inflectit, & sinistrorsum. Ut Fabellam, Monstrumque ingens hocce præceptum sibilat, execraturque.

I. **V** Ita Clausstralis p. 2. Diff. 2. cap. 3. pag. 211. *At quis est qui communitatem hanc possit ad praxim reducere? . . . Si nec determinatam Vestem, aut Supellectilem, nisi e communibus Monasterii bonis, communique Vestiario habere possunt, sine proprietatis vitio, & paupertatis violatione; paupertas Monastica profecto erit MONSTRUM INGENS* Pag. 218. Ubinam est hoc de observanda exactissima communitate præceptum? Pag. 243. Exactam communitatem . . . ab Augustino & Benedicto sub gravissima obligatione fuisse præscriptam . . . commentum est atque phantasma ad terrorem confictum. Verum enim vero si ita est, indiget nobis præceptum hocce, referet nobis quod occultum est in his Regulis.

II. Pag. 267. Ubinam in laudatis Tridentini Concilii Decretis Vita communis Præceptum, peculiumque interdictum videris, enixe postulamus. Pag. 268. At quum nulla sit Regula quæ id genus votum de communi vita habeat, aut Præceptum, plurima immo peculium aperte permittant . . . manifesta res est NIHIL CONTRA PECULIUM in hoc primo laudata de Reg. Refor. Sess. XXV. capite fuisse sancitum . . . Multo minus ex verbis capituli II. Tridentina Decreta communem vitam præcipiunt, peculium vetant, Pag. 269. Satis mihi est si ostendero Concilium Tridentinum NIHIL edidisse contra peculium, quod de Pralati venia ad proprios, eosque licitos atque honestos usus privatim habetur, Pag. 279. Unus Concina [erravit] dum Concilii Tridentini Decreta communem vitam Regularibus præcipere, peculiumque vetare scripturavit.

III.

III. Pag. 298. *Extra omnis disputationis aleam ponimus, CLEMENTEM PAPAM VIII. pro certo habuisse privatum Claustraliū peculium TRIDENTINI DECRETIS NON OPPONI.* Pag. 301. *Prudenter . . . egit Clemens Papa VIII. . . . Sicut ille, qui generosos, ac desultorios agit equos, in adversam semper dextrorsum aut sinistrorsum, ut medium teneant, partem cogit.* Pag. 308. *Si quis a me postulet, quamobrem Daniel ab omnibus RR. Pontificibus Vitam communem cujusque peculii expertem præscriptam ac præceptam arbitratus sit, non habeo quod reponam, nisi lepidam illam, nescio an historiā, an fabellam de sene quodam avaro &c.* Pag. 403. *Quod e suo systemate [vitæ communis] quam plurima consecraria Claustralibus peculio utentibus injuriosa deduxerit Daniel egit ut Recentiores Philosophi solent, qui ut naturæ phenomena explicant, quoddam sibi effingunt systema &c.* Ita Cartesius, ita Gassendus, ita Volfius, Leibnitius ita.

C E N S U R A.

IV. Monstrum ingens est exacta illa communitas, quam Christus, quam Apostoli, quam Sanctissimi Patriarchæ, velis, nolis, omnes in suis Regulis præcipiunt? Monstrum ingens ergo executioni demandarunt *Therapeuticæ tui Sanctissimi? NIHIL Concilium Tridentinum sess. XXV. contra peculium sancivit? Delenda ergo ut superflua, ut inutilia tria illa integra Decreta, in quibus de sola vita communi, & peculio sermo est. Quid tonarent Caramuel, Diana, Cenedus, & mississimi Caluistæ omnes si tantam audirent laxitatem, dixerim, an temeritatem incredibilem? Omnes quotquot sive Casuistæ clementiores, sive Canonistæ benigniores scripserunt, Præceptum ab Ecclesia tum in Tridentino Concilio, tum in Pontificum Constitutionibus latum pro communitate servanda, peculioque exterminando agnoverunt. Id dumtaxat adjiciunt, Claustrales excusari ab istius Præcepti observantia ex rationabili causa: quando nimirum ob Conventuum inopiam, aut ob Prælatorum sive incuriam, sive malitiam necessaria de communi non porriguntur, licitum peculii usum admittunt. Solus *Vitæ Claustralis* Author hæc errorum monstra somniavit. *NIHIL Tridentinum Concilium contra peculium sancivit? Clemens Papa VIII. pro certo habuit, peculium privatum Claustraliū Tridentinis Decretis**

erectis non opponi? Quid quæso agendum cum homine, qui quidquid in buccam venit, nullo habito respectu, spuit? Qui Apostolicæ paupertatis exactam communitatem, ut *sabellam* de sene avaro ollam pecuniarum amante, exhibeat? Quid de illa dicendum equina comparatione, qua Constitutionem Clementis Papæ VIII. equiti assimilat, indomitos ac desultorios æquos *dextrorsum*, & *sinistrorsum* inflectenti? His argutissimis, eruditissimisque scitis gravem suam orationem respergit Claustralis Magister. To *dextrorsum*, To *sinistrorsum* sunt illi veluti duæ catapultæ, quibus crumenam suam adversus quodcumque Vaticanum fulmen fartam testam custodiat.

V. Quis est nunc, qui non videat, novum hunc Claustralium peculiarior assertorem Romanam Ecclesiam criminari, traducere, sibilisque, & cachinnis Hæreticorum propinare? Si enim nulla lege, nullo præcepto neque a propriis Regulis, neque a Conciliis, neque a Pontificibus lato, exactæ communitati astringuntur Regulares: quid Ecclesia a duobus hæc sæculis tot poenas in *Peculiaristis* seu Nummicolas tulit? Cur illos severissimo recipiendi juvenes interdicto multavit? Quid *Sacrum iurjurandum* servandæ communitatis peculio pulso in hodiernum diem exposcit, ut sterilitatis probum auferat? Aut arguenda injustæ severitatis Ecclesia Romana, aut diris devovenda doctrina *Vita Claustralis*.

C A P U T VIII.

ERROR QUINTUS VITÆ CLAUSTRALIS

D. Patriarcham Dominicum suis Fratribus Peculium, D. Augustinum suis Monachis exactam communitatem præscripsisse ait. Patriarcha Gusmanus a calumnia vindicatur.

I. **V** Ita Claustralis p. 2. Diff. 7. cap. 1. pag. 420. „ Ex his statim
 „ elucet S. Patriarcham Dominicum eam paupertatis formam ele-
 „ gisse, ac præscripsisse, quæ viris prædicationi addictis apprimè conve-
 „ niret, minime vero quæ in Regula S. Augustini exacta rerum communio-
 „ ne definita est: ac propterea Augustini Regulam quantum ad rerum com-

Tomo I.

E

„ mu-

„ *munionem temperasse*. Et sane quo pacto exacta rerum communio, quæ
 „ nihil peculiariter cuiquam permittat, accommoda fuisset Prædicatoribus,
 „ qui simul intra Cœnobii mœnia commorari haud poterant, quosque
 „ statim ut collegit, in diversas, atque inter sese diffitas regiones ad
 „ Aquilonem & Mare, ad ortum & occasum Verbum Dei propagatu-
 „ ros, & disseminaturos dispersit? Numquid adeo sejuncti, immanique
 „ discreti intervallo potuissent *pasei ex uno cellario atque ex uno Vestibulo*
 „ *indui*. De Evangelica paupertate suo in Ordine stabilienda æque solli-
 „ citus fuit Dominicus, ac Augustinus: uterque eam pro Claustrali Di-
 „ sciplinæ fundamento posuit, dispari tamen ratione. Sanctus Præfz Au-
 „ gustinus quoniam compares, & concives suos divites simul & paupe-
 „ res aut secum in Episcopatu, aut in Eremiti Monasterio una victuros
 „ adunavit, *prudenter ac provide eis præcepit*, ut qui haberent, omnia po-
 „ nerent in communi: *Sint vobis omnia communia*. Quod si secus fecisset,
 „ ex divitibus, & pauperibus societas Evangelica paupertatis imitatrix
 „ haud unquam coaluisset. E contrario S. Dominicus, quum socios suos
 „ non Cœnobii includendos angustis, sed per omnem terrarum Orbem
 „ discursuros, nec ex propriis annuis redditibus sustentandos, sed dictum
 „ piorum hominum largitate vitam acturos coegisset, bonis omnibus,
 „ quæ habebant divites, extra ordinem procul ablegatis, pauperum so-
 „ cietatem instituit. Unde nulla aderat, *ut in commune ponerent, præcipientis*
 „ *di causa*. Ad primævos credentes respiciens Hippopotamis Antistes rerum
 „ *communione Clericis, Monachisque suis præscripsit: Ad Christi Disci-*
 „ *pulos attendens Gusmanus Patriarchæ filius suis, ut a populis, quibus Di-*
 „ *vini Verbi præberent pabulum, alerentur, mandavit: Et ut pressius di-*
 „ *eam ac clarius, primos Hierosolymitanos intra Urbis Mœnia commemoran-*
 „ *tes, quibus de in Actis Apostolorum, imitatus est Afer Pater: Apostolos*
 „ *ubique Terrarum diffusos imitatus est Pater Hispanus: uterque scilicet*
 „ *eam dilexit paupertatem, quæ utriusque conveniret instituto*. Hæc autem
 „ dicta sint ea in hypothese, quod Sanctus Augustinus rerum communita-
 „ tem sub præcepto posuerit, quod tamen falsissimum ad evidentiam us-
 „ que demonstratum est. Sed *prohibuerit interdixitque, quantum volue-*
 „ *rit, Clericis suis Afer Pater: Hispanus non prohibuit, non interdixit*
 „ Peculium.

C E N S U R A.

II. Quæ suapte natura monstrosa sunt, paucis expedienda. *Ad primos credentes respiciens Hipponensis Antistes rerum communionem Clericis Monachisque præscripsit: Ad Christi Discipulos attendens Gusmanus Patriarcha &c.* Non ne hætenus demonstrare conatus es primævos Fideles Hierosolymitanos sua habuisse privata peculia: & nunc eos in exemplum adducis perfectæ communis, quam præcepit Augustinus? Gusmanus vero, hac exacta communitate repudiata, *Peculiarissas* constituit Fratres suos? Explica te clarius, ut tota libertate philosopheris. Paret. *Pressius dicam, ac clarius: Primos Hierosolymitanos intra Urbis Mœnia commorantes, quibus de in Actis Apostolorum imitatus est Aser Pater: Apostolos ubique terrarum diffusos imitatus est Pater Hispanus.*

III. Solemne est cuique apertissimæ veritatis osori propriis armis suum jugulum petere. *Aser Pater* imitatus est primos Hierosolymitanos intra urbis mœnia commorantes. Isti, te Authore, ut dixi, peculia privata habuere. Ergo *Aser Pater* non communitatem exactam, se: peculium privatum præcepit. Apostolos imitatus est *Pater Hispanus*. Ergo, tu inquis, peculium habendum præscripsit. At nonne tumetipse pag. 204. hæc scribis? *Christum Jesum perfectissimam communionem cum suis Apostolis coluisse res compertissima est, & aliter sentire scelus est & Religio.* Te Judice, Patriarcha Gusmanus in sui Ordinis Institutione Apostolorum imitatus est paupertatem: ergo *perfectissimam rerum communionem* suis Fratribus servandam præscripsit. *Et aliter sentire* [tu inquis] *scelus est & Religio.* Quid hîc? Apostoli habuerunt ne peculia privata & census vitalitios? Si ais: Scelus profers, te iudice, & sacrilegium. Si negas: Ergo Patriarcha Gusmanus, qui Apostolos imitandos Fratribus suis proposuit, peculia privata ut sacrilega interdixit. Maeste animo. Quænam utriusque paupertatis perfectior, atque severior? Quæ commugia omnia facit, an quæ peculium privatum habet? Primam inquis, quia eam cum Apostolis Christus servavit. Ergo eam præscripsit Pater Hispanus Christi, & Apostolorum imitator. Quid, quod S. Dominicus *arctiorem, severioremque* Paupertatem Augustinianæ Regulæ effecit, rejiciendo fundos vel in com-

muni possidendos? *Artior* ne foret, si privatum concederet peculium? Satis ab hoc latere te exagitaturo video. Ultra pergam.

IV. Ex alio igitur latere illum adoriatur, ut enormem calumniam sanctissimo Parenti Dominico inpastam repellamus. Patriarcha Gusmanus, inquit, paupertatem suis præscripsit peculio turgidam, minime vero *quæ in Regula S. Augustini exacta rerum communione definita est, ac propterea Augustini Regulam, quantum ad rerum communionem, temperavit*. Unde quæso hocce commentum? Sub Augustini Regula approbatus Ordo fuit ab Ecclesia. Quo privilegio truncata, aut temperata fuit Regula hæc? Adversus hoc portentosum commentum clamant vel ipsa, quas professus est, Constitutiones *Dist. 1. cap. 14. tex. 10. Quando vocatus fueris Novitius ad terminum professionis suscipiendum, expresse protestetur eidem, quod professio sua eum obligabit ad tria vota, PAUPERTATIS scilicet, Castitatis, & Obedientie secundum REGULAM B. Augustini*. Clamant iterum III. *Tam Novitii quam alii Fratres debent sine Proprio vivere, sicut mandatur in REGULA, ubi dicitur: non dicatis aliquid proprium, sed sicut vobis OMNIA COMMUNIA*. Quid plura? Clamant vel in ipso Prologo hanc communitatem sub *Præcepto* a Regula imponi. *Ad communitatem autem rerum ex ipsius Regula PRÆCEPTO adstringimur*. In tanta legum luce, adversus tot locupletissimos Testes, quot sunt Prædicatorum celeberrimi Scriptores, tam putidam fabellam evulgat? Sed rationum momenta audiamus, cur repudiata a S. Patriarcha fuerit exacta rerum communitas a Regula præscripta. *Et sane [inquit] quo pacto exacta rerum communio, quæ nihil PECULIARITER enigmam permittat, ac commoda fuisset Prædicatoribus, qui simul intra Canobii mania commemorari haud poterant? Nunquid a Deo [adeo] sejuncti potuissent pasci ex uno Cellario, atque ex uno Vestiario indui?* Subtilissime. Igitur neque Christus, neque Apostoli, qui intra unius domus mœnia haud erant inclusi, perfectam rerum communitatem servarunt, quod sentire scelus est & Religio. Impossibilis est ergo omnibus Clausuralibus mendicantibus exacta rerum communitas. Capuccini, qui semper, sed hac nossea potissimum tempestate, Apostolicum Prædicationis Ministerium non in universa Europa modo, verum etiam per totum Terrarum Orbem summa cum laude, & uberimo evangelico proventu exercent, abundantque præstantissimis Concionatoribus, qui morum severitate, & evangelica, non fucata,

ta, eloquentia, Dei Ecclesiam illustant, exactissimam servant communitatem. Quid ceteros inclytos sacros Ordines commemorem? Crumenę peculiari assuetus *Vita Claustralis* Magister, Apostolicę communitatis notionem minime tenet. Ignorat aliter intra, aliter extra Claustra eam servari. Suo loco hac de re instruendus erit.

V. Quod ultimo loco comminiscitur, se ad evidentiam demonstrasse Regulam Augustini non imponere sub *Præcepto* exactam rerum communitatem, alia quæstio est, quæ suo loco in examen veniet. Nunc quaeritur, præscripserit ne Augustinus communitatem, an secus. A qua hic hæret Docto Magistro, qui subiratus concludit: *Sed prohibuerit, interdixeritque, quantum voluerit, Clericis suis Afer Pater: Hispanus non prohibuit, non interdixit.* Quid non prohibuit? *Peculium*. Quid non interdixit Pater Hispanus? *Marsupium privatum*.

VI. Hæc sunt capita prima, & fundamenta, quibus totum nititur *Vita Claustralis* Systema. Chimærica illa & fabulosa: ergo phantasticum hoc & ridicularium. Dispendium operæ facerem, si fumos, & somnia persequerer.

C A P U T IX.

ERROR SEXTUS VITÆ CLAUSTRALIS

Tria peculiorum genera adeo ampla Mendicantibus Fratribus impertitur, ut, præter honestos necessariosque usus, satis sit ad solatia, ad recreationes, ad horologia argentea, arcular argenteas, ad ludos pecuniarios, aliaque id genus habenda.

PECULIUM PRIMUM NECESSARIUM.

I. **V**ita Claustralis p. 2. Diff. VIII. pag. 472. „ Ex necessitate conceditur peculium primo quidem infirmis, ut se curari faciant: „ quamvis enim circa infirmos solertes esse debent Coenobiarchę, non „ semper tamen expensas omnes e communi solvere valent. Secundo pro „ itineribus necessario conficiendis cum studiorum causa, tum prædicatione-

tionis, aut alterius utilis operis. Tertio pro emendis sibi libris ad humanam Divinamque eruditionem comparandam. Quarto etiam pro vestibus, & quandoque pro cibis, quando Cœnobiorum paupertas quod necessarium est non suppeditat. Quis neget in his omnibus privatum peculium licitum esse Claustralibus?

C E N S U R A

In peculium primum necessitatis causa.

II. Necessitas, quæ hic habendi peculii fingitur, voluntaria est, ciminisque plena. Quoniam jam in Disciplina Apostolico-Monastica ostensum evidentissime est, & iterum in hoc Opere ostendetur, Cœnobita communitate abundare post Tridentinum redditibus communitati servandæ congruis. Non ne vivunt Fratres pecuniis separatis? Ergo commodius viverent in commune collatis?

III. *Peculium primo conceditur infirmis.* Ecquodnam Religionis genus istud est? Infirmi proprio marsupio curari debent? Quid agent ægroti illi, qui censu vitalitio carent, qui nec prædicatione, nec lectione, nec alia iusta via pecunias conquirere valent? Ad Xenodochia ne pergent? Ignarus es, ut video, Fratrum industriæ. Singuli animos sibi faciunt, dum sani sunt, ut propriam rem augeant in futuras commoditates.

IV. *Secundo pro inimerbis cum studiorum causa, tum prædicationis, aut alterius utilis operis.* Tres isti habendi peculii tituli amplii sunt, potissimum ultimus, nempe operis utilitas. Dic sodes. *Peculium* istud *itinerarium* cur non præbetur de communi? Nonne itinera studiorum, & Prædicationis gratia suscepta in bonum Religionis cedunt? Distinguo. In bonum spirituale concedo. Temporale nego. Quoniam pecuniæ lectione, Prædicatione, aliaque via partem in privatas Fratrum crumenas intrant.

V. *Tertio pro emendis sibi libris &c.* Cui usui deserviunt Cœnobiorum bibliothecæ? Ad quid institutæ sunt? Quamquam si Fratrum etiam divitum cellæ lustrentur, parum peculii in libris expensum occurret. Cur? quia tertius titulus: *aut alterius utilis operis* totum peculium absorbit.

VI. *Quarto, etiam pro vestibus, & quandoque pro cibis.* Nonne Cœnobium porrigit *Vestiarium* illud *pecuniosum*? Verum. Sed hoc non sufficit. *Quandoque pro cibis.* An non pulsat singulis diebus refectorii nola? Quid ergo *pro cibis* peculium? Intelligas sano modo. Cibi communes nimium sunt frugales. Studiorum causa Magistris, Baccalaureis, aliisque professoribus congluant aliquæ lautiores dapes, ferula &c. quæ omnia describere non expedit. At illi, qui peculio privato carent, quique aut fame laborant, aut exquisito palato, & ipsi non secus ac Baccalaurei instructi sunt, qua via sibi prospicient? Omnes Patriarchæ, Patres, Concilia, Pontifices, Theologi, Canonistæ negant absolute licitum peculium istud. Omnes adfirmant de communi prospiciendum esse Fratribus in necessariis usibus. Hæc *primi peculii* descriptio prodit ne Religiosam communitatem, an laicam quampiam societatem? Et tamen hucusque peculium necessitatis causa descriptum est. Alterum numeremus.

PECULIUM SECUNDUM VOLUPTARIUM.

VII. Vita Claustralis cit. pag. 472. „Ex honestate vero privati peculii usum indulgeri *Necesse est*. *Primo* pro itineribus ad invisendos „quandoque parentes & consanguineos, vel amicos juxta pietatis san- „stæque amicitie leges. *Secundo* pro quibusdam vel intra vel extra Or- „dinem, præsertim cum a scholis feriat, *honestis solatiis*. *Tertio* pro clar- „giendis etiam muneribus, quæ gratitudo, & justitia fieri jubent, at- „tento statu, & conditione personæ dantis & recipientis. *Quarto* pro „aliquo virtutis & pietatis opere. „

C E N S U R A

In peculium voluptarium.

VIII. Quid amplius concederet honesto filio familias Christiano etiam ditissimo? Quatuor sunt momenta habendi *peculii necessarii*: nimirum cura infirmitatis, itinerum expensæ, librorum emptio, vestium, & datum provisio. Quatuor sunt causarum genera retinendi *peculii voluptarii*:

iii : nempe visitatio Parentum, amicorum, solatia honesta intra vel extra Ordinem, munerum largitio, Pietatis opera. Oh egregia paupertatis Evangelicæ forma ! Oh splendida Apostolicæ communitatis imago ! Cedo, Reverende Magister. Uberrima Cœnobiorum patrimonialia, quo tandem recidunt ? quibus deserviunt ? Tot quippe sunt usus, quibus privatum assignas peculium, ut vix remaneat necessitas aliqua a Monasterio levanda. Nam *primum peculium* sub quatuor necessitatum causis omnia necessaria comprehendit. Alterum *peculium voluptarium* inter quatuor illa ampla solatiorum confinia commoda omnia concludit. At quibus solatiis fruuntur illi miseri cucullati, qui tanto peculio carent, ineptique sunt ad pecunias prædicatione, lectione, negotiorumque procuracione conquirendas ? Languerunt, frigebuntque isti : aut continuo solliciti erunt, ut ipsi aliqua via peculium & necessarium & voluptarium conquirant. En expressa Babilonicæ confusionis, non Hierosolymitanæ concordie descriptæ a Luca Act. 4. facies. Hæc vitæ Claustralis doctrina, ut mitissime loquar, laxitatis enormis plena est, chimæricum efficit Paupertatis votum, cachinnis sibilisque hæreticorum exponit Romanam Ecclesiam Concilii Tridentini, & Constitutionum Pontificiarum voce præfata omnia damnantem.

PECULIUM TERTIUM

Pro supellectili Argentea Fratrum Mendicantium.

IX. Vita Claustralis 2. p. Diff. VII. cap. II. pag. 475. „ Paupertatis voto non opponitur, nec status Monasticæ Disciplinæ evertitur, si Claustrales quædam habeant instrumenta argentea, nempe cochlearia, cultrum, furcinulam, arculam pro tabacco, horologia, *idque genus similia* : dummodo „ nec summi pretii sint, nec vanitatem ostendent.

CENSURA.

X. Si præfata supellex non dedecet Mendicantes cucullatos, quænam eisdem non congruet ? Quid, quod vel ipsi divites, nobiles, Principesque vix pretiosiore istius generis supellectili utuntur ? Fratres, qui, ob summam

nam quam professi sunt paupertatem, *Mendicantes* appellari gloriantur; temporis instantia argento metiuntur? *Fratres Mendicantes*, qui humeris hipperis impositis ostiatim victum queritant, panem ex elemosyna acceptum cultris argenteis scindunt, & cochlearibus itidem argenteis pulmentum fumere non erubescunt? Audiamus iterum Magistrum Claustralem philosophantem.

VITA CLAUSTRALIS.

XI. Pag. 475. & 476. Miratus sum *immanem* hominis *rigorem*, quapropter adversus eum *audacter* ajo: Quod nonnulli, qui Claustralem paupertatem cum xgestate, rerumque inopia promiscue confundunt, rati Claustrales paupertatem sibi eligentes vovere rerum omnium penuriam, ut inter lacerum mendicum, qui *frustum* panis ostiatim queritat, & *Mendicantem* Fratrem, aut Monachum *nullum* sit discrimen, hæc omnia claustralibus abjudicent, per me licet: opinio hæc *ignorantia* atque *inscitia* est simillima. At quod vir doctus . . . *his reculis* paupertatis votum pessumdari, omnemque everti claustralem Disciplinam pervincaciter contendat, nec si *ferreum stomachum* habeam concoquere potis sum.

CENSURA.

XII. Si *stomachus* R. Magistri non *ferreus*, sed *argenteus* esset, fortassis hæc omnia, & duriora etiam concoqueret. Supinæ ergo ignorantie mater opinio illa est, quæ Claustralem paupertatem Fratrum Mendicantium cum paupertate confundunt mendiculorum ostiatim stipem queritantium? Quænam amabo te istius ignorantie causa? Quia, inquit, mendiculorum paupertas lacerata est, vilisque, rerum penuria laborans & xgestate. Fratrum vero paupertas, honesta, nitida, splendida, abundans. Quid si ego reponerem, hanc Monasticæ paupertatis sententiam falsam, erroneam, Evangelicæque paupertatis spiritui adversari? Non ne quasi dogma habetur, voluntariam paupertatem evangelicam solemniter voto consecratam perfectiorem esse paupertate necessaria mendiculorum? In quo sita hæc maior perfectio? In sola abdicatione dominii? In sola illa scititia *dependentia* & mutua conniventia

inter Prælatos & subditos? Secus vero in parco humilique rerum usu? Si mendiculi tantæ pecuniæ summam conquistam haberent, qui mensam instruerent cochlearibus, furculis, cultrisque argenteis: qui horologiis lateri hærentibus circumirent civitatem, stipemque conferentibus *Tabacum* ex arcu argentea præferrent, non ne omnium Theologorum atque Casuistarum consensu fures essent, hypocritæ, & latrones elemosynarum restitutioni obnoxii? Ita Theologia Casuistica. Tua Antiprobabilistica quid sententiæ profert in Fratres illos Mendicantes, qui non civitates modo, sed agros, & montes peragunt, ut ab ipsis vel pauperimis agricolis, miserisque rusticis vinum, frumentum, pecuniam, & cujusque generis annonam corrodant: qui *Cassella questuaria* in manibus januas petunt mercatorum, artificum, & ipsorum pauperum, ut obolos quærunt? Porro isti ipsi Fratres, in quorum usum, commodumque elemosynæ conquistæ cedunt, mensam argentea supellectile, te Judice, parant; horologia argentea lateri affixa, & arculam pro Tabacco argenteam in manibus habent? Si Casuistica Theologia priores mendiculos, qui rerum dominium habent, qui paupertate non libera, sed coacta premuntur, furti & latrocinii damnat: Tu Antiprobabilista strenuus, quodnam judicium fers in præfatos Fratres Mendicantes omni rerum dominio destitutos, qui sublimem paupertatis Monasticæ virtutem profitentur, qui ab omni superfluitate cavere sibi debent? Hæc Authoris Clausuralis laxissima, & scandalii plena doctrina infamæ, hypocrisis, & avaritiæ labem Fratribus Mendicantibus aspergit. Quid si Episcopi hanc Clausuralem Theologiam legentes vetarent Mendicantibus Fratribus ostiatim stipem quærere, penisque in avaros quæstores latis plecterent? Quid si eosdem redarguerent, qui tanta pecunia privata, ultra communes, & frequenter uberrimos redditus, habent, ut in solatia, in diverticula, in itinera voluptaria expendenda, elemosynas veris, non fictis pauperibus furripiunt? Orationis filum abrumbo, ut exclamare Magistrum Clausuralem sinam: *Miratus sum immantem hominis rigorem, quapropter adversus eum audacter ajo*. Tanto scilicet ausu & pectore opus erat, ut similia in publicum evulgari possent.

VITA CLAUSTRALIS.

XIII. Pag. 476. „ At inquires, splendorem quemdam præferunt,
 „ & quamdam sæculi vanitatem ostentant, quamvis modici valoris sint
 „ ejusmodi instrumenta. Rideo plane dum hæc audio. Sutores usque, in-
 „ quio, ut vilioris artis opifices, qui dieterim manuum labore victum sibi
 „ quærunr, his *hæc nostra ætate* utuntur instrumentis, & splendorem & no-
 „ bilitatem ostentant? „

C E N S U R A.

XIV. Robustissima argumentatio. Sutores, qui *manuum labore victum*
quærunr, utuntur argenteis instrumentis; & Mendicantes Fratres, qui
 mendicato vivunt, eisdem uti nequibunt? *Vilioris artis opifices*, qui in su-
 dore vultus sui vescuntur pane, argenteam habent suppellectilem; & Men-
 dicantes cucullati eandem adhibere non poterunt? Si Sutores & Opifices
 propriæ conditionis sferam prætergressi *hæc nostra ætate* Equitum & nobi-
 lium splendorem, pompam fastumque æmulantur; numquid ad tetricam
 vetustæ ætatis disciplinam reformanda est Fratrum mendicantium Pauper-
 tas? Quidni addidisti. Sericas vestes induunt hæc nostra ætate artifi-
 ces; occur ergo eundem adhibere vestitum Mendicantibus Fratribus
 non licet?

VITA CLAUSTRALIS.

XV. Pag. 477. „ Opponet, non me præterit extemplo Daniel: In
 „ Constitutionibus nostris Dist. 1. cap. X. in Gloss. in lit. D. hæc omnia
 „ interdicuntur. Nullus Frater, aut Soror Ordinis nostri cujuscumque gra-
 „ dus & conditionis existat, uti debeat coehlearibus & instrumentis aureis vel
 „ argenteis, aut etiam lapidibus pretiosis sive in mensa, sive in cingulis, si-
 „ ve in cappis, cultris vel eorum vaginis, sive in quocumque alio genere re-
 „ rum utensilium. Qui autem transgressores reperti fuerint, eisdem instrumen-
 „ tis omnino priventur, & illa communitati applicentur, & graviter præte-
 „ rea transgressores puniantur. Sed e vestigio reponit ille non nescium se ef-

„ se, in Glossis suarum Constitutionum ita sancitum esse : sed pariter nos-
 „ se nullam omnino esse ex sui Ordinis Constitutionibus, quæ vel levissi-
 „ simam culpam in transgressores derivet, nisi adsit earum contemptus,
 „ sed pœnæ tantummodo supponere temeratores „

C E N S U R A.

XVI. Constitutiones ex genere, ut ipsæ declarant, ad culpam non obli-
 gant. In praxi tamen raro deliberate violantur innoxie. Continuata trans-
 gressio contemptum, omnium Theologorum consensione, inducit, atque
 adeo culpam. Laudata doctrina scandali plena est, utpote latissimam ape-
 riens viam ad Constitutiones universas transgrediendas. Non obligant ad
 culpam. Ergo violantiæ? ergo contemnentiæ? Quid? Dum declarant quæ
 cum paupertatis voto pugnant, non obligant ad culpam? Absque culpa
 ergo Fratres Mendicantes aurea, & argentea suppellectile uti poterunt?
 Hæc est mirifica Magistri *Vitz Claustralis* doctrina.

V I T A C L A U S T R A L I S.

XVII. Pag. 477. „ De pixide seu argentea arcu pro pulvere Tabac-
 „ co res difficilior videtur Nolo esse adeo immitis & superciliosus
 „ Aristarchus, ut Claustralem æa utentem paupertatis temeratore, Mo-
 „ nasticæque Disciplinæ everforem appellem Pag. 478. Ca-
 „ veant tamen Claustrales, ne aut magni pretii aut elegantissimi operis
 „ ad ostentationem magis, & vanitatem, quam ad utilitatem deferant
 „ horologia : quod *Londinensis* malint, quam *Parisiensis* aut *Genevensis*,
 „ per me licet, dum utilis operis præstantiam, & non materiei elegan-
 „ tiam, aut auri argenteique pondus opusque analyticum quærant. Pag. 479.
 „ Quid si ego nullam prorsus culpam in horum instrumentorum usu in-
 „ veniri dicam? Ero ne status Monastici everfor, non minus ac everfor
 „ fuit Carthaginis & Punicæ Reipublicæ Scipio? Numquid laxoni-
 „ bus, qui claustralis paupertatis voto omnia concedunt, dexteram do at-
 „ que adlocior? Si ita audio, percutior, rogoque etiam atque etiam, obtestor-
 „ que per Deum hominumque fidem Aristarchum nostrum, ut mihi edis-
 „ serat, meamque supinam dedecet ignorantiam, unde nam tantam hauriant
 „ pra-

„ *procuratorem ejusmodi instrumenti.* Dic fodes, mi Frater, est ne illicitus purus
 „ putusque horum instrumentum usus, aut eorum detentio? Si purus putus-
 „ que usus quotiescumque extra Cœnobium comedis, & ad Laicorum men-
 „ sam affides, quum his argenteis, & majoris quidem ponderis & elegan-
 „ tioris operis uteris instrumentis, contra paupertatis votum pecces lethali-
 „ ter, an venialiter, sub te Judice lis est.

C E N S U R A.

XVIII. Supplices tanti Magistri preces exaudiendæ. Non modo laxam, sed
 laxissimam pronunciamus illius sententiam. Nec est, quod singulas illius
 ineptias persequamur. Quod horologia *Londinensia*, secus *Parisiensia* &
Genevensia, adversentur voto paupertatis Monasticæ, lepidissima inventio
 est, quæ acuminis præfert subtilitatem. Supinam suam dedoceri ignoran-
 tiam ille petit. At vereor, ut, qui tot errores litteris prodidit publicis,
 suscipiendæ veritati aptus evadat. Quæ ad nos spectant partes implebi-
 mus. Prolixum transcripsi textum, non ut singula ejusdem membra con-
 futem, sed ut singula deridenda propinem.

P E C U L I U M Q U A R T U M

Pro ludis pecuniariis.

XIX. Vita Claustralis 2. p. Differ. VIII. cap. III. pag. 483. „ Clau-
 „ stralibus pro honestis necessariisque usibus privatum peculium licitum
 „ esse sexcentis argumentis luce evidentioribus demonstravimus. Quid er-
 „ go veter, posse Claustrales modicam pecuniæ quantitatem, *intra, vel*
 „ *extra Ordinem*, ludis sibi non interdictis exponere, non quidem lucran-
 „ di, quod avaritiæ est, sed animum relaxandi causa? Quandoque contingit,
 „ ut Claustrales, *vel domi, aut extra domum*, quum vel inter sese, aut cum
 „ amicis, aut consanguineis, *ubi multum, est scandalum*, honeste & mo-
 „ derate ludant, accepta e Prælati suis aliquid ex *privato suo peculio*
 „ in honestos usus expendendi facultate. Non video heic, cur eos violatæ
 „ paupertatis incusem, & tanquam suæ professionis temeratores damnem,
 „ Ava-

„ Avaritia abest, fraus abest. Adest modestia, honestas adest. Et quid
 „ ulterius requiritur in viro Religioso?

C E N S U R A.

XX. Nihil ergo in *Viro Religioso* ulterius desideratur, ut pecuniariis ludis operam navet, nisi quod avaritia abest? Christiani autem viri avaritiz explendæ ludant. Næ ista Evangelico-Monastica Theologia? Ut Viri Religiosi *Mendicantes* plenius, & undequaque redundare letitia, exhilarare animum valeant, non modo intra Cœnobiorum pomerium sed extra cum amicis laicis aut consanguineis peculium suum ludo committant. Facultate Prælatorum obiecta in honestos usus expendendi *peculium suum*, consequitur necessario licere iisdem in ludos quoque distrabere. Quid posse. Sed genus ludorum Mendicantibus consentaneum audiamus.

V I T A C L A U S T R A L I S.

XXI. Pag. 484. „ At inquit Daniel. *His alearum ludis, ipsa experientia, intima est avaritiz occasio, quando in illis pecunia exponitur, re-
 „ ipsa non ad animi solamen, sed ad cupiditatem alendam exercentur.
 „ Hinc vero Sacrorum Ordinum dissolutio, Paupertatis Evangelica eversio,
 „ Chori neglectus, Sacrorum contemptus, jurgia moventur &c.* Si ita est
 „ quid reponam non habeo, nisi paucorum ludentium hoc esse, qui
 „ conculcatis Eutropelæ legibus virtutem in vitium vertunt, quot quot
 „ aleis ludunt in tot delicta, & flagitia dilabi nemo dixerit. . . Cæ-
 „ terum certus sum, nullum ex his malis ab eo factum iri, si modicum
 „ pecuniz *alearum* exponeret ludo. Porro ut ulterius argumentationem
 „ meam urgeam. . . Si sola pecuniz expositio tot flagitiorum foret cau-
 „ sa, hoc ipsum contingeret, sive aleis, sive latrunculis, sive pilæ, sive
 „ trocho exponeretur nummus.

C E N S U R A.

XXII. Dissertatione VI. *Disciplina Apostolico-Monastica* suo calamo omnia ineptissima commenta, quæ laxiores quidam Casuistæ excogitarunt, ut ludos pecuniariorum licitos Mendicantibus tacerent, explodi. Vix tamen quempiam offendimus, qui *aleis* Claustrales Mendicantes vacare licite posse asserat. *Magister Claustralis*, nullo agnito ludos mere fortuitos inter & industrios discrimine, æque illis, ac istis exponere suum *peculium* posse Mendicantes Fratres contendit. Quid interest, inquit, siue *aleis*, siue *larrunculis*, siue *trocho*, siue *pila* nummus committatur? Discrimen agnoscunt qui prima Christianæ Theologiæ rudimenta delibarent. Me pudet Magistrum in Theologia Sacratum, aut brevi consecrandum hæc prima principia docere. *Alea* puram putamque sortem sonat. Pœnas & Canonibus ab Ordinis sui Constitutionibus in Fratres *aleis* ludentes indicatas reperies *loc. cit.* Quare ad peculii quantitatem ludo committendam accedamus.

V I T A C L A U S T R A L I S.

XXIII. Pag. 485. „ At petes : quantum pecuniæ sarto tecto pauper-
„ tatis voto ludis exponere liceat Claustralibus ? Obvia petitio, sed
„ perdifficilis responsionis : cui ut faciam satis, quantitatem peculii
„ Claustrali privatim concessi expendo.

„ Aut enim Claustralis adeo modicum *peculium* habet, quod nec
„ necessariis usibus satis sit : & tunc dico, nec obulum posseludo expo-
„ nere. Enim vero, si indigentis, quibus premitur, consulere potis
„ non est, quo pacto in *solariis* quantumvis honestis pecuniam ex-
„ pendere potest? Pro necessitatibus prius *permisum* est *peculium*, & si
„ quid superest, pro *solariis*. Ita & natura ipsa, & paupertatis votum
„ videntur postulare.

„ Aut *peculium* pro utrisque habet juxta gradum & conditionem, &
„ tantum pecuniæ exponere concessum esse assero, quantum honestas, atten-
„ tis nectum gradu & persona, sed & Instituti legibus, indulget &c.

CEN.

C E N S U R A.

XXIV. Audisti reconditam Theologiam? Mendicantes, qui peculio carent levandis necessitatibus idoneo, nec *obulum* ludere valent. Cur? Quia natura ipsa, & paupertatis votum ita postulare *videatur*, ut delictus pecunia necessaria ad vitam alendam, ludis & solatiis indulgere non valeat. Firmanda hæc ratio erat aliqua Platonis auctoritate. Si vero peculium abundans sit tum pro victu ac vestitu, tum pro recreationibus, oblectamentis, & *solatiis*, tum duplex Claustraliū genus distinguendum. Alterum eorum, qui gregarii sunt, inferiorisque scamni. Isti non adeo magnam pecuniz summam *aleis* consecrare valent. Cur? Quod istis haud congruunt solatia valde lætifica, nec tam gravis adest ex hilarandi, expectorandique animi causa! Alterum vero genus *Graduatorum Claustraliū* est. Appellantur hi *Præsentati*, *Jubilati*, *Baccalaurei*, & *Magistri*. Istorum graduum varietas mensura est pecuniz *aleis* exponendæ. Plus nummorum Magistri, quam Baccalaurei, & Jubilari præ Præsentatis impendere ludis valent: tum quod gradus isti uberrima latifundia sunt, unde opimius corradsere peculium: tum quod sudoribus sosis, & laboribus exantlatis inmensis oppressi sunt. Idcirco recreatio magna, solatia pecuniaria, & commoditates congruæ consequi labores illos debent. Nec suspicetur lector, me hæc ad invidiam constandam exaggerare. Singulis namque paginis Magister Claustralis edocet, Peculium concedendum esse *pro diversa personarum qualitate, & juxta graduum diversitatem*. Suavissima revera Monastica hæc Theologia est, quæ vota solemnia variat juxta graduum diversitatem. Confirmari ne alicujus Patris auctoritate valet doctrina isthæc? Dubio procul, inquit Magister Claustralis. En Augustinum in Regula. *Distribuaturs victus, & tegumentum, non equaliter omnibus, quia non equaliter valetis omnes, sed potius unicuique prout cuique opus fuerit*. Nec te moveat, quod Sanctus Pater ranrum victum, & vestitum recorderetur, quia sub his comprehenduntur etiam peculia *pro ludis aleatoriiis*. Quod porro juxta sive valetudinis, sive infirmitatis diversitatem Magnus Pater jubet providendum, nulla personarum, graduum, aut dignitatum mentione facta, nullius momenti est. Quoniam infirmitas & Baccalaureatus, valetudo & Magisterium Theologicum idem
 prot-

profius sunt. His salibus insipida embammata, hisque jocis, & sibilis contemnaenda potius, quam refutanda sunt calefacti cerebri somnia.

XXV. Unica nunc supputatione in summam contrahas velim quæ recensuimus peculia tum *necessaria* expendenda in vestes, in dapes, in argenteam suppellectilem, tum *voluptaria* absumenda in solatiis, oblectamentis, itineribus, ludis, idque genus cæteris. Hæc omnia memoriæ hæreant, ut monstrosam laxitatis imaginem uno oculorum ictu spectare valeas. Magister *Vitæ Claustralis* in universo suo Opere exquisita arte obtegit descripti peculii horrorem, ut odio invidiæque causam suam subducatur. Peculium hæcenus descriptum harum vocum calamistrolæ adulteratum exprimi solet: *Aliquid de venia Prælatorum permixtum ad usus necessarios honestosque*. Quoties ergo offendas *To* aliquid, in mentem revoca amplum, uberrimumque peculium, quod hoc in capite descriptum est.

C A P U T X.

ERROR SEPTIMUS VITÆ CLAUSTRALIS.

Descriptum peculium asseritur ab Authore Claustrali cum primum Monasticæ Sanctitatis fundamentum, & Sacerdotum Ordinum propugnaculum. Nihil cum paupertatis voto commune habere ait bonorum communionem.

I. OMnes, quos recensuimus errores, in paucos contrahit Author Claustralis. Ingens, quod hucusque descripsit peculium, adeo annexum statui Religioso, & solemnī paupertatis voto contendit, ut absque tali peculio Religio consistere nulla nequeat. Sic enim scribit pag. 391. *Tolle peculium, quando utilitas, aut necessitas postulat, & sustulisti Religionem. Tolle peculium caute adhibitum, & Religio non est Religio, non securitatis portus, non tranquillitatis statio.* Qui itaque, peculio sublato, exactam rerum communitem invehit, Religionem de medio tollit? Ut aliquo furo errorem hunc Adversarius obtegeret, tres adjecit particulas: *utilitas, necessitas, caute*. Necessitas habendi peculii, si vera & coacta sit, excusat a lege communitatis: secus si voluntaria, & libera fuerit. Utrum hæc, quæ asseritur, necessitas volita sit & ficta,

an vera & involuntaria; infra palam fiet. Accedit, quod si *peculium* nullo præcepto vetitum sit, ut contendit Adversarius, absolute, & sine necessitate licitum erit. Superflua ergo hæc prima particula. Altera clausula *utilitas* seipsa corrui. Utilitas enim isthæc semper adest. Quando nam non utile *peculium*? Quis est, qui sibi non *utiles* pecunias afferat? Frustra itaque & ad illudendum imperitis adjecta est particula præfata. Tertia tandem vox *cante* haud est cæteris melior, immo utriusque inanior. *Peculium incaute* adhiberi non votum paupertatis modo, verum etiam lex naturalis prohibet. Cautus & prudens pecuniarum usus omnibus necessarius est. Incautus, & imprudens omnibus perniciosus. Technis, & fucis excussis, erroris gravitatem, atque gravissimum scandalum, nemo non videt. *Tolle peculium, & sustulisti Religionem*? Ecquodnam est *peculium* illud, sine quo Religio, non est Religio? *Peculium* quod supra recensuimus: adeo abundans, ut præter victum, & vestitum sufficiat ad captanda honesta solatia intra & extra Ordinem, ad munera largienda, ad indulgendum ludis, ad emendam suppellectilem argenteam, nempe horologia, arculas pro tabacco, & cætera id genus. *Tolle hoc uberrimum peculium, & Religio non est Religio*? Absque hoc peculio Religio non est salutis portus, nec securitatis asylos, nec tranquillitatis sedes? *Tolle peculium cante adhibitum, & Religio non est Religio, non securitatis portus non tranquillitatis statio*. Omnes ergo Sacri Ordines ad Regularum, & Sacrorum Canonum præscriptum reformati, a quibus procul *peculium* exulat, syrtis sunt æterni naufragii, non salutis portus, non securitatis statio? Exterminanda igitur e Claustris est perfecta bonorum communio, *peculiumque* introducendum. Consilium Christi Domini dimittendi omnia, nullo reservato peculio, perniciosum erit, viamque æternum pereundi aperiet? Quid plura. Disciplina ipsa exactæ communis, quam, Teste Adversario, Christus quoad vixit in hoc mundo servavit, non erit dicenda *nec salutis portus, nec securitatis statio*. Si hæc blasphemix non sunt, & scandala gravissima, quænam erunt?

II. Huic errori affinis est alter, quem ceu primarium sui systematis fundamentum distinctis characteribus scribit his verbis pag. 404. *Rerum communitas aut parum, aut NIHIL commune habet cum paupertatis voto, quod Deo nuncupant Claustrales: Nec ex stricto præcepto Claustralibus*

bus præscripta est. Si qui Evangelium, Apostolorum Acta, Patrum, Conciliorum, & Pontificum Canones ignorarent, talia scriberent, excusatione digni essent. Cæterum, utrum veniam mereatur eruditus Adversarius Christianæ, & Monasticæ Theologiæ Professor, alii judicent. *NIHIL* affinitatis cum paupertatis Monasticæ voto exacta rerum communitas habet? Inepte ergo Patriarchæ Sacrorum Ordinum Institutores, inepte Concilia tum Oecumenica, tum Provincialia illam præscribunt. Inepte Concilium Tridentinum tribus integris capitibus illam præscribit. *Parum aut NIHIL commune habes cum paupertatis voto rerum communitas?* Injuste ergo sacro jure jutando ad illam servandam Pontifices Summi Claustrales adigunt? Sed ultima verba veniant in examen. *Nec ea stricto præcepto Claustralibus præscripta est.* Quid prodit, *To Stricto?* Dantur ergo præcepta *larga & stricta?* Ea arte intrusa est vox ista, ut si præceptum probetur, possit illudere respondendo, esse præceptum non *strictum*, sed *præceptum largum*. Suo loco evidentius confutabitur error iste, & præcepti gravitas summa demonstrabitur.

III. Pagina proxime sequenti, nimirum 405. suorum errorum confessoria elicit, quorum unum transcribo, cætera alibi relaturus. *Prælati Regulares nec gravissimi, nec graves, immo nec LEVIS peccati rei sunt, si visam communem suis non invehunt Monasteriis.* Hæc illatio necessario consequitur descripta principia. Si rerum communitas *NIHIL commune habes* cum paupertatis Voto, nullius sane culpæ Prælati Regulares rei sunt, si illius observantiam negligant. Quid si hæc communitas esset saltem *præcepto largo* imposita? Non ne tum, ut minus *leviter* peccarent, si eam instaurare negligenter? Benigniores Probabilistæ docent, graviter delinquere Prælatos Regulares, si vel unam Constitutionem in defectu abire relinquunt, tametsi ad nullam culpam obliget, ut infra ostendam. Sed in præsentia satis de hoc.

C A P U T XL

ERROR OCTAVUS VITÆ CLAUSTRALIS

Observantiam Disciplinæ Regularis in sola arbitraria indulgentia, aut rigore Prælatorum constituit. Extreme laxitatis error Probabilistarum auctoritate labefactatur.

I. **H**Astenus solemnii paupertatis voto bellum indixit, & ultimas quasque struxit insidias Magister Vitæ Claustralis. Universam nunc invadit Monasticam Disciplinam, eamque ab imis suffodit initiis. *Parr. I. Dissert. V. pag. 116.* leges & ritus Disciplinæ, quam ipse professus est, describere aggreditur, & neglectis gravioribus punctis, regulas parvi momenti latius extendit: puta quod Fratres canonicas horas recipient per vices alternatim *stando*, & *sedendo*, quod post completorium e choro excantant *infra Umbonem*, quod singulis hebdomadibus defunctis *parentem*, quaterque in annum anniversariam eorumdem faciant commemorationem, cæteraque id genus, quæ missa facio. Describam quæ subdit *pag. 117.*

II. „Jejunium septem integros menses, a festo exaltationis S. Crucis „ad Pascha usque, *exceptis diebus Dominicis* observant, sicut & omnibus totius anni sextis feriis, & in Parasceve panem tantum & aquam degustant, carnis esu toto anno interdicto.

III. Plura hic neglexit gravioris momenti. Quid ergo addendum est? Quod omnes Fratres cujusque dignitatis sint, accedant ad communem mensam: quod omnes communi cibo contenti, nullus ex proprio pecunio sibi selectiora comparet fercula. Hæc omnia & a Constitutionibus, & a Comitibus Generalibus præscripta tanti fecit Summus Pontifex Benedictus XIII. ut in Brevis dato an. 1725. typisque edito, & inserto Capitulo Generali Bononiensi ejusdem anni, hæc addiderit: *Nihil tamen magis cordi nobis est, quam quod de uniformitate in CIBIS, ac CELLIS tam per Constitutiones, quam per Comitibus Generalia præscriptum est: nimirum, ut nulli ex Fratribus, sive Priori, sive Inquisitoribus, sive Magistris*
in

in Theologia quidquam in mensa ministretur, quam quod ceteris fratribus ministrari solet, ut precipit Capitulum Generale habitum anno 1694 sub penis ibidem sanctitis. At praterea, ut nemini liceat nisi ex causa infirmitatis in **CELLA** comedere, sed omnes etiam **INQUISITORES** tam mane, quam sero in communi refectorio, infirmaria, vel in Hospitio cum Superioris licentia comedant, ut in mandatis S. Pii V. Prædecessoris nostri ordinatione quinta continetur sub penis ab eodem constitutis. Hæc conferat R. Magister cum iis, quæ scribit pag. 480.

IV. Hæc præ aliis cordi erant pio, sanctoque Pontifici: & tamen, si cum iis, quæ addit, comparentur, leviora evadunt. Sic ergo persequitur Pontifex in laudato diplomate: *Ut denique Fratres in communi Dormitorio habitent, atque in eodem etiam INQUISITORES dormiant, nec quisquam Religiosam CELLÆ formam excedat, ut mandata ejusdem Sancti Prædecessoris nostri PRÆCIPUUNT ordinatione nona, qua rursus Superioribus localibus injungunt, ut sublata CELLARUM pluralitate eas ad Religiosam formam, & Fratrum usum reducant, & quos remanentes reperiunt, per propofitas ibidem penas parere compellant.*

V. Quid si Fratres ipsi privatim tam superba magnificentia ornarent Cellas suas, ut vel extrinsecus super Cellarum januas cælatas statuas superponi curarent? Quid si proprio ære, peculioque has facerent impensas? Quid si extra commune Dormitorium plano pede camerulas sibi ædificarent? Quot flagitia ex propugnato peculio, sine quo nihil horum, promanaret? Scandalum sane maximum, quo offenduntur vel ipsi laici, qui humiliora habitant cubicula: solemne paupertatis votum violatum foret. Quid si hæc non clam fierent ab hoc, aut illo, sed publice & impune ab omnibus, qui pecuniis abundant? Tanta corruptela olim grassabatur, quando *Pestis Clausuralitatis*, inquit Fontana *Verb. Cella*, Disciplinam Regularem invaserat. Utrum R. Magistro similia videre contigerit, ille iudex sit. Deberem hic transcribere pœnas gravissimas, quas S. Pius V. constituit adversus ejusmodi Fratres; sed indicasse sufficiat laudata verba Sanctissimi Pontificis Benedicti XIII. *Leges, si per otium licet, quæ Decrevit Capitulum Generale anno 1569. cap. de Clausuralium, seu Conventualium reformatione.* De cellis plura alia essent dicenda, quæ brevitatis causa omitto. Recurrat itaque Vitæ Clausuralis textus.

VI. Pag. 117. „ Prælati tamen Monasteriorum hujus Ordinis *sanctam*
 „ *potestas est* ejusmodi jejunia relaxandi, & carnis esum concedendi, si
 „ cut & in reliquis fere omnibus Ordinis statutis, si sacrarum litterarum
 „ studium, & proximorum utilitas id postulant, ut in legum textu fan-
 „ citum est, prout *videbitur expedire*. Hinc factum est, ut non solum
 „ in aliquibus Provinciis plus minusve indulgeatur, sed etiam in aliqui-
 „ bus Monasteriis ejusdem Provinciæ pro PRÆLATORUM ARBI-
 „ TRIO, caritate, & prudentia. Unde NEMO est in toto Prædicato-
 „ rum Ordine, qui indulgente Prælato, *quantumvis sanus*, & *jejunium*
 „ *frangere*, & *carnem comedere licite non valeat*. . . . Temerariis
 „ poenæ taxatæ, quamvis nulla vel etiam minima culpa sit in harum
 „ legum violatione, nisi adsit contemptus. . . . Cæterum Ordo iste to-
 „ to Orbe diffusus, & per varias Provincias ac Congregationes partitus sem-
 „ per unus, & indivisus mansit sub eodem capite (Magister dicitur)
 „ iisdemque legibus vivit, ac se regit: *Ut si aliqua appareat diversitas*,
 „ *HÆC SOLUM* penes majorem, minoremve Prælatorum indulgentiam
 „ *TOTA se teneat*. Ex quo fit, ut in aliquibus Congregationibus di-
 „ strictior sit Disciplina, quam in aliquibus Provinciis: & vicissim in
 „ aliquibus Provinciis, quam in aliquibus Congregationibus major rigor
 „ exactiorque legum custodia: *immo in uno eodemque sive ejusdem Congre-*
 „ *gationis sive Provincia Monasterio, pro majori, minorique Prælati AR-*
 „ *GORE, aut INDULGENTIA. CETERA NIHIL.*

VII. Quis est eorum omnium, quibus Disciplinæ Regularis observan-
 tia, atque inclyti Ordinis decus cordi sit, qui dolore simul & indigna-
 tione percitus non exclamet cum D. Hieronymo: *Proh mesas! Non pos-*
sum ultra progredi. Præsumunt lacrima antequam verba, & indignatione
pariter ac dolore in ipso meatu sanctum spiritus coarctatur. Ubi mare illud
eloquentia Tullianæ? Ubi torrens fluvius Demosthenis? Nunc profecto muti
essetis ambo, & vestra lingua torpesceret. Invenit res, quam nulla elo-
quentia explicare queas. Repertum est facinus, quod nec minus fingere, nec
scurra ludere, nec attellanus possit effari. lib. 1. Epist. ad Sabin. Quam sit
hæc Hieronymi exclamatio peropportuna, patet continuo ac tran-
scripti textus explanationem inceperim. Quod ut clarius præstem primum
generatim, deinceps presse & sigillatim verba faciam.

VIII. Inclytus ergo Ordo noster non firmis, definitivæque consilii legi-
 bus?

huc? In Prælatorum arbitrio sitz sunt leges istæ? In eisdem Provinciis; immo in eisdem Monasteriis leges servantur plus minusve prout Priorum genio, qui quot biennio in Præfecturis sibi succedant, visum fuerit? Nihil ergo in Ordine, præter Tria vota, certi, nihil definiti, quo ab aliis secernatur Ordinibus? Nulla peculiaris certa via, quæ ad Evangelicam ducat perfectiorem? In hominum phantasmatibus Religionem tuam locas? Tot ergo erunt Ordines quot Priores. At iste non Ordo Regularis, sed irregularis Turba: non Societas perpetuo legum fœdere sacrata, sed confusus populus versatili hominum ingenio moderatus, nunc severitatem præferens, nunc laxitatem. Quænam ab orbe condito bene instituta Republica hominum arbitrio absolute supposuit leges suas? Quænam Sacra Religio Regulas non præscripsit, quæ vel in ipsa a legibus dispensatione sæpe necessaria, ex rationabili causa, de qua infra, servari debeant? Ordo [inquis] per varias Provincias, ac Congregationes partitus semper unus, iisdemque legibus vivis, ac se regit; ut si aliqua appareat diversitas, hæc SOLUM penes majorem, minoremve Prælatorum indulgentiam TOTA se teneat. CETERA NIHIL? Argutissime ad miraculum usque. Quod ergo in Congregationibus Provinciisque aliquibus jejunia, & abstinentiæ a carnibus, peculiari rationabilis necessitatis casu sublato, eximiffim serventur: Et quod in cæteris Provinciis, non cum aliquibus, & in aliquo tantum casu, ut leges, de quibus jamjam, clamant, sed passim & fere singulis diebus carnes comedantur, discrimen nullum, præter indulgentiam majorem, minoremve Prælatorum. CETERA NIHIL? Quod in Congregationibus Provinciisque aliquibus indumenta ex sargia sint, quod nemo unus indusia linea ad carnes adhibeat: quod Fratres per Civitates vix unquam nisi associati incedant: quod una angusta Cella sint contenti: Contra, quod in aliis quibusdam Provinciis communiter, paucis exceptis, indusiis lineis utantur, quod subtilissimas Tunicas induant, quod soli per Civitates discurrant, quod camerulas, & ædiculas tum supra, tum infra dormitorium habeant. Quod alicubi etiam opipare extra refectorium mensas instruant, discrimen nullum, præter majorem, minoremve Indulgentiam Prælatorum. CETERA NIHIL? Ah exclamabat olim Mellissus Bernardus ad similem sultitiam, dixerim, an temeritatem epistola prima ad Robertum: Si panni subtiles, & pretiosi, si longa manica, & amplum Capucium, &

oper.

aperitorium silvestre, & molle flamineum SANCTUM facient, quid moror, & te non sequor? Quod in Congregationibus, & Provinciis aliquibus exacta vigeat communitas, pulso omni peculio: quod omnes pecuniae sive praedicatione, sive lectione, sive quacumque via conquestae in communes omnium usus conferantur: quod nemo pannosus, nemo comptus, sed omnibus tum sanis, tum aegris, prout cuique opus est, provideatur: E contrario, quod in aliquibus Provinciis quisque pecunias lucretur sibi quantum ad eorum usum, relicto dominio civili Conventui [ut illo vescatur]: quod qui peculio pinguiori abundant, selectioribus ferculis vescantur, famulitium promptum habeant: quod ille penuriam, hic redundantiam experiatur: quod ille pannosus, alter comptus: quod infirmis discoloribus nihil desit, & pauperes necessariis non raro careant, *TOTA est indulgentia Praelatorum. CETERA NIHIL?* Postremum quod in quibusdam Provinciis, & Congregationibus Capitula in hebdomadam Praelati teneant, in quibus Sanctum Dei Verbum ad subditos habeant, exactam Disciplinae Regularis observantiam praeservide inculcent: in abusus invehant, & ne ultra serpent, aggeres addeant: quod corrigant delinquentes, eccitent tepidos, poenas infligant transgressoribus: & subditi omnes in genua procumbentes culpas adversus leges perpetratas publica confessione alta voce exponant, debitamque suscipiant penam: Quae omnia severa lege praescribuntur. Quod vero in quibusdam Provinciis vel ipsae Fabricae Capitulum, in quibus Fratres audire Verbum Dei debent, diruta, aut aliis destinatae usibus sint: quod alibi vix in annum culpa subditorum adversus Constitutiones Ordinis audiantur: quod transgressiones impunitae grassentur, *TOTA est indulgentia Praelatorum. CETERA NIHIL?* Qui Religio tua ab omnibus aliis secernetur, nisi Legum suarum prerogativis? Si haec in hominum arbitrio positae sunt; Arbitraria ergo Religio, phantastica, versatilis. Si observantia Regularis quarundam Provinciarum, & Congregationum: & aliarum Provinciarum laxitas nil aliud est, quam *indulgentia*, aut *rigor* Praelatorum, in vanum B. Raymundus improbum laborem subiit in Ordinis reparatione: in vanum Taumaturgus Ferrerius, ejusque Discipuli Petrus Cerdanus, Michael Pages in Hispania: in vanum Catharina Senensis, Joannes Dominici, Marcolinus, Thomas Senensis, Thomas Ajutamicristo in Italia: in vanum Conradus de Prussia, Franciscus Retza, Joannes Nyder in Germania, Joannes Excuria, in Bur-

Burgundia : in vanum Sanctissimi Pontifices Pius V. & Benedictus XIII. aliique innumeri miraculorum omniumque virtutum splendore celeberrimi pro Disciplinæ Regularis reformatione adlaborarunt? Quid Concilium Tridentinum, quid cæteri Pontifices omnes tot Constitutiones ediderunt? Quid tremendo interdicto suspenderunt laxatis Provinciis facultatem recipiendi juvenes in Ordinem? Quid nunc sacrum iusjurandum exigunt, quo adfirmetur, exactam *Constitutionum* & potissimum *vita communis*, pulso peculio, observantiam vigere iis in Conobiis, in quibus juvenes profiteri Religionem debeant, si hæc observantia non aliud est *quam indulgentia, aut Rigor Prælatorum. CETERA NIHIL?* Filium abrumpo, ne satiram scribere videar, dum leges servandas describo, & errores atque offendi-cula propulso.

VIII. Hactenus universim, nunc sigillatim dispicienda est Doctrina Concellitæ nostræ. Eam in capita duo tribuo. In primo legum obligationem : in secundo facultatem, quæ Prælati pollent ad dispensandum, quam brevissime indicabo. Et ad primum quod attinet, Verba Magistri vitæ Claustralis revocanda suboculos. *Quamvis* (inquit) *nulla vel etiam minima culpa sit in harum legum violatione, nisi adsit contemptus.* Hæc doctrina omnium vel benigniorum Probabilistarum consensu, nemine excepto, falsa est, & ruinam disciplinæ Regularis inducens. Quod nullam mortalem culpam! perpetret legum harum violator, sublato contemptu, verum habet. Quod sine contemptu *nulla vel minima culpa sit in harum legum violatione error est.* Quod ut clarius pateat, aliud est, quod leges seu Constitutiones genere suo non obligent ad ullam sive gravem sive levem culpam : quod verum habet, & Constitutiones ipsæ declarant. *Declaramus, ut Regula nostra, & Constitutiones nostra non obligent nos ad culpam, sed ad poenam, nisi propter præceptum, vel contemptum.* In Prol. tex. 4. Aliud longe diversum, quod in ipsa violatione legum nulla vel minima adsit culpa sine contemptu : quod erroneum est, ut explicant Constitutiones ipsæ ibidem ad Lit. L. Nam [inquirunt] *ut docet S. Thomas 2. 2. q. 186. a. 9. ad 1.* „ In „ Religione Ordinis Fratrum Prædicatorum transgressio vel omissio (sci- „ licet Regulæ sive Constitutionum) ex suo genere non obligant ad cul- „ pam nec mortalem, neque venialem, sed solum ad poenam taxatam „ sustinendam, quia per hunc modum ad talia observanda obligantur. „ Qui tamen possent venialiter vel mortaliter peccare ex negligentia vel libi-

„dine, seu contemptu”. Hæc Constitutionum verba ut jacent transcripta sunt a S. Thoma *loc. cit.* quæ sic interpretatur Cajetanus in Commentariis in hunc ar. 9. „Oportet diligenter notare verbum Auctoris in li-
 „tera hæc dicentis, quod hujusmodi transgressionem non sunt culpæ *ex suo*
 „genere: ita quod sensus Legis obligantis ad poenam, & non ad culpam
 „est, quod statuit actum illum esse extra genus culpæ, non qualitercum-
 „que *ex suo genere*, hoc est, non *ex parte operantis*, sed secundum suam
 „naturam, & propterea trifariam potest ex parte operantis ingredi ge-
 „nus culpæ actus, qui *secundum se* extra genus culpæ a lege posi-
 „tus est. Numerantur autem in litera *tres modi*, quibus ex parte
 „operantis actus hujusmodi fit culpa. Primus, qui manifestus est, dici-
 „tur ex contemptu Secundus est ex cupiditate Tertius est ne-
 „gligentia &c. ” Consule & Thomam & Cajetanum R. Magister, qui
 scribis *cit. pag. 117. Angelicum Doctorem D. Thomam Aquinatem Præ-*
ceptoris loco habent, a quo vel digium tantum desciscere Prædicatoribus Re-
ligio est Quis namque per hominum Deumque fidem doctrinam Aquinatis
Doctores sequi, eamque pro viribus defendere non gloriatur? Dicendum fuis-
set universam Doctrinam, ne aliqui suspicerentur, te velle dumtaxat doctri-
nam aliquam Angelici peculiarem, puta Prædeterminationis Physicæ
[quam & ipse germanam esse D. Thom. sententiam judico] pro viribus
defensurum fore, cetera nihil, eorum nempe, quæ mores formandos spe-
ctant. Triplici ergo via juxta Angelicum peccare potes suas violando le-
ges, quæ alioquin ad culpam genere suo non obligant. Prima est negli-
gentia. Altera libido, seu nimia animi cupiditas erga aliquid, ob cujus
amorem legis observantiâ negligas. Tertia contemptus.

IX. Sed ad Constitutiones ipsas regrediamur, quas detruncatas refert R. P. Magister. Hæc ergo adjiciunt laudatæ Constitutiones *loc. cit. ad lit. D. sub textu 2.* „Declaramus quod illa, quæ ponuntur in nostris Constitutio-
 „nibus, & non habent præceptum annexum, sed sunt pure statuta ad
 „ornatum & decorem Regularis vitæ pertinentia, videntur esse minima
 „respectu illorum, quæ pertinent ad substantiam Religionis [ut est ex-
 „acta rerum communitas] vel quæ habent præceptum annexum. Ta-
 „men illorum transgressio *ex negligentia non est sine veniali culpa, quæ dis-*
 „ponit ad MORTALEM, ut docet S. Thomas 2. 2. q. 186. a. 9. ad 1. ”
 Plura in hujus rei confirmationem ex Scriptura sancta, ex Hieronymo,

ex Isidoro addunt, quæ legere poteris. Spiritus ergo legum in hoc situs est, ut conscientiarum perplexitates & angores abigat, ut animarum tranquillitati consulat, atque optimis subditis observare leges conantibus solamen afferat: minime vero, ut desidiosus, tepidusque viam ad transgressiones aperiat, ut omnes tum domestici tum extranei Theologi docent. *Constitutiones illæ* (inquit Joannes Excuria de ref. a. 2.) *non obligant Fratres ad culpam, sed penam tantum. Sed hujusmodi Constitutio, licet magnum solamen afferat timoratis observantibus, qui interdum scrupulosis perplexitatibus agitantur, nihil tamen remediū confert venientibus observare.* Lege B. Umbertum in Regulam D. Augustini cap. 10. Sed missis antiquioribus Theologis, ad recentiores accedamus.

X. P. Paulus Layman Probabilista *lib. 4. tract. 5. cap. 9. n. 8. Utrum nullum omnino peccatum sit transgrediendi Regulam Ordinis Prædicatorum, & Societatis JESU, cujus statuta non obligant sub culpa?* Dico 2. *Si quis Regulam transgrediatur ex animi torpore vel negligentia, venialiter peccat* Dico 3. *Si quis Regulam transgrediatur propter libidinem, seu inordinatum affectum erga rem aliquam, constat culpam committi saltem venialem.* Leges P. Hermannus Busembau *lib. 4. dub. 3.* ejusque interpretem P. La Croix, qui *tom. 2. lib. 5. n. 214. pag. 32. Imo docet Discipulus, ut doctè probat Lessius, singulas Regulas cujuscumque Ordinis vix posse violari sine peccato; quia in eo est saltem deordinatio, inquit Suarez &c. Lege cæteros omnes vel benigniores Casuistas.*

XI. Quæ sequuntur excitare deberent vel ipsos surdos. Violare Regulam & Constitutiones, quæ absolute ad nullam culpam obligant, ex negligentia culpa est venialis, quæ disponit ad mortalem, ut clare edicunt Constitutiones ipsæ. Frequentia vero & consuetudo easdem violandi plerumque culpa mortalis est, ut docent non solum D. Thomas, Humbertus, Excursus, Trithemius, Carthusianus, omnesque graviores Theologi, sed Recentiores Probabilistæ Layman, Sanchez, Castropalaus, Busembau, & quotquot hac de re scripserunt. Paucorum textus transcribam. Ex antiquis omnes docent cum D. Thom. 2. 2. q. 186. a. 9. ad 3. *Frequentia tamen peccati dispositive inducit ad contemptum. Quem contemptum duplicem esse Theologi asserunt, formalem, & interpretativum, qui ex frequenti, & continuata transgressione consurgit.* Sed audiamus Recentiores Probabilistas.

XII. P. Paulus Layman *loc. cit.* pag. mihi 113. Dico 4. Si quis Regulam Ordinis frequenter, & per consuetudinem violat, eaque ratione vel graviter perturbat Religiosam disciplinam, vel in eo statu se constituat, ut tanquam incorrigibilis expellendus sit, talis mortaliter peccat.

XIII. P. Ferdinandus de Castropalao *tract. 16. punct. 3. n. 7.* „ Dixi „ per se non committere peccatum mortale Religiosum sic passim Regulas violantem : At per accidens credo saepe peccatum mortale committere, nisi efficaciter proponat, & procuret illius pravæ consuetudinis correctionem „.

XIV. Tamburinus de Jur. *Abbat. tom. 3. disp. 3. q. 6. n. 7. pag. 22.* Monachus tenetur sub pena lethali sic vivere, ut non sit perniciosus suæ Religioni inducendo alios exemplo suo pravo ad relaxationem Monasticæ vitæ ; ex quo sequitur perturbatio totius Monasterii, & Congregationis, dum nolle v. g. observare statutum silentii, præceptum Orationis, legem Jejunii, & alias obligationes Regulares.

XV. Paulus Nazarius *opuscul. 2. conclus. 6.* Præter habitus acquisitus in Religio ex frequentatis, & ex multo tempore continuatis actibus pravavicationis Regula, & suarum Constitutionum, intrinsece claudit inclinationem voluntatis ad similes actus. Hac autem inclinatio repugnat voluntaria subjectioni ad Regulam & Constitutiones : ac proinde contemptum etiam habet interpretativum cum lethali culpa gravitate, quam ex aliis capitibus secum statim frequens illa, & continuata transgressio. Hæc vero sunt scandalum, quod cæteris præbet exemplo suo pravavicator Secundum est perturbatio magna Religionis Denique talis pravavicator a fine deficit Religionis primario, cum intentionem non habeat in Christiana, & Religiosa perfectione proficiendi, sed magis continuo deficiendi : atque adeo est in STATU DAMNATIONIS ÆTERNÆ. Laudat in hujus rei confirmationem Joannem Dominici, D. Antoninum, Sylvestrum, Sanchez, Valentiam.

XVI. P. Hermannus Busembau *lib. 4. lib. 3. & P. Claudius la Croix ibidem num. 38. pag. 374.* Religiosum teneri sub mortali tendere ad perfectionem servando Regulus etiam non obligantes sub peccato docet Eliz. ex his rationibus. 1. Quia Religiosus tenetur sub mortali sic se gerere, ut censeatur Religiosus ... Sed censeri non posset Religiosus, si nihil curaret de servandis meditationibus, examinibus, silentio, mortificatione, modestias,

flia, caterisque in suo Ordine circa peccatum præscriptis. 2. Alioquin Superiores non peccarent graviter, si horum observationem non procurarent ... 3. Alioquin sequeretur relaxatio Religionis, & ejus dissolutio. Lege plura ibi. Lege Sanchez lib. 6. cap. 4. n. 18.

XVII. Claudat hoc punctum non Probabilista aliquis, sed Dionysius Carthusianus de Refor. Claust. ar. 6. *Quamvis autem multa continentur in Regulis aut statutis Religiosorum, ad quæ non teneantur de necessitate præcepti, ita quod statim mortaliter peccent, quando in aliquo illorum fuerint negligentes, ut est observatio silentii, surgere ad matutinas, otiositates vitæ, inutiliter hinc inde discurrere, atque similia: Verumtamen consuetudo excedendi, seu assiduitas delinquendi in istis, & non curare, nec emendare, non potest a mortali excusari peccato. Propterea Religiosi deformati, in quibus parva, aut nulla est vigoris, aut disciplina observantia, quia carnaliter vivunt, & mundanis vanitatibus pleni sunt, otiositati, & loquacitati vacantes in innumerabilia prorsus incidunt vitia, non venialia solum, sed mortalia quoque. Immo tota eorum vita est quasi quoddam PECCARE CONTINUUM.*

XVIII. Alterum punctum, quod dispensationem Prælatorum spectat, Constitutiones ipsæ in Prol. tex. 3. ad litt. G. declarant, quod Dispensationes in jejniis, & abstinentiis numquam sunt facienda, nisi ex magna causa cum toto Conventu, etsi personis aliquibus merito interdum sint indulgenda: nec etiam semper fieri debent, & assidue, sed solum aliquando juxta quod Prælato propter aliquam utilitatem, vel necessitatem, vel bonestam, & rationabilem causam videbitur expedire [& ad litt. F.] Unde S. Bernardus in lib. de Disp. sic ait: *Votum meum non augent Prælatus absque mea voluntate, nec minuat sine certa necessitate, alioquin remissio voti absque necessitate, non dispensatio est, sed dissipatio.*

XIX. Peccant ergo Priores, si absque rationabili causa dispensant in jejniis, in abstinentiis, aliisque Constitutionibus. Rationabilis causa est necessitas, aut publica utilitas, quæ spectet bonum commune. Communis Theologorum sententia est, peccare non venialiter modo, verum etiam mortaliter Priores Ordinis, si aut imprudenti dispensatione, aut dissimulatione negligunt observantiam hujus, aut alterius Constitutionis, quæ ad nullam culpam obligat. Aliquos cursim indicabo. P. Dominicus Bancz 2. 2. q. 33. a. 3. dub. 3. *Prælatus in Ordinibus Mendicantibus, potissi-*

ssime in Ordine Prædicatorum, tenetur sub præcepto habere specialem curam, ut Religiosi se exercent in operibus Misericordiæ Spiritualibus &c. Confirmatur. Quoniam sententia communis est, quod si Prælatus negligat caeremonias, quæ alias non obligant sub mortali, ipse peccat mortaliter. Idem docet Dominicus Soto de sec. legend. membr. 2. q. 2. conclus. 3.

XX. Cardinalis de Lugo de Just. disp. 9. sec. 2. n. 21. *Exemplum autem commune esse solet in Prælato Regulari, qui aliquando potest graviter peccare negligendo culpas veniales in subditis; immo & inobservantiam circa Regulas, quæ tamen ex se non obligant subditos ad peccatum etiam veniale, quia in ipsa negligentia Prælatus desinit obligationi. Tamburinus de Jure Abbat. tom. 3. disp. 3. q. 6. n. 10. Advertant tamen Abbates, & Prælati si in suis Monasteriis tales transgressiones sunt frequentes, tenentur sub mortali transgressores illos corrigere. Lege quæso Disciplinam Apostolico-Monasticam par. 2. Differ. 1. a cap. 3. ad 10. usque, ubi fuso calamo hæc omnia discussa sunt.*

XXI. Post benignissimos Probabilistas audiat R. Magister Vitæ Clausstralis unum, & alterum ex plurimis antiquis gravissimis Theologis & Patribus, quos referre possem. Dionysium Carthusianum opus. de reg. Arch. cap. 11. *Si omnium Divinorum Divinissimum est Deo cooperari in reductione animarum ad ipsum: Non ne omnium Diabolicorum Diabolicissimum est cooperari Diabolo in aversione animarum a proprio Creatore? Censumque est, quod sicut illud faciunt virtuosus ac diligentes Prælati: Sic istud negligentes Prælati, ac vitiosi, qui multipliciter hoc ipsum peragere a Sanctis Patribus asseruntur, videlicet in exemplariter, ac scandalose vivendo, aut non debite resistendo, non arguendo, non corrigendo: itemque tacendo, palpendo, consensiendo, hortando, fovendo. A talibus Presidentibus CHRISTUS, ut sanctus ait Bernardus, graviolem persecutionem patitur, quam a Judæis ipsum crucifigentibus est perpeffus.*

XXII. Audiat piissimum doctissimumque Trithemium in lib. Pentheico c. 5. *Ad vos nunc, o Abbates, meus dirigitur sermo, qui Monachorum vestrorum mala studia non corrigitis O Abbas Pastor, & Idolium, qui ex ovibus lupos, ex Monachis sæculares facis. Quid respondebis Summo Pastori cum rationem villicationis tuæ reddere compellus fueris?*

XXIII. CONSECTARIUM I. Quam monstrosa sit Disciplinæ Regu-

gularis facies a R. Magistro nostro depicta : quam sint horrenda scandala, quæ illam consequuntur descriptionem, ex his, quæ paucis delibavi, colligere quisque valet. Heinc siquidem excidium, clades, extremaque ruina observantiæ Constitutionum. Nullam in violatione legum contingere culpam absolute enarrat P. Magister. Quæ propositio absolute accepta sanum excipere sensum posset: sicut & altera, quod Prælati possint in jejuniis aliisque legibus dispensare, si *sacrarum litterarum studium*, & *proximorum utilitas id possulant*. Nullum in hoc dissidium. Quæ sequuntur, seductionem, scandalumque funestum pariunt. Unde **NEMO** est [inquit Magister] *in toto Prædicatorum Ordine, qui, indulgente Prælato, quamvis sanus, & jejunium frangere, & carnem comedere licite non valeat*. Omnes ergo Prædicatores, *quamvis sani*, idest absque ulla necessitate, absque ulla causa, & carnes comedere, & jejunia frangere jure valent, Prælato indulgente? Prælati ex arbitrio indulgere valent? At Patres, Theologi, Probabilistæ omnes docent, tam subditos, quam Prælatos absque causa legum observantiam negligentes peccare, & Superiores quidem gravissime. Casuistæ omnes vel laxiores damnant hanc doctrinam eeu falsam & erroneam. Subdit Magister. *Si aliqua apparet diversitas (in jejuniis, abstinencia, silentio, peculio, lance induis)* hæc solum *pænet majorem minoremve Prælatorum indulgentiam* **TO. TA se tenet**. Diversitas observantiæ Regularis a relaxatione mera est indulgentia Prælatorum? Doctrina hæc abducit Fratres ab observantia Regulari, audaciores efficit transgressores, tepidos ad dissolutionem urget, dissolutos in obstinatione confirmat, Prælati, Prioribus imperitis animos facit ad relaxandas leges omnes ex arbitrio absque rationabili causa. Hæc est illa doctrina, quam consequitur **Quoddam PECCARE CONTINUUM** inquit Dionysius Carthusianus. Quid ergo miramur, si nullam relaxatæ Disciplina reformationem conspiciamus? Priores legunt in his Magistrorum in Theologia libris, se posse dispensare in omnibus legibus *pro arbitrio*. Subditi legunt, se quantumvis sanos posse jejunia frangere, carnes comedere. Libri isti, inquiunt, Superiorum gaudent approbatione. Quid ergo nobis aures obtundunt **Rigoristæ** quidam Aristarchi? Ergo usquedum ejusmodi libelli diris flammis non devoteantur, non solum nulla reformationis spes affulget; sed ipsa observantia Regularis suos amittet cultores, præfatæ doctrinæ præstigiis deceptos seductosque.

C A P U T XII.

Epocha certissima investi Peculii, & relaxationis Disciplinæ in Mendicantium Ordines. Omnium ad unum Historicorum auctoritate fabulosa VITÆ CLAUSTRALIS commenta repelluntur. Quam apprime Operi congruat ejusmodi Titulus: Vita Claustralis.

I. **P**rior *Vita Claustralis* Pars tributa est in Dissertationes septem. Quarum prima varia Claustralium nomina, & vitæ notiones prodit. In altera Disciplinæ Claustralis origo legitur. Vapulat Samuel Basnagius in tertia, quod Therapeutas, Judæos, non Christianos, fuisse defendat. Propagationem Vitæ Cœnobiticæ, ejusque varios Ordines exhibet quarta. Tribus posterioribus ritus, consuetudines, & privilegia eorundem Claustralium perstringuntur. Hæc omnia, non modo eruditi Viri Bellarminus, Montfaucon, Natalis Alexander, Martene, sed vel ipsi semidocti homines ad satietatem jam pridem versarunt. Et quod magis festivum est, has Dissertationes se præmittere Author scribit *pag. 2.* veluti *prolegomena quadam*, quæ ad orandam, dirimendamque causam viam sternant. Sint ne vero pura, putaque parerga plus a scopo, & instituto distantia, & disparata, quam Cœlum a Terra, aliorum esto judicium. Altum in eisdem silentium de vicissitudinibus, quibus tum Monachorum, tum Mendicantium Fratrum paupertas obnoxia fuit. De investi peculii penes Monachos, & Mendicantes Fratres origine, mentio nulla. Quæ omnia, ut discerentur, ratio, tempus, locus, operis scopus postulabant. Verum, vel quia hæc in Edmundo Martene, aliisque eruditis in ordinem digesta non reperit, vel quia peculio facto testis propugnando minime conducebant, prætermisit, calamo ad Therapeutas, aliaque extraræ eruditionis puncta converso. Paucis ego, quoad fieri poterit, rem expediam, ut dirimendæ controversiæ viam parem.

II. Quamdiu exacta rerum communitas ab Apostolico Collegio in Cœnobio immigrata suo vigore constitit, tamdiu Monasticæ Disciplinæ splendor emicuit. Voluntariæ illius, propter Christum, susceptæ paupertatis

ob-

observantia tantum obsequii, reverentiae, æstimationisque in Monachos conciliavit, ut Christiani proprias opes divitiisque in Monasteria effundere larga manu Religioni sibi, & sanctitati ducerent. Redundantes sæculi divitiæ Clausura ingressæ ex iisdem alicubi virtutes, & sanctitatem ablegarunt. Suffossis namque fundamentis, corruat ædificium iis superstructum oportet. Heinc Monastica peculia, superba ædificia, pompæ, luxus, & fastus. Heinc Sanctorum Monachorum, qui avitæ paupertatis zelo flagrabant, in Monachos, quos a privato peculio *Nummicolas* appellat S. Petrus Damianus *opusc. 12. cap. 6.* acerbæ lamentationes, & adversus privata peculia acerrimæ invektivæ, & præfervidæ declamationes, quas in Patrum libris, potissimum Augustini, Hieronymi, & Damiani legimus. Hic opportunus, latissimusque patebat campus Magistro *Claustali* integram adornandi Differtationem, missis *Therapeutis*.

III. A Monachis ad Mendicantes Fratres congruus fuisset transitus. Istorum Sanctissimi Institutores ex Monasticæ Disciplinæ iactura proventum fecere. Uberes divitias, non penuriam, in Monachos *privata* induxisse *peculia*: & peculia privata universæ Monasticæ Disciplinæ alicubi devastationem manifesta experientia didicerunt. Quare ne suos, quos instituere Divino afflati lumine designarunt Ordines, dira peculii pestis invaderet, divitiis bello indicto, *Mendicantem* in patrimonium elegerunt, dicti propterea *Mendicantes*. S. Patriarcha Dominicus, ultra exactam rerum communitatem in selecta Augustini Regula præscriptam, rejectis fundis, redditibus, seu censibus vel in communi possidendis, solis elemosynis in rem communem redactis alendos fratres suos constituit. Cujus altissimæ paupertatis Consilium Tolosæ primum conceptum, post Bononiæ, rogata lege, firmavit. Similem paupertatis formam Seraphicus Franciscus, ceterique Sacrorum Ordinum Mendicantium Institutores in suis Regulis præcipiunt, ut in loco dicemus. Hæc adeo comperta, explorataque sunt, ut eadem documentis firmare supervacaneum foret, nisi ad id nos cogeret Author *Vita Claustalis*. Hic omnium Morgalium primus vel in ipso Collegio Apostolico scripsisse peculii privati pestem scribere non erubuit: atque adeo Sanctissimos Patriarchas, & singulariter S. Dominicum nequaquam præcepisse Vitam communem peculii expertem. Quod, ut aliquo tangatur pudore, lubet isthuc transcribere quæ docet B. Humbertus quintus O. P. Generalis Magister, non minus sanctitate,

quam doctrina præstantissimus, in Regulam D. Augustini. Et ne de more calumniari audeat mancos asserri textus, integrum caput exscribam, quod est

Caput CX. B. Humberti in Regulam D. Augustini.

IV., Circa secundum notandum, quod in quibusdam Religionibus
 „ maxime possessiones habentibus, providetur Canonicis hoc modo: vi-
 „ delicet quod datur cuilibet *certa summa pecunia*, quolibet anno, de
 „ qua providet sibi in vestibus sicut vult. Sed hoc est *expresse contra*
 „ *Regulam*, quæ dicit supra (distribuat^r victus, & tegumentum, vel
 „ vestimentum, non æqualiter omnibus, quia non æqualiter valetis
 „ omnes.) Per hujusmodi modum æqualitatis providetur plus & mi-
 „ nus indigenti. Præterea hoc vel est proprietas, vel saltem proprie-
 „ tatis species manifesta: quorum utrumque cavendum est. Item per
 „ hoc datur interdum occasio expendendi, quod pro vestibus datur, in
 „ usus alios præter Domini voluntatem, quod *furtum* reputatur, &
 „ adhuc remanet eadem indigentia vestium. Propter hoc alii hæc in-
 „ convenientia declinare volentes faciunt aliter, ordinantes, quod il-
 „ lud, quod datur pro vestibus fratri, sive deintus, sive de foris, sive
 „ in panno, sive in pecunia, servetur eidem sub communi custodia:
 „ *ita tamen quod alii nunquam detur*. Sed hoc iterum est contra regu-
 „ lam, quæ vult *omnia esse communia*. Et infra dicit expresse de hujusmo-
 „ di, quod in locum communem redactum cui necesse fuerit præbea-
 „ tur. Præterea per hoc aufertur Viris sanctis illa confidentia de Deo,
 „ quæ dicit eis non esse cogitandum de crastino, cum ipsis per hoc
 „ provideatur neque ad annum, vel magnum tempus certitudinaliter de
 „ vestibus per hujusmodi ordinationem: contra illud Matth. 7. Et de
 „ vestimento quid solliciti estis? *Item hoc non caret specie proprietatis*:
 „ *Ita enim proprietarius est ille, qui facit sibi aliquid ab alio illicite ser-*
 „ *vati*: sicut ille qui servat apud se. Propter hoc alii reprobantes hos
 „ modos, tenent alium modum, præcipue in pauperibus Religionibus, dan-
 „ tes licentiam singulis, ut sibi provideant tempore necessitatis quæren-
 „ do ab amicis, vel familiaribus: *sed hoc videtur iterum reprobandum*;
 „ quia sequitur ex hoc multa *inequalitas*: cum videlicet unus habet a

quo

„quo requirat, alter non: unus cum facilitate multa potest acquirere,
 „alter non sine multa difficultate: unus invenit, qui dat ei bonas ve-
 „stes, alter non nisi viles. Si autem apud seculares tantum curatur de
 „aequalitate, quod abundantia divitum debet supplere indigentias pa-
 „perum, secundum Apostolum 2. Cor. 8. ut fiat aequalitas; quanto ma-
 „gis viris ejusdem professionis? Præterea ex hujusmodi ordinatione co-
 „guntur homines resumere curam sui, quam deposuerant contra illud Ber.
 „Qui nobis semel curam vestri commisit, quid iterum de vobis vos
 „intromittitis? Item ex tali ordinatione minuitur meritum charitatis,
 „quæ communia anteponebat magis proficit: sicut dicitur infra [hic au-
 „tem relictis pertinentibus ad commune, propriis intenditur] Propter
 „hoc istis vobis modis reprobat, ordinandum est apud pauperes, quod
 „ita queratur, quicquid queritur pro vestibus, quod etiam in comuni
 „ponatur quicquid datur, quicquid habetur pro vestibus, & ex uno ve-
 „stuario provideatur omnibus, sicut dicit vir Sanctus. Nec est diffiden-
 „dum, quin bonis viris modum istum magis sanctum servantibus provi-
 „deat ille, qui quærentibus justitiam promittit. Matth. 6. non solum vi-
 „tum, sed etiam vestitum.

V. Recensita B. Umberti doctrina infimum amandat distinctiunculas,
 sophismata, effugia *Depositi, Custodia*, & id genus thecnas, quibus oc-
 cultari peculii vitium solet. Et tamen B. Umbertum propugnare ut li-
 citum peculium scribere non veretur *Claustalis* noster, ut videbimus
Dissert. 2. Ex quo, quæ sit illius indoles, sinceritas, & genium, colli-
 gere vales. Centum in locis præfati commentarii Humbertus demonstrat
 communitatem gravi juberi præcepto in Augustiniana Regula, sicut
Diff. 2. allatis textibus evincam. Ubique clamat, communitate negle-
 cta, & peculii peste grassante, Ordines destrui. Ex multis pauca nunc
 dabo. Cap. CXVII. Interdum aliqui Religiosi, qui ad opera communi-
 tatis modo sunt impotentes, modo negligentes, modo querulosi, & tristes,
 ad propria vero fortes & diligentes & lati, & hoc est quod in loco
 communitatis singularitatem inducit. . . Hoc est quod servos Dei præpa-
 rat ad tempora Anichristi, de quibus docetur 1. Tim. 4. In novissimis
 diebus instabunt tempora periculosa: & erunt homines se ipsos amantes;
 ex hujusmodi enim amore PRIVATO procedunt ista. . . Hoc est quod
 Religionem destruit. Quanta enim ABBATIÆ sunt & temporaliter, &

spiritualiter destrulle, quia, relictis communibus bonis, vacaverunt multi suis propriis commodis? Et ideo bene dicitur in Psal. Singularis ferus depastus est eam, idest vineam Domini; quia hujusmodi singularitates Religionem destrunt. . . . Quia ergo tot mala sequuntur in Religione cum, relictis communibus, singuli vacant propriis, bene dicit Vir sanctus, ut omnia in unum fiant studiosius & alacrius &c. Hanc B. Umberti doctrinam confirmant omnes tum ejusdem seculi, tum præcedentium temporum Theologi, & Patres omnes, potissimum S. Petrus Damianus, & D. Bernardus.

VI. Immanis itaque peculii pestis florentissimam Monasticæ Disciplinæ vineam non paucis in locis exterminavit. Hanc tantæ cladis originem præ oculis habentes Mendicantium Fratrum Patriarchæ sancti severissimam præscripserunt paupertatem. Porro, quo severior est paupertas, eo exactior communitas. Ad hanc factam testam custodiendam conatus suos intenderunt Mendicantes omnes. Floruit hæc mirum in modum ad annum usque MCCCXLVIII. Hac tempestate, sæviente in universa Europa teterrima lue, Disciplina Monastica ultimam passam jacturam est. Absumpta enim maxima Religiosorum multitudine, & potissimum senibus, optimisque denatis Fratribus, ne Cœnobia incolis vacua remanerent, ad profitendam Religionem juvenes litteris, ac pietate destituti, nullo recipiebantur delectu. Accessit ad hæc augenda mala funestum, diuturnumque schisma, quod universam Ecclesiam dilaniabat in partes.

VII. Hæc est omnium historicorum consensione prima apud Mendicantes *invevli peculii* Epocha. Hæc tantæ corruptelæ origo. Ita testantur Nostrates omnes B. Raymundus de Capua in *tract. de Refor.* B. Joannes Dominici in *MSS. de possess. non habend.* S. Antoninus 3. *part. Tit. 16.* Joannes Nyder in *tract. de Refor.* Joannes Excuria in *epif. ad Ducem Burgundie.* Leander Alberti I. de *viris illustribus.* Joannes Caroli in *Actis* Cardinalis Joannis Dominici, quorum textus alibi referam. Pauca nunc transcribo eorum, quæ narrat Sebastianus Olmeda diligens rerum nostrarum scriptor in Chronico Magistrorum Generalium O. P. Collapsam hoc tempore exactam rerum omnium communitatem describit his verbis in *Actis* Magis. Gen. Guarini de Giaccò .
 „ Dira Pestis per totum Occidentem evagata multos e medio sustulit

„ viros, qui in Ordine doctrina, & virtutibus pollebant. Relaxato
 „ quoque rigore in cibo, & aliis, cessante peste, rigor ille reparari
 „ non valuit ex supervenientium tepiditate, temporis malitia, & hu-
 „ manæ conditionis fragilitate, qui etiam non diu omnia in eodem
 „ statu permanent: & per hunc modum Omnes Religiones claudicare-
 „ runt a semet ipsis; adeo ut adhuc ex toto prima ruina reparari mi-
 „ nime potuerit. Crescente quoque quæstuantium numero, & frige-
 „ scente charitate multorum, in tantum COMMUNITAS ubique pe-
 „ rierat, quod DE COMMUNI NON POTERAT FRATRIBUS
 „ SUBVENIRE: & quamquam multoties in capitulis injunctum fuerit
 „ Prioribus Provincialibus, & Definitoribus, ut adversus [erigant aures
 „ RR. Magistri] HANC PESTEM remedium opportunum excogita-
 „ rent, & ad Capitulum sequens transmitterent; nullum adductum est
 „ adeo efficax, ut tantæ necessitati Ordinis subveniri posset. Cœpit er-
 „ go atas ferrea, dura, frigida, & vilis, quaque incude & malleo o-
 „ pus erat.

VIII. Et quia manifesta, & evidens Epocha Relaxationis Disciplinæ
 Regularis, & inveci apud Mendicantes peculii, miram in modum
 conducit ad causam nostram dirimendam; lubet transcribere narratio-
 nem celeberrimi inter nostros Historici, & ab extraneis ipsis suorum
 loco habiti P. M. Ferdinandi del Castiglio, qui secund. Histor. par. lib.
 2. cap. 2. pag. 130. hæc scribit lingua Hispanica, & idiomate Italico
 typis edita, quæque ego nolo in latinum vertere. „ Quantunque fosse
 „ tanto universale la pestilenza, di cui si è fatta menzione nel capi-
 „ tolo precedente, tuttavia ella non fu sì crudele per le vite [con
 „ finirle quasi tutte] come per la osservanza Regolare, e per la perfe-
 „ zione della vita Monastica, che stette in punto di perdersi del
 „ tutto E siccome al tempo di Noè venne il Mon-
 „ do a conservarsi in otto persone tra uomini, e femine che si
 „ chiusero nell'arca, morendo tutti i viventi della terra: così la perfe-
 „ zione della vita Regolare, e la osservanza di essa venne a comprender-
 „ si in molti pochi, i quali Iddio molto amava. E del rimanente si pro-
 „ dusse il Mefstro, che chiamano i Santi Conventualità. Mefstro composto di
 „ molti mostri, destruzione de' buoni spiriti, sepoltura della povertà evan-
 „ gelica E come quelli, i quali aveano preso l'abito avanti, erano per

„ la

„ la peste anco infermi, e debilitati, e come tali erano trattati in ogni
 „ cosa nella qualità del mangiare, ne' digiuni, ed astinenze, nel Coro, e
 „ negli esercizi Ecclesiastici, nelle ceremonie, nella osservanza Regola-
 „ re, nel silenzio; ne' *Mattutini di Mezza Notte*, e nelle altre mortifica-
 „ zioni travagliose, e penose, si ripigliavano ciò i Novizj *per legge*, e
 „ non pensavano, che fosse dispensazione d'infermi, ma professione di sa-
 „ ni. E così tutti erano eguali gl'infermi, e i sani.

„ Con questo andossi la piaga stendendo, e la mal'erba s'andava da
 „ un anno all'altro indurandosi, e radicandosi di maniera, che in pochi
 „ anni si dimenticò il rigore de' nostri primi Padri, la santità nella quale
 „ ci allevarono, le leggi che ci diedero, e gli esempi che ci lasciarono :
 „ E le cose antiche così si osservavano, come se non fossero state giammai.

„ Incominciò ad introdursi certa maniera di vita, dove ciascun fa-
 „ cea quel che più gl'aggradava, senza rispetto a legge, nè a Supe-
 „ riore: e di quella santa *POVERTÀ*, obediènza, clausura, orazione, digiun-
 „ ni, e astinenze de' nostri Padri, non rimase, se non che le vesti, e
 „ sembianze d'essere stato.

„ I Frati viveano a suo gusto possedendo robe, e vestiti proprie *O IN*
 „ *TAL MANIERA IN COMUNE, CHE SOLO FOSSE IL NO-*
 „ *ME COMUNE, E NON le cose.*

Poterat ne Historicus Castiglio magis graphice describere librum *Vita Clausuralis seu Conventualis, & Communitatis nomen*, quod propugnat, pulsa rerum vera comuninitate? Sed nonnulla alia ex multis describamus.

„ Con gli anni andò crescendo il danno: e quando gli uomini spiri-
 „ tuali, e veramente Frati vollero porvi qualche rimedio, fu loro tan-
 „ to impossibile, che in più di dugent'anni non si finì d'estirpare la
 „ mal' erba, perchè stava piantata non nella terra, nè nelle pie-
 „ tre, ma radicata negli stessi cuori. E siccome i Padri, che so-
 „ no leprosi generano i loro figliuoli con la lepra. Così i Mona-
 „ chi allevati in quella vita l'attaccavano a i figli, che riceve-
 „ vano nell'Ordine, ed a quelli, a' quali davano l'abito. E così
 „ di mano in mano, di Convento in Convento, di Provincia in Pro-
 „ vincia s'andò attaccando la *Conventualità*, se non a tutti, almeno alla
 „ maggior parte.

IX. Lopez, qui historiam a Castiglio inceptam persequutus est ad an-
 num

num usque 1613. eadem de peculii, & relaxationis Mendicantium origine scribit. In Praefatione ad 3. part. duo prodigia narrat, quæ horrorem incutere deberent summum Nummicolis. Referam verba ejusdem Lopez.

„ Il Miracolo, che successe in Bologna al Sepolcro di S. Domenico chi
 „ non lo fa? Uscì una voce &c. *Neque ego Pater, neque voi filii*, il che
 „ fu principio della Riforma di quel Convento. E il caso del Crocifisso di
 „ Zamora è molto pubblico nella provincia di Castiglia: perchè stando
 „ uno de' Riformatori in Orazione, e pregando Iddio che l'ispirasse quel-
 „ lo, che aveva a fare, li parlò il Crocifisso e disse: *Reges es in virga*
 „ *ferrea*. Sappi che la durezza della rilassazione ha bisogno di un bastone
 „ di ferro per ridurre quelli, che in essa vivono, al debito segno. Sono
 „ questi due casi, l'uno celebrato e noto in tutto l'Ordine, e l'altro al-
 „ meno in tutte le Provincie di Spagna „ Audistis R. Magister Clau-
 „ stralis? *Baculo ferreo*, non calamo opus esse refert Lopez, ut animi
 in Relaxationis luto hærentes ad peculium abigendum, suscipiendamque
 reformationem excitentur.

X. Et ut innumeros alios omnium Ordinum Scriptores præteream, u-
 nius tantum auctoritatem adjiciam P. Vincentii Fontana O. P. qui tum
 in *tract. de Reform. Ord.* pag. 548. tum in sua *de Romana Provincia* Opere
 pag. 12. hæc scribit. „ Anno autem reparati Orbis 1248. mortalium culpæ
 „ exigentibus sævissima pestilentia exorta, ex Ordine Regularem obser-
 „ vantiam fugavit Cum vero Coenobia adeo desolata essent, ut Or-
 „ do unusquisque crederetur pene extinctus, ex incauta noviter recepto-
 „ rum multitudine, relaxationis obedientia, proprietatisque vitia in Ordi-
 „ num omnia Coenobia irrepserunt Unde fugatis jejuniis, eliminatis vigi-
 „ liis, violata paupertate, silentiisque exilio pulsæ, carnes per refectoria ex-
 „ currere, atque dissolutiones undique emicare videbantur. „ Plurima alia re-
 scribere possem. Sed hæc pauca sufficiant ad labefactanda illa duo horren-
 da errorum portenta, quæ evulgare ausus est Author *Vitæ Claustralis*. Al-
 terum: Peculium omni ætate sub ipsis Apostolis, & omnibus Sacrorum
 Ordinum Patriarchis obtinuisse. Alterum: Si aliqua apparet diversitas
 (inter Fratres Claustrales collapsæ Disciplinæ, & Fratres exactæ commu-
 nitalis) penes majorem, minoremve Prælatorum indulgentiam *TOTA se te-
 net*. Calamo P. Magistri Castiglio, & baculo ferreo P. Magistri Lopez
 opus esset ad hoc monstrum profigandum.

XI. Habes hanc manifestam apud Mendicantes originem tum privati peculii, tum universæ Disciplinæ relaxationis. Sequiorum temporum Capitula Generalia haud potuerunt diram hanc peculiorum corruptelam penitus & ubique evellere. Sed quemadmodum numquam defuere exactæ communitatis cultores, ita semper abundarunt Nummicularum coetus. Heinc est, quod plura Comitia Generalia quinti decimi, & sexti decimi sæculi, necessitate urgente, deposita privata in *determinata quantitate*, ad certum usum, ad breve tempus, idest ad *ensem*, permiserunt privatis Fratribus, ut vestitum sibi compararent, manibus tamen officialium. Quæ capitula ex supina historix ignorantia nobis objeunt RR. Magistri, ut *diram peculii pestem* defendere pergant. Remedium, quod pro temporum calamitate Patres nostri præscribere, tanquam legem absolutam nobis in præsentia obtrudit Magister noster. Unica causa permittendi peculii tot conditionibus circumscripti, fuit tempore illo tum obfirmata plurium Claustralium in relaxatione voluntas, tum necessitas victus & vestitus, ut omnes testantur Historici. Cæterum, ut vel per transennam ad incitas redigam Adversarios, quæro ab illis, obtineat ne præfatarum conditionum observantia, *temporis brevitatis*, idest *mensis spatium: parva quantitas*, & definitus usus peculii? Constitutiones, quas professi sunt Magistri nostri, *propriarios* declarant illos, qui has conditiones transgrediuntur. Edisserant, transacto illo brevi tempore, quo ad determinatum quempiam usum peculium permittitur, teneantur ne Fratres exactam servare communitatem? Nisi communitatis præceptum gravissimum esset, quod præceptum gravissimis verbis inculcatum sub initium Prologi, præscriberent ne tam arcta peculii confinia? Verum plura de hoc suo loco. Primi qui adversus Mendicantium peculii corruptelam calamum acuere, fuerunt Joannes de Neapoli, Joannes Nyder, Theologi Cistercienses in Concilio Constantensi, Alvarus, Pelagius, Theodoricus de Monasterio, Joannes Gersonius, Joannes Dominici, Joannes Turrecremata, D. Antonius, Joannes Trithemius, Dionysius Carthusianus. Ex his Auctoribus, qui omnes uno, aut altero excepto, non obiter, sed ex instituto causam & communitatis exactæ, & peculii privati versarunt, colligi potest quænam fuerit Theologorum mens, ante Concilium Tridentinum. Ex Canonistis antiquis, qui in favorem peculii citari solent, nemo unus spartam hanc ex professo versarunt: sed pro temporum qualitate licitum dixerunt

funt

runt usum peculii necessitatis causa, fecus absolute, & causa gravi sub-
blata.

XII. Tandem, quod Generalia Capitula Mendicantium prestare, sive
Prælatorum incuria, sive Religiosorum reluctantia, nequiverunt, execu-
tioni demandarunt Concilii Tridentini Patres, qui novo severissimo præ-
cepto jubent, perfectam illam iustaurari communitatem, quam & Regule
omnes præcipiunt, & Regulares omnes longissimo sæculi cum dimidio
intervallo exacte coluerunt. Vetantque Superioribus, ne usum peculii
cuiquam fratrum concedant. Facultatem insuper illis fecerunt fundos, &
redditus in communi possidendi, tum propter gravia mala, quæ ex que-
stantium multitudine, & vagatione emanabant, tum ut prætextum adi-
merent retinendi peculii privati, propterea quod Conventus non possint
ob defectum reddituum omnia de communi porrigere. Ex hoc tamen quod
Concilium privilegium indulsit prædia, censusque retinendi in communi,
non ideo rigorem minuit paupertatis Mendicantium: Quæ, nisi men-
dax est nomen istud, major sit oportet, ut docent omnes, quam pau-
pertas Monachorum.

XIII. Quæ hætenus obiter de peculii apud Mendicantes Fratres ori-
gine delibavi unanimi omnium Ordinum historicorum consensione, ne-
mine repugnante, certissima sunt. Hæc prima corruptelæ peculii epocha
nulli est disputationi obnoxia. Corruit ergo seipsa *Vita Claustralis* Ma-
china. In sumum occidit *Traditio* illa *pecuniaria* cuiusque sæculi. Qua-
tuor circiter sæculorum intervallo vel in communi licitum Mendicanti-
bus haud fuit census vitalitios retinere: & RR. Magistri hos redditus pri-
vatis tribuere Fratribus haud quaquam reformidant? Sibi religioni mini-
me vertunt tantam imprudentiæ, ne dixerim stultitiæ labem Sanctissimis
Patriarchis affingere, quasi prohibuerint illi census vel in communi re-
tinendos, ut singuli Fratres peculiarem suam haberent ex Prælatorum
venia crumenam? Contemptis Regulis, aut vi summa in prava sensa de-
tortis, nonnulla Comitiolorum statuta, quæ aut permittunt mala quæ an-
ferri nequeunt, aut, necessitate urgente, concedunt quæ absolute illi-
cita sunt, tanquam Canones absolutæque leges obtrudunt? Verum cum
de his omnibus infra recurrere sermo debeat, ab iisdem superfedeo.

XIV. Duo verba in Operis titulum: *Vita Claustralis*. In defensionem
istius tituli hæc scribit Author pag. 2., „ Et ne amplissimo *Vita Claustralis*

Tomo I.

K

„ Ti-

„ Titulo plura polliceri videar , quam revera traditurus sim , spartam
 „ hancce ita adornabo , ut liber ejusque inscriptio *utcumque* congruere
 „ deprehendantur „. Bene habet. Si Historicos omnes O. P. consulamus,
 nullus unquam liber prodiit in lucem aptiori inscriptus Titulo. Historici
 quippe nostrates , & ipsa Generalia Comitia nomine *Vitz Clausstralis* seu
Conventualis vitam intelligunt relaxatam , deviam ab observantia regula-
 ri : Vitam peculio privato instructam , vitam , quæ jejunia , silentia , ab-
 stinentiam a carnibus , communitatem rejicit ut Phantasticum Prælatō-
 rum rigorem . Ne longior sim , lege Fontanam *Consl. Ord. Verbo Refor-*
matio Ordinis pag. 574. *Ut autem eadem Regularis Observantia in toto*
Ordine , prout in multis Provinciis introducta fuerat , stabiliretur , sub P.
F. Thoma de Vio Cajetano Mag. Ordinis mandatum fuit omnibus Superi-
 oribus , ut *Fratribus in COMMUNI DE VICTU , VESTITU , AC*
OMNIBUS ALIIS NECESSARIIS provideretur &c. Et Superiores , qui
 hoc non adimplevissent , tanquam *ORDINIS DESTRUCTORES* habe-
 rentur . Quid de Magistro Vitz Clausstralis , seu Conventualis dicendum ,
 qui libro typis edito docet hanc exactam communitatem arbitrariam
 esse ? Everfor ne Ordinis , an instaurator nuncupandus ? Pergit Fontana
 pag. 576. *Cum autem etiam in aliquibus Conventibus nondum fuisset re-*
vocata in pristinum vigorem , in Capitulo Generali Romæ 1569. sub Reve-
rendissimo P. F. Vinc. Justiniano celebrato , mandante Sanctissimo , ac Glo-
riofissimo Pontifice nostro Pio V. interdictum fuit illis novitios ad habitum
& Professionem recipere , prout habetur ibi Cap. DECLAUSTRALIUM , seu
CONVENTUALIUM Reformatione . Item pag. 97. Fuit in præfato Ca-
 pitulo *CLAUSTRALITATIS* Pestis &c. Pro extirpanda igitur hac ni-
 zania Patres in Generalibus Comitibus Romæ 1569. habitis , Sanctissimi
 Pontificis Pii V. nostri Ordinis nobilis germinis Decreto ab *EISDEM*
CLAUSTRALIBUS recipiendi Novitios ad habitum & professionem fa-
 cultatem amoverunt . Lege eundem P. Fontanam par. 2. pag. 49. Verbo
 Provincia Lombardiz , de qua inquit , *Denunciavimus S. D. N. Clem. Pa-*
pam VII. Congregationem utriusque Lombardiz extinxisse & erevise in
Provinciam utriusque Lombardiz REFORMATAM . Lege Castilium ,
 Pio , Modestum Bilioctum in suo Chronico MSS. servato in celebri Con-
 ventu Fiorentino S. Mariæ Novellæ , & quotquot de rebus Ordinis scri-
 pserunt . Cardinalis Cajetanus 2. q. 189. a. 5. inquit . *Regulares rela-*

xati vulgo *Conventuales* seu *Claustales* appellantur, quo fit, ut reformandi nunquam reformari possint. Quid, quod vel ipse Dionysius Carthusianus Opusculum suum adversus peculium, inscripsit : *De Reformatione Claus-tralis*, quia nomine *Vite Claus-tralis* disciplinam intellexit relaxatam . Nullus dubito, quin alio titulo donasset opus suum eximius adversarius , si, omisis *Therapeutis*, sui Ordinis, & aliorum Mendicantium Historicos consulisset : Nisi dicamus, voluisse illum propugnare pestem illam *Claus-tralitatis*, quam omnes præfati Historici deplorant .

XV. CONSECTARIUM. Planum ergo compertumque, *Vitam Claus-tralem*, quam suo operi impressit P. Magister, vitam illam esse *Conventua-lem*, quam describunt Castiglio , Fontana , exterique Historici nostri . Siquidem *Vita Conventualis* seu *Claustalis* & *relaxata* ea est , quæ respuit exactam communitatem , quæ peculia privata retinet , quæ sub umbra dispensationis Prælatorum, carnibus fere quotidie vescitur , jejunia fran-git, silentia negligit, mollibus vestitur &c. quæ denique diversitatem observantiæ a relaxatione legum totam se tenere penes indulgentiam Præ-latorum effudit . Quid ergo agendum de libro istius *Vite Claus-tralis*? Scri-bit Castiglio loc. cit. pag. 131. *Che se si lasciassero crescere queste orliche e mal erbe della Conventualità [o sia vita claustrale] nella Religione , in due giorni si farebbero alberi, ne' quali nè scurre di ferro , nè fuoco ele-mentare, nè artificiale potrebbero farvi taglio alcuno, o segno senza mira-celo .* Flammi ne ergo devovendus liber sit, qui velis remisque hanc so-vet *Conventualitatem*, & *Claustalitatem*, exteri videant . Nec dicat ad-versarius, se Titulum *Vite Claus-tralis*, eo sano in sensu usurpasse, quem excipere potest, & in quo usurparunt alii ; quoniam duo obstant . Primum, quod homo, qui septem Dissertationibus vel ipsas quisquilias præfati no-minis explicat , duplicem Tituli libri sui sensum, quem apud Historicos obtrinet, exponere debuisset . Alterum, quod revera, ut ostensum est, do-ctrina contenta in libro evincit nomine *Vite Claus-tralis* non aliud signifi-cari, nisi vitam illam *Claustalem*, & *Conventualem*, quam omnes Hi-storici nostrates detestantur,

C A P U T XIII.

CALUMNIA TRIPLEX *Discipline Apostolico Monastice Autori impacta : Altera Rigoris : Altera, quod infamaverit omnes collapsæ Discipline Clausuales, damnatos illos asserendo. Tertia, quod Authorum textus truncaverit.*

I. **P**rima Rigoris calumnia vel in ipsa ad Disciplinam Apostolico-Monasticam Præfatione §. IV. n. 17. præoccupata, penitusque labefacta est. Alteram damnationis omnium Clausalium collapsæ Discipline fustior calamo confutata, legere quisque potest in eadem Disciplina *Dissert. IV. cap. XI. XII. & seqq.* Nihil secius eandem recuperare crambem RR. Magistris *Vita Clausalis, & Vindiciarum* placuit. Afflictam causam, quam defendere aggressi sunt, rationibus fulcire cum non potuerint, commentis vanis, diatribis, calumniisque eam sustinere pervetusta arte tentarunt. Quæ hoc in genere commentus est Professor Regius *Vindiciarum* Author, in ultima Dissertatione repellentur. In præfens Magistri *Vita Clausalis* imposturas propulsabo. Is singulis fere paginis Adversarium suum severissimum *Aristarchum*, tetricum *Rigoristam* appellat. Vel in ipso præloquio ad secundam sui Operis partem hæc scribit: *Non desunt hæc nostræ ætate, qui eam [Paupertatem Evangelicam] altius extollere studentes ad tot talesque anxietates redigere moliantur, ut non suavisimum Clementissimi Dei Consilium, sed gravissimum immisericordis Tyranni jugum a nemine ferendum videatur. Inter hos rigidissimos Aristarchos primas tenet ex nostratibus Daniel Concina.*

II. Principio ab eo quæro, quo in sensu *suavisimum sit Consilium* illud, quo Clementissimus Deus nos hortatur, ut, terrenis honoribus, divitiis, dignitatibus, amicis, parentibusque contemptis, in ea paupertate Christum nudi sequamur, quæ ab alterius nutu provisionem exspectat? Consuluit ne ille unquam Patres super illius *suavitatis* sensu? Clamant illi omnes, *suave* jugum Christi dici, quod charitatis iustum unctione sit, cœlestique perfusum gratia. *Suave*, quod omnia distribuere pauperibus jubens, ab omnibus terrenis curis liberat, expeditoque celeriores efficit

ficit ad iter Cœleste. Hic vero novus Scripturarum interpretes *surge* & leve illud vocat, quod *reverso censu vitalitio*, crumenis redimtum sit, & pecuniis: quod solatia, oblectamenta, ludos, honestasque delicias Prælatorum dextera impertitur. Næ novum *suavitatis* Evangelicæ inventum? Qui aliter sentit, immisericors Tyrannus est. Sed ultra pergamus.

III. Si Daniel, ut ille dicit, ex nostratibus inter *rigidissimos Aristarchos* primas; quis, amabo, ex iisdem secundas tenet partes? Ecce rigidissimus Aristarchus? Ideone, quod Censui vitalitios, pecuniis prædicatione, lectione, & quoquomodo conquistis non servandas in loculis privatis, sed in communes Fratrum usus convertendas doceat? Ideone Rigidissimus Aristarchus, quod damnet peculium retentum ad solatia, ad oblectamenta, ad ludos, ad suppellectilem argenteam parandam? Quod continuatas transgressiones, jejuniis, abstinentiæ, silentii: quod vanum vestitum, indulia linea, cæterasque id genus observantiæ Regularis deformationes excusetur? Ubi ergo Adversarii *Rigorismus*? Nonne centies testatus ille est, iterumque testatur, se communem omnium Patrum, Theologorum, Canonistarum, atque adeo Ecclesiæ doctrinam propugnare? Quid est ergo, quod nullibi allegare Claustralis noster potuerit ex ipso unicam propositionem, aut nimii rigoris fuligine tinctam, aut suæ protestationi adversam? Causam afferat, cur tetram illi *Rigorismi* notam impegit? Respondet *loc. cit.* Causam inquirere, quam *eo* rem id fecerit vir ad pietatem, ut ipse de se ait, & mansuetudinem natus, *supervacaneum*. Prius factum ostendendum erat, deinceps facti causam inquirenda.

IV. Caterum si Magister noster *supervacaneum* reputavit *rigoris*, non quam adversarius docuit, sed quam ille confinxit, causam inquirere, ego in rem meam fore arbitror, cur tot ille cuderit errores, quos propriis ipsis verbis transcriptos dedimus, investigare. Veniam lector habet, si brevi diverticulo illum detineam. Causa cur Authores a laxiori in morum Regulis, aut rigidiori insistant viæ, a sola Critica arte accedere nunc velim. Quoniam tantum in ejusmodi facultate sese excellere demisse fatetur P. Magister noster, ut & suam *Vitam Claustralem* inscripserit rubris characteribus *Opus Criticum*, & in ejusdem litterariis nuntiis modestissime sequentia lingua vernacula repetit. „Che perô si-

„ mo bene di farne avvisato il pubblico , sperando riefcirà di comune „ aggradimento sì a' Teologi , che ad ogni Letterato : perchè oltre una „ fola dottrina ec. ella è [la Vita Claustrale] altresì ripiena di erudizione , e buona Critica „ Age porro ab hac exquisita Critice , qua plenum , & redundans asserit opus suum , conjecturas repetamus , cur aut ille in extremum Rigoris , aut ille in extremum laxitatis declinaverit ? Quid itaque causæ est , cur *Disciplina Apostolico-Monastica* Author plus juſto ſevēriorem doctrinam evulgaverit ? Forſitan , ut pro domo ſua oraret , ut ſuæ crumēnæ caveret , ut lautius viveret , ſplendidiuſque veſtiret ? Forſitan , ut lauream aliquam ſibi compararet , ut a Clauſtralibus gratiam iniret , ut gloriolæ auram captaret ? Hæc , inquis , laxandæ , non arctandæ doctrinæ momenta . Quænam ergo Rigoriſmi illicia ? A Rigore natura abhorret . Rigor non populi plaufum , non divitum favorem , non potentum præſidium , non multitudinis obſequium ; ſed odium , invidentiam , atque maledicta parit . Cujus rei Clauſtralis Author callentiſſimus præſatam rancidulam *Rigoriſmi* notam in adverſarium ſuum intorſit , ut hac ſaltem via colligeret de hoſte triumphum . Accedit quod ille , non ſecus ac ille , eodem paupertatis vinculo obſtriſtus , ſua intererat Monachiæ Paupertatis ſeveritatem delinire . Quid contra , ſi , qui pro *peculio* ſarto tecto cuſtodientiſto ſtylium acunt , reapse propriam orarent cauſam , & inter nummos ſcriberent ? Quid , ſi pro ædiculis duplicatis tanquam pro aïs , focisque decertarent ? Quid , ſi ut ludos pecuniarios , ut ſupelleſtilem argenteam propugnarent , ut ſelectiora fercula ligurirent , ut illecebris dignitatibuſque aſſequendis indulgerent ? De ejuſmodi Authoribus ſcriberet Hieronymus : *Deliculi Magiſtri , qui pleno ventre de jejuniis diſputant . Accuſare avaritiam & latro poteſt , paupertatemque formoſuli & thoroſuli laudare .* Conſulat Reverendus Pater artis Criticæ Regulas : revolvat Eruditorum omnium ſcripta . Nullibi inveniet , qui aſſerat optimum illius Controverſiæ Judicem eſſe illorum aliquem , qui , crumena lateri affixa , ſcribillat , qui inter nummos , & ſolatia de Chriſti paupertate diſputat . Solius optimæ criticæ regulis nullo auctoritatis eſſe evincitur innumeros , qui de *peculio* paginas inſerunt , quod aut partium ſtudium , & propriæ commoditatis cupiditas . nri , aut imperitiæ obducti , laxius quam par erat ſcripfere . Ita & Theologiæ , tum criticæ principiis ,

piis, etiamſi aliunde deeffent argumenta, evincitur te laxa, non vero Adverſarium tuum rigida, docuiſſe.

V. Altera calumnia, quod Diſciplinæ Apoſtolico-Monaſticæ Author inſamaverit, æternæque damnationis reos poſtulaverit omnes collapſæ Diſciplinæ Clauſtrales, omnium eſt atrociffima. Et tamen ſingulis paginis ambo Magiſtri *Vita Clauſtralis*, & *Vindictarum* vociferantur, præſatum Authorem Clauſtrales laxioris Diſciplinæ in totius mundi odium, contempnitionemque pertrahere, & ad tartara detrudere omnes. Illorum Textus prætereo, quia ſingulis, ut dixi, paginis occurrunt. Si vera, quæ illi ſcribunt, eſſent, nemo Authore *Diſciplinæ Monaſticæ* dementior, nemo ſceleſtior. Si falſa, nulla atrocior criminatio. Verum quod omnes admirationis limites tranſiit, eſt, quod Author *Diſciplinæ &c.* hanc præoccupavit calumniam, illamque fuſius labefactavit. Iſtud quippe criminationis genus laxiſ Clauſtralibus familiare fuit ſemper. Hoc telo laceſſiti fuere Benediſtus, Petrus Damiani, Bernardus, Nyder, Trithemius Carthuſianus, cæterique Monaſticæ diſciplinæ aſſertores, & Vindices. Quare vel in ipſa Præſatione ad Diſciplinam Apoſtolico-Monaſticam S. Bernardi reſponſum ad hanc calumniam tranſcriptum legitur hoc pacto: *Non adverſus Ordinem, ſed pro Ordine diſputare putandus ero. Non Ordinem in hominibus, ſed hominum vitia reprehendo. Et quidem diligentibus Ordinem in hac re moleſtum me fore non timeo: quin immo gratum proculdubio accepturi ſunt, ſi perſequimur quod & ipſi oderunt. Si quibus vero diſplicuerit, ipſi ſe manifeſtant, quia Ordinem non diligant, cupis utique corruptionem & vitia damnari nolunt &c.*

VI. Data opera obiectum crimen diluitur in præſata Diſciplina Apoſtolico-Monaſtica Differt. IV. quinque integris capitulis, nempe XI. XII. XIII. XIV. & XV. ſub initium capitis XI. hæc præmittuntur, „ Unius præ alio damnatio Myſterium eſt cuiuſque creatæ mentis „ aciem fugiens. Omnes eadem verſamur in navi, hinc ſcopulis, il „ linc fluctibus expoſita: quinam naufragium paſſuri, quinam portum „ arrepturi, arcanum eſt, nobis impervium, ſolique incretæ Sapienſiæ „ referatum. Tantum ſupplicii de quòquam vel ominari, nedum certo „ ſtatuerè, humanitas ipſa refugit, horret, deteſtatur. D. Franciſcum „ Saiſum adeo circumſpectum cautumque hoc in negotio fuiſſe ferunt, „ ut neque Calviſum ipſum Hæreſiarcam certo d. mnatum eſſe aſſerere „ vel-

„ vellet, eo quod perspectum haud ei esset, an extrema in luctu in-
 „ ternum aliquem poenitentiae fructum edidisset Itaque, ne quid teme-
 „ re, ne quid arroganter, impudenterque calamo excidat nostro in tam
 „ salebrosa difficultate, ad Scripturarum in primis, ac Patrum autho-
 „ ritatem confugiamus &c. „ Legantur integra quinque capita. Legan-
 „ tur sequentia consuetaria, quibus universa doctrina illius Operis paucis
 „ perstringitur, & sub uno oculorum aspectu proponitur.

*CONSECTARIUM I. pag. 203. Discipl. Apost.
 Monast.*

„ Regulares Disciplinæ collapsæ, qui *reformari recusant*, maxima in
 „ parte crimine proprietatis infecti sunt, & in extremo damnationis
 „ æternæ periculo versantur, tum quod peculii Monastici necessarias
 „ conditiones non servant, tum quod deliberato animo perstunt in
 „ necessitate, quam vocant *consequente*, violandi legem communis vitæ,
 „ quæ vel essentiam voti paupertatis Monasticæ, ut ego quidem arbi-
 „ tror, ingreditur, vel gravissimo præcepto, cujus medium in practica
 „ executione cum eodem voto connexum ab omnibus Regulis Mona-
 „ chalibus, Conciliis, & Pontificibus imperatur, cui proinde commu-
 „ nitati lege a peccatum lethale absolute obligante obstricti sunt Re-
 „ gulares, ut omnes Theologi fatentur. Quoniam si Regulares secun-
 „ dum majorem partem revera sincerum haberent, quem jactant, ani-
 „ mum deponendi peculia, & communitatem introducendi, quantum
 „ per eos stat; tandem aliquando obedirent Regulæ, obedirent Pontifi-
 „ cibus Summis, obedirent Ecclesiæ, communitatem, quam præcipiunt,
 „ acceptando, & peculia, quæ vetant, abigendo. Nee pauci refracta-
 „ rii optatum finem, effectumque remorari possent. Quandoquidem maj-
 „ or pars prævaleret „.

CONSECTARIUM II. pag. 203. Discipl. Apost. Monast.

„ In Religionibus collapsæ Disciplinæ reperiuntur Religiosi aliqui,
 „ qui votum paupertatis servant, qui *pietate, observantia Monastica,*
 „ *charitate, & sanctitate fulgent.* Quoniam isti non sponte, & libere
 „ in occasione persistunt habendi peculium, & violandi sive præceptum,
 „ sive votum communitatis; sed ferventi spiritu communitatem, &
 „ universæ Disciplinæ reformationem optant, inhiant, & prout eorum
 „ fert conditio procurant, manusque ad id, data occasione, porrigere-
 „ rent. Necessitate alendæ induendæque naturæ coacti moderatum pecu-
 „ culium quandoque retinent; sed sublevata indigentia, qua premun-
 „ tur, si quod superest, totum communitati immiscendum tradunt.
 „ Paupertatem reipsa severiorem, quam iimetipsum, qui in communi vi-
 „ vunt, experiuntur tum in victu, tum in vestitu. Pauci tamen ejus-
 „ modi sunt, ut experientia didici, & rationes evidentissimæ demon-
 „ strant. Quoniam si multi forent, pulsus peculii, communitatem,
 „ quin & Regulæ, atque Constitutionum observantiam invherent:
 „ sed quia pusillus est grex, multitudine opprimitur. Pauci isti vel
 „ ob infirmitatem, vel alia impedimenta ad Provincias, seu Congre-
 „ gationes reformatæ Disciplinæ transire nequeunt. Idcirco in occasio-
 „ ne, non libera, sed necessaria transgrediendi legem communitatis de-
 „ tinentur, quæ tamen transgressio, quia minime libera, culpa caret, „
 Lege integrum *Caput XI. Dissert. V.*

CONSECTARIUM III. pag. 204.

„ Ex his duobus præviis consecrariis sponte fuit tertium, videlicet,
 „ inane, & commentitium esse spectrum illud, quod objiciunt, ex no-
 „ stra sententia consequi, omnes Regulæ laxatæ Disciplinæ continentes
 „ peccare & in statu esse damnationis: siquidem semper aliquos ex hoc
 „ numero eximi. Quid est itaque, quod severi censores carpere, aut vel-
 „ licare audent? „ Lege quæ ibique latius scripta sunt.

VII. Facta cum factis collata sunt. Colligat hinc lector qua fide, qua

Tomo I.

L

ho-

honestate æternæ salutis negotium agatur. Dum veritas, & ratio defunt, diſteris ſubſtituuntur, & calumniæ. In tam gravi cauſa tam aperte imponere? Ubi in tota quanta eſt Diſciplina Apoſtolico-Monaſtica verbum aliquod vel oblique indicans, Regulares OMNES laxioris Diſciplinæ damnatos eſſe? Quin, in qua ſere pagina oppoſita non traditur doctрина? Non ne loco primi principii in hac materia ibidem habetur illud? In Paupertatis Monaſticæ voto mutus continetur contractus Religionem inter, & Religioſos: Hi omnia ſua tum præſentia, tum futura Religionem renouant: Hæc illis victum, & veſtitum promittit: Si Religio fidem frangit, aut impotentia, aut alia cauſa provisionem neceſſariam ſubditis non impertiendo; iſti jure nature victum, & veſtitum comparare ſibi valent. Principium hoc centies repetitum eſt. Quid eſt ergo in univerſo illo Opere cenſuræ obnoxium? Forſitan quod improben-
tur peculia expendenda in ludis, in ſolatiis, in lautis dapibus, in ſupellectili argentea? Forſitan, quod Author docuerit, Regulares qui reformationi exactæ communis reſiſtunt, qui pecuniis abſque vera neceſſitate utuntur, ut cupidis, deliciisſque indulgeant, ut ~~marmoreas~~ ^{oro} nobi-
leſque capellas erigant, in gravi damnationis verſari periculo? Forſitan quod docuerit, paucos eſſe, qui in Conventibus deformatis votum impleant paupertatis? Hæccine ſpongia eruditorum egent? Iſtorum ergo ſpongia Magiſtrorum eggebit Chriſti Oraculum: *Pauci electi*. Quid? Non ergo licitum erit futuræ damnationis periculum denunciare legum, votorumque violatoribus? Non ne omnes Theologi docent, Regulares reſiſtentes vitæ communi in malo eſſe ſtatu? Quid aliud docet Author Diſciplinæ Monaſticæ?

VIII. Heinc nemo non videt quam ſit inutilis argumentatio illa, qua vociferantur: Numquid omnes Patres noſtri damnati? Numquid omnes reprobi? Cedo. Quid præſidii attuliſſet hæc veſtra argumentatio, quam ubique jaſtatis, & a ſæculis jaſtaverunt Nummicolæ omnes univerſo humano generi diluvii aquis demerſo? Quid reſponſi dediſſetis, ſi univerſi homines exclamaſſent: Numquid nos omnes, ſola Noemi familia excepta, naufragio peribimus? Quid ſi Populi Pentapolitanæ Regionis exclamaſſent: Numquid nos omnes, ſola familia Lothi incolæ ſervata, incendio peribimus? Quid ſi exclamaſſent Hebræi ab Ægypto egreſſi: Numquid nos omnes in itinere morte conſecti jacebimus, duobus tan-
tum

tum Josue & Chaleb terram illam fluentem lacte & melle ingredienti-
bus? Et quod propius ad rem nostram accedit: non ne omnes *Proprieta-*
riorum coriphæos damnatos legimus? Acham Filius Charmi cum univer-
sa ejus familia lapidibus obrutus interiit, quod pallium coccineum, au-
rum, argentumque peculatus sit. Giezi cum universa progenie sua lepra mulctatus fuit, quod munera a Naaman Syro, infcio Elifzo, acceperit.
Judas, quia loculos privatos habuit, & communia sibi appropriavit, &
Christum vendidit, & suspensus laqueo crepuit. Ananias & Saphyra re-
pentina morte plexi sunt, quod censum vitalitium sibi reservarunt. Quid,
quod Christus illis, qui clamabant: *Domine si pauci sunt qui salvantur?*
hoc exhibet responsum. *Ipse autem dixit ad illos: contendite intrare per*
angustam portam; quia multi dico vobis querent intrare, & non pote-
runt. Per angustam abstinentiæ, jejuniorum, paupertatisque. Nam per
latam cupidiarum, commoditatum, sorbitiuncularumque ad Tartara
properant.

IX. Enixe te rogo Lector, ut legas quinque integra capita *Dissert. IV.*
Disciplinæ Apostolica-Monasticæ, ubi hoc perniciosum sophisma: Num-
quid damnandi sunt omnes Monachorum & Regularium Ordines, penitus
contritum, & quam sit ineptum ac omnino futile invenies. Quippe cu-
jusque ætatis Patres & Theologi illud ut seductionis commentum re-
pulerunt. *Quam vero*, inquit ex Basilio Theodoretus, *multitudinem mihi*
prædicas? Multitudine mendacium defendis? Hinc mali vim declarasti; quo
enim ad plures malum pertingit, eo major est calamitas. Quid, exclamat
celeberrimus Joannes Nyder, *Auctoritatem præcedentium Patrum in suo*
Ordine allegant qualiter vixerunt, ut vivunt ipsi? Respondetur, quod aut
loquuntur de primis sui Ordinis Patribus, aut de Modernis transgressori-
bus. Si de primis, quod non credo, quia alias loquentes ut Judæi perfidi,
eisdem datum responsum a Christo mererentur accipere. Nam Judæi Chri-
sto Primo Reformatore resistentes dixerunt: Pater noster Abraham est.
Quibus respondit Christus: Si filii Abraham estis, opera facite Abrahæ.
. . . . Si autem pro se allegaverint Patres suæ Regula & Statutorum
transgressores, Responsum accipiant tales Philosophi dicentis, quod multi-
plicate inconvenientia non est solvere argumenta: & uno dato inconvenien-
tî, multa sequuntur: errorque prævus in principio, in fine maximus erit.
Lugeant potius talium filii pro Patribus, dicentes cum Jeremia: Patres no-

ſtri peccaverunt & non ſunt : & nos iniquitatem eorum portamus & cum Pſalmiſta: peccavimus cum Patribus noſtris, iniuſte egimus, iniquitatem fecimus. Quid vociferantur, ſubdit Alvanus Pelagius, quod omnes quaſi Religioſi ſic vivunt cum ſua proprietate permiſſa? Reſpondeo cum Auguſtino, quod non minus ardebunt, qui cum multis ardebunt : & multi ſunt vocati, pauci vero electi. Qui plura avet, legat loca citata.

X. Sed pauliſper ad RR. Magiſtros calamum converto. Edicant, amabo, quid reſponſi exhibeant e ſuggeſtis conciones habentes Chriſtianis omnibus, qui hoc ipſum commentum opponunt, dum eorum pravæ conſuetudines improbantur. Nonne, & ipſi clamant: Numquid omnes Chriſtiani peribimus? Quibus ſimilia reponuntur: *Non ſequeris turbam ad faciendum malum, nec in iudicio plurimorum aequieſces ſententia, ut a vero devies.* Exod. 23. Nonne exclamatur? *Interveniente tempore, & conualeſcente iniqua conſuetudine, hic error tanquam lex cuſtoditus eſt.* Sap. cap. 5. Nonne Jeremiam impropertem inducunt? *Leges populorum vana ſunt.* Cap. 10. Quid ſi referre vellem Patrum oracula, quæ illiſi eiſdem Chriſtianis obijciunt? S. Eucherius *ad Val. Conſenſere juris peccatis, & capis licitum eſſe quod publicum eſt.* Cyprianus *Epistoſa ad Donatum.* *Invadens omnia conſuetudo pro lege obſervatur.* Auguſtinus *lib. de decem chord. cap. 4.* *Non prævaleat evangelio neque privilegium Nationum, neque patrocinium perſonarum.* Quid Patres refero? Ethnici ipſi commentum iſtud explodunt. Audite Senecam *lib. de vit. beat. cap. 2.* *Non tam bene cum rebus humanis agitur, ut meliora pluribus placeant.* Argumentum peſſimi turba eſt. Quæramus ergo quid optime factum ſit, non quid uſitatiffimum. Et *epiſt. 58.* *Reliſi apud nos locum tenet error, cum publicus factus eſt.*

XI. Tertia calumnia, quod Diſciplinæ Apoſtolicæ Monasticæ Author truncaverit textus ab ſe allatos, non eſt cæteris mitior, nec minus a veritate remotior. Leges ipſæ Civiles ut mendaces illos damnant, & ut effrontes calumniatores declarant, qui proximo delictum impingunt nulla adducta probatione. Omnium documentorum, quæ in præſata Diſciplina allata ſunt, nec unum designare potuerunt RR. Magiſtri minus ſincere allatum. Illos provoſo, ut vel unicum textum truncatum prodant. Hanc criminandi artem mutuati ſunt ab Authore libelli inſcripti: *Diſeſa della Diſſertazione ec. contro il Libro della Quarteſima*

fima Appellante. Iste quoque *P. Defensor* truncatos in materia jejunii, quemadmodum isti in peculii Monastici causa falsatos textus, obiebat. Verum quemadmodum illius *P. Defensoris* imposturæ integra Dissertatione Apologetica, secundo tomo *Histeria Probabilismi* inserta, propulsatæ sunt, & Defensor ipse truncatorum textuum reus apparuit: ita utriusque Magistri criminationes infra *Dissert. IV.* repellam, & Magistros ipsos Authorum textus interpolasse evidentissime demonstrabo.

C A P U T XIV.

Utriusque Magistri Claustralis, & Vindicis Antiprobabilismus cum eorum laxis opinionibus comparatur. Aut Vitam Claustralem & Vindicias, aut Antiprobabilismum retrahent necessum est.

I. **A**MBO RR. Magistri gloriæ sibi vettunt & Religioni in duarum opinionum conspectu probabiliorum amplecti. Ambo Probabilismus diris deovent, ut laxitatem omnium seaturiginem vitiorumque sentinam. Sub examen ergo vocare juvat utrum in propria causa reapse Probabiliore sententiæ adhæreant. Et ut Disputationi sit locus, hypothesim formare lubet. Admittere velim ipse Patriarcharum Regulas, Conciliorum Decreta, Pontificum Constitutiones non ita luculenter exactam rerum communitatem, peculio pulso, imperare; ut evidens inde consequatur demonstratio, sicuti consequi infra evidenter ostendam. Factum saltem negare RR. Magistri nequeunt, videlicet, Theologos plurimos & Canonistas tum antiquos, tum Recentes, quin graviore ipsos Probabilistas peculii opinionem improbare. Admittant quoque oportet, nisi adimere sibi & rationem, & sensum communem velint, opinionem, quæ peculium defendit, libertati, & cupiditati, oppositam vero sententiam legi, Scripturæque favere. Ergo hæc præ illa probabilior. Aut itaque hanc, illa rejecta, amplectantur, aut Antiprobabilismum respuant necesse est.

II. Magister *Vita Claustralis* uno salitro, inquit, se hanc eludere argumentationem. Quippe peculium a Christo propositum contendit, in Apostolico Collegio concessum, a Sanctissimis Patriarchis in suis Regu-

galis indultum, omni ætate, omni seculo, florente Monastica Disciplina in Claustris obtinuisse, Conciliorum, & Pontificum autoritate approbatum. Si dicamus hæc esse deliria, & errorum portenta, uti probatum est supra, non propterea ille de sententia decedet sua. Quid itaque cum homine agendum, qui meridianæ luci oculos claudit, qui communi repugnat sensui? Possem illum alio ex latere urgere. Si probabilior & securior est opinio, quæ peculium defendit ut licitum, nedum ad usus necessarios, sed ad solatia, ad ludos moderatos, ad argenteam suppellectilem parandam; exterminanda e Claustris erit rerum communitas, commodaque recensita invehenda. Verum homines isti non via, & ratione premendi, sed Probabilistarum suavissimo baculo plerendi.

III. Audiant itaque RR. Magistri quæ adversus similes Antiprobabilistas scribunt duo celebriores Probabilistarum Theologi. Prior merito, tametsi posterior tempore, est eloquentissimus P. Paulus Segneri, qui *Epistola I.* quæ ei tribuitur, pag. 25. hæc scribit: *Io sento dir da più d'uno, che non vi sono persone, le quali oggi segnano più la sentenza meno probabile di quelli, che sostengono non esser lecito di seguirla.* „ A „ non paucis inaudio, nullos reperiri homines, qui impensius opinio- „ nem minus probabilem amplectantur, præ illis, qui licitum negant „ ejusdem usum „. Alter Probabilistarum facile Princeps est P. Antonius Terillus Insignis Societatis JESU Theologus. Hic in suo de *Conf. Prob. Tract. q. 22. n. 37. pag. 331.* palam scribit, neminem Antiprobabilistarum in *praxi* sententiam sequi probabiliores. En illius verba. „ Sed quis quæso Adversariorum universaliter suam sententiam in *Praxi* „ *ni scaturit?* Audaacter dico: Nemo. Percurrant, qui velint, summas „ casuum, & ante oculos ponant omnes sententias strictiores, non qui- „ dem certas, sed tantum probabiles. Tum in vitam singulorum inqui- „ rant, & procul dubio inveniunt, eos multa fecisse, & facillime, quæ „ solum probabiliter sunt licita. Idque ipsi, si conscientiam examinent, „ verum esse invenient. Atque hinc præsumptio est, eos interius non „ sentire quod exterius profitentur, alioquin essent homines impii, ac „ proinde nullius ferme autoritatis. Quid ergo ponderis habet eorum „ autoritas in questione hac, in qua, quando ad rem venit, aliter „ credunt, quam docent? Immo ego sic arguo. Si illi securitatem con- „ scien-

scientiæ inveniant in sententia, quam impugnant, qua suum iudicium deponunt, nobisque consentiunt; quis dubitare poterit, an Authores benignæ sententiæ eandem in ipsam inventuri sunt? „Hæcenus celebris Probabilista.

IV. Terilli accusationem, quæ indefinite omnes Antiprobabilistas carpit, ut injustam criminationem & ipse rejicio. Verum quemadmodum quilibet professio suos fictos habet, ut Augustinus dicit; sic negare haud valeo *Antiprobabilistarum* aliquos, non minorem probabilitatem modo, sed vel ipsam laxitatem in maiorem probabilitatem transmutare, ut suas expleant appetitiones. Equidnam responsi dabunt RR. Magistri Acuto Terillo sic eos adorienti? Hi sunt, inquit, qui buccis concrepantibus, elatoque supercilio in minorem probabilitatem tela intorquent. Aures nunt arrigant suas, ut nostris interrogationibus faciant fati. Probabilior ne sententia est, Disciplinam nunc in Cœnobiis deformatis obtinentem conformiorem esse Discipline a Sanctis Patriarchis, a Conciliis, a Pontificibus præscriptæ? Probabilior ne sententia est, quod singuli Mendicantes Fratres suas *peculiores ornamen-*tas habeant, quod easdem occupare in Indis moderatis, in solatiis, in recreationibus valeant? Probabilior ne sententia est, *Vestiarium illud pecuniosum* consonare Ordinum legibus? Negant Antiprobabilistæ nostri poenitenti Christiano vitiorum spondenti emendationem fidem adhibendam, nisi prius laboriosis operibus manifestos poenitentis animi fructus edat. Nulla ergo adhibenda illis fides est, dum sincerum jactant animum dimittendi peculia, aliaque superflua, cum numquam opere impleant quod ore spondent. Reponent forsitan, se in Christianorum, secus in Claustralium, formandis moribus probabiliorem sequi opinionem? Se duas habere trutinas, ad quarum alteram monasticum pecnium, & cætera, quæ non describo, mendicantium commoda, & solatia: ad alteram Laicorum opera revocent? At in Sanctuario unum servari Deum præcipit pondus, veratque, ne sit pondus & pondus: exceratur eos, qui slueteria dilatant sua, onera importabilia aliis imponunt, digitoque suo nolunt eadem movere. Plura alto prætereo silentio, ne ex Terillo satiram transcribere videar. Historiolam lepidam, sed verissimam, diverticuli gratia adjicio. Claustralis quidam laxioris Discipline Antiprobabilista Probabilistam exactæ Discipline Regularem invisurus accedit. Summa exceptus humanitate hospes, & in cubiculum ductus, imagines eartheas

pau-

paupertatem spirantes, & devotionem spectat, quæritatque : Cur aliquo ornatu, consuetisque coronis picturas non cingat illas ? Pater Magister, reponit Probabilista Claustralis, ornatus istos tum adjiciam Imaginibus meis, cum probabiliores severioresque doctrinas vestras amplectatus fuero. Obmutuit rubore suffusus incautus Antiprobabilista. Ambo Dialogi Authores in vivis sunt. Nec responderi potest, Antiprobabilistarum doctrinam spectandam, non mores. Quæ dicunt facite : secundum opera eorum nolite facere. Quoniam Adversarii nostri in duobus libris *Vita Claustralis*, & *Vindictarum*, omnia, quæ recensuimus, & laxiora, sua doctrina approbant, clamantes, Monasticæ Disciplinæ observantiam merum esse Prælatorum arbitrium, atque adeo phantasma, *cætera nihil*. Alterutrum ergo retractent : aut Antiprobabilissimum, aut suos libros, quos nulla vel laxissima probabilitate ab erroribus purgabunt umquam. Hæc disputata sint exercitii gratia : cæterum negamus, vel minimo Probabilitatis gradu fulciri peculiarium opinionem, quam refutandam aggredimur sequenti Dissertatione.

V. Una causarum potissima, ob quam viri gravissimi æfferunt, doctrinas probabiliores sanioresque non prævalere laxioribus opinionibus, hæc est, quod morum sanctitas doctrinarum veritati, & puritati non respondet. Doctrinæ, quæ bellum carni, & sanguini indicunt, quæ humanis appetitionibus adversantur, quæ severa jejunia, rigidamque abstinentiam suadent, si contrariis Authorum suorum operibus improbentur, tamen plenis buccis extollantur, actum de illis conclamarumque est. Numquid Apostoli eorumque successores Evangelio, & Cruci subegissent populos, si factio non probassent quod voce suadebant ? Quare clamat Hieronymus Epist. ad Nepotianum. *Divinas Scripturas sapius lege, imo nunquam de manibus tuis sacra lectio deponatur. Disce quod doceas. Obtime qui secundum doctrinam est fidelem sermonem, ut possis exhortari in doctrina sana, & contradicentes revincere Non confundant opera tua sermonem tuum, ne cum in Ecclesia loqueris, tacitus quilibet respondeat : Cur ergo hæc, quæ dicis, ipse non facis. Delictus Magister est, qui pleno ventre de jejunio disputat. Accusare avaritiam & latro potest. Sacerdotis Christi os, mens, manusque concordent.*

CAPUT XV.

Necessitas gravissima proscribendi laxas opiniones in materia paupertatis Monastica, & potissimum duos libros: Alterum inscriptum VITA CLAUSTRALIS &c. Veronæ editum hoc anno 1743. Alterum Vindiciæ Regularium &c. typis cussum Neapoli Anno 1740.

I. **A** Nequàm utriusque libri proscribendi necessitatem evinco, illud est præmonendum, me nec latum unguem, in suscepto argumento, moderati, cautiue Theologi transilire confinia. Vetitum Theologis est sententiis, quæ in utramque partem a Catholicis disputantur, censuras inurere: secus vero in errores, qui ab omnibus improbantur Catholicis. Sub oculos ergo errorum census, quem hæcenus texui, revocandus, ut proscriptionis necessitas appareat. Quamquam nec in istos ego errores censoriam virgam extendo, sed rationum prodo momenta, cur severis plectendi censuris sint ab iis, quorum interest.

II. Age ergo, memoria repetamus errores *Vitæ Claustralis*. Ab Apostolico Collegio Hierosolymis constituto sive perfectissimam, sive perfectam rerum communitatem Author rejicit. Apostolos sui Collegii alumnis, Patriarchas omnes sacrorum Ordinum Institutores suis Claustralibus peculium privatum perpetua sæculorum serie permisisse contendit: Atque adeo nunquam floruisse in Catholica Ecclesia exactam rerum communitatem, cujusque privati expertem peculii, nisi forte parvo tempore penes *Hebræos Theropentas* in Ægypto. Hanc exactam rerum communitatem numquam a Tridentino, numquam ab Ecclesia præceptam vult; sed ut monstrum ingens, jugumque Tyrannicum humanis cervicibus impar, excratur. Peculium istud, quod permittendum Claustralibus docet, eo usque extendit, ut non solum victui, & vestitui, cæterisque id genus; verum etiam solatiis, oblectamentis, evagationibus, muneribus distribuendis, suppellectili argentæ, eleemosynis, ludis, aliisque honestis recreationibus habendis sit peridoneum, congruumque. Observantiam Regularem merum esse arbitrium Prælatorum scribit, missis aliis non levioris momenti erratis, atque laxitatibus.

III. Hos aliosque errores in *Vita Claustrali* contineri, hæcenus, adductis Authoris verbis, ostensum est. Nulla ergo de corpore delicti dubitatio. Porro sint ne eiusmodi ERRORES gravissimis proscribendi censuris, sapientum judicio subijcio. Accedit, quod proscriptionis necessitatem urget ipsius Authoris instantia, qua ovans, atque triumphans inclamat, nullam ab Ecclesia in causa paupertatis Monasticæ damnatam opinionem, Alexander VII. Innocentius XI. damnatis plurimis propositionibus Christianæ Ethicæ adversis, nec unam, quæ Theologiam Monasticam spectet, diris devovit. Sana ergo, & integra consilii doctrina, quæ, sublata exacta communitate, peculiarem vindicat Mendicantibus Fratribus crumenam. Etiam hoc argumentum suis ipsius verbis confirmandum.

IV. *Vita Claustralis p. 2. Dissert. VI. pag. 402.* „ Ut id ad satietatem usque commonstremus, placet argumentum arcticum, seu negativum adducere, quod licet suapte natura infirmum ut plurimum sit, *in re tamen, qua de in presentia, validissimum est.* Inveſta Christianæ ethicæ laxitate, Ecclesia, & sanioris Doctrinæ Theologi in id pro viribus incubuerunt, ut opinionationes omnes, pravaeque propositiones, quas laxiores Probabilistæ ad deformandos Christianorum mores excogitarunt, de medio tollerent, & tanquam zizania de campo Dominico everunt, carcent. Alexander VII. Innocentius XI. &c.

„ Jam vero nec Romani Pontifices, nec Clerus Gallicanus propositionem hanc : *Votum paupertatis sine exacta rerum communitate sancte observari potest*, numquam damnaverunt, numquam proscripserunt. Quis credat tantæ sollicitudinis Ecclesiam fuisse in proſtigandis quibusdam propositionibus quæ legem Ecclesiasticam mutationi obnoxiam violare docet, & puram putamque Disciplinam spectant . . . hancce vero, quæ recta petit solemne paupertatis votum, de medio tollit, ut ex cuius violatione Claustrales fere omnes æternam damnationem sibi acquirit, præterire potuisse?

V. Laxitatis Probabilistæ postulat *Claustralis* noster, eo ipso tempore, quo ab iisdem damnatæ laxitatis principia mutuatur. Arguebant olim Probabilistarum multi: Hæc sententia non est ab Ecclesia rejecta: ergo probabilis, & secuta. Et hoc est argumentum *arcticum* seu *negativum*, quo nunc utitur Magister *Vita Claustralis*, illudque asserit *validissimum*, ignorans homo Theologus doctrinam hanc proscriptam ab Alexandro VII. esse

esse in Propos. XXVII. *Debes opinio censeri probabilis, dum non sufficit a Sede Apostolica, tanquam improbabile.* En enectum argumentum arneticum. Laxones Probabilistas appellare non reformidat inaudite laxitatis repertor. Immunes ab Ecclesie censuris olentat errores, quos nemo unus ante ipsum commentus est. Qua itaque via proscribi ab Ecclesia opinationes poterant, quæ nunquam in Ecclesia fuerunt, priusquam ex ejusdem emergerent cerebro? Sed penitus rem dispiciamus.

VI., Jam vero nec Romani Pontifices, nec Clerus Gallicanus propositionem hanc: *Votum paupertatis sine exacta verum communitate san-*
te observari potest, numquam damnarunt. Ecquomodo proscribi propositio hæc poterat, si vera & sanissima est? Quis Theologorum unquam negavit possibilem paupertatis Monasticæ observantiam communitate sublata? Fieri potest, ut votum consistat sine communitate. Ergo communitas nullo est præcepto imposita? Possibilis est æternæ salutis assequutio absque baptismo, vel confessione in re, cum solo voto. Ergo nulla baptismatis, nulla confessionis obligatio? Hæc est perpetua argumentandi forma, qua instructus est Magister *Claustralis*: hæc illius exacta ratiocinatio. Quid extra controversiæ aleam constitutum, quid disputationi subiectum sit, penitus ignorat vir Theologus. Hinc est, quod in universo suo Opere ita omnia perturbet, implicet, confundat, ut numquam sibi constet, numquam sit in disputando suus. Ut discat quid sit proscriptio & censura dignum in hac controversia, sequentes propositiones damnandas, seu eas reapse ab Ecclesia proscriptas, ante illius oculos expono.

I. *Rerum communitas ab Evangelista Luca descripta Act. 2. & 4. non fuit nec perfectissima, nec perfecta.* Vita *Claustralis* p. 2. Dissert. I. pag. 204.

II. *Primis Christi fidelibus, qui nempe Hierosolyma ad Petri Apostolorum Principis predicationem conversi fuerant, quique, ut in Actibus Apostolorum legimus, propria fecerunt communia, indultum fuisse, ut peculium haberent, ex iis, quæ initio hujus II. partis dicta sunt, facile dignoscitur.* Vita *Claustralis* p. 2. Dissert. V. pag. 365.

III. *Sententia defendens licitum peculii usum Claustralibus, morale continet documentum a Christo propositum, in Evangelio exaratum, ore suo*

solemnī professione nuncupatum. Quis igitur tanta temeritatis, ut neget indultum per missumque peculium? Vita Claustralis p. 2. Diff. III. cap. V. pag. 309.

IV. Ex nullo precepto, neque ex propria professione ad vitam communem exactam obstricti sunt Claustrales: ne, ne propterea in aeterna damnationis periculo versantur qui peculiorum usum pro viribus diuellerē non cenantur. Vita Claustralis loc. cit. pag. 311.

V. S. Patriarcha Dominicus eam prescribit paupertatis formam, quae peculium junctum habet, minime quae in Regula Augustini exacta rerum communione definita est: ac propterea Augustini Regulam quantum ad rerum communionem temperavit.

VI. S. Dominicus arctiorem elegit, suoque Ordini commendavit paupertatem, quam S. Augustinus . . . Quid inde? Ergo ne peculium non permittit? Id immo est, quod ego ex hac arctiore paupertate colligo. Vita Claustralis 2. p. Dissert. 7. cap. 1. pag. 424. & 425.

VII. Causa permittendi peculium est, ut aequitas, charitas, iustitia, & quies Monachorum seruentur: & ad custodiendum quod sanctius, quod diuinius est: verbo dicam, licentia poenitit ex charitatis fonte profluxit. Vindicte Regular. pag. 103. & 106.

VIII. Numquam a Tridentino fuit latum preceptum de exacta Vita communi. Vindicte Regularium pag. 182. edit. Neapol. 1740.

IX. Licitum est peculium 1. pro infirmitate curanda. 2. pro itineribus necessariis conficiendis. 3. pro emendis libris. 4. pro vestibus, & cibis. 5. pro itineribus ad inuisendos parentes vel amicos. 6. pro quibusdam vel intra vel extra Ordinem solatiis. 7. pro largiendis muneribus. 8. pro aliquo virtutis & pietatis opere. Vita Claustr. p. 2. Diff. 8. pag. 472.

X. Decretum Tridentini Nemini igitur &c. Nec Deinceps liceat superioribus &c. Resp. Illa verba Concilii prohibere tantum peculia superflua, & non licita, & independentia a voluntate Superiorum. Nec valet dicere, quod illa verba Concilii in contrarium interpretata fuerunt ab Illustribus Cardinalium Congregat. Nam respond. Declarationes esse tantum Doctrinales, & non esse necessario standum illis. P. Antoninus Diana tom. 7. coord. tract. 3. resol. 28. §. 4. pag. 80.

XI. Paupertatis voto non opponitur, nec status Monastica Disciplina evertitur, si Claustrales quaedam habeant instrumenta argentea, nempe chocalea-

clearia, cultrum, furculam, arculam pro tabacco, horologia, idque genus similia, dummodo nec summi pretii sint, nec vanitatem ostendunt. Vita Claustralis p. 2. Diss. 8. pag. 475.

XII. Hinc colliges, quomodo Moniales possint habere non solum peculium, & annuos redditus, sed vasa aurea, argentea, annulos, medalia, margaritas, vestes sericas, tapetes pretiosos, scriptiola. P. Antonius a Spiritu Sancto in Director. Regular. tract. 3. disput. 4. sect. 2. num. 103. pag. 127. edit. Lugdun. ann. 1671.

XIII. Nec obstat si dicat, Prælatum non posse concedere hanc facultatem, cum non sit Dominus: tum quia reprobata est a Tridentino, & a Clemente VIII. & idem censuit Sacra Congregatio . . . Respondetur namque, Prælatus, sicut potest administrare superflua pro toto Conventu communi, ita & concedere in particulari hanc superfluitatem potest. Ad Auctoritatem Tridentini, Clementis, Sacra Congregationis respondeo, restringi ad Religiones Reformatas. Idem P. Antonius a Spiritu Sancto loc. cit. pag. 127. cit. Edit.

XIV. An Superior possit concedere licentiam generalem ad quemlibet usum non specificando ad usus licitos? Respondetur affirmative. P. Franciscus Bordonius in Religiosa Paupertate cap. 17. num. 19. pag. 200. edit. Venet. an. 1644.

XV. An Superior dans hanc licentiam subdito expendendi peculium pro suo libito, censetur licentiam limitasse ad pios usus cum exclusione illicitorum? Respondetur negative, quia non esset generalis. Idem P. Bordonius loc. cit. num. 20. pag. 201.

XVI. An licita sit consuetudo solvendi mercedem meretrici? Respon. affirmative . . . Præter quam quod in Religionibus, in quibus solent concedi licentia generales, & indifferenter, presumitur Superior permittere solutionem mercedis. Idem P. Bordonius loc. cit. cap. 21. num. 25. pag. 263.

XVII. Si subditus cum licentia Superioris admittat superflua ab externis, acquirit Monasterio. Ergo licentia illa est valida, nec peccat contra Paupertatem, si conservet statum pauperis . . . LICET CUM LICENTIA SUPERIORIS PRAVO SUMPTU CONDUCERET MERETRICEM. P. Claudius La Croix lib. 4. num. 114. pag. 381. edit. Venet. ann. 1734.

XVIII.

XVIII. Non est controversia, quando detur opinio probabilis ex parte subditi, quod non teneatur obedire, etiamsi contraria sententia sit probabilior. Tunc enim licitum est ex supra dictis amplecti quæ sibi gravior fuerit Neque obstat Superiorem tunc jussu præcipere, ut tu tenearis obedire; quia non undequaque jussu præcipit, sed probabiliter. Ac proinde tu probabiliter solum eris obligatus obedire, & probabiliter deobligatus. P. Ferdinandus Castropalaus tom. 1. tract. 1. Disput. 2. punct. 6. n. 1. pag. 9. edit. Venet. an. 1721.

VI. Ex recensitis propositionibus undecim primæ excerptæ e *Vita Clausurali*, & *Vindictis Regularium*, sunt omnium laxiores, & cæterarum, quæ sequuntur, veluti fontes, & sedes. Facta enim positione, quod nulla peculium sit lege vetitum, sponte fluunt consecraria Bordonii, Dianæ, aliorumque Casuistarum. Quznam doctrina Evangelio infestior illa, quæ in propositione VI. continetur? Illa ætior, illa perfectior paupertas, quæ, exacta communitate pulsa, peculium privatum junctum habet? Hoc est eruditum commentum, quod Author *Vitæ Clausuralis* mortalium primus in medium produxit. Nec mirum. Siquidem consuetudo semel in Apostolico Collegio privato peculio, consequitur hocce peculium perfectiorem, atque splendidiorem paupertatem efficere Evangelicam, quæ nullibi splendidius umquam emicuit, quam in præfato Sanctissimo Cœtu. Mitius ergo se habeat *Clausuralis Vita* Magister cum Casuistis, quos laxones ipse compellat, eo ipso tempore, quo eorum nulli est in laxanda paupertate Monastica secundus.

VII. Omnes itaque descriptæ propositiones, ut mea minima præferret opinio, meliorique salvo judicio, videntur dignæ, ut gravi ab Ecclesia plestantur censura. Et verius dicam, harum propositionum doctrina pluries jam est Ecclesiastici anathematis fulmine percussa. Quid clarius, quam lata a Tridentino Concilio Decreta, quibus obstricti Clausurales declarantur exactæ rerum communitati peculio pulso? Quid luculentius, quam Clementem Papam VIII. Decreta Tridentina confirmasse, Theologis omnibus facultate adempta præfata Decreta & Pontificias Constitutiones interpretandi. Quid, quod cæteri Pontifices successores potissimum Innocentius XII. gravissimis constitutis poenis vetuit, ne ad professionem Monasticam admittantur Novitii, nisi exacta ibidem sit instaurata rerum communitas. Quid dicam de tot Sacr. Congreg. Concil. Declara-

tio-

tionibus adversus peculiorum corruptelam, & in praesidium praecepti communitalis?

VIII. Quid ad haec P. Magister *Vita Clausstralis*? Tot damnatis adversus Ethicem Christianam propositionibus, nulla est adversus pauperatis Votum damnata opinio? Dicas potius, nullam esse ex tot Ecclesiarum legibus tanta poenarum severitate munitam, tot roboratam Decretis, quantis est lex, quae peculium vetat, exactamque praecipit communitatem. At Casuistae, inquis, post Tridentinum & Clementem VIII. atque Innocentium XII. licitum defendunt peculium. Casuistae necessitate dumtaxat urgente, & ob aliquam rationabilem causam peculium defendunt. Omnes tamen adfirmant gravissimo illud Ecclesiastico prohiberi praecepto. Verum fac illorum aliquos illud absolute propugnare. Quid inde? Non ne laxi isti Casuistae post damnatas propositiones ab Alexandro VII. Innocentio XI. non minus occasiones peccandi proximas, perjuriam amphibologica, furta, contractus usurarios, aliaque crimina, quam peculii corruptelam vanis distinctiunculis & leuociniis infecerunt. propugnaruntque? Quin damnatas propositiones interpretando pejora edidere commenta. Quid haec inferunt, nisi falsos semper reperiri aliquos legis Doctores, qui luculentissimas leges pro hominum ingenio flectant, humanisque appetitionibus attemperant, supponantque? Quid haec omnia inferunt, nisi gravissimam, quam propositui necessitatem proscribendi tum recensitas propositiones tamquam scandalis plenas, piarum aurium offensivas, & respectu Divinae Scripturae & Ecclesiae Romanae repugnantes, tum libros, *Vita Clausstralis*, & *Vindicia Regularium* nuncupatos?

IX. Enim vero, nisi coerceatur haec luxuriantium ingeniorum libertas, reprimaturque audacia eludendi una & altera distinctiuncula Conciliorum Decreta, & Summorum Pontificum Constitutiones, actum conclamatumque erit de quibusque legibus. Et quia hospites valde, & peregrinos in hac se produunt materia RR. Magistri *Clausstralis* & *Vindex*, sciant se omni gradu, officioque privatos esse ob hoc dumtaxat, quod interpretari, & laxare ausi sunt Tridentina Decreta, & Constitutiones Pontificias in hac paupertatis Monasticae causa. Audiant poenas in semetipsos latis a Clemente VIII. in sua Constitutione, scilicet, qua & Tridentina Decreta confirmat, & exactissimam rerum communitatem novo prae-

præcepto roborat. Initium Constitutionis editæ anno 1599. est : *Nullus omnino &c.* Hæ autem sunt pœnæ in eos constitutæ , qui in peculiorum favorem detorquere non reformidant aut Concilii , aut Pontificum Decreta . §. 15. *Superioribus autem, ne Concilii Tridentini aut hæc Nostra Decreta declarare, interpretari, aut relaxare ullo modo possint, omnino interdicimus, & prohibemus : & si quis contra presumpserit attentare, is eo ipso omni gradu, officioque privatus, & ad ea perpetuo inhabilis existat.* Legant RR. Magistri cæteras Romanorum Pontificum Constitutiones, quibus hæc Clementis VIII. Decreta confirmantur.

X. Ex his omnibus colligitur gravissima necessitas proscribendi tam laudatos duos libros *Vita Clausalis*, & *Vindicia Regularium* &c. quam propositiones ex iisdem, aliisque libris excerptas, novis adjectis pœnis in eos, qui præfata Tridentini Concilii Decreta, & Pontificum Constitutiones in materia Paupertatis Monasticæ ausi fuerint interpretari, & relaxare : Una quippe causarum potissima, cur Tridentini Concilii, & Summorum Pontificum votis optatus reformationis effectus non respondit in plurimis Claustris, non alia sane est, fuitque, quam eorundem Claustralium quorundam Theologorum audacia, qua contra expressum interdictum Clementis VIII. vanis interpretamentis infucarunt, atque in erronea prorsus sensa detorsere tum Concilii Decreta, tum Pontificum Constitutiones. Hoc ergo impedimentum in primis auferendum est, non solum prohibendo laxas propositiones hæcenus evulgatas ; verum etiam prohibendo, ne Claustrales in posterum audeant vanis distinctiunculis eludere Apostolicas Constitutiones, potissimum in Monasticæ paupertatis causa.

XI. Ultimum, gravissimumque momentum, quod damnationem urgere debet tum propositionum, tum librorum Vitæ Clausalis & Vindiciarum, est summa causæ magnitudo. Ex Regularium Disciplina optime instituta Ecclesiæ decus, Christianorum salus plurimum pendent. Contra, ex eorundem Claustralium relaxatione scandala populorum & ingens Ecclesiæ detrimentum manant. Fieri minime potest, ut Monastica Disciplina reformetur, non reformata paupertate. Reformari paupertas nequit, nisi, pulsus privatis crûmenis, a Fratribus exacta instaretur communitas. Ergo omnia gravissima momenta urgent damnationem librorum, & propositionum, quæ eo tendunt, ut peculiorum corruptelam

fo.

foveant, paupertatem relaxent, disciplinam destruant, scandala, & infinita promodum mala producant. Urget necessitatem proscribendi ejusmodi libros zelus factum textum custodiendi depositum Divinæ Doctrinæ : si morum integritas sperari univérse nequit, consistat saltem doctrinæ sanctitas immaculata.

C A P U T XVI.

Epilogus istius Dissertationis.

ERRORES Adversariorum propriis illorum verbis descripsi fide summa. Eosdem in propositiones presse digestos perstrinxi, ut quid proscribendum, damnandumque sit, continuo appareat. Si quid ad majorem vel confutationem, vel explicationem eorum, quæ eosdem errores aut antecedunt, vel consequuntur, desit, Dissertatione sequenti plena manu dabimus. Duo ex hac Preliminari Dissertatione colligat lector velim. Alterum. Si Adversarii in tot prolapsi sunt errores : si in ipsis causæ hujus primis principiis apertissima pugna mutuo se se conficiunt, planum est, exploratumque a nobis victoriam stare. Nec aliis opus esset, nisi imperitorum imbecillitas ad diluenda sophismata, quæ aberrandi illis occasionem ingerere queunt, nos cogeret. Alterum. Styli acerbitas, imposturæ, diæteria, cæteraque id genus, quæ RR. Magistri junctis manibus, & calamis in *Discipline Monastica* Authorem de illis minime male merentem, contorserunt, palam faciunt quæ sit eorumdem indoles, quis Evangelicæ paupertatis cultus quis inquirendæ veritatis amor, studiumque. Illa omnia Christiana contemptione præteribo. Nec enim, ut vel *Disciplinam Apostolicam-Monasticam*, vel ejusdem Authorem a calumniis vindicarem, opus istud, quale demum cumque sit, conatus sum ; sed ut Romanæ Sedis Constitutiones, & Tridentini Concilii Decreta ab ineptis cavillationibus in tuto collocarem. Hinc apparebit, quam opportune in similes Authores scripserit Hieronymus, inquit, se in medium attulisse Ethnicorum Paupertatem, **UT FORMOSULI nostri & THOROSULI, & vix summis pedibus adumbrantes vestigia, quorum verba in pugnis sunt, & syllogismi in calibus : qui paupertatem Apostolorum, & Crucis divitiam, aut nesciunt, aut contemnant, imitentur saltem Gentilium paupertatem** Lib. 2. contr. Jov.

DISSERTATIO
SĒCUNDA
DE LEGE

*Regulares ad exactam rerum communitatem cujusque
peculii expertem obligante.*

Audisti obsecro Nummicola, & Monache quid tibi ætus avaritiæ pariat Audi adhuc Nummicola. Quod autem Nummicola appello, a qualitate tui operis vocabulum traho, non contumeliæ in te nomen usurpo. Nummos enim colis, qui pecuniam diligis Facta igitur tibi de proprio nomine satisfactione, Nummicola, jam quod dicturus eram, ausculta . . . Ex isto Nummicolarum numero cerebrosus quisquam fortasse non deerit, qui mihi ad ista respondeat : Divitiarum me cur mordaciter impetis, quem perexigua summa contentum, vix paucos habere obolos cernis . . Ecce *Proprietarius noster* sive melius, ut ante, Nummicola, paupertatis patrocinio utitur, ut ipse dives irreprehensibiliter videatur. S. Petrus Damiani *opus.* 12. *cap.* 6. & 8.

DISSERTATIO SECUNDA DE LEGE

*Regulæres ad exactam rerum communitatem cuiusque
peculii expertem obligante.*

CAPUT PRIMUM.

*Status quæstionis. Aberrationes perpetuæ, & sophismata,
quibus Adversarii causam implicant. Puncta, quæ
ad dirimendam causam probanda sunt.*

I. **U**T nuperos *Discipline Apostolico-Monastica* oppugnatores intra justæ disputationis confinia, quoad fieri potest, redigam, cohibeamque, primum omnium causæ status aperiendus: hallucinationes, effugia, sophismata, quibus ab eisdem implicatur, manifestanda. Et primum omnium nonnullas propositiones penes omnes certissimas præmitto.

II. *Prima Propositio.* Regulares, qui consilium evangelicæ paupertatis voto solemniter Deo nuncupant, omnia bona sua tum præsentia, tum futura pleno, & absoluto Religionis, quam profitentur, dominio subijciunt, eidemque jus omne renuntiant. Religio vicissim eodem sacro vinculo sese astringit impertiendi subditis omnia necessaria pro victu & vestitu juxta Regulæ præscriptum.

III. *Secunda Propositio.* Si Monasterium datam fidem infringit: si omnia, quæ statui Religioso necessaria sunt, porrigere subditis negligit; isti naturæ jure sibi victum & vestitum, quem subministrare conventus deberet, comparare propria industria valent, etiam repugnantem
Præ.

Prælato, nedum consentiente. Votum siquidem justum matuum clauditi contractum, in quo si una pars deficit, deficere & altera jure valet.

IV. *Tertia Propositio.* Prælati Regulares, spectata Monastica professionis natura, & præcis circumstantiis, absolute peccant mortaliter, si omittunt ex parte sua distribuere subditis suis tum sanis tum infirmis omnia necessaria juxta Regulæ normam, quando Monasterium sufficientibus abundat redditibus: si pro virili parte non curant, ut recipere observetur in propriis Monasteriis exacta rerum communitas.

V. *Quarta Propositio.* Subditi Regulares peccant mortaliter, si resistunt Prælati volentibus invchere exactam communitatem: si conferre in communes Fratrum usus recusant census vitalitios, pecuniasque omnes propria industria partas, quando omnia necessaria illis conferuntur a Monasterio: si, quantum eorum conditio fert, sedulam dare operam detrectant, ut exacta rerum communitas instauretur collapsa, & custodiatur invecsta.

VI. Quatuor istæ propositiones extra disputationis aleam constitutæ sunt penes omnes Theologos. Nihilofecius locis opportunis illas pleno in lumine collocabo, & ab ineptis commentis asseram.

VII. Ex his quatuor propositionibus status quæstionis omnibus patet. Est autem ejusmodi. Regulares, spectata Religiosæ professionis natura, & sublati circumstantiis casuum particularium, teneantur exactam communem vitam ducere. Ab hac lege Prælati Regulares in casu gravis necessitatis, & quoties bonum commune exposcit, possunt dispensare, juxta communem Theologorum Doctrinam de *Legum dispensatione*. Peccant autem gravissime, si absque urgenti & evidenti necessitate dispensant, ut in loco explicabitur. En statum causæ, quam propugnandam assumimus. Aberrationes & sophismata, quibus adversarii eandem involvunt, fucumque faciunt imperitis, indicanda in antecessum sunt, ut causæ decisioni via sternatur planior.

VIII. SOPHISMA PRIMUM. Omnes sive Theologi, sive Canonistæ, leges, vota, præcepta exponentes, primum vim, & obligationem eorundem: subinde causas excusantes, & momenta ab eisdem dispensandi, tradunt. Eruditi Adversarii, misso tractatu, in quo votiligisve obligatio traditur, tota mentis indagine scrutati sunt tractatum de dispensatione. Et quia Theologi docent posse Prælatum dispensare a le-

ge communitalis & peculium concedere, urgente neceſſitate, quid heine inferunt? Inferunt, nullam reperiri legem vetantem peculium: inferunt, votum paupertatis Monalticæ editum ad Regularum Monachalium præſcriptum, abſolute, & præciſa circumſtantia quacumque, peculium privatum excipere. Quod Sophiſma ſimillimum huic eſt. Superiores diebus veneris, & Quadrageſimæ diſpenſant a lege prohibente eſum carnum: ergo eſus carnum abſolute licitus eſt. Hac hallucinatione perpetuo cauſam implicant, minime diſtinguentes vim & obligationem voti, ſive præcepti abſolute ſpectati, a cauſa aliqua, quæ ab illius obſervatione excuſare poteſt. Incredibleſ apparer tanta vel in Tyrunculo Theologiæ hallucinatio. Ex factio tamen veritas hæc conſtabit.

IX. SOPHISMA SECUNDUM. Explicatio iſtius ſecundi ſophiſmatis clariuſ primum manifeſtat. Quod peculium, inquiunt, licitum, aut illicitum ſit, a voluntate pendet Prælatorum. Quoties peculium retinetur, Prælato conſentiente, licitum eſt: Illudque ſolum eſt proprium vitioſum, & voto adverſum, quod clam, & inſcio Prælato poſſidetur. Ita Regular, ita Theologi omnes clamant. En quam verum ſit, quod indicavimus, adverſarios nempe ex aliqua diſpenſatione, interdum neceſſaria, inferre nullum extare votum, nullumque præceptum, quod vitæ exactam communitalatem præcipiat. Quam fallax ſit, & viris Theologis indignum ſophiſma iſtud, cui, ceu ſacræ ancoræ cauſam ſidunt ſuam RR. Magiſtri, cuique a partium ſtudio alieno notum eſt. Prælatus graviffima aſtrictus lege, omnia de communi ſubminiſtrare, omoia, quæ ſubditi acquirunt, in rem communem redigere debet, & cui neceſſe fuerit tribuere. Sola evidens neceſſitas ab iſtius legis obſervatione excuſare eodem quandoque valet. Sunt ne Prælati voti paupertatis domini, an cuſtodes? Si in eorum arbitrio eſſet peculii privati conceſſio, ſublata neceſſitate urgente, inane & commentitium eſſet paupertatis votum. Non ne chimærica eſſet lex non edendi carnes in Quadrageſima, non laborandi diebus ſacris, Confeſſionis, & Communionis annuæ, ſi Superiores ex arbitrio & eſum carnum concedere, & facultatem laborandi diebus ſacris, & non conſtitendi ſemel in anno, nec communicandi in Paſchate, impertire poſſent? Nonne commentitiæ eſſent leges iſtæ, ſi reapse Catholici omnes & carnes integra Quadrageſima indifferenſatim ederent, & ſacris diebus Miſſam non audirent, nec in Paſchate communicarent? Quid ſi reponerent. Omnia hæc

hæc præstamus, scientibus, & annuentibus Prælati: idcirco legem non violamus. Omnes aut fere omnes Regulares collapsæ disciplinæ suæ privata peculia retinent plus minusve, prout magis aut minus fortuna terrena arridet. Alii divites *quantum ad usum*, alii pauperes, annuentibus Prælati. Ergo votum istud arbitrarium est, & commentitium.

X. SOPHISMA TERTIUM. *Utrum finem imperitis faciant, calamitatis peculium inurunt.* Salus proximi, litterarum cultus sunt finis Ordinum Mendicantium. Ergo ob hunc finem dispensare Prælati valet super peculii usu. Peregre. Continuati peculii usus aptissimum instrumentum est, quo Evangelica vinea colatur non ne? Nihil nunc dicam, quantum floreat litteræ ubi resonant crumenæ. In loco de hoc dicitur. Nunc sophisma paucis dispungo. Verum ne est quod asseritis, Prælatus dispensare in communitatis lege posse propter studium, an secus? Si verum: Ergo cum iis tantum aliquando indulgendum, ut in litteras incumbant, secus cum cæteris. Ergo datur lex communitatis exactæ, a qua dispensare Prælatus nequit, nisi aut studii, aut alterius necessitatis causa. Ergo erronea est doctrina tum *Vindictiarum*, tum Vitæ Clausstralis, ubi *ore reatundo* negatur lex exactæ communitatis. Tum, si nulla est lex exactæ communitatis, nulla est dispensationis necessitas: Tum enim necessaria est dispensatio, quando lex prohibet, secus ubi nulla lex extat. At lex est, inquis, nihil habendi, nisi consentiente Prælo. Bene habet. At si nulla lex est prohibens peculium, Prælatus ex genio illud concedere potest, stultitiæque & crudelitatis reus erit, si id concedere nolit, quod lex nulla vetat. Quo posito, tot erunt paupertatis Monasticæ vota, quot sunt Priorum cerebra & genia. Hoc ergo conficio dilemma. Aut est hæc lex exactæ communitatis peculii privati vacuæ, aut secus. Si primum: ergo Prælati nequeunt dispensare, nisi gravissima causa urgente. Ex quoniam reapse abutuntur Prælati non pauci hac facultate, ideo Concilium Tridentinum, & Pontifices Summi adimunt eis hanc potestatem impertiendi peculii, præcipiuntque exactam communitatem. A qua lege sola naturalis necessitas, bonumque publicum interdum excusare valet, ut suo loco dicitur. Si nulla est Lex: ergo Prælati ex mero arbitrio peculia majora vel minora impertiri valent. Ergo ex genio Prælatorum Mendicantes Fratres divites, aut pauperes erunt. Ergo in vanum Ecclesia duobus potissimum ultimis sæculis tot Decreta, tot Constitutiones, tot Interdicta multi-

plicavit, ut Regulares ad hanc communitatis exacte legem servandam induceret.

XI. SOPHISMA QUARTUM. Multi Viri sancti habuerunt peculium. Ergo non est illicitum. Omnes Viri sancti, nemine excepto, peculio privato Regularium bellum atrox indixere. Interdum necessitate urgente, & ut juri nature servandæ vitæ satisfacerent, eo usi sunt intra limites extremæ paupertatis. Cætera nullum non moverunt lapidem, ut tantam corruptelam a Claustris exterminarent, ut infra ostendetur.

XII. SOPHISMA QUINTUM. Numquid omnes, qui peculio utuntur, æternas poenas dabunt? Tribus integris, & valde prolixis capitibus Dissert. 4. *Disciplina Apostol. Monast.* solutum est sophisma istud omnium ineptissimum. Num ex multitudine peccantium præsidium quaeris? Consule citatam Dissertat. cap. 10. 11. 12. & 13.

XIII. SOPHISMA SEXTUM. Necessitas excusat a legis observantia. Necessitas involuntaria, secus voluntaria. Necessitas, quæ obtruditur, respectu majoris partis libera est, & deliberate volita, ut suo loco luculentissimis demonstrationibus palam fiet. Iterum ex hoc sophismate colligas velim, quam sit vacillans adversariorum causa. Nunc negant legem vetantem peculium, nunc ut peculium excusent, necessitatis prætextum obijciunt. Si sola necessitas excusat peculii usum, ergo absolute, & præcisa necessitate, lex datur, quæ peculium vetat.

XIV. SOPHISMA SEPTIMUM. Datur lex communitatis. At distinguendæ sunt plures communitatis species. Alia est perfectissima, exactissima, rigidissima, alia mitior, alia mitissima, alia minus perfecta. Alia, quæ peculium excipit: alia, quæ illud respuit. His vocum ambagibus, & involucris causam implicant, imperitosque decipiunt. Communitas servanda in Regulis omnibus perspicue descripra legitur. Si questio Metaphysica esset, utcumque negotium facessere possent. At res facti cum sit, suis se conficiunt armis. De ea communitate sermo est, quam omnes Sacri Ordines, in quibus consistit Regularis observantia, servant. Capite sequenti eam describam, palamque fiet, quæ bona fide, quo zelo, quo candore causam agant.

XV. SOPHISMA OCTAVUM. Peculia nostra retinemus cum animi promptitudine eadem resignandi, & dimittendi ad Prælatorum nutum. Promptitudo hæc chimerica est, exceptis semper necessitatis naturalis ca-

libus. Quoniam hæc *promptitudo* a tot sæculis numquam sese in actum exercuit. Prælati supremi Religionum sunt Pontifices Summi. Non solum nutibus, & signis, sed gravissimis & legibus & poenis præcipiunt confundere hæc peculia cum Monasteriorum redditibus: præcipiunt exactam communitatem. *Promptitudo* hæc semper resistit, & etiam num resistit, refragaturque. *Promptitudo* hæc invehitur, debaccatur in eos, qui hæc peculia damnant, quique exactæ communitatis legem defendunt. Libris typis editis defenduntur peculia hæc ut licita: & voluntas prompta eadem dimittendi jactatur? Si nulla est lex peculia vetans, cur obtruditur voluntas eadem dimittendi? Nulla quippe extante lege, nulla est obligatio habendi voluntatem se se spoliandi eo, quod lege nulla prohibetur. De hoc fufius suo loco.

XVI. SOPHISMA NONUM. Si votum paupertatis Monasticæ includeret exactam communitatem, in nullo umquam casu possent Prælati Regulares, etiam urgente necessitate, usum peculii impertire. Ex crassa incertitia hoc ortum ducit. *Votum meum* [inquit D. Bernardus lib. de Dispensat.] *non augeat Prælati absque mea voluntate, nec minuat sine certa necessitate: alioquin remissio voti absque necessitate non dispensatio est sed dissipatio*. Aliud est, quod Prælati nequeant auferre vota solemnia: aliud est, quod nequeant relaxare observantiam in hoc, aut illo casu, necessitate urgente. Primum verum, secundum falsum. Mirum est hæc obtrudi a Theologiæ Magistris, cum nota tyronibus sint. Quæ esse debeat necessitas, ut valeant rite Prælati in aliquo eventu dispensare, infra dicam.

XVII. SOPHISMA DECIMUM, quo cætera recidunt omnia. Huc pertinent omnes adversariorum conatus, ut immensa vocum farragine ostendant, posse Regulares Mendicantes altissimæ paupertatis Evangelicæ voto devinctos, habere suas peculiare crumenas, frui suis, censibus vitalitiis, retinere pecunias, quas quisque aut prædicatione, aut lectione, aut alia industria adipiscitur. Conventus subministret cubicula, communem mensam, & certam pecuniæ summam in *Vestiarium*. Cætera, singuli suum privatum peculium ex venia Prælati habeant, quo & lautiora, si velint, fereula, & cellarum splendidiorem supellestem comparare, & recreationibus licitis, honestisque oblectamentis indulgere, & si vis etiam moderatis ludis pecuniariis interdum vacare religiose queant: ne multa: ut

ea habeant, quæ major, & maxima illorum pars non haberet, nisi solemne paupertatis votum edidisset. Quare mirum haud esse debet, si, ut tam prodigiosum monstrum defendant, inaudita paradoxa excogitent. Venia qualis qualis danda esset, tum ob præjudicia educationis, tum ob exempla, quæ ad instar torrentis secum abripiunt vel ipsos expectiores, si his fruerentur, simulque silerent. At quod hæc libris typis editis pro lege concedente obtrudere audent, culpa videtur nulla excusatione digna.

XVIII. Hæc decem sophismata, quæ sunt adversariorum principia potissima, evidenter ostendunt, quam sit illorum afflicta & desperata causa. Unum alterum destruit, & confusionem summam pariunt, & scandala inducunt gravissima: Quoniam & exactæ communitatis cultores vacillantes efficiunt, & vi erroneæ doctrinæ spectata, ab ejusdem observantia abducunt, pecuniosos vero Fratres in relaxatione confirmant, & ad universæ observantiæ Regularis ruinam viam aperiunt latissimam, ut experientia manifestissima compertum est. Ubi enim serpit peculiorum pestis, ibi cæterarum legum neglectus oculis conspicitur.

XIX. Hæc pauca in antecessum delibare operæ pretium existimavi, & ut viam pararem ad planiorem causæ decisionem, & ut a lectore mihi facilius veniam impetrarem, si prolixior fuero, quam causæ conditio postulare. Si bona fide, & solius veritatis amore res ageretur, paucis negotium confectum esset. Verum adversarios per varios oppositosque anfractus errabundos palatosque, modo huc, modo illuc confugientes, sequi coactus sum, magnisque itineribus ad latebras usque, ultimosque recessus se se recipientes persequi, donec eos comprehenderim. Veritas una est: plurimæ autem a veritate aberrandi viæ. Cum adversariis pugnandum mihi est, qui vel ipsa prima principia in discrimen vocant: dubia & falsa pro veris ingerunt: omnia fusdeque miscent: luculentissima documenta in pravos sensus detorquent, ut suo loco palam fiet. Non ergo mihi vitio vertendum, si, ut effugia quæque, rimasque omnes ocluderem: si, ut artificia, versutias, prætextus, commenta penitus jafefactarem, eadem principia in Disciplina Apostolico-Monastica latius explicata replicavero. Causa hæc neque eruditionis est, neque cum Eruditis a partium studio alienis tractanda, atque adeo in qua, omnibus ad vivum refectis, presse & perspicue possit in tuto res collocari.

Negotium nobis est cum adversariis, qui pro aris, & focis dimicant, quique nulli pepererunt industriz, ut veritatem certissimam dubiam arguendo efficerent: quoniam *propriam* defendunt *crimenam*.

XX. Capita potissima in hac Dissertatione tractanda, erunt sequentia. Ac principio, communitatis, dominii, & usus notionibus præactis, propositio illa gravissima, quæ est fundamentum cæterarum, quæque extra disputationis aleam constituta esse deberet, in medium veniet, nempe, sint ne Regulares lege gravissima, quæ lex sive votum sit, sive præceptum parum refert, exactæ communitati peculii vacuæ astræcti? E vestigio sequetur altera, sit ne inane, & commentitium paupertatis votum, admissis pecuniis seu depositis, quæ reapse obtinent in Cœnobiis laxioris Disciplinæ? Succedet suo ordine tertia, in qua palam fiet, peccare Superiores Regularium tum contra paupertatem, tum contra iustitiam ipsam & Dispensationis fidelitatem, permittendo subditis privata peculia. Post, consistere ne valeat Disciplina Regularis, votumque obedientiæ, communitate peculii experte sublata? Quinto loco, fictitiâ esse inopiam Monasteriorum, paucis exceptis, palam fiet. Sexto loco demonstrabitur, voluntariam esse, & culpæ plenam necessitatem, quam jactant, retinendi peculii. Atque adeo pleno in lumine collocabitur debitum gravissimum, quo obstringuntur Regulares tum Prælati, tum subditi ad invehendam communitatem. Commentitia quoque, & ludrica apparebit illa animi promptitudo peculii dimittendi ad Prælatorum nutum. Postremo, de potestate Prælatorum dispensandi in casu necessitatis a lege exactæ communitatis sermo erit; sed & regulæ præscribentur ab illis servandæ, qui nequeunt in propria Cœnobia communitatem invehere, neque alio, ubi communitas viget, petere. Inter disputandum Adversariorum Magistri *Vindiciis*, & Magistri *Vita Clausuralis* objecta omnia diluam.

XXI. Illud nunc a te, humanissime lector, enixe peto, flagitoque, ut præjudiciis positis ad hanc causam accedas, & a ferenda sententia abstineas, donec omnia rationum momenta æqua lance libaveris. Lubet te ipsius Marci Tulli verbis alloqui. *Quamobrem a vobis iudices, antequam de ipsa causa dicere incipio, hæc postulo: Primum id, quod acquisitum est, ne quid huic præjudicati offeratis. Etenim non modo auctoritatem, sed etiam nomen iudicum amittemus, nisi hic ex ipsis causis judica-*
-bi-

bimus, ne si ad causas judicia jam facta domo deferamus. Deinde, si quam opinionem jam vestris mentibus comprehendistis, si eam ratio convellet, si ratio labefactabit, si denique veritas extorquebit; ne repugnatis, eamque animis vestris, aut libentibus, aut aequis remittatis. Tum, autem, quum ego unaquaque de re dicam, & diluam, ne ipsi, quæ contraria sunt, taciti cogitatione vestra subiciatis, sed ad extremum expectetis. Pro Cluem. sub initium.

C A P U T II.

Notio exactæ communitalis a Regularibus servandæ.

Magister Vindictiarum affirmat communitatem Apostolicam immunem esse ab omni peculio: Sed negat Monachos & Mendicantes Deo, adpromittere hanc paupertatem. Magister Vitæ Claustralis adfirmat Claustrales spondere communitatem descriptam a Luca in Act. cap. 2 & 4. Sed simul docet Alumnos Apostolici Collegii sua habuisse privata peculia. Ambo errores castigantur.

- I. **R** R. Magistri adversarii mutuo dissident in designanda communitate, cui devincti Regulares sunt. Fatur alter, communitatem servandam ab eisdem, illam ipsam esse, quam describit Lucas in *Act. cap. 2. & 4.* quia illa peculium junctum habebat. Negat alter; quia communitas Apostolica peculium quodque execratur. Illorum verba transcribenda, ne creare illis invidiam videamur. Magister *Vindictiarum* prior tempore, prior in ordine sit. Scribit ille pag. 26. „ Ut communis vita „ [Apostolica] facta tecta custodiatur, requiritur . . . ut ex commu- „ ni cellario pascantur, & ex uno Vestiario induantur Monachi: om- „ niaque bona quomodolibet ad eosdem pervenientia in rem commu- „ nem redacta, cui necesse fuerint præbeantur, & ita quidem exacte, „ ut nec depositum ullum, estò debitis cancellis restrictum, nec pecu- „ lium aliquod, quovis moderamine adhibito, nec vitalitius provenus, „ quolibet temperamento moderatus, indulgeatur. Verbo dicam, ita eff „ ser-

„servanda hæc bonorum communitas, sicut olim fuit Hierosolymis ca-
 „stodita, & a Fratre nostro propugnata.

II. Frater ævus eximie P. Magister talem propugnat communitatem, qualem tu Deo servandam solemniter promissisti. Evincio. Tu Deo votum paupertatis nuncupasti secundum Regulam S. P. Augustini. Regula Augustini communitatem præcipit descriptam in Actibus Apostolorum, quæ, te iudice, omne peculium rejicit. Ergo communitas, quam Deo servandam promissisti, te fatente, excludit quodvis sive peculium, sive depositum, sive censum, quocumque illitum calamistro. Negabis ne primam propositionem, te nimirum professionem emisisse secundum Regulam Augustini? Altera propositio est ipse textus Augustinianæ Regulæ. *Et non dicatis aliquid proprium, sed sint vobis omnia communia . . . Sic enim legitis in ACTIBUS APOSTOLORUM, quia erant illis omnia communia.*

III. Author Vitæ Claustralis 2. part. Dissert. 2. cap. 1. pag. 202. & 203. varios gradus enumerat vitæ communis. Alia, inquit, est vita communis perfectissima, alia est perfecta, alia est non adeo perfecta: alia denique est, in qua Monachi sub eodem tecto habitant, eidem mense assident, eidem Prælato obedientiam præstant: in reliquis vero sibi vivunt, sibi que consulunt, facta per Prælatum bonorum omnium partitione, & singulis assignata portione ad usum etiam certum, & in perpetuum.

IV. Ultra pergit Author præfatus ad investigandum, qualem Apostolicum primævis fidelibus Hierosolymæ servaverint harum communitatum gradum. Sic quippe scribit pag. 204. *Quamquam habuerint primi Hierosolyma credentes (communitatem) de quibus S. Lucas in Act. cap. 2. & 4. non adeo facile intelligitur. Verum si temporis, loci, & personarum conditiones expendamus, conicere haud temere possumus, nec perfectissimam, immo nec perfectam inter eos fuisse rerum omnium communionem. Addit insuper, se rotunde negare, pernegareque Apostolici Collegii Alumnos servasse perfectam communitatem: atque adeo rotunde adfirmat habuisse privatum peculium pag. 243. At rotunde negamus, pernegamusque, Vitam communem, quam Apostolorum exhibent acta, talem, tantamque fuisse, quæ cuiusque peculii expert foret, & cassa. Perfecta ergo paupertas, seu vita communis, quam Christus consulit, non fuit in Apostolico Col-
 le-*

legio, atque adeo nec unquam fuit, nec est in Ecclesia Catholica. Quia, nisi vigeret in illo Sanctissimo Cœtu, a quo *omnis Religio sumptis originem*, inquit Angelicus 2. 2. q. 188. a. 7. multo minus emicuit in posteris. Porro, an in hoc argumenti genere quid turpius dici possit, aliorum iudicio suppono. Doctrina ista Magistri *Vita Clausstralis*, quam veluti totius suæ causæ primum principium constituit, gravissimus mihi, salvo meliori iudicio, videtur [ut mitissime loquar] Error scandaliplenus, universo Catholicorum sensui apertissime contrarius. Quod si primum potissimumque causæ principium erroneum, atque temerarium est, erronea, & temeraria sit causa ipsa necesse est.

V. En in quos errores coguntur prolabi, qui oppugnare presumunt manifestissimam veritatem! Author *Vindiciarum* confitetur, communiter descriptam in Actibus Apostolorum perfectam fuisse: sed contra apertissimos omnium Regularum monachalium textus negat, Regulares hanc communitatem profiteri, sed aliam omnino diversam, duplicato semper peculio, seu bonis mobilibus & immobilibus affluentem. Quæ doctrina, ut *Differtatione ultima cap. 3.* videbimus, non valde dissentit a Doctrina Calvinii effluentis, non minus distare hodiernam Regularium paupertatem a paupertate descripta in *Act. Apostol.* & a vetustis Monachis servata, ac dissentit ab hominibus Simix. Author *Vita Clausstralis*, ut hunc evidenterissimum devitaret errorem, in alium longe pejorem incidit, *rotunde* asserendo, rerum communitatem descriptam a Luca, nec perfectissimam, nec perfectam fuisse, sed sua habuisse privata marcupia, privatos loculos. Ex Evangelio scimus, Unum Judam habuisse privatos loculos, seu deposita. Acta item Apostolorum duos tantum nobis perhibent privati peculii possessores, nimirum Ananiam, & Saphiram repentina morte percussos. At inquit: Isti occulte: alii ex venia Apostolorum peculia habuere privata. Illi pecuniosi ex arbitrio: isti divites ex licentia. Sed quid ultra errantes sequimur, cum alibi effugium istud præclusum fuerit?

VI. His duobus reprobatis erroribus, Ecclesiæ Catholicæ doctrinæ & disciplinæ evidenter contrariis, vera communitatis imago delineanda est, non Marte proprio, sed ipsarum Regularum, & Summorum Pontificum verbis. Regula Augustiniana hanc communitatem servandam præscribit. *Non dicatis aliquid proprium, sed sint vobis omnia communia. Et distribuatur unicuique vestrum a Præposito vestro nihil, & segmentum, non aqua-*

equaliter omnibus, quia non equaliter valetis omnes; sed potius unicuique, prout cuique opus est. Sic enim legis in ACTIBUS Apostolorum, quia erant illis omnia communia, & distribuebatur unicuique, prout cuique opus erat. Qui vero aliquid habebant in saculo, quando ingressi fuerint Monasterium, libenter velint illud esse commune. Omnia ergo de communi tam pro victu, quam pro vestitu conferenda præcipit Augustinus. Non equaliter omnibus. Cur? Fortasse quia alii sunt Magistri, alii Baccalarei, alii simplices Religiosi? Absit. Quia non equaliter valetis omnes. Diversitas, non graduum, non meritorum, sed valetudinis, imbecillitatis, infirmitatisque, unica causa est inæqualis provisionis, inquit Augustinus, qui addit. Vestes vestras in unum habeatis sub uno custode vel duobus, vel quot sufficere possint ad eas excutiendas, ne a timea ledantur. Et sicut pascimini ex uno cellario, sic induamini ex uno Vestuario. Nullus sibi aliquid operetur, sed omnia opera vestra in unum fiant majori studio, & frequentiori alacritate, quam si vobis singuli propria saceretis. . . . Cum quis suis filiis, aut aliqua necessitudine ad se pertinentibus in Monasterio constitutis aliquam consulere vestem, sive quodlibet inter necessaria deputandum, non occulte accipiat, sed sit in potestate Præpositi, ut IN REM COMMUNEM REDACTUM, cui necesse fuerit præbeatur. Benedictina adhuc expressius hanc a Regularibus communitatis servandæ formam describit, cujus textus brevitatis gratia omitto. Confule Disciplinam Apostolico-Monalicam Dissert. 2. Eandem communitatem delineant Concilia, & Constitutiones Pontificiæ omnes, potissimum illa Clementis VIII. cujus hæc sunt verba. Præcipitur, ut nullus ex Fratribus, etiamsi Superior sit, bona immobilia vel mobilia, aut pecuniam, proventus, census, elemosynas, sive ex concionibus, sive ex lectionibus, aut pro Missis, tam in propria Ecclesia, quam ubicumque celebrandis, aliorum ipsorum iusto labore, & causa, & quocumque nomine acquisita, etiamsi subsidia consanguineorum, aut piorum largitiones, legata, donationes fuerint, tanquam propria, aut etiam nomine Conventus possidere possit: Sed ea OMNIA statim superiori tradantur, ut Conventui incorporentur, atque cum ceteris illis bonis, redditibus, pecuniis, ac proventibus confundantur, QUO COMMUNIS INDE VICTUS ET VESTITUS omnibus suppeditari possit. Sint ne huic communitati vi voti, aut præcepti devincti Regulares, an secus? valeant, aut non valeant ab hac communitate interdum dispensare? Prælati quæstiones sunt infra discutendæ.

Nunc

Nunc sinceram dumtaxat communitalis formam, de qua disputandum eſt, deſcribimus. Quandoquidem, niſi in re, de qua fieri diſputatio debet, conveniamus, ſupervacaneus eſt labor noſter. *Omnis enim* [inquit Cicero lib. 1. offic. c. 1.] *qua, ratione ſuſcipitur de aliqua re, inſtitutio, debet a definitione proficiſci, ut intelligatur quid ſit id, de quo diſputetur.*

VII. Indulgenda venia aliqua eſſet RR. Magiſtris, ſi quaſtio hæc aut juris, aut Metaphyſica foret, in qua quiſque eas ſibi fingit notiones, quas ſuæ ſententiæ judicat melius expedire. At notio communitalis Monachiæ res facti eſt. Factum iſtud deſcriptum eſt in omnibus Regulis, & Pontificiis Conſtitutionibus. Quid plura. Non modo præſtatæ communitalis effigiem vivis coloribus depingunt omnes Regulæ Monachales, Conſtitutiones Pontificiæ, & Concilia; verum, quod decretorium eſt, omnes quot quot fuerunt in Eccleſia Chriſtiana Romana Sacri Ordines, non aliam ac illam, quam deſcripſi, ſervarunt communitalitatem, quoad vigit Diſciplina. Quin, miſſa antiquorum Ordinum praxi, in hujus facti teſtes voco omnes Sacros Ordines, ſive Monachorum, ſive Mendicantium, qui nunc ſub oculis noſtris Dei Eccleſiam illuſtrant, exactam ſervantes communitalitatem. Nulla quippe ſere Religio eſt, in qua, ut minus plures Provinciæ, & Congregationes non reperiuntur, in quibus exacta vigeat communitas deſcripta: videlicet: *quod omnes Fratres paſcantur ex uno cellario, & induantur ex uno veſtiario, hoc in ſenſu, quod veſtes omnes præbeantur, non in pecunia ſed in ſpecie. Quod Fratres omnes conſerant omnes pecunias, ſive prædicatione, ſive lectione, ſive quacumque induſtria conquiſitas, aut quovis modo ad eos pervenientia bona, in commune ararium ad omnium Fratrum uſus, ut inde viſtus & veſtitus omnibus ſuppeditetur.* Hæc eſt communitas, quam non ſolum præſcribunt Regulæ omnes, ut dixi; ſed quam in praxi obſervant omnes Religiones Benediſtina, Auguſtiniana, Dominicana in omnibus Provinciis, & Congregationibus reformatis: & integræ aliæ Religiones, ut Cartuſiani, Camaldulenſes Eremitæ, Franciſcani Reformati, Capuccini, Carmelitæ Excalceati, & alii plures integri ſacri Ordines. Hæc ergo millia millium Religioſorum, præter Regulas & Pontificias Conſtitutiones, ſua perenni praxi teſtantur communitalitatem, illam ipſam eſſe, quæ hæcenus deſcripta eſt.

VIII. Audiamus nunc quid de hac communitalitate ſcribat Author *Vita Clauſtralis* pag. 211. Exclamat ergo his verbis. *At quis eſt, qui communitalitatem*

talem hanc possit ad praxim reducere? . . . Si usus incertus permixtus minime est: si denique nec determinatam vestem, aut suppellectilem nisi e communibus Monasterii bonis COMMUNIQUE VESTIARIO habere possunt, siue proprietatis visio, & paupertatis violatione; PAUPERTAS MONASTICA PROFACTO ERIT MONSTRUM HORRENDUM INGENS. Superi mites animos! Monstrum horrendum ingens ergo præscribunt omnes Regulæ Monachales, omnes Constitutiones Pontificiæ, mandantes, ut omnes pascantur ex uno cellario, & induantur ex uno Vestiario? *Monstrum horrendum ingens* ergo est observantia præfatæ communitalis, quam servant omnes recensiti Sacri Ordines? *Monstrum horrendum ingens* ergo erat communitas exacta, quam servarunt Apostoli, & omnes Sacri Ordines in illorum prima Institutione, & usque dum Disciplina temporum calamitate relaxaretur? Inclamat iterum P. Magister citata pag. 211. Quid, si nulla omnino relicta est Prælato facultas saltem permittendi juxta discretionis leges, & prudentia, aliquid subditis suis: si in omnibus omnes partes esse debent, ut nullius merita, aut GRADUS attendantur, si inter laborantem, & quiescentem nullum prorsus est discrimen. Extra chorum canis. Quæ sit vera exactæ communitalis absolute servandæ notio, effigiesque, nunc inquirimus. Illam in hoc sitam cum omnibus ad unum Regulis, Canonistis & Theologis dicimus, quod omnia Fratrum bona, quovis excogitabili modo acquisita, in communes Monasterii, Fratrumque usus convertantur. Quid vero in aliquo particulari casu, aut cum hoc, vel illo Fratre juxta œconomiz, & prudentis dispensatoris leges Prælati agere debeant, questio omnino diversa est alibi disputanda. Quod provisionis œconomia respondere singulorum indigentis debeat, res compertissima est. Quid latebras & effugia capias? Ipsa Apostolorum Acta, & Regulæ omnes præcipiunt, ut Prælati tanquam fideles dispensatores de communi penu omnibus provideant prout cuique opus fuerit: Non aequaliter omnibus, quia non aequaliter valetis omnes. Hæ prudentiz, & discretionis leges servantur in omnibus recensitis sacris Ordinibus, in quibus exacta viget rerum communitas. Instat. Et merita & gradus personarum? In nulla Regula, in nullo Concilio legi, quod Religiosi ob hoc solum, quod sint insigniti gradibus, meritisque splendeant, possint ex Prælatorum venia habere *marcupium privatum*. Id solum verum habet, quod Religiosi singuli, siue graduati sint, siue non, quando ob majores

jores labores magis indigent, tenentur Prælati illis prospicere, prout cuique opus est. Quid in aliquo peculiari, & extraordinario casu indulgere Prælati interdum possit, ex gravi necessitate, questio est a præsentis diversa, ut supra indicatum est, omnium legum exemplo. Primum enim, quid lex absolute præscribit, deinceps causæ, ob quas interdum hunc, aut illum Fratrem, in hoc, aut illo casu a legis observatione Superiores dispensare valent. RR. Magistri hæc duo confundunt, non sine propriæ in rebus Theologicis peritiæ dispendio.

IX. Ex his luculentum est, ambos adversarios imponere imperitis, dum distinguunt communitatem *perfectissimam, rigidissimam, minus rigidam, mitem, mitiorem*, ut sub horum terminorum ambagibus crumenas, & marsupia privata occultent. Ex his patet, quam sit bellula illa impostura, qua traducunt Authorem Disciplinæ Apostolico-Monasticæ tanquam *rigidissimum Aristarchum, tetricum Declamatorem, Zelotem delirantem*. Hæc sunt argumenta, hæc valla & fossæ ad protegendam peculii arcem: Quæ omnia Christiana fortitudine nos contemnimus. Et ne in re apertissima operam ludamus, communitas, quæ propugnata est in Disciplina Apostolica Monastica, quæque hic defenditur, non alia est, nisi quæ describitur in Regulis, in Conciliis, in Bullis Pontificiis: & ne multa: ea est, quam innumeræ Provinciæ, & Congregationes oñium Sacrorum Ordinum sub oculis nostris observant. Cavillationes, quibus circumvenire, & involvere *subiectum*, ut vocant, disputationis Adversarii student, profligatam esse illorum causam evincunt. Verum ut ad incitas eos redigamus. Quid intelligitis nomine *communitatis mitoris, non adeo perfectæ, non adeo rigide*? Respondet Author Vitz Clausstralis pag. 203. his verbis. „Alia est communis vita non adeo perfectæ, quæ tamen debitos limites non excurrit: & hæc ea est, in qua Clausstraliū „Prælati cuncta Monasterii, & cuiuscumque suorum subditorum in sua „habens potestate, omnibus, & singulis necessaria dispensat, permittens „tamen, ut aliquid ad usum facti, *incertum* tamen, & quem ad arbitrium revocare possit, Clausstrales *peculiariter* habeant juxta uniuscuiusque „*gradum, & conditionem*; ea tamen prudentia, & vigilantia, „ut nihil tribuat, dispensetque, quod in malum, aut mali periculum „vergat. Ipsi vero, qui hac Prælati indulgentia fruuntur, non solum „rebus sibi permissis caute, ac recte utuntur, sed etiam semper parati

„ sunt ad Prælati nutum deponere, si adhuc extant, vel, si jam usu sunt
 „ consumpta, rationem de illis reddere. Cæterum in omnibus communi-
 „ tatem servant : & ut verbo omnia complectar, nihil peculiare eis
 „ permittitur, quod cum paupertate, quam voverunt, inculpate compati
 „ non possit.,.

X. Quam sit subdola, festiva simul & ludicra ejusmodi communitatis
 pictura, paucis indicabo. Et primum illud est animadvertendum, quod,
 nulla allegata Regula, quia nullam allegare poterat, proprio cerebro spe-
 ctrum ludicrum sibi confinxit communitatis. Prælatus, inquit, *omnibus,*
& singulis necessaria dispensat. Et Religiosi Mendicantes, altissime pau-
 pertatis voto Deo consecrati, necessariis non sunt contenti? Minime gen-
 tium. Sed Prælatus permittit, ut *ALIQUID ad usum sacri Claustrales*
peculiariter habeant, juxta uniuscujusque gradum, & conditionem. In
 his verbis *mysterium* clauditur arcanissime istius communitatis, quam
 perspicue describere vel ipse Author reformidat. Et ab ultimis verbis in-
 cipiam. Votum paupertatis Monasticæ juxta *gradus, & condiciones* Reli-
 giosorum variatur? In necessariis omnes sunt æquales, in cæteris spe-
 ciandæ sunt dignitates, nobilitatis prærogativæ, sed potissimum *gradus?*
 Quid est *TO ALIQUID*, quod, præter *necessaria*, Prælatus permittit?
 Explica. Erubescis? Non audes? Dicam ipse. *TO ALIQUID* significat,
 quod singuli Religiosi suos census vitalitios *peculiariter* habeant, & quo-
 ad possunt, ditiores. *TO ALIQUID* prodit, quod singuli sibi retineant
 pecunias prædicatione partas, etiamsi essent centum aurei in annos sin-
 gulos. *TO ALIQUID* effert, quod omnia bona, quæ singuli Fratres
 propria peculiari industria acquirunt, sive Cathedras moderando, sive
 quæcumque privata munera obeundo, privatæ utilitati inserviant, &
 nonnulla alia, quæ statim innuam. Quam sit commentitia hæc, quam
 effingit, bonorum communitas, vel ex hoc constat, vix aliquam nimi-
 rum reperiri hominum societatem (nisi eamus ad gentes *americanas*)
 in qua similis communitatis forma, quam vocant *imperfectam*, non re-
 periat. In qualibet familia una domus, unum palatium, una men-
 sa, una pro *vestiario* summa. In cæteris, quisque domesticorum sua
 privata pecunia, singulari industria parta, habet. Hanc, & non majorem
 in Cœnobiiis Adversarii bonorum communionem defendunt. Ac-
 cedit, quod cujusque sæcularis domus filii familias, sive domestici, qui
 com-

communi aluntur mensa, & communi vestiario induuntur, bona, quæ isti proprio labore, industria, & professione acquirunt, in commune conferunt, quia de communi providentur, & solum quædam pecuniaria, & non ordinaria, lucra sibi reservant. Contra Claustrales, penes quos peculia permittuntur, bona, pecunias, lucra, quæ prædicatione, lectione, aliæ industria acquirunt, una cum suis censibus vitalitiis sibi reservant, licet commune habeant Cornobium, communem mensam, commune vestiarium pecuniosum. Hæc omnia experientia constant. Quis vero dixerit, hanc esse Monasticam communitatem?

XI. Paucis ergo habes utriusque veræ, & commentitiæ communitatis notiones. Communitas nostra vera supra delineata omnia communia non voce, sed re habet. Omnia sive parva, sive magna, quæ Fratres quovis modo acquirunt, in communes Monasteriorum usus convertuntur. Nemo unus, ministris exceptis, obulum habet. Omnes ex eodem cellario aluntur, sive sani, sive infirmi: Et ex eodem vestiario indumenta, non in pecunia, sed in specie, quoties indigent, accipiunt. Hæc est communitas, quam præscribunt omnes Regulæ, & Ecclesiæ leges, & quam in omnium oculis executioni adamussim demandat immensa Regularium multitudo, qui juxta communem sensum exactam rerum communitatem agunt. Communitas chimerica, quam exhibent ambo Magistri nostri, hæc est. Conventus, cubiculum, puteus, refectorium communia. In *Vestiario* certa pecuniæ summa quot annis confertur. Hæc summa pecuniæ universim satis non est ad omnia indumenta, idcirco quisque reliquum comparare sibi debet. Singuli ea omnia in proprium peculium ex *venia* Prælatorum habent, quæ jam descripsimus, nempe census vitalitios, pecunias propria industria paratas. Porro isti ex *venia* Prælatorum in Refectorio, qui volunt & quantum est ex *venia* Prælatorum, habent sua selectiora fercula, cubicula duplicata, supra & infra dormitorium, plus minusve ornatiores, juxta Provinciarum & maris diversitatem. Ex *venia* Prælatorum habent, addit Magister *Vindictiarum*, duplex peculium, ut cocolatam comparent, & ut honestis licitisque oblectamentis, & recreationibus operam dare valeant. Hæc est communitas, quæ obtinet in Monasteriis collapsæ disciplinæ, ubi peculia serpunt, universo mundo oculisque omnium hominum conspicua. Ut autem obvio cavillo occurram: sicut Frater quipiam

piam degens in Conventu exactæ communitatis potest, ut alter Judas, loculos habere, sic aliqui Fratres in Cœnobiiis Disciplinæ laxioris possunt paupertatem, summa tamen difficultate, servare. At isti casus sunt peculiare. De ea nunc loquimur praxi, quæ ex vi utriusque Disciplinæ reformatæ & collapsæ obinet, quocumque peculiari eventu præciso.

C A P U T III.

Notiones domini, usufructus, usufructi, certi, & incerti. Adversariorum vana interpretamenta. Capacitas, quam ad dominium retinent Jesuitæ, quos scolares vocant, non impedit quominus sint veri Religiosi. Commentum Magistri Clausuralis refellitur.

I. **A**D ea explicanda nos cogunt adversarii, quæ omnibus nota sunt, quæque indicta omittenda forent, nisi illi solita æquivocationum, & ambagum congerie, omnia vel certissima impedire, & circumvenire studerent.

II. Dominium communiter definitur *jus disponendi de re tanquam sua in quemcumque usum non prohibitum*. Tribuunt illud in perfectum, & in imperfectum. Istud in directum, & utile. Hæc omnia missa facimus: quoniam convenit penes omnes, Regulares privatos cujusque domini incapaces esse.

III. *Usufructus* jus est utendi, ac fruendi alienis, salva substantia. Neque in istius finitionis explicatione immoramur, cum pariter certum sit, nullum jus in rem quamlibet competere Regularibus privatis vi voti paupertatis, quam Deo nuncupant.

IV. *Ufus* duplex: unus juris, alter facti. Ille jus est utendi re aliqua in proprium commodum, salva ejusdem substantia. Qua ratione differat ab usufructu, nostra discutere minime interest; quoniam & hic est præter institutum nostrum, cum votum paupertatis Religiosos quoscumque jure privet.

V. *Ufus facti* pura est rei detentio, seu actus utendi re absque omni jure. *Quæstiones* illas præservidas, quas instituire Theologi solent super

per distinctione usus facti ab usu juris, & usus a dominio rerum earum, quæ usu consumuntur, pariter, ut a nostra causa prorsus alienas, prætermittimus.

VI. Usus meri facti ille est, qui causæ subest nostræ. Hic duplex est. *Certus*, & *incertus*. Voces istæ ambigæ sunt: & quia earum significatus aut ignorat, aut ignorare se fingit Magister *Vita Clausstralis*, in crassam labitur hallucinationem. *Usus certus* duplici in sensu accipi potest: & pro usu absolute irrevocabili, & pro concessione revocabili alicujus rei certæ, & determinatæ. *Usus incertus* est concessio revocabilis in quacumque rem honestam, & licitam. Hæc distinctio penes Theologiam Monasticam non levis momenti est: quæ ut plenius intelligatur, sciendum penes omnes convenire, nunquam Prælatus impertire alicui Religioso posse rem quampiam ad *usum irrevocabilem*. *Revocabilitas* hæc, est, ut ita dicam, de essentia paupertatis Monasticæ: Quare siue usus pecuniæ concedatur pro re certa, puta pro veste, & non pro alia re: pro libro, & non pro alia: siue sit incertus pro quacumque indifferenter re honesta, & licita, semper debet esse revocabilis, ut votum consistat Paupertatis. Porro Leges, quas professus est Magister *Vita Clausstralis*, & conditæ etiam disciplinæ remissæ tempore, expresse & severe vetant Prælati omnibus, ne umquam concedant subditis deposita pecuniarum ad *usum incertos*, quantumvis revocabiles. Capitulum Generale Mediolanense anni 1505. *Nolentes, quod aliquis Frater possit tenere pecunias in deposito ad usum incertos*. Et Capitulum Valentinum anni 1596. *Declaramus intentionem nostram esse, quod ubi Prælatus determinaverit præsentis sibi a subditis pecuniis, pro quo usu DETERMINATO specialiter in deposito assevari debeant, non licere subdito in alios usus eisdem pecuniis expendere, nec Prælato facultatem eisdem ad id tribuere, quem virante præsentis Decreti tali potestate privamus. Quare VITIUM PROPRIETATIS incurret subditus huic statuto contraveniens, & vitium usurpata Auctoritatis Prælatus, in cujus puniam ab officio absolvi debet*. Ex his, & aliis innumeris statutis istius generis, ediris, ut dixi, post investam *Vitam Clausstralem seu relaxatam*, patet & R. Magistrum *Vita Clausstralis*, & R. Magistrum *Vindicem* docere vitium proprietatis, dum ubique clamant in suis libris, posse Prælatos proprii Ordinis permittere subditis pecunias ad *usum incertos* revocabiles. Legant proprias Constitutiones, & P. Fontana verb. *Depositum*.

VII. Crassius hallucinantur RR. Magistri ambo ex alio capite in explanatione ejusdem *usufacti*. Non distinguunt eruditi homines *usum facti* rerum, quæ ex communi conferuntur, ab *usu facti* peculii privati. Existius distinctionis ignorantia invehuntur in Fagnanum, & Vanespen, atque adeo in Eminentissim. Cardinalem Petra, ac si negarent *usum facti* supellestilis ex communi concessæ, quia improbant *usum facti* peculii privati. P. Magister *Vindiciarum* pag. 27. hæc scribit. *Verum quod Religiosæ paupertatis, & huicæ abdicationi haud repugnet usufacti, quid quid perperam dicat Rigidus Vanespen, quem propterea, nedum Canonista, sed Jurisperiti omnes exhibitant, clarum est.* Idemque repetit pag. 50. *En ex ipso Lezana ventilatum cavillum Van-espen, & Fagnani, usum facti non distinguendum a dominio.* Audiamus Vanespen ipsum, se ab hac calumnia defendentem *Dissert. de pecul. par. 1. cap. 1. §. 6. pag. 10. Edit. Venet.*

„ Nec tamen quis inde arguat, me sentire, quod Concilium Trident. absolute *usum facti* rerum mobilium, sive *usum*, quo necessitatibus Religioforum succurratur, vetuerit. Tantum voluit, ut priusquam ille *usus* concedatur, Religiosus, juxta Christi consilium, omnia quæ sibi obveniunt, absolute abdicaverit : quo facto, tanquam verus pauper, necessaria sua a nutu, & voluntate Superioris expectet Ex quo patet, quod Concilium Tridentinum a norma vivendi primorum Christianorum non recesserit, dum voluit, ut Regulares primo omnia, quæ quovis modo acquirunt, absolute & simpliciter a se abdicarent, tradendo Superioribus : & Superiores ea omnia *Conventui incorporarent*, seu cum reliquis Monasterii proventibus plane confunderent, ut eo pacto, ex omnibus ita confusis omnium necessitatibus, sine respectu personarum, quarum opere, aut labore provenerint Quod signanter S. Augustinus expressit cap. 8. Regul. *In rem communem redactum, cui necesse fuerit prabeatur*.. Hactenus Vanespen. Judicent nunc sapientes, quis a Canonistis, & Jurisperitis exhibendus sit : an P. Magister *Vindiciarum*, an Vanespen, an Fagnanus? Asserimus, nullo modo, neque ad *usum facti* concedendum esse peculium, sed hunc *usum facti* concedendum esse de communibus Monasterii bonis, præcipit Concilium ipsum Tridentinum.

VIII. Ex hac crassa hallucinatione *usufacti* deceptus P. Magister *Vita Clausstralis*, existimat in arbitrio Prælatorum esse impertire facultatem retinendi peculii ad *usum facti*, si dominium abdicetur. Contra hanc vo-

tem *Dionysii*, adversus hoc nomen *juris*, undique zeli flammis ardens detonat, invehitur. Sic enim exclamat 2. p. *Diff.* 1. cap. 3. pag. 201. *Ca-veant propterea Claustrales, ne aut propria ducti malitia, aut Cacedemonis astu, & arte delusi, quid vel minimum ex his, qua penes se quocumque modo habent, suum esse putent, ejusque se VEROS DOMINOS esse; sed semper sui status memores ad Regulas, quas professi sunt, ad Romanorum Pontificum Decreta, ad Sacros Conciliorum Canones, ad Ecclesiasticas denique Consuevas animos intendant: hac diu nocturne mente versent, meditentur, memores semper emissi voti.* In similes flammulas non raro erumpit etiam alter commilito Magister *Vindex*. Obtundunt ante oculos imperiorum fucatum rete, ut facilius capiantur. Ex utriusque operis scopo & lectione compertissimum est, isthuc recidere ejusmodi declamatiunculas. Claustrales hilari animo estote. Fruamini honestis deliciis vestris *usu facti*: At cavete vos reputare *veros Dominos*, Inhabitate ampla cubacula, retinete splendidam suppellectilem, evacuate in commoda vestra crumenas, laborate, ut repleantur, gaudetote *usu facti*, caventes semper, ne reputetis vos esse *veros Dominos*. Hoc dominium civile Coenobitis vestris relinquite, ut eodem illa vascantur. Vos autem *usu facti* pecuniarum fruamini; quia non aliud præcipiunt Regulae, Canones, & Pontifices, nisi istius *dominii abdicationem*. Huc pertinent ejusmodi præservida Magistrorum nostrorum hortamenta.

IX. Si evangelicæ paupertatis sincero arderent zelo, hac ratione exclamandum illis esset. Eja agitedum Claustrales? *Nolite errare, Deus non irridetur.* Excusite crumenas de manibus vestris: convertite in communes fratrum usus pecunias, & peculia vestra. Quid prætextus *dominii*, & *usus*? quid effugia *proprii*, & *appropriati* captatis? Paupertatem veram a vobis Deus exposcit. Paupertas vera non dominio tantum, sed usu rerum potissimum cavet. Paupertas vera imago est Christi & Apostolorum paupertatis. Ludrica illa est, & commenticia, quæ sub latebra *dimissi dominii*, & sub pallio *licentia Abbatialis* pecuniarum, cubiculis, vestibis, deliciis, & commoditatibus affluit. Quid noceat privatio dominii pecuniarum, si earundem usu revocabili, qui nunquam revocatur, fruamini? *Dominium* sine *usu*, nihil cupiditati inservit. *Ufus*, rejecto *dominio*, appetitiones omnes explet. Ideo votum dominio privat, quia usus dominium consequitur. Si habeatur usus, prohibito

bito *dominio*, chimæricum evadit votum : Alter *dominium* scriinii habeat sine *usu* : Alter *usum* sine *dominio* : quis pauper erit ? Maritus *dominium* uxoris habeat : Alter ejusdem *usu* gaudeat : quis erit castus ? Jampridem Viri sancti, & docti spectrum illud paupertatis sine *dominio*, sed affluentis *usu* pecuniarum, & commoditatum, labefactarunt. Audite piissimum Theodoricum de Monasterio apud Dionysium Carthusianum de *Reformatione Claustralium* seu *Vita Claustralis* ar. 16. „ Magis nocet „ Religioso habere *usum peculii* sine *proprietate civili*, quam habere *proprietatem* sine *usu*. Proprietas namque in se non est peccatum, nec „ ad peccatum inducit, nisi per *usum rei* Quoniam *usus* propter „ quem vitandum prohibuerunt Sancti Patres *proprietatem*, est propin- „ quior libertati *utendi*, quam *proprietati* possidendi. Immo quantum „ ad progressum de malo in malum, parum aut nihil refert *an habeat* „ *ur usus* sine *proprietate*, *an cum proprietate* „ . Neque heinc sophistici- „ centur RR. Magistri non distinguere *dominium*, ab *usu*. Quis tam stupi- „ dus, ut talem ignoret distinctionem notam vel ipsis lippis, & tonsori- „ bus, nedum doctissimo Prælo Fagnano, & Vanespensio ? Sed dici- „ mus, ideo Regulares abdicare *dominium*, ut consequenter abdicent *usum* „ cujusque privati peculii. *Usus vero facti* necessarium pro victu & vestitu, de „ communi patrimonio Monasterii a Prælo accipere debent, ut post cæteros „ Canonistas scite explicat doctissimus Cardinalis Petra, de quo plura infra.

X. In hujus capitis calce, quoniam opportuna fert occasio, ab inepto vindicare commento lubet statum Religiosorum, qui in Incluta Societate Jesu tria simplicia vota emittunt. De his scribit Magister Claustralis t. p. *Diff. VI. pag. 156.* „ Hoc dicimus præsertim, postquam „ Gregorius XIII. in *Const. Ascendente Domino* Jesuitas, qui tantum „ vota simplicia in Societate a Sanctissimo Patriarcha Ignatio ad *Ma- „ jorem Dei gloriam* instituta, solent emittere, veros esse Religiosos de- „ finierit, quamvis tamen undequaque perfectos Religiosos fidenter ne- „ garim; deest namque illis *VERA Status ratio*, perpetua nempe sta- „ bilitas, & *perfecta sui abnegatio*, quæ *dominium rerum omnium* a „ Religioso expellit : & sane, ut exemplo utique ampliore utar, si Ba- „ ptisma perfectum Christianum sine confirmationis Sacramento homi- „ nem minime facit, quanto magis ob solum votum simplex, Je- „ suita perfectus omni ex parte Religiosus non erit „.

XI.

XI. Nihil nunc quæro, cur hanc quæstionem huc intruſerit. Quoniam, cum ſingulas ſero paginas parergis impleat, paſſim ejuſmodi interrogationibus vellicare, atque ſollicitare illum deberem. Illud potius percontor, cur in una brevi periodo turpi antilogia jugulum ſuum petat. Gregorius XIII. *veros eſſe Religioſos definivit* ? & continuo ſubdis: *Deeſt illis VERA ſtatus ratio*. Si vera ſtatus ratio deeſt: ergo falſum eſt, *veros Religioſos eſſe*. At rationem audiamus, cur vera ſtatus ratio illis deſit. Deeſt, inquit, illis *perfecta ſui abnegatio*. Pape! Nemo ergo Chriſtianorum perfectæ ſui ipſius abnegationis virtutem aſſequi poterit, quod capacitatem ad dominium habeat? S. Philippus Neriſ, S. Carolus Borromæus, alique innumeri ſemetipſos minime perfectæ abnegarunt, quod capacitatem ad dominium non abdicarunt? Exemplum, quod obtrudit de baptiſmate, & confirmatione, adeo eſt efficax, ut nec reſellere velim. Cedo: Si Religioſi iſti abicaſſent dominium abdicatione civili, haberent vero reipſa cenſus vitalitios, pecunias ad lautiores dapes & cupedias, ad ſolatia intra & extra Ordinem, ad munera tribuenda, ad ludos exercendos: haberent arculas argenteas, horologia argentea Genevenſia, & Pariſienſia: Tum ne perfectæ abnegaffent ſeipſos? Verum quod his omnibus careant, exactamque ſervent communitatem, ſeu veram & realem paupertatem, haudquaquam ſemetipſos perfectæ abnegarunt, quoniam poteſtatem uſu ligatam ad dominium habendum retinent, ſic exigente communi Societatis bono. Legat P. Magiſter Clauſtralis Sapientem Suarez *Tom. 4. de Rel. lib. 4. cap. 4.* ubi quæſtionem hanc verſat, & invictis argumentis demonſtrat, *nihil perfectioni obſtare talem modum proprietatis*. Proprietas civilis ſine uſu, ſterilis, & inutilis eſt, quod exemplo Matrimonii ſine uxoris uſu confirmat ibidem. Uſus vero ſine proprietate appetitiones ſaturat, cupiditatem, & concupiſcentiam explet, ut toties dictum, & dicendum ſæpius eſt. In hoc quippe ſita potiſſimum eſt Magiſtri Clauſtralis craſſa hallucinatio. Quamobrem nos cogit tam frequenter repetere, ideo Regulares abdicare dominium, quia dominium conſequitur uſus. Dominium abdicatur Religioni, ergo eidem quoque abdicatur uſus. Ab eadem itaque Religione accipiendus eſt de communi *uſus facti*. Retinere redditus, cenſus vitalitios, pecuniaſque propria induſtria partas ſub larva *uſus facti*, eſt media in luce & alios, & ſemetipſum fallere. *Actua-*

si ergo paupertate cupiditas coercetur, & appetitiones frānantur. Si plura cupis, leges laudatum P. Franciscum Suarez *loc. cit.*

XII. Hæc pro re nata obiter dicta sunt, non ut a quoquam gratiam ineam, sed ut veritati litem. *Proposuit enim vari reperiendi causa & contra nostros, & pro aliis etiam dicere: & cum res posulas, utroque, nullius accepta persona, reprehendere*, inquit Melchior Canus *lib. 7. c. 3.* Opportuna quoque hic sese offert occasio retundendi calumniam mihi impositam, quod in Dissertationibus meis super *historia Probabilismi & Rigorismi* præstantissimam laceffiverim Societatem. Quæ sane calumnia eo mihi amior est, quo majore obsequio, & existimatione eandem Societatem prosequor, suspicioque. De eadem cum P. Vincentio Contensonio *lib. 6. diff. 3. cap. 2. specul. 2.* testari jure meritoque valeo. Ingratus audiam, si Societatem illam de me optime meritam, corruptelarum amantem pronuntiem. In eadem prima literarum tyrocinia posui, nihilque unquam vidi, quod morum integritatem non redoleret. Hinc est, quod in laudata *Probabilismi, & Rigorismi historia* numquam absque laudis præfatione ejusdem memini. Si aliquorum ex eadem Societate Theologorum laxas opinioniones refutavi, tanta præfati moderatione, ut numquam, cujus Ordinis sint patefecerim, eorumque piam excusavi intentionem. Quid ergo est, quod carpere, quod criminari jure valeant? Quid Fanatismum improperant? Quid maledicta intorquent? Verum & hæc christiana fortitudine contemnenda sunt. Nec mirum in peramplâ Societate quosdam minus prudentes reperiri, si teste Augustino quæque professio suos habet fictos. Mihi sufficit conscientia mea, & Deus mihi testis est, quod non mentior, me & corde, & ore, & scripto hanc præclaram de Univerſa Ecclesia, & Republica literaria in omni fere scientiarum genere optime meritam Religionem summa semper veneratione coluisse, æternumque colam: at non propterea, si Theologorum quorundam sententias a saniore Ethica devias offendero, refellere prætermittam. Hæc obiter, plura dicturus in loco.

CAPUT IV.

Notiones Proprii, & Peculii.

1. **P**ater Magister *Vita Claustralis* Diff. 2. cap. 6. pag. 233. & seqq. ex ipso Augustino tanta evidentia se colligere peculium licere Regularibus asserit, ut habeam, inquit, unde glorier ac triumphem. Ita ille gloriarum plenissimus. At non plus ex Augustino peculium Monasticum, quam ex Alchorano castitatem extundet unquam homo triumphans. Ineptirem ipse, si quæ a pag. 233. ad pag. 240. commenta confarcinat, ut quædam Augustini loca obseuret, expendere vellem, cum nec ille, quæ scribit, intelligere videatur. Ut paucis rescire lector possit, quam sint eruditionis & acuminis Magistri nostri altæ radices, legat quæ scribit pag. 240. Ibi refutat Authorem Disciplinæ Apostolico-Monasticæ, quod minus feliciter exposuerit notionem communitatis ab Augustino præscriptæ., Fallitur bonus vir [inquit P. Magister] veluti qui Augustini mentem non fuerit assecutus. *TO commune*, quod sæpe hic usurpat S. Episcopus, non id significatum habet, quod sibi effingit Daniel, nempe, ut illud tantum commune sit, quod pluribus inservit, & nemini determinatum, nulliusque usus peculiariter deputatum: Sed id sonas dumtaxat, *QUOD UNIFORME, CETERISQUE PAR SIT, ET SIMILE PRORSUS*. Restissime. Quando S. P. Augustinus, ceterique Patriarchæ omnes inclamant, *sunt vobis omnia communia*, non aliud præscribunt, nisi ut Claustrales habeant similes & uniformes Vestes: non aliud edicunt, nisi quod habeant uniformes & similes crumenas. Explicat uberius ibidem quid communitas proprio contraria significet. *Id est* [inquit ille]. *Nemo pro arbitrio det vestem alicui ex Clericis, quæ aut pretio, aut forma communi Monasterii legi conformis non sit*. Tota ergo rerum communitas in vestium, & peculiorum conformitate sita est. Saltem heine colligam, omnes crumenas debere esse ejusdem formæ, ejusdem pretii: omnes census vitalitatis ejusdem summæ: omnia fercula ejusdem ponderis. Audistis res adeo lepidas, festivasque unquam? Oro, obtestorque lectorem, ut adeat duos Augustini sermones nempe 355. olim 49. & 356. olim 50.

ubi

ubi exactissimam rerum communitatem propugnatam inveniet. Sermones illi ad Fratres in Eremito, in quibus ex instituto communitatis votum versat, sunt illi ipsi, quos objicit Eruditus Claustralis. Inquit ergo Augustinus ser. 49. cap. 1. *Nostis omnes sic nos vivere, ut . . . quantum possumus, imitemur eos Sanctos, de quibus loquitur liber actuum Apostolorum.* Nemo dicebat aliquid proprium, sed erant illis omnia communia . . . *Ecce quomodo vivimus. Nulli licet in societate nostra habere aliquid proprium. Sed aliqui habent. Nulli licet. Si qui habent, faciunt quod non licet . . . Ecce dico, audite. Qui societatem communis vite jam susceptam, qua laudatur in Actibus Apostolorum, deserit, a VOTO suo cadit, & a professione sancta cadit.* Leges ambos sermones 355. & 356. ubi Magister Claustralis in sui favorem allegat Factum Januarii. Nec frustra. Quemadmodum enim Augustinus tanquam proprietarium damnat Januarius, quia communitatem professus habebat aliquid. Habebat aliquid, reponit Claustralis noster, non publice, sed occulte; ideo Proprietarius. Subtilissime. Adeone stolidus erat Presbyter Januarius, ut occulte vellet habere pecunias, si mos fuisset eas tenere publice ex licentia Abbatis, ut nunc fieri solet? *Author Via Claustralis* disputare olim assuetus: *sic ne natura Angelica species praticabilis habeat ne materia prima actum entitativum? vel appetitum innatum ad formam amissam?* qua facilitate tunc una cerebrosa distinctiuncula, sus deque omnia miscebat: eadem prorsus nunc simplicitate, ne dicam garrulitate, jocatur, cavillatur in exponendis Patrum textibus. Quicumque duos laudatos Augustini sermones contulerit cum ineptis commentis Claustralis nostri, comperiet, me illum clementissime alloqui. Quoniam vero pulverem in imperitorum oculos projicere rudet, contendens, aliud proprium, aliud peculium esse, operæ pretium existimavi palam facere illud omne esse proprium, quod non est commune. Ad rem ergo.

II. Theologi, Canonistæ, & Concilia ipsa loco eodem semper habuerunt proprium & peculium. Inquit enim Concilium Lateranense III. *Monachi nequaquam habere permittantur peculium. Qui in extremis cum peculio inventus fuerit &c. Universis Religiosis precipimus observari, scilicet, quod non habeant PECULIUM, SEU PROPRIUM.* Antiquiores Theologi omnes, ut videre est penes Trithemium, Carthusianum, aliosque,

aliosque, peculium, & proprium pro eodem usurparunt. Unum inter plurimos allegare sufficiat Visitatorem Generalem Ordinis Cisterciensis, qui, ut ex Manriquez [tom. an. Cist. in Serie Abba.] colligitur, est Joannes de Martiniaco, quiq; interfuit Concilio Constantiensi. Hic in suo *Tract. contr. Proprietarios* cap. 11. primum de Monachis habentibus peculium scribit. *Nolumus obedire Generali Concilio, quod utique vult omnes Ordines reducere ad communem Vitam. Quare sunt extra statum salutis. Quia Monachus habens obulum, non valet obulum.* Opponit sibi cap. 1. distinctionem peculii, & proprii, respondetque. *Hic etiam apparet, quod fallunt, qui dicunt, quod quidquid Abbas permiserit, hoc non sit PROPRIUM ... Dico enim, quod idem est proprium, & peculium jure, quamvis unum ab alio in verbis differat. Videamus igitur conscientias nostras, qua temeritate altari jungamur, qua securitate moriamur ... Unde Bernardus Monachus habens proprium, Deus denegavit cum suum proprium, quod est misereri & parcere. Paulo post sibi subjicit. Item dicat quis: Et si non possum habere PROPRIUM, habeam autem PECULIUM. Dico quod Regula S. Augustini, & B. Benedicti NULLAM faciunt differentiam inter PROPRIUM, ET PECULIUM. Unde ibidem dicitur: Omnia sint eis communia. Lege integrum Tractatum insertum Disceplini. Apostoli. Monastic. pag. 452. Ratio evidentissima indicatur.*

III. Bona terrena omnia, aut propria, aut communia. Nihil hic medium. Falleris, inquit. Inter utrumque extremum peculium est. Ita ne vero? Peculium istud proprium ne est, an commune? Aqua hic hæret, nec ad evadendum latebra ulla patet. Et ut acutioribus stimulis eos pungamus: quænam est juxta omnes Theologos & Canonistas peculii notio? Hæc sane: *Peculium exiguum patrimonium est a magno Domini Patrimonio separatum.* Peculium ergo proprium est, cum commune non sit, nisi Magistri nostri velint primas rerum notiones pervertere, omniaque perturbare, lucem pro tenebris, & tenebras pro luce obtudentes. Hinc Canonistæ & Theologi illi, qui secundum jus commune peculium in aliquo casu Claustralibus concedunt, a servi paritate, cui permissum peculium est, argumentum arcessunt. At, inquit RR. Magistri, nunquam Regularibus licitum proprium est, quod de peculio dici nequit. Si proprium licitum non est, neque peculium. Sed licitum aliquando peculium, ergo & proprium, cum peculium illud,

illud , aut proprium aut commune sit , necessum est . Ut amphibologia omnis procul abeat , advertendum, quod *To proprium* res non est genere suo mala , cum omnes , qui voto paupertatis soluti sunt , proprium habeant : malum unice est , quia *voto vetitum* . Porro ea omnia , quæ mala dumtaxat sunt , quia vetita , possunt interdum licita fieri ob necessitatem , quæ legem non habet . Nonne omnes adfirmant , etiam Magistri nostri adversarii , *proprium illud esse , quod repugnante Prælatu habetur* ? Id ajunt omnes . Fac Prælatus eousque in te sævire , ut sua malignitate necessarium victum ad alendam vitam tibi subtrahat ? Non ne potes , immo teneris in casu servandæ vitæ proprium necessarium procurare vel ipso renuenre Prælato ? Proprium tunc est , sed malum non est ; quia in tali casu a voto vetitum non est . Malum pariter non est , cum Prælatus legitime dispensat : Neque ex dispensatione notionem proprii amittit , sed malitiam exuit , eo quod a lege prohibente tunc exemptum est . Viciosus est esus carniū die Veneris : Dispensante Prælato , licitus evadit . Propterea ne carnes non sunt carnes ? Proprium ergo , sive peculium absolute vetitum est Regularibus omni modo , sive quantum ad dominium , sive quantum ad usum , solaque urgens necessitas alendæ , & induendæ vitæ efficere interdum licite illius usum potest . Quare , dum Concilia , & Theologi dicunt , quod neque Abbas , neque Summus Pontifex super habendo proprio dispensare possint : sensus germanus est , neminem ab hæc gravissima lege dispensare licite posse ; immo a nulla lege , tametsi adeo gravis non sit , ut hæc est , utpote voto solemnī firmata , dispensare licite Superiores valent , nisi legitima occurrente causa . Sed aliud est , quod nequeant Prælati absolute a lege dispensare , ab eadem subditos omnino eximentes : aliud quam maxime diversum , quod in aliquo urgenti casu non possint hic & nunc legis rigorem relaxare ob legitimam gravemque causam . Primum verum . Alterum falsum .

IV. Allata doctrina adversariis haudquaquam arridebit , quia vident ex illa consequi , eorum peculia vitio proprietatis polluta esse , cum non necessitatis , sed commoditatis causa retineant . Et tamen doctrina hæc adeo vera est , ut nisi communi sensui renuntient , admittant eam & ipsi oportet . Quod ut evidentior evadat , animadvertendum , quod Navarrus ipse , qui sibi in hac materia nimium laxavit , ut notat Natalis

lis Alexander, primus forte omnium in *Comment. cap. Non dicatis* 2. 9. 1. n. 47. præmittit, inquit Fagnanus in *cap. de Stat. Monach.* 2. 2. Proprium esse duplicis generis. Alterum domini: alterum administrationis, quale habent Beneficarii, quod alio modo peculium dicitur *Rubr. de pecul. Clericor.* Hoc proprium secundi generis in tres species tribuit. Primæ speciei proprium est, quod administrandum datur in utilitatem, & damnum concedentis tantum, quale est, quod conceditur officialibus Monasterii. Alterius speciei proprium est, quod datur in damnum, & utilitatem concedentis cum facultate disponendi de eo in suos honestos & pios usus tantum. Proprium tertiæ speciei est, quod datur in commodum, & damnum accipientis cum facultate disponendi pro libitu in quocumque usus etiam profanos. Pressius idem Navarrus hoc explicat in *Comment. 1. de Regul. n. 15.* inquiens. *Proprium est duplicis generis, seu dupliciter dicitur in hac materia. Primo quidem quoad dominium & proprietatem . . . Secundo quoad detentionem & usum, & administrationem, & possessionem sacri tantum, cujus sunt capaces etiam Servi, Monachi, & quicumque alii homines . . . & primi quidem generis proprii rei pecuniaria Regulares sunt incapaces.*

V. Non est ergo ambigendi locus, quod proprium, & peculium in causa nostra idem prorsus sint. Nam peculium sive castrense, sive adventitium, sive profectitium proprietatem & dominium includit æque ac proprium. Eo ergo in sensu, quo licitum est Regularibus peculium quantum ad usum, licitum est & proprium: & qua lege interdicti sunt a proprio, privati quoque peculio intelliguntur. Nomina diversa sunt, res eadem. Cur potius vox *peculii*, quam vox *proprii* RR. Magistris ardeat, ratio in promptu est. Regulæ omnes & Concilia peculiarem usum bonorum sub voce *proprii*, non sub voce *peculii*, vetant. Ideo perterritant in fraudem legis, falvis verbis legis, sententiam ejus circumvenire.

VI. Cedo. Quando Regulæ, Concilia, & Votum ipsum prohibent, ne Prælati permittant proprium, quid prohibent? Bonorum temporarium permissionem inquis. Peroptime. At quis non derideret & Regulas, & Concilia, & vota ipsa tanquam ludicra, si prohiberent, ne Prælati permitterent bona, pecunias, census vitalitios &c. sub voce *proprii*, eadem vero retinenda permitterent sub voce *peculii*? Dictum ca-

pote superiore est cum Dionysio Carthusiano, Eminentissimo Petra, ceterisque Canonistis, ideo votum paupertatis abdicare dominium, quia dominium usus consequitur, & quod chimæricum votum esset, ad domandam cupiditatem quod attinet, si, dominio rejecto, usus liber esset votenti ex venia Prælati, qui *posse* revocare, sed qui nunquam revocet ad mortem usque. Similiter repetimus nunc, perdidiculas fore Regulas, & vota, si tam severe interdicerent vel volam proprii, seu retentionem bonorum sub nomine *proprii*, concederent vero census vitalitios, pecuniasque ex Prælatorum arbitraria licentia sub nomine *peculii*. Concilium Tridentinum, ut his effugiis aditum præcluderet, missa voce *peculii*, seu *proprii*, pressius rem definivit, prohibendo, ne *bona sive mobilia, sive immobilia quocumque modo acquisita*, sub quocumque titulo, seu voce retineantur, quæ de communi non sint collata.

VII. Hæc rationum momenta subodoratus P. Magister *Vita Clausuralis* impeditissima quadam verborum congerie peculium Monasticum describit his verbis pag. 226. „Peculium ergo Monasticum & Clausurale „non nisi improprie peculium dicitur, *estque aliud nihil* quam quædam „*pecunia, alteriusve rei* quantitas Ordini, aut Monasterio intuitu, & „causa privati Clausuralis obtingens, *ipsique Clausurali*, qui eam, aut „Parentum donatione, aut propria industria, & labore Monasterio acquisivit, ad necessarios, licitosque usus a *Prælato* *permissa & concessa*, „Quod *Peculium*, si constitutos non excurrat limites, suisque contineatur finibus, voti *Sanctitatis* tantum abest, ut adverteatur, ut immo „*eam foveant, tueanturque* „. Pressa atque perspicua finitio. Paucioribus verbis dicere debuisset. *Peculium Monasticum est & usus vitalitius, & omne id quod Clausuralis aut Parentum donatione, aut industria propria acquirit, illique, quoad vixerit, ex Prælati venia in usus honestos concessum, in Monasterium sterili proprietate civili rejecta*. Dicam nunc, mihi velim. Hoc peculium est ne proprium, aut commune? Quid hincis? *Proprium quantum ad usum non ne?* Commune vero quantum ad dominium Monasterio abdicatum: seu est *proprium* re, voce *commune*. Proprium in *actu*, commune in *potentia*. Proprium quoad *Realitatem*, commune quoad *capacitatem*. Esti studueris usque ad Iudicii diem, nil felicius exogirabis. Viden' quibus seiplos conficiunt paradoxis?

VIII. Duo alia verba in laudatam definitionem. *Peculium Sanctitas*

sem

non FOVET tueturque? Oh sanctitatem inauditam, quam ignorarunt Apostoli, quam ignorarunt Sancti: & si absque blasphemia dici potest, quam ignoravit Christus Jesus! Vel ipsi laxiores, benignioresque Casuistæ peculium Monasticum alex, periculique plenum, malorumque originem plurimorum esse adfirmant.

IX. Porro, ut fiat compertius cujus generis esse peculium debeat, ut FOVERE Sanctitatem valeat juxta RR. Magistros, audias iterum oportet P. Magistrum Vitæ Claustralis, qui *cir. pag. 126. sic* invehitur in Authorem Disciplinæ Apostolico-Monasticæ. *Aristarchus noster peculium istud ad tot talesque angustias nititur redigere, ut observatu impossibile fiat.* Comprime quæso indignationem P. Magister, quoniam *Aristarchus* Concillita tuus hæcenus ignoravit, quod peculium *foveres*, *tuereturque Sanctitatem*, quin cum omnibus Theologis Sanctitati illud periculosum existimabat: ideo eas illi angustas circumdedit conditiones, quas communiter præscribunt Theologi, & dubio procul arctiores imponunt ipsa tui Ordinis statuta. Nunc vero novissimæ tuæ Theologiæ perfusus lumine, inaudiens, quod peculium Sanctos facit Fratres, aliter ratiocinari cogitur. Edissere ergo. Ut Peculium *foveat tueturque Sanctitatem*, non angustum, sed amplum sit oportet marsupium non ne? Si enim angusta sit crumena, si ad breve tempus, si pro usu determinato, & necessario tantum, & cum proposito illam dimittendi, & reclusum in arca communi, quæ reapse sunt conditiones præscriptæ ab *Aristarcho* tuo; si inquam sint adeo angustæ *non foveret, sed suffocant: non tuentur, sed interficiunt Sanctitatem*, perfectionemque? Quid ergo obtrudis illam periocham: si *constitutus non excurrat limites?* Quia, reponit ille, propositio hæc indefinita est, nihil determinate præcipiens, deservitque solum ad quemdam fucum, & speciem. Eadem prius scripserat alter illius commilito P. Magister *Vindiciarum*, nempe peculium *fovere pacem, tranquillitatem, ac Sanctitatem* augere. Etiam ille sæpe ejusmodi indefinitas phrasas repetit, nempe, quod peculium istud sit intra moderatos cancellos, & ad finem honestum. Verum si dicatur, finem honestum Regularis mendicantis in genere paupertatis esse frugalem victum, & humilem vestitum, e vestigio vociferatur: Et non ne etiam Regularibus debentur honesta solatia, licita commoda, suaves forbitiunculæ? Si quantitati peculii præfiniantur arcta confinia, tunc clamat Magister Vindex pag. 59. *Non inficiet qui-*

dem Amicum nostrum, aliquod depositum concedere, illudque innoxium declarare. Verum rem hanc ipse ITA DOLABRA LÆVIGAT, & ad tunicam mittit, extenuatque, ut vel umbratilem tandem praeferas depositi imaginem. En quam bene sibi constant Commilitones Magistri. Ambobus proprietatis crimini velum quodpiam moderatae quantitatis praetendant; nunquam tamen ipsi illius moderationis limites assignant: si ab aliis praestituantur, clamant, arctos nimium esse, & angustos, peculiumque efficere observatu impossibile. Hoc pacto Christiani divites omnes fatentur praeceptum Evangelicum dispensandi pauperibus superfluum. At cum illius superfluitatis limites praefiguntur, respondent, se nihil habere superflui. Quamobrem plurimi divites observant Praeceptum eleemosynae, quemadmodum RR. Magistri, quatenus ex eorum libris colligere licet, observant votum paupertatis Monasticae. Infra probabo invictis demonstrationibus, assignatas conditiones nec minimum arctas esse, quin clarius praesententur, peculiumque defensum a RR. Magistris evidentissime secundum omnes Theologos proprietarium demonstrabitur. Quod autem opponunt, peculium, quod nos ob solam gravem necessitatem concedimus, esse observatu difficillimum, verum dicunt. Ideo demonstravit Author *Disciplina Monastica* paucos reperiri, ubi non viget exacta communitas, qui votum observent paupertatis: quoniam, admissa etiam licita peculii permissione, pauci sunt, qui peculio necessariis conditionibus circumscripto utantur, ut suo loco palam fiet.

X. Alia gravissima hallucinatio Magistri *Vita Clausstralis* confutanda est. Verum adeo enormis est, ut confutatione non egeat. Scribit pag. 243. Portiones, quas Ministri Collegii Apostolici e communi patrimonio tribuebant singulis, prout cuique opus erat, fuisse peculia. Sane *pretia dispensata*, inquit, *peculia erant: atque hoc modo eandem communitatem, sub gravissima obligatione, imperare laudatas Patriarchas non distimulamus*. Gravissima ergo obligatione imperant Sancti Patriarchae peculia? Si *pretia* illa dispensata erant peculia, non ergo e communi conferebantur. Commentum ergo fuit Communitas Apostolorum. Si e communi conferebantur, quomodo peculia? Quod enim de communi patrimonio subministratur, sive in specie, sive in pecunia, nunquam peculium est, si peculium juxta omnes, est parvum patrimonium a magno Domini Patrimonio separatum? Et hoc ipsum probat P. Magister *Vita Clausstralis* pag. 285.

& seqq. & perpetuis antilogiis se conficit. Hinc colligit lector quibuscum nobis disputandum sit. Cavillationes, quas confarcinat pag. 228. adversus conditiones, quibus Theologi limitant peculium, ut ineptas prætereo. Omnes Theologi docent, quod peculium debet esse incorporatum Conventui saltem acceptatione, & destinatione Superioris, seu, ut alii dicunt, *jure sin re*. Omnes addunt, quod sit revocabile ad nutum Superioris, quando reapse non incorporatur, sed causa urgente reservatur ad aliquem futurum usum Religiosi Claustralis. Et hanc conditionem *ridiculum* vocat Magister noster. Alteram conditionem, quod peculium istud non penes Religiosum sit, sed in arca communi occlusum, asserit *sponse sua labi*. Denique potissimam illam conditionem, quam Theologi omnes ut necessariam ad votum servandum imponunt, videlicet, *quod Religiosi habentes peculium, sincero animo parati sint ad illud ex Prælati arbitrio deponendum*. Insuper communitati invehenda non modo refragari nequeant, sed prout ad illam suscipiendam esse debeant, & pro viribus adlaborare, ut exacta verum communitas introducatur: hanc inquam conditionem rejicit, eo quod peculium, inquit pag. 229. *radicibus convellit*; additque: *Verum enim vero, si pro viribus adlaborandum, & cooperandum est, ut exacta verum Communitas introducatur, jam fas non est Claustralibus peculium habere*. Ignorat P. Magister quæstionis statum, idcirco ex una hallucinatione in aliam turpio emlabitur. Ob solam necessitatem, ut unanimi consensione vel benigniores Theologi clamant, permitti interdum peculium potest. Si hæc necessitas voluntaria sit, criminosa est i. sicuti necessitas permanendi in occasione est inexcusabilis, si sit volita. Porro ne voluntaria, & libera dicatur, adlaborare pro viribus homo debet, ut eam excutiat. Quando Regularis paratus non est ad dimittendum peculium, neque paratus ad recipiendam exactam communitatem, juxta omnium vel laxiorum Probabilistarum sententiam, crimine proprietatis inquinatus est, & in gravissimo æternæ damnationis periculo versatur. Quare neque in Bordonio, neque in Escobario tantam opinandi laxitatem offendi, quantam in libro *Vita Claustralis*. Et si omnia inaudita paradoxa, quæ confarcinat, expendere vellem, in immensum volumen Opus istud cresceret, vixque esset scribendi finis. Idcirco plarima prætereo & ut prælitutæ brevitati morem geram, & ut illius pudori parcam. Illud tantum adjiciam: si nullum extat præceptum communitatis, ut effutiant RR. Magistri, licitum pe-
cu-

culum erit nullis limitibus circumscriptum. Prælati poterunt in magna vel in maxima quantitate pecunias concedere. Si voto sat est pecunias habere Prælato annuente, aureorum scrinia Religiosi tenere licite poterunt. Et quidni? reponent, aut saltem reponere debent RR. Magistri. De hoc suo loco.

C A P U T V.

Regulares voventes paupertatem Monasticam, vovent exactam communitatem peculii vacuam.

I. **E**Xpositam thesim suo calamo demonstravit Author Disciplinæ Monasticæ *Dissert. 1. cap. 3.* Ibidem animadvertit se ita tractare hanc quæstionem velle, ut etiamsi falsa foret, non inde tamen quidquam emolumentum colligere adversarii valeant, ut adducto textu infra patebit. Quoniam siue communitati huic devincti Regulares sint vi voti, ut sentit ipse, siue vi præcepti, ut docent omnes, ad conscientiam, & excusationem quod attinet, perinde est. Et quia ambo RR. Magistri nonnulla festiva sane, & lepida sophismata adversus præfatam sententiam opponunt; idcirco operæ pretium duxi, eandem ad incudem revocare. Idque ut clarius præstem, caput istud in tres tribuo paragraphos. In primo duabus demonstrationibus propositionem, quam exposui, confirmabo. In altero Magistri *Vindictarum*, in tertio Authoris *Vite Clausuralis* responsa expendam.

§. I.

Demonstrationes duæ, quibus evincitur, vi voti Regulares teneri ad exactam communitatem.

I. **D***emonstratio prima.* Votum paupertatis generatim acceptum varios excipit gradus. Alter dominium & capacitatem ad illud, & usum cujusque rei, seu propriæ excludit. Alter dominium, usumque proprium rejicit, capacitatem retenta ad dominium habendum. Tertius dominium servat, sed rerum usum ab aliena voluntate accipit. Postremus

mus nec dominium, nec usum abdicat, sed dumtaxat adeo moderate bonis utitur, ut præter necessaria ad vitæ sustentationem, omnia alia pauperibus erogat. Ad hos quatuor gradus plures alii revocantur. Hæc doctrinæ subscribit Magister *Vita Claustralis* pag. 186. Paupertas non est sicuti castitas. Hæc cum extra matrimonium sit omnibus jure tum naturali, tum divino servanda, si semel Deo adpromittitur, integra, & tota votetur. Nullus hic gradus, nulla limitatio, individua materia est. Quod omnis actio castitati opposita, Matrimonio sublato, vetita sit. Nunquam contingere potest, ut vorum istud interdum non obliget. Possessio e contrario divitiarum paupertati opposita, nemini interdicta, omnibus licita est. Quisque pro arbitrio se eadem privare potest, vel ex parte, vel in totum: severiorem, vel mitiorem paupertatem hoc, aut illo gradu circumscriptam, prout expediens existimaverit, adpromittere quisque valet.

II. Hinc consequitur, votum quodlibet, cujus materia latitudinem gradusque latiores, aut strictiores admittit, circumscribendum esse a votentis animo. Quælibet namque promissio, ut prudens sit, certam, præfinitamque sibi materiam vindicat. Quis non derideret votum victimæ offerendæ incertæ, & indefinitæ? Effugeret ne imprudentiæ labem ille, qui votum, aut elemosynæ, nulla designata quantitate rei erogandæ, aut peregrinationis, nullo præstituto termino, ederet? Quoniam hæc omnia, & alia id genus plurima, non secus ac paupertas, latius patent, definiturque a votentis intentione debent. Quamobrem P. Franciscus Suarez Theologus doctissimus, & gravissimus advertit, peculiū non repugnare Voto Paupertatis *UT SIC*, secus vero si votum spectetur ut est præceptis Regularum, legibusque Ecclesiæ circumscriptum. *Tandem advertendum est, sententiam hanc intelligendam esse solum in generali, & ex vi voti paupertatis UT SIC. In particulari autem unaquæque Religio servare debet, si quam Regulam peculiarem circa paupertatis votum & materiam ejus habuerit, qua cum ejusmodi peculio, & licentia ejus repugnet.* tom. 3. de Relig. lib. 8. c. 14. n. 4. Quia ad hanc doctrinam animum non intenderunt plures Recentiores, qui votum paupertatis Monasticæ considerarunt *UT SIC* & a legibus Ecclesiæ sejunctum; idcirco viam aperuerunt laxitati. His delibatis, hanc efficio argumentationem.

III. Regulares omnes paupertatem Deo vovent, non incertam, non indefinitam, non quam quisque Regularis sibi ex arbitrio fingit. Quoniam
si a

si a cujusque privata & arbitraria intentione paupertatis votum penderet, tot essent diversa in singulis cœnobiis vota, quot sunt voventes Fratres. Eam itaque paupertatem Deo spondent Regulares, quæ in eorumdem Regulis descripta est. Libere vovere, aut non vovere possunt : at hypothesi facta, quæmittere votum velint, illud ad Regulam, quam professuri sunt, exigere, & conformare astringuntur. Idque patet in altero obedientie voto, cujus materia amplitudinem, & gradus habet. Hac enim Regulares obedire Prælati ad eorum ingenium astricti sunt, sed in iis tantum, quæ Regulæ servanda præscribunt. Hæc omnia adeo certa, adeo luculenta sunt, ut a nemine vocari in controversiam possint. At omnes Monachales Regulæ a Sancta Romana Ecclesia approbatæ, non aliam præscribunt paupertatem, quam vitam communem. *Sint vobis omnia communia, ut legitis in actibus Apostolorum.* Sic Augustiniana, sic Benedictina, sic omnes, quarum textus videri possunt in Disciplina Apostolico-Monastica Differt. 1. cap. VII. & VIII. Hæc itaque secunda propositio evidentissima est, nulli cavillationi subiecta : & facti res cum sit, oculis solum opus est, ut quisque de ea certior fiat. Ergo Regulares voventes paupertatem, vovent communitatem. Singulas expendamus propositiones. Prima certa est. Contra secundam reponent aliqui, votum paupertatis Monasticæ non aliud imponere nisi *sine proprio vivere*. Si quispiam tibi hanc pernegaret propositionem, quo pacto eam evinceret? Hac via. Paupertas Regularium, ideo *Monastica* seu *Regularis* appellatur, quia juxta Regulas Monachales ab Ecclesia approbatas Deo nuncupatur. Porro Regulæ istæ omnes præcipiunt *sine proprio vivere* Peregrege. Ergo, [audi illationem, quam colligo] ergo exacta communitas voti essentiam ingreditur. Probo. Regulæ Monachales omnes ab Ecclesia approbatæ potissimum Augustiniana, & Benedictina, qua severitate prohibent *Proprietatem*, eadem omnino præcipiunt *Communitatem*. En illarum verba. *Et non dicatis aliquid proprium, SED sint vobis OMNIA COMMUNIA.* Concedunt RR. Magistri primum legis membrum *sine proprio vivere* ingredi voti naturam. Cur? Quia id præceptum in Regula est. At non minus præcipitur a Regula alterum membrum : *Sint vobis omnia communia.* Ergo aut utrumque negent, aut utrumque adfirmant, necessum est. Si negant secundum, rejicere & primum debent. Si primum suscipiunt, admittant & secundum oportet. Nulla hic evadendi rima. Aut negandum

sine

sine proprio vivere ad naturam paupertatis monasticæ pertinere, aut concedendum, communitatem proprietati oppositam ejusdem ingredi voti naturam. Quicumque prohibet vitium aliquod, præcipit simul virtutem huic vitio oppositam. Ideo enim Sancti Patriarchæ proprium prohibent, ut vita communis ducatur.

IV. *Secunda Demonstratio* ab ipsa communi Theologorum definitione areffita. Docent isti votum paupertatis ut *sic*, in *abdicatione dominii* situm esse, idque adfirmant RR. Magistri. Author Disciplinæ Monastice animadvertit, finitionem hanc minus esse exactam, si sermo sit de paupertate *Monastica*: quoniam ex illa Regulares plures violandi votum ansam arripiunt. Sibi quippe illudunt existimantes licitum esse retinere usum pecuniarum, dummodo per Prælati voluntatem dominium civile adjudicetur Monasterio. Cæterum, si definitio suo collocetur in lumine, optima est, ut clare indicatur in præfata Disciplina, & ex illa evidentissime inferitur, exactam rerum communitatem voti naturam ingredi. Quod sic evinco. Regulares secundum omnes ad unum Theologos vi voti paupertatis abdicant dominium omnium rerum, omniaque sua bona, tum præsentia tum futura sub dominio constituunt Monasterii. *Quidquid acquirit Monachus, acquirit Monasterio*, ut lex, & omnes tum Theologi, tum Canonistæ clamant, & potissimum RR. Magistri. Dominium ergo peculii cujusque privati Regularis æque pertinet ad Monasterium ac dominium reddituum ejusdem Monasterii. Et in hac dominii abdicatione sita est voti natura, & essentia. Ergo æque commune est dominium cujusque peculii ac dominium reddituum Monasterii. Ergo pari ratione communis est usus. Dominium quippe usus consequitur. Commune est dominium fundi, agri, pecuniarum: & usus non erit communis? Quis, nisi communi sensui renuntiet, hoc asseruerit? Communitas dominii, omnium Theologorum consensione, voti naturam ingreditur: ergo etiam communitas usus. Clamant RR. Magistri, Regulares neque dominium, nec usum fructum, neque usum juris, seu nihil omnino juris retinere super quibuslibet bonis, sed jus omne penes Monasterium residere. Ergo qua ratione Prælatus æqualiter distribuit Monasterii redditus, eadem dividere æqualiter debet privata Monachorum peculia. Hæc demonstratio adeo decretoria est, ut RR. Magistri indictam eam præterire expediens judicaverint. Eam fortius urgebo, cum *prodigiosum illud, POTEST Prælatus peculium concedere &*

revocare, in examen veniet. Interea addiderim, quod supra innui, futilem atque periculam esse paupertatem illam, quæ, retento sibi libero bonorum usu, dominium civile Monasterio abdicat. Quid, inquiebat olim nobilis quidam, mihi prodest aureorum scrinium & dominium, si eorum usu caream? Aut quid dominii abdicatio nocet, quoties usus liber est? Usus, non dominium, explet, saturatque appetitiones. Usus expenduntur, usu distrahuntur pecuniz. Usui pecuniarum obediunt omnia.

V. Neque opponas, usum pendere a potestate Prælatorum, usumque facti licitum Regularibus esse. Quoniam has cavillationes supra refutavimus. *Usum facti* ex communi provisione collatum, licitum asserunt omnes. *Usum facti* in peculiari crumena, in deposito, in censu vitalitio situm, necessitate vera sublata, damnant Theologi omnes.

§. I I.

Responsa Magistri Vindictiarum.

I. **M**irifica, unaque festiva sunt responsa, quæ Magister *Vindex* ad hæc, quæ disputavimus reponit. Et primum integram, atque intactam relinquit argumentationem. Quo ergo se recipit? Ad calumnias, ad dicteria homine frugi, honestoque minus digna. Hæresis, & turboris mi suspectum traducit Disciplinæ Monasticæ Authorem. Illius verba de more transcribenda.

II. Hæc itaque scribit pag. 54. *Innoxie, veraciter, recteque possem adversus eum reperere, quod N. Cl. Melchior Canus tanquam normam inconcussam tradidit, nimirum, „Concordem omnium Theologorum scholæ de fide, „aut moribus sententiam contradicere, si hæresis non est, at hæresi proximum est „Et proximum quidem rigidiorum Systemati de iustiorismo tenendo, quod Alexander VIII. divinis devovitis: præcipue quum ex præfato Systemate Zelotis, sequeretur nec Romanum Pontificem posse super communi vita cum Monacho dispensare, si ea ad essentiam & quidditatem voti paupertatis spectaret. Communis Theologorum sententia est, Regulares omnes sub gravi reatus culpa communi vitæ esse astrictos. Hanc communem Theologorum sententiam propugnavit Author Disciplinæ Monasticæ, propugno ego. Quod autem teneantur aut vi voti, aut vi præcepti voto connexi*

mei ad praxim, quod attinet, perinde fere res sese habet. Omnes enim Theologi, qui defendunt præceptum vitæ communis, docent sacrilegium perpetrare contra votum, qui ejusmodi transgrediuntur præceptum voto a Regulis Monachalibus, & Ecclesiæ legibus adjectum. Verum, ut calumnia tanti Magistri evidentissime pateat, verba lectorum oculis subjicienda, quibus Author *Disciplina Monastica* suam sententiam exposuit. Sic enim sub initium disputationis præfatus est pag. 8. „Antequam manus
„confero, illud te admonendum permagni interest, me videlicet ita istius
„capitis quæstionem pertractare, ut etiam si falsa forent quæ dicturus
„sum; non ob id tamen præjudicii quidpiam accedere possit causæ meæ.
„Istius siquidem præcipuus ac ferme unicus scopus eo spectat, ut evincam
„Regulares omnes ad vitam communem amplectendam, & peculia abigenda sub peccati mortalis, & damnationis æternæ pœna adstrictos esse.
„Idque ex communi consensione & Theologorum, & Canonistarum assentientium vi gravissimi præcepti laudatæ communitati devinctos esse Regulares. Quod autem communitas ipsa voti essentiam ingrediatur, sive
„extra divagetur, sive directe, sive oblique a voto inspicitur, *mentum*
„que res se se habeat, ad meum primarium institutum quod attinet, perinde fere est. Non est ergo, cur præjudicii quidquam subire debeat causa mea principalis, tamen si, quæ hoc in capite dicturus sum, tibi minime
„probentur.

III. Ubi hic, R. P. Magister, *tutorismi* vola? Ubi hæresis suspicio? Tibi non probatur sententia exposita? Eam rejice: inter nugas amanda. Nihil inde emolumenti colliges ad evitandum sacrilegium, si, absque justa causa, communis vitæ præceptum transgrediaris. Suspectus de hæresi, & tutorismo apud te inaudit Theologus, qui, ut efficacius aliquam sententiam communem inter Theologos confirmet, novam quampiam rationem promit, aut prius indicatam meliori in lumine collocat, eamque sapientum judicio demisse subjicit. Id autem præstitit Author *Discipline Monasticæ* hæc subdens loco citato. *Cum paupertatis Monasticæ voti examen recurrat, non abs te existimari debet, post expositam aliorum Theologorum opinionem, si, quid ipse sentiam, libere pronuntiare, & ALIORUM JUDICIO SUBJICERE VELIM.* Deprehendat nunc R. Magister quam sit manifesta calumnia *Tutorismi*, suspicionisque *hæresis* Fratri suo afflicta? Confectarium, quod inest de sublata Pontifici Summo potestate

eximendi a communis vitæ observatione, si hæc voti naturam ingredia-
tur, illius respondet eruditioni, illumque istius controversiæ innocentissimum
parefacit. Communitas hæc sive directe, sive oblique ingreditur
voti naturam, exempti sunt ab eadem Regulares, necessitate urgente, &
in dubio, & ob rationabilem causam, non a Pontifice modo, sed a quo-
piam Prælato dispensari licite possunt, ut in loco fufius explicabitur: Quod
opponit pag. 49. *in limine offendisse Zelotem*, risu dignum est. Cur quæso
impegit in limine? Quia inquit pag. 51. P. Lezana & Theologi alii plu-
rimi docent, teneri utique Regulares vi gravissimi præcepti ad exactam com-
munitatem, negant vero hanc ad voti naturam pertinere. Hæc est tua
Confessio cit. pag. 51. *Laudatus Lezana etsi communem vitam servandam
adstruat, eam tamen non ex voto paupertatis astringere dicit, sed ex Ec-
clesiastico Jure*. Ergo, te Judice, causa cecidisti, cum Author Disciplinae
toties testatus sit, se nihil aliud in hac controversia intendere, nisi
evincere, Regulares gravissima obligatione exactæ communitatis observa-
tionis subjectos esse. Quod vero ejusmodi obligatio proficiatur aut a vo-
to ipso, aut a præcepto voto ab Ecclesia addito, ad executionem quod
attinet, perinde est. In hoc situs est totius causæ scopus. Ad majorem
dumtaxat confirmationem additur, Theologos ipsos, si bene explicantur,
docere communitatem ipsam voti paupertatis Monasticæ naturam ingredi.
Quoniam tam Lezana, quam Thomas a Jesu, & cæteri omnes, dum
asserunt, exactam communitatem quid esse præter voti naturam, votum
considerant *ut sic, & simpliciter*, ut ipsi loquuntur, nempe præcîsum a Re-
gulis, & ab Ecclesiæ præcepto. Hæc sunt verba Lezanæ a te laudata.
» Nec solum tenentur Religiosi quomodolibet non habere proprium, aut
» servare paupertatem, sed etiam *specialiter vivendo vita communi* ...
» Quia licet sine tali vita communi possit observari *simpliciter* votum pau-
» pertatis ... *Nihilominus tamen Ecclesia a Spiritu Sancto edocta videns,*
» *quod sine prædicta vita communi difficile observari possit paupertas Reli-*
» *giosa: ideo omnibus Religiosis istum specialem modum paupertatis, qui*
» *in vita communi consistit, observandum præscripsit* ». Idem omnino do-
cent Donatus Ramirez, & alii Theologi omnes. Quæro nunc abs te.
Nonne Regulares omnes votum edunt paupertatis secundum leges
ab Ecclesia præscriptas? Ais? Ergo licet votum paupertatis *ut sic,*
& *simpliciter*, seu præcîsum a legibus istis, non exprimat communi-
tatem,

tatem, editum tamen juxta leges Ecclesiæ præfatam communitatem includit. Sicuti licet jejunium, *ut sic*, & simpliciter non habeat annexum ciborum delectum, tamen secundum Ecclesiæ leges abstinentiam a carnibus involvit. Quare omnes Theologi adfirmant, hoc præceptum totum quoddam esse duabus partibus, nimirum unica commestura, & abstinencia a carnibus, constans. Et qui istius jejunii votum edit utramque partem vovet. Disputant dumtaxat Theologi utra harum partium principalior sit. Pariter materia voti paupertatis totum morale est his duabus partibus constatum, *sine proprio vivere*, & *exacta rerum communitate*. Quod porro hæc communitas primario, aut secundo voto naturam ingreditur, vel quod sit naturæ extima, eidemque per modum præcepti addita, disputationes sunt ad causæ decisionem parvi, aut nullius emolumenti. Æque enim peccatum mortale sacrilegii perpetrat, & perit, qui violat præceptum voto additum, ac qui transgreditur votum ipsum. Eam accipe, per me licet, quæ tibi magis arridet, partem.

§. III.

Responsa Magistri Vitæ Claustralis seipsi corrumpit.

I. QUÆ hæcenus dicta sunt adversus Magistrum *Vindicem*, convellunt omnia, quæ opponit Magister *Vitæ Claustralis*. Supervacanea propterea confutatio esset, nisi quædam inventa sane curiosa adjiceret Author noster, quæ & illius causæ imbecillitatem, & ejusdem acuminis penetrationem magnopere ostendunt. Itaque 2. *part. Dissert. 2. cap. 3. pag. 210.*, præmissa declamatione in *Rigoristas per avia, per prærupta, per rupes*, & *cautes vagantes*, commoltrandum suscipit *immani intercanpedine* paupertatis votum, & bonorum omnium communitatem invicem separari. Quod tamen evinceret, nihil inde colligeret, ut toties dictum, & dicendum sæpius est. Cæterum disputationis gratia videamus, quæ sint Magistri nostri oppositiones. Primum in examen vocat argumenta sui adversarii pag. 212. his verbis. „ Ut igitur Daniel Concina ostendat ejusmodi rerum communitatem paupertatis voto, quod Deo nuncupant Claustrales, adeo annexam esse, ut si separaretur, votum concidat necesse sit, duo statuit principia judicio suo certissima, atque evidentissima. Quorum pri-

„ *num*

„mum est: Paupertatis votum generatim acceptum, & ab omni circum-
 „stantia praevisum, plures excipit gradus: nec in hac acceptione unum pra-
 „alio prodit, quemadmodum neque communitatem aut claudis aut rejicit.
 „Alterum: Quodlibet votum materiam certam & praedefinitam sibi vendi-
 „cat ... Ex quibus principiis ita philosophatur: Regulares omnes pau-
 „pertatem Deo vovent non incertam, non indefinitam, non ad cujusdam me-
 „taphysicae definitionis amussim exactam, non denique, quam sibi vel Theo-
 „logi, vel Summi suis abstractionibus effingunt; sed eam praevisam, quae
 „in eorum respective Regulis praescripta reperitur. Porro Regula omnes Mo-
 „nachales, omniumque Patriarchatum, licet in aliquo additamento differant;
 „in hoc tamen omnino conveniunt, ut scilicet non aliter suis Religiosis pau-
 „pertatem vovendam praescribant, quam exactissimam vitam communem ...
 „Ergo Regulares voventes paupertatem, bonorum vovent communitatem.

II. Hac descriptione peracta, anhelitum recipiens, in has erumpit
 exclamations. „En Achilleum Danielis argumentum?... Proh quan-
 „tum valet partium studium? Tanquam solidissima prodit, quae vel
 „uno salitro excutiantur, confringuntur, dissipantur.

III. Tantum roboris salitris tribuis? Spectemus ergo istius salitri pro-
 digium. Primum principium, inquit, falsum: falsissimum immo statim se
 prodit. Hoc principium primum, quod falsissimum asserit, admittunt Theo-
 logi omnes. Quis hoc asserit? Quis? R. Magister *Vita Clausstralis* pag.
 186. his verbis. Quatuor gradus paupertatis assignant THEOLOGI OM-
 NES, quorum prior est, quum quis relictis post se rebus fere omnibus
 rei tantummodo moderata dominium & usum sibi retinet. Alter gradus
 est... Tertius gradus est. Quartus denique &c. Suas haec antilogias salitro
 componere studeat, & interim confiteatur primum illud principium Con-
 cellitae sui, videlicet paupertatis votum generatim acceptum plures excipe-
 re gradus. Ceterum quid petit P. Magister? Ut principium illud falsum
 sit, an verum? Si verum, ut revera est, injuria illud negat. Si falsum.
 Paupertas ergo generatim accepta ita determinatum gradum habet, ut a
 voventis intentione non pendeat hunc praeter alio gradum vovere? Ille ipse
 se fatetur pag. 186. votum paupertatis generice acceptum rei moderata
 dominium & usum sibi retinere posse, & solum excessum abjicere. Et
 reapse scholares, ut vocant, Inclytae Societatis Jesu, votum edunt pau-
 pertatis, retento rerum dominio, absque tamen ejusdem usu. Et nunc
 ut

ut evidentissimæ demonstrationis vim elevare contendat, principium rotunde negat, quod paucis paginis ante, ipse certum esse penes omnes Theologos scribit? Sed pergamus ultra.

IV. „Æque nutat [subdit pag. 213.] alterum principium: *Quodlibet votum certam & prædefinitam sibi vendicat materiam*. Nutat hoc principium? Immo, subdit, falsum ex eo audit, quod quisvis sancte, nedum prudenter, nullo sibi præstito Ordine, nullo designato Instituto, vovet Religionis ingressum . . . Quis fodes dixerit imprudenter agere hominem . . . qui . . . Deo adpromittat, voveatque revera, se deinceps eleemosynam elargiturum, nullius rei genere, nullaque quantitate præscriptis? Aut ille, qui Theatra, & fora in more habuit adire, Ecclesias, & Tempia vix e limine salutavit, vovet, & spondet peregrinationem ad Sanctuaria, quin ad Laurentanum, aut Compostellanum, aut Affisinas se se determinet? Utrumque prudenter in vovendo dixerint omnes.

V. Digna tanto Magistro commentatio. Cedo. Cum peregrinationis votum executioni mandandum sit, debent ne voventes tea deliri, & bacchantes per mundum huc, atque illuc vagari, nullo peregrinationis suæ termino præstito? Cum votum eleemosynæ implendum est, an non debet vovens quantitatem rei votæ & distribuendæ in pauperes definire? Sancte, inquis, nedum prudenter quisvis, nullo præstito sibi Ordine, nullo designato Instituto, vovet Religionis ingressum. Næ tu in Christiana Theologia eruditissimus? Audi quid de hoc pronunciato Martinus Navarrus scribat in *Manuali cap. 12. n. 44. Decimo Sexto peccat, qui vovet Religionem in genere, & absolute, neque saltem animo restringit ad illam Religionem*. Hæc comperta sunt vel ipsis rei Theologicæ Tirunculis. Cedo. Cum quis votum Religionis suscipiendæ exequi debet, an non cogitur unum præ alio sciligere Sacrum Ordinem? Paupertas, quæ a Regularibus vovetur, illico executioni mandari debet. Quis dixerit, præfata vota indefinita esse omnibus numeris absoluta? Quis sanæ mentis negaverit, præficiendam esse materiam, antequam hæc vota impleantur? Et nunc in discrimen vocatur hoc principium, videlicet quodlibet votum executioni demandandum certam sibi ascrivere materiam? Fac principium istud esse falsum. Quid heinc colligis? Regulares nempe edere votum incertum, vagum, versatile, & pau-

paupertatis arbitrarie. Hoc est confectarium, quod ex negatione præfati principii necessario proficitur.

VI. Quid reliqui adfert Magister noster, ut præfata duo principia evacuet, vel ut falso saltem splendore homines fallat? Nihil proflus. Sed ovans, ac veluti trophæis onustus, volubili verborum rotatu clamat: *Ex futilitate horum principiorum nemo non videt longe futiliorem esse, quæ ex his deducitur, argumentationem.* pag. 213. Porro argumentatio Authoris Disciplinæ hæc est., Regulares non indefinitam paupertatem Deo vovent, sed eam præcise, quæ in eorum respectu Regulæ præscripta reperitur. Porro Regulæ omnes Monachales non aliam paupertatem jubent, quam exactam vitam communem: quoniam niam non aliam præcipiunt paupertatem, quam quæ in *Actibus Apostolorum* descripta legitur, ut omnes Regulæ testantur.

VII. Quid ad hæc Magister *Vitæ Clausuralis*? Prima propositio, inquit, pag. 214. *implexa atque involuta est, & primo principio, unde orta est, nihilo melior.* Implexa est propositio, qua asseritur, te eam voluisse paupertatem, quam Regula Augustiniana præscribit? Putabam eum solum hanc cavillari propositionem posse, qui non minus in clara luce cœcutit, ac si densa caligine circumdaretur. Quare veluti in scenis Eumenidum videt agmina Pentheus, & solem geminum, & duplicem se offendere Thebas: sic Author iste implicatam videt propositionem, quæ omnibus non vertigine actus perspicua est. Rationem porro, cur involuta dicatur, nullam prodit. De Secunda propositione hæc scribit ibidem. *Hanc alteram propositionem, adductis Regularum Monachalium Textibus, cimmeriis tenebris obscuriorem infra demonstrabimus, & nunc nobis ut falsam negari jure poscimus.* Cimmeriis tenebris obscurior præfata propositio? Textus Regularum hic est: *Sint vobis omnia communia, ut legitis in Actibus Apostolorum.* Verum habet, reponit adversarius: sed videandum superest, cujus generis sit communitas in Actibus Apostolorum. Negat ille communitatem descriptam a Luca, peculii fuisse vacuum. *Qualis ea* (inquit ille) *fuerit primum Christianorum in Actibus Apostolorum descripta communitas, diximus superius, videlicet, ab ea, quam sibi fingit Daniel, omnino diversa.* Cur longe diversa? Quia communitas, quam sibi fingit Daniel, est exacta & perfecta, cujusque privati peculii vacua. Hæc communitas perfecta non emicuit in Collegio Apostolico. Alumen
illius

illius Collegii suum privatum habuere peculium. *Rotunde negamus, pernegamusque, Vitam communem, quam Apostolorum exhibent Acta, talem tantamque fuisse, qua cujusque peculii experti foret & cassa.* pag. 243. Con-
sule quæ dicta sunt *Dissert. prima part. 2. cap. 4.*

VIII. Habemus plano in lumine posita responsa, quibus vim demonstrationis factæ ab Authore Disciplinæ evacuasse se jactavit P. Magister *Claustralis*. Negat, astringi homines ad definiendam materiam, quam promittunt, voventque Deo. Contendit, prudentes esse illos, qui vovent res vagas, incertas, indefinitas. Hoc est primum & invictissimum principium sui interpretamenti. Quod licet communi sensui repugnet, tamen si eum secundo comparetur, non est adeo prodigiosum. Alterum igitur, quo negat *perfectam* fuisse Collegii Apostolici rerum communio-
nem, cui adjiecit peculium, *ERROR turpissimus* est, ut *loc. cit.* vidimus. Error, quem Catholicorum nemo hactenus commentus est, atque adeo, ut mea minima præfert opinio, severa censura plectendus. Hæretici ipsi commendant perfectam Sanctissimi illius primævi Cœtus communitatem peculio vacuam, ut alias innuimus.

IX. In has prolabantur hallucinationes, erroresque, qui manifestissi-
mam veritatem oppugnare audent. Sic se deridendos propinant, qui lu-
culentissimas demonstrationes, vel *uno talitis excutere, infringere, dissi-
pare* gloriantur. I' nunc P. Magister, & cum pueris, non eum Theolo-
gis *talitis* lude tuis. Piger enim me diutius immorari in iis repellen-
dis, quæ proprio horrore se se destruunt. Illud magnopere adverten-
dum, quod secundam Demonstrationem a communi definitione Theo-
logorum petitam, integram, illibatamque reliquit obsequio summo E-
ruditis *Claustralis*. Quoniam vix in eadem verbum aliquod occurrit
cavillis subiectum.

X. Quod eodem capite pag. 215. 216. & seqq. subdit consequi, *Clau-
strales* vovere cætera omnia, quæ sunt in Regula, si voverent commu-
nitatem, nimium inane est. Siquidem Constitutiones Ordinis, D. Tho-
mas, & Doctores omnes docent, *omnia* in Regula contenta non esse
imposita sub præcepto. Verum est. Ergo *nil* Non omnia statuta in
Regula sunt præcepta: ergo, inserunt *Magistri ambo*, nullum præcep-
tum in Regula est. Aut si unum in Regula præceptum est: ergo om-
nia statuta Regulæ præcepta sunt. His perpetuis untur paralogismis.

• Tomo I.

T

Hæc

Hæc est Dialectica eorum, qui in Tentoriis Scholasticis dies infumpserunt & annos, quique jam sunt rude donandi. Quare consequitur juxta illos non peccare nec venialiter eum, qui non vivit sine proprio, nec in communi; sicut nec venialiter peccat qui cæteras Constitutiones violat. Verum capite sequenti palam fiet, gravissimo præcepto communitatem in Regula Augustini, Benedicti, & aliorum omnium præscribi.

XI. Prætereo quoque quæ scribit *cap. IV. a pag. 222 & seq.* ubi quærit, ubinam Sacrarum Scripturarum, in Veteri, vel in Novo Testamento, in Prophetis an in Apostolis inveniat, communem vitam esse juris Divini? Semper sibi constat Author noster in suis argumentationibus. Observantia communitatis Apostolicæ Consilium Evangelicum est. Editio voto eandem servandi, juris Divini, & naturalis est votum dictæ communitatis Domino Deo reddere. *Capit. V. a pag. 255.* notionem peculii tradit. De eisdem supra sermo fuit, & iterum recurrit, cum quantitatem peculii licitam in casu magnæ necessitatis dispiciam. *Cap. VI. a pag. 233.* quid nomine proprii Augustinus intellexerit, explicare pergit. Eo illius conatus spectant, ut Fratres Mendicantes suas peculiares crumenas habeant, non sub nomine *proprii*, sed sub nomine *peculii*. Ita ille rerum notiones omnes pervertit, ut tandem sub hac, aut illa voce suis fruatur pecuniis. Nullum tamen vel ambiguum textum obtrudit, qui interpretatione aliqua egeat. Augustini doctrina optimo in lumine exposita legatur in *Disciplina Monastica Dissert. 1. pag. 11. & 12.* ne actum reagamus. Quæ præfatus Author ibidem ex V. Humberto & Cardinali Turrecremata opponit, capite sequenti dispiciam, & quam sit incredibilis Magistri *Claustralis Vita* hallucinatio fiet palam. Si singula illius errata minutatim excutere vellem, nihilque intactum relinquere, ad immensam usque magnitudinem liber excresceret. Nihil tamen præteribo, quod negotium facessere possit.

XII. In hujus capitis calce scire cupis, cur Adversarii tam obfirmate negent, communem vitam ad/votum paupertatis Monasticæ Deo adpromissæ secundum Regulas ab Ecclesia approbatas, pertinere? Respondum jam est, hoc ex illorum ignorance, in tantis Magistris vix ferenda, ortum ducere. Putant siquidem hinc consequi, nulla potestate permitti licite peculium posse. Quæ hallucinatio nimium crassa est. Quando materia voti suapte natura licita est, sicuti est pecunie usus:

& quando votum contractum onerosum, ut vocant, includit, tum plures occurrere causæ valent justæ dispensationis, maxime si detur aliud jus, quod prævaleat. Si Prælati necessaria ad sustentandam naturam non porrigunt, Religiosi Claustrales jure naturæ ejusmodi necessaria providere sibi valent, etiam repugnante Prelato, admissa hypothefi veræ necessitatis, & injustitiæ Prælati nolentis porrigere ea, sine quibus vita consistere nequit. Itaque, sive communitas bonorum præscripta sit Regularibus vi præcepti, sive vi voti, quando justa adest causa habendi ea, quæ injuste a Religione denegantur, & sine quibus vivere secundum normam a Regula propria definitam nequeunt Claustrales, licite retinere peculium valent. Hæc omnia luculenta sunt. Quare nullus dubito, quin omnes, qui recte sapiunt, concessuri sint, bonorum communionem ad votum pertinere paupertatis Monasticæ, quatenus vowedur secundum Regulas ab Ecclesia constitutas. Et licet Theologi & Canonistæ sub hoc aspectu causam hanc non versarunt; tamen illorum doctrina recte explicata hunc habet sensum.

C A P U T VI.

Vi gravissimi præcepti astricti sunt Regulares exactæ communitati peculio vacuæ.

Quamquam falsa foret sententia, qua superiori capite ostensum est, exactam rerum communitatem ingredi vel primario, vel secundario essentiam voti Monasticæ paupertatis; nullum tamen inde emolumentum colligerent peculii privati defensores, ut alias diximus, & dicendum est. Quare si tibi non probatur, illius falsitatem ostendito. Universæ disputationis nostræ cardo in hoc vertitur: Regulares Ecclesiastica gravissima saltem lege astrictos esse exactæ communi vitæ cuiusque peculii experti. Et hæc non opinio quædam est disputationi obnoxia, sed certa & communis Theologorum sententia, ut toties admonuit Author *Disciplina Monastica*. Neminem sane ego vidi, qui legem hanc absolute neget: solum ab hac lege immunes Regulares asserunt, necessitate vera, & non ficta, cogente, ut infra fufius demonstrabo. Theologorum placita sequenti dissertatione referam, & a vanis

commentis vindicabo. Legem ipsam in præsentia pro dignitate expendam. Caput hoc claritatis gratia in varios dividam paragraphos.

§. I.

Regulæ Monachales omnes sub præcepto imponunt communem vitam.

I. **O**mnium Regularum Monachalium textus, qui perspicue vitam communem præcipiunt, legi possunt in Disciplina Apostolico-Monastica Diff. 1. cap. 7. & 8. Iulius Augustinianæ dumtaxat, & Benedictinæ Regulæ unum, & alterum textum transcribam. Augustiniana hæc jubet. *Et non dicatis aliquid proprium, sed sint vobis omnia communia . . . Sic enim legitis in ACTIBUS APOSTOLORUM, quia erant illis omnia communia, & distribuebatur unicuique, prout cuique opus erat.*

II. Porro, ne RR. Magistri eludendi præceptum illud latebras quaerant, textus luculentissimos Constitutionum, quas ipsi professi sunt, in medium assero. Diff. 1. cap. 14. text. III. lit. -D. Tam Novitii, quam alii Fratres debent sine proprio vivere, sicut MANDATUR IN REGULA, ubi dicitur: *Non dicatis aliquid proprium, sed sint vobis omnia communia.* Regula dicit: *Sint vobis omnia communia, ut legitis in actibus Apostolorum.* Communitas Apostolorum peculium quodlibet rejicit, ut concedit Magister Vindex. Negat utique id Magister Vita Clausstralis rotundo ore; sed errorem hanc supra rejeci. Igitur vi Regulæ, & Constitutionum, quas professi sunt, Apostolicæ communitati astringuntur. Quid responsi exhibebis? Regula, inquit, & Constitutiones hanc communem vitam laudant, non præcipiunt. *Poscunt Concelsita Predicatores* (inquit Magister Vita Clausstralis pag. 218.) ubinam sit hoc de observanda exactissima communitate Præceptum? Falsum est hoc illos poscere, cum vel ipsi Novitii hoc præceptum perspectum habeant, quem in ipso primo Constitutionum textu legunt. Si tu illud ignoras, aures arripito. *Declinamus, quod unitas cordium in his, quæ Dei sunt, secundum Regulam nostram est in PRÆCEPTO, sicut & COMMUNITAS RERUM. Sed ratione diversa. Nam ad unitatem cordis servandam*

dam ex Divina legis generali Præcepto, de quo in Regula admonemur : AD COMMUNITATEM AUTEM RERUM EX IPSIUS REGULÆ PRÆCEPTO ADSTRINGIMUR. Et ideo circa unitatem cordium, & communitatem Rerum magna diligentia adhibenda est. Adco hæc explorata sunt, ut omnes, qui in Regulam Augustinianam commentarios ediderunt, fatcantur sub gravi præcepto præfatam imponi communitatem.

„ III. Textus Benedictinæ Regulæ habetur cap. 33., estque sequen-
 „ tis tenoris. Præcipue hoc vitium peculiare radicitus amputandum est
 „ de Monasterio, ne quis præsumat aliquid dare, aut accipere sine jus-
 „ sione, neque aliquid habere proprium, nullam omnino rem, neque
 „ codicem, neque tabulas, neque graphium, sed nihil omnino : quip-
 „ pe quibus nec corpora sua, nec voluntates licet habere in propria
 „ potestate. Omnia vero necessaria a Patre sperare Monasterii, nec quid-
 „ quam licebit habere, quod Abbas non dederit, aut permisit. (Audi
 „ quæ Regula adjicit) OMNIAQUE omnibus SINT COMMUNIA, ut
 „ scriptum est Actuum IV. nec suum quisquam aliquid dicat, aut præ-
 „ sumat. Quod si quisquam hoc nequissimo vitio deprehensus fuerit de-
 „ lectari, admonetur semel, atque iterum: si non emendaverit, cor-
 „ reptioni subiaceat. [Et cap. 34.] Sicut Scriptum est : Dividebatur
 „ singulis, prout cuique opus erat. Actuum IV. ubi non dicimus, quod
 „ personarum, quod absit, acceptio sit, sed infirmitatum consideratio.
 „ [Et cap. 55.] Et ut hoc vitium peculiare radicitus amputetur, Den-
 „ tur ab Abbate OMNIA necessaria, idest cuculla, tunica, pedules,
 „ caligæ, brachia, cultellus, graphium, acus, mappula, ut OMNIS
 „ AUFERATUR NECESSITATIS EXCUSATIO. A quo tamen
 „ Abbate semper confideretur illa sententia Apostolorum: quia dabatur
 „ singulis, prout cuique opus erat. [Act. IV.] Et cap. 59. Si quis
 „ forte de Nobilibus offert Filium Deo in Monasterio, si ipse puer
 „ minori ætate est, Parentes ejus faciant petitionem, quam supra dixi-
 „ mus. Et cum oblatione ipsam petitionem, & manum pueri involvant
 „ in Palla Altaris, & sic eum offerant. DE REBUS AUTEM SUIIS,
 „ AUT IN PRÆSENTI PETITIONE PROMITTANT SUB JU-
 „ RE JURANDO, QUIA NUMQUAM PER SE, NUMQUAM
 „ PER SUFFECTAM PERSONAM, NEC QUOLIBET MODO
 „ EI

„ EI ALIQUANDO ALIQUID DENT, AUT TRIBUANT OC-
„ CASIONEM HABENDI.

IV. Qualis est germanus sensus Regulæ S. Benedicti? Quod servetur in ipsa professione pensio vitalitia? Quod pecuniæ ex prædicatione, ex Cathedra, ex donatione Parentum obvientes, sub peculiari triplici clavi serventur in futurum? Næ iste *genuinus* sensus? Et huic *genuino sensui* innixus D. Thomas Aquinas oblatas in Monasterio Cassinensi, utpote de Nobilissimis Parentibus, pensionem sexaginta aureorum habuit non ne? Neapoli legit circiter annum, atque adeo duodecim dumtaxat aureos Conventus exegit. Ingentior summa conflata ex censu vitalitio Paterno non ne? Hæc sunt Adversariorum erudita commenta. Regulæ igitur, tum Augustiniana, tum Benedictina, & cæteræ omnes, qua severitate prohibent: *Non dicatis aliquid proprium*, eadem omnino præcipiunt: *Sint vobis omnia communia*. Aut utrumque negent, aut utrumque adfirmant, oportet, quin effugio locus pateat ullus. Legantur quæso novem supra viginti argumenta, quibus Gersonius evincit, Regulam S. Augustini peculium damnare. Tractatus Gersonis insertus est Disciplina Apostolico-Monasticæ pag. 513. Ex confutatione cavillationum, quibus veritas hæc obnubilare student, splendidius refulgebit.

§. II.

Singularia Magistri Vindiciarum, & Vitæ Claustralis Responsa.

I. **R** R. Magistri adversarii quædam responsa habent peculiararia, & quædam communia. Infra communia, peculiararia hic sigillatim refellenda. *Peculiare* Magistri *Vindiciæ* responsum peracutum est. Scribit pag. 228. & 229. *Objicit iterum Adversarius Regulas Monasticas &c.... Verum quam infeliciter ad veterum monumenta, & ad recentiores Regulas adpellet: quam futilis sit argutatio . . . bene novit, qui vere est eruditus.* R. Magister eruditissimus cum sit, quidpiam peregrinæ eruditionis nobis porriget. Et primum testatur, se nolle ad Cl. P. Passerini castra confugere, sed propriis velle lacertis *cataphractum militem* discerpere.

re.

re. Idque jure sibi vendicat, cum in Palestra Theologico-Scholastica diu stipendia meruerit. Hoc ergo præbet responsum albo signandum lapillo. pag. 230. *DATO, quod in veterum PATRUM REGULIS expresse, & sine ambage & luculentissime præcipiatur exacta communis vita, QUID NOBIS IN PRÆSENTIARUM CUM ILLIS?* Oh sinceram atque veracem Confessionem? Arma ergo ponamus, P. Magister, mutuo pacis fœdere inito. Sed ponat simul necesse est vestium insignia earumdem Regularum. Quid in libri fronte Ordinis illius se prodit alumnum, si *nihil sibi est cum Regula, quam Ordo iste profitetur?* Sed cur, amabo te, sub Disputationis initium candide factus non est, sibi nihil negotii cum Patrum Regulis intercedere, ut suo, meoque labori parceret? Verum adeo me miseret tanti Viri, ut nequeam illum severius in quæstione torquere.

II. *Singulare Magistri Vitæ Clausstralis* interpretamentum apertissime oppositum est Magistri Vindicis commento. Lucidissima veritas, quemadmodum sol meridianus in tenebris ambulantium juxta oculorum dispositionem, plus minusve aciem perstringit. Itaque Magister *Vitæ Clausstralis* fatetur, Regulares eam profiteri communitatem, quam præscribunt Regulæ Monachales. Textus Regularum earumdem, qui allati sunt in Disciplina Apostolico-Monastica, transferibit citata *Dissert. 2. cap. 7. pag. 242.* Post, suam adjicit commentationem, quam bis jam dedimus; sed tertium rescribenda, quia revera hic propriam habet sedem. Hac ergo exclamatione infit *pag. 243.*, „Proh quantum ab utriusque Patriarchæ „mente abscesserit [Author Disciplinæ]! Equidem fatemur planum esse, „se, Sanctos Patriarchas Augustinum, & Benedictum omnium bonorum „communitatem, in Actibus Apostolorum descriptam, eorum Regulas „profitentibus præcipere: *At Rotunde negamus, pernegamusque, Vitam „communem, quam Apostolorum exhibent Acta, talem tantamque fuisse, „quæ cujusque peculii experta foret, & cassa.* Plura subdit; quæ brevitate gratia prætereo, maxime quod sint prorsus implexa. Modo peculia vocat portiones de communi collatas, modo subdit, primævos Fideles de Apostolorum *venia* separata habuisse marsupia, non occulte, ut Judas, Anania, & Saphira, sed de Apostolorum *venia*, eo prorsus modo, quo nunc laxioris Disciplinæ Fratres separatas de *Priorum venia* suas habent crumenas. Unum oro, obtestorque lectorem, ut legat Clarissimum Tho-

ma-

maximum (ut alias admonui) p. r. lib. 3. cap. 21. Quem iterum Magister noster, ut novum exhibeat suæ sinceritatis argumentum, pro sua erronea opinione allegat. Primum commentum Magistri *Vindicis*, si Regularibus invidiam creat, quasi non Evangelico-Apostolicam pauperitatem profiterentur, sed cujusdam paupertatis formam ab hominibus excogitam, saltem obsequium prodit in primam Apostolici Collegii communitatem. Verum enim vero inauditum commentum, quo Magister *Vita Clausstralis* negat, ut *Differ. Prelim.* demonstravimus, perfectam obtinuisse in Apostolico Collegio communitatem, tenebras offundit Apostolorum, & totius primævi illius cœtus Sanctitati, injuriam gravissimam irrogat Apostolis, primævis fidelibus, atque omnibus Ecclesiæ Patribus, qui semper exactissimam in illo Collegio agnoverunt communitatem. Scandalum denique gravissimum ingerit tum Catholicis, tum hæreticis: quod, ut auferatur, error severa plectendus, salvo meliori judicio, censura est, ut alias indicavimus.

§. III.

Communia utriusque Magistri Vindicis, & Clausstralis commenta, V. Humberti, & Turrecremate auctoritate falso nixa.

I. **N**EGant ambo Magistri, præceptum exactæ communitatis in Regulis Augustini, Benedicti, aliorumque Patriarcharum contineri. Idque ostendere sibi blandiuntur autoritate *V. Humberti* quinti Ordinis Prædicatorum Generalis Magistri, & celeberrimi viri Cardinalis de *Turre Cremata*. Summa hic, fateor, animi moderatione opus est, ne verbum calamo excidat, quod minus me deceat: & alia ex parte vix aliquod occurrit opportunum ad exprimendum negotium, quo de agitur. Ut sub initium lector deprehendat, quam candida sit in hac controversia Adversariorum fides, illud sciat oportet, quod Regula Augustini, & Constitutiones plurium Ordinum, ut Prædicatorum, Jesuitarum, aliorumque non obligant ad culpam, genere suo, vel venialem, ut alibi admonuimus, atque indicavimus hoc sophisma adversariorum nimis crassum: *Non omnia, quæ continentur in Regula sunt præcepta: ergo* nul-

nullum præceptum in Regula. Quod ut evincant ambo RR. Magistri, textus Humberti, & Turrecrematæ excribunt, fufius tamen id præstat Magister *Vite Clausstralis*, quia hic posterius, & quinque annorum intervallo, conficiendo operi defudavit. Alter *volante calamo* scripsit. Ad rem.

II. Sic infert Magister *Vite Clausstralis* cit. pag. 243. „ Verum enim „ vero, si ita est, indigiter nobis præceptum hocce, referet nobis quod „ occultum est in his Regulis. An in Augustini Regula de exacta om- „ nino communitate præceptum esse dixerit; quoniam ante ea ver- „ ba: *Non dicatis aliquid proprium, sed sint vobis omnia communia*, di- „ xerat Augustinus: *Hæc sunt, quæ ut observetis, præcipimus in Mona-* „ *sterio constituti*. Si ita est, dicere quoque opus erit, NILESE PROR- „ SUS in Augustini Regula, quod *præcepto non subjaceat*. Aut ergo, arguat ille, dicendum omnia contenta in Regula esse præcepta, aut nullum extare. Et ut id evincat, auctoritates allegat, subdens pag. 244.

„ Verum quominus ad arbitrium nostrum philosophari videamur, u- „ triusque Regulæ summos interpretes consulamus, quibus non obse- „ rari illiberalis pervicacia est, & indomiti animi indoles, Humbertum „ mirum post Patriarcham Gusmanum Prædicatorii Ordinis Magistrum „ V. [IV. dictum voluit P. Magister: siquidem cum ipso, non post ipsum „ Patriarcham quintus Generalis fuit Humbertus] & Joannem Cardinalem „ a Turre Cremata O. P. quorum Prior in Regulam S. Augustini, po- „ sterior in S. Benedicti, egregios edidere Commentarios: ab his quod- „ nam præceptum in laudatis Regulis sit, dedocemur. Ab Humberto „ antiquioris Regulæ antiquiore commentatore exordiamur „.

III. Ex proluxa præfatione quisque existimabit, Venerabilem Humber- tum conceptis verbis definire, exactam rerum communitatem haudqua- quam sub præcepto ab Augustino imponi. Verum iudicium suspendas velim, donec textus audieris, quos præfatus P. Magister *Vite Clausstralis* transcribit. Igitur Humbertus exponens secundam periodum Proemii Regulæ Augustinianæ: *Hæc sunt, quæ ut observetis præcipimus in Mona-* „ *sterio constituti*, proponit sequentem quæstionem cap. 10. *Utrum OM-* „ *NIA, quæ continentur in Regula, sint in præcepto*. Et antequam suam promat sententiam, varias aliorum opiniones refert his verbis. *Videtur quod sic*. Constat enim, quod hoc pronomen hæc demonstret omnia, quæ sunt

in Regula, & de his diebus præcipimus Contra. Sequitur quod Professor Regula peccet mortaliter quandocumque facit contra aliquid, quod sit in Regula Ad hoc dicunt quidam, quod ista dictio hæc, quum sit demonstrativa rei propositæ, non demonstrat ibi NISI DUO MANDATA, scilicet de unitate cordis, & de communitate rerum : & hæc DUO SOLUM sunt in præcepto Dicunt alii, quod etsi omnia præcipiat Augustinus, tamen professor Regula illius non peccat mortaliter contrasaciendo, quia promissis non ebedientiam Augustino, sed Pralato. Sed secundum hoc nullus mortaliter peccaret faciendo contra aliquid, quod sit in Regula, nisi supra verba Augustini adieretur præceptum Pralati, QUOD FALSUM EST. Idco dicunt alii, quod Regula tota est in præcepto, non tamen singulis, sed professoribus, in simul in eadem domo existentibus Sed secundum hoc sufficeret quod in eodem Conventu aliqui servarent abstinentiam, alius faceret orationem &c. Idco dicunt alii, quod observantia Regula est in præcepto, sed non singula, quæ continentur in Regula, sunt sub præcepto, sicut non singula quæ exprimuntur in Evangelio : sed hoc iterum videtur minus bene dictum &c.

IV. Hæ sunt quinque opiniones, quarum tertiam, aperte falsam, amplectuntur RR. Magistri, ut jam jam patebit. His itaque reprobatis suam promitt sententiam Humbertus sequentibus verbis, „ Ideo reprobatis præ-
 „ dictis responsionibus dicendum est, quod quædam reperiuntur in Ver-
 „ bis Divinis, quæ habent in se modum & intentionem præcepti, ut
 „ est illud : *Ut diligatis invicem, sicut dilexi vos* : quædam vero habent
 „ præceptum in intentione, quamvis non in modo : ut illud : *non*
 „ *factum facies* : quædam autem habent modum præcepti, sed non in-
 „ tentionem, ut est illud de faratione surdi &c. Et tale est illud :
 „ *Hæc sunt, quæ ut observetis præcipimus*. Non est possibile, quod vir sa-
 „ piens, etsi per modum præcipienti loquatur, intenderet OMNIA po-
 „ nere sub præcepto, & tantam damnationis materiam ministraret ac-
 „ cedentibus ad Regulam suam pro salute querenda „.

„ Sed oritur ex hoc quæstio : Quare posuit verbum præcipiendi, ex
 „ quo non intendit præcipere ? Respondetur, licet non intendat
 „ OMNIA ponere sub præcepto, tamen suæ intentionis est, quod nul-
 „ lum vult omnia servari „

„ Sed iterum assurgit alia quæstio. Si enim verbum præcipimus non
 „ im-

„ importat veritatem præcepti, sed solam intentionem voluntatis: Ergo nullum præceptum est in Regula. Respondeo: verum est, quod nullum præceptum est in Regula ex virtute hujus verbi, SED MULTA SUNT in intentione, quamvis non secundum expressionem in modo loquendi, sicut Divina Scriptura, cum nobis loquitur eodem modo, tamen quædam reputantur simplices exhortationes, quædam præcepta: sicut *Lucæ 7.* cum dicitur: *Si quis percusserit te in unam maxillam, præbe ei & alteram*, reputatur consilium: & cum dicitur in eodem capitulo: *Mutuum date, nihil inde sperantes*, licet sit idem modus loquendi, tamen reputatur præceptum.

„ Si vero queratur, quomodo possunt hæc cognosci. Respondeo per rationem. Ratio enim bene disposita potest de facile judicare, quod vir sapiens intendit obligare professores suæ Regule ad ea, quæ pertinent ad obedientiam, ad castitatem, ad humilitatem, & similia: non autem æque ad ea, quæ pertinent ad ultimam dominationem carnis &c. Sicut ergo in sacris Scripturis per rationem, & doctrinam Sapientum docemur, quæ sunt præcepta, & quæ consilia, vel exhortationes simplices, ubi Scriptura loquitur uniformiter; ita & in hoc opere. Patet igitur ex prædictis, quod modus tradendi mandata hujus Regule, licet secundum verba præceptorius videatur, tamen secundum intentionem non est præceptorius UNIVERSALITER.

V. Hæc est tota Humberti doctrina, quam adversus præceptum exactæ communitatis opponit P. Magister Claustralis. Hac sola sese confodere adversarium suum gloriatur. Hac enim relata, sic effatur pag. 246. *Hælenus Umbertus in Augustini Regulam. Ex cujus dilucidatione compertum est, exactam vitam communem sub præcepto ab Augustino positam minime fuisse: quandoquidem opinionem illorum qui asserunt rerum Communitatem in Augustini Regula sub præcepto esse, ut diximus, explodit ac rejicit Umbertus.*

VI. Dicat velim P. Magister. Ecce asserat, Humbertum negare præceptum communitatis? Quia, inquit, explodit sententiam asserentem præceptum communitatis. Bona venia, basilice fallitur. Secunda sententia, quam reprobatur Humbertus, ea est, quæ docet, non contineri in Regula *NISI DUO Mandata, scilicet de unitate cordis, & de communi-*

rate Rerum, & ha duo solum sunt in praecepto. Si quis tibi affereret, duas tantum esse Divinas Personas, nempe Patrem & Filium, eumque errorem tu improbares; propterea ne negares Patrem & Filium? Si adversus Samuelem Bafnagium confutares illius hæresim duorum dumtaxat Sacramentorum; ideo ne negares Baptismum, & Eucharistiam? Quod hæc compertissima sint, confirmatur verbis ipsius Humberti inquisitis: *Verum est, quod nullum praeceptum est in Regula ex virtute hujus verbi* [præcipimus] *Sed MULTA SUNT in intentione...* Si vero quæritur, quomodo possunt hæc cognosci. Respondet per rationem. Ratio bene disposita &c. Doctrina ergo Humberti est. Neque duo tantum, ut contendebat illa secunda opinio, præcepta sunt in Regula, neque omnia, quæ præscribuntur, sunt præcepta. Si ex verbo *præcipimus* colligenda essent præcepta Regulæ, omnia contenta in Regula essent præcepta: quoniam sub illo verbo *præcipimus* omnia comprehenduntur. Quamquam autem nullum præceptum sit in Regula vi illius verbi *præcipimus*; *MULTA* tamen sunt reipsa, quæ per *rationem bene dispositam* cognosci facile valent, concludit Humbertus. Hæc omnia perspicua sunt, & §. sequenti, ubi Humbertus *multa* Regulæ præcepta exponit, magis patebunt.

VII. P. Magister *Vita Clausstralis* una cum suo Commilitone Magistro *Vindice* ab Humberto ad Turrecrematam gradum facit, allegatque pag. 247. ex eodem prolixum textum, qui, cum non contineat nisi ipsissimam doctrinam Humberti, ne absque necessitate paginas impleam, ea pauca dumtaxat transcribam, quæ ad rem faciunt. Turrecremata inquit tract. 6. prout laudatur a Magistro *Vindice* pag. 38. „Dicendum sicut „prius, quod non omnia in Regula contenta sunt præcepta; sed „*QUÆDAM SIC, & QUÆDAM NON* „.

Item tract. V. ubi citatur a Mag. Clausstr. „Quemadmodum in Regula Evangelica, sic in Regula S. Benedicti non OMNIA in ea contenta præcepta sunt, sed *QUÆDAM* traduntur per modum Ordinationis cujusdam . . . Sed quæritur quomodo dignosci possunt, & cognosci *quæ sunt Præcepta* in Regula, quæ simplicia statuta . . . Per „Doctrinam sapientum potest haberi ista differentia, & distinctio „. Hic est textus ille decretorius, quo R. Magister *Vita Clausstralis* contendit plenum de adversario reportasse triumphum. Et tamen vel hi ipsi textus,

tus, quos allegant, jugulum eorum petunt. Nam RR. Magistri nullum extare in Regula præceptum sultinent, prospicientes, quod si aliquod habeatur, illud communitatis est. Porro tam verum est juxta Turrecrematam aliqua contineri præcepta in Regula, quam verum est in Evangelio, proportionem servata, multa haberi mandata. Additque, hæc *Præcepta* contenta in Regula distinguenda esse per Doctrinam Sapientum. Magistrorum ergo erat, universos Turrecrematæ in Regulam commentarios severius lustrare, ut præcepta ista distinguerent. Verum tanti laboris impatientes, ad suas *summulas Regulas* Textus Humberti & Turrecrematæ exigentes, perpetuo arguantur: *Non omnia in Regula contenta sunt Præcepta*, inquit Turrecremata cum Humberto. Ergo [inferunt Dilectici nostri] *nullum præceptum in Regula*. Hæc est illorum perpetua argumentatio, ut quisque videre potest in eorum libris. Quod si nimium absurda & monstrosa illis argumentatio apparet, fateantur ergo cum Humberto, & Turrecremata, plura in Regula reperiri præcepta. Tum que sint ejusmodi præcepta, nobis edisserant.

. VIII. Hinc duo tanquam certissima colligimus ex allatis textibus. Alterum, nec Humbertum, nec Turrecrematam excludere præceptum communitatis a Regula: alterum, aliqua præcepta in Regula contineri, ambos conceptis verbis doceret. Certum ergo, ut minus, est, non solum nihil emolumenti colligere eos posse ex his duobus Theologis, sed potius maximum præjudicium. Quoniam inter illa multa præcepta, que ipsi in Regula admittunt, unum esse potest exactæ communitatis. Et tamen, cum hæc ita se habeant, P. Magister *Vita Clausuralis*, post relatos citatos Textus Humberti, & Turrecrematæ, hac verborum grandine aggredditur suum adversarium pag. 248. *Usque huc Cardinalis a Turrecremata nihil prorsus ab Humberto dissimilis. Unde Concinnam meum ita alloquor. Si in hosce interpretes suppresso nomine incidisses, o Daniel, eosque semel, aut iterum legisses, quid reposuisses amabo? Non ne sensa, & phrasin subodoratus, in hac prorupisses verba? Proh quantum impie loquuntur isti barbari, & quam propostere SS. Patriarcharum Augustini, & Benedicti mentem interpretati sunt? Inversus oculis MEDIUS FIDIUS eorum Regulas legerunt. Nullum ne in Augustini & Benedicti Regulis adest de communitate præceptum? Communitatem sub gravissima obligatione non præcipiunt Patriarcha Sanctissimi? Quinam sunt, & unde venere*
hi

bi Augustiniana & Benedictina Regula commentatores, melius dixerim, deturpatores. Ex phrasi & barbarismo non nisi de sebola illa, ubi indocti homines doctrinas sublimiores, sophisimis, & metaphysicis abstractionibus indecore pertractantes, chimeris delectantur suis: ex sensu vero ignavissimi, & mendacissimi homines abs dubie sunt, qui tot calumnias, & criminationes Sanctis Augustino, & Benedicto intentant, quot verba habent eorum male confuta interpretationes. Apoge commentum, non rationibus consutandum, sed sibilis explodendum, divisque devotendum; ne ubi senel claustra ingressum fuerit, actum sit de claustrali Disciplina, conelamatumque. Ita & non aliter.

IX. Hæc transcribere libuit in Lectoris solamen, non ut ea vel refellam, vel deridenda exagerem, sed infra opportune regeram in adversarium meum. RR. Magistri nostri passim, & potissimum, ubi penitus succumbunt, figuris, leporibus, & jocis vitulantur. Altius victoriam canere haud potuisset Magister *Vitæ Claustralis*, si laudati Theologi perspicue dixissent: Nullum reperitur exacte communitalis præceptum in Regulis Augustini & Benedicti. Et tamen non solum hoc non asserunt, sed conceptis verbis plura in Regula reperiri mandata adfirmant, quæ per rationem bene dispositam, & Sapientum doctrinam deprehenduntur, inquit Humbertus cum Turrecremata. Cur ergo R. Magister *Vitæ Claustralis* plusquam thraonica jactatione vociferatur, celeberrimos Viros a se stare? Cur? Sequentibus paragraphis id tibi compertum erit, lector optime.

§. IV.

Venerabilis Humbertus *exactæ communitatis Præceptum in Regula Augustini contineri conceptis verbis docet, & probat. Pecunia, deposita quæque, vestiarium in pecunia collatum, ut sacrilegio proprietatis inquinata, execratur. Bona fides Adversariorum in illius interpretatione.*

I. IN Regula Augustinianæ proemio quæstionem instituit Venerabilis Umbertus: Sint ne omnia in Regula contenta sub præcepto imposita? Sententiam negantem defendit. Idque docent Theologi omnes, & Constitutiones O. P. idem declarant. Quid itaque de hoc cупpresso in præsentiarum? Quid RR. Magistri ad superiorem paragraphum inutiliter scribendum nos coegerunt? Est ne nobis nunc Disputatio, sint ne omnia contenta in Regulis Augustini & Benedicti, præcepta? an utrum in Regulis contineatur exactæ communitatis mandatum? Non ne ecunda? Cur ergo, indicta secunda, primam movent? Cum Humbertus multa in Regula haberi præcepta vel in ipso proemii Regulae commentario doceat, an non ingenui hominis erat universos lustrare commentarios, & potissimum ubi in Regula de communitate sermo est, ut colligeret, an Humbertus inter illa multa præcepta adnumeraverit communitatis mandatum? Quid, quod Author *Disciplina Monastica* Decretorios Humberti textus præceptum adducentes in medium attulit? Verum hoc? Dubio procul. Quomodo ergo tam elato supercilio iactabundi & ovantes, veluti devicto, atque contrito hoste, sibi plaudunt, triumphosque ostentant, atque in adversarium seommata & diæteria contorquent RR. Magistri? Ubi sinceritas, ubi bona fides, ubi pudor? Quid igitur, dicet quispiam, cum viris istis ludis operam? Ego vero illorum causa nec verbum facerem. Hanc illis impendo operam, qui ad amplexandam veritatem proni sunt. Illorum gratia luce meridiana clarius demonstrabo, Venerabilem Humbertum, non modo docere gravissimo præcepto exactam communitatem ab Augustino præscribi, verum etiam Magistrorum no-

stro.

strorum distinctiunculas vanas, commenta inepta preoccupasse, eorumque deposita, & peculia damnare proprietatis. Ad rem.

II. Venerabilis Humbertus, explicato Regulæ proemio, ad textum illum Regulæ, *non dicatis aliquid proprium, sed sint vobis omnia communia*, exponendum accedit, & a cap. XIII. usque sere ad finem, proprium, & peculium infectatur, atque præceptum communitatis munit, explicat, confirmat. Ex plurimis pauca seligam. Primum Cap. XIV. communitatem commendat. *Circa primum nota, quod in statu nature ante peccatum erant omnia communia . . . Item in primordiis status gratiæ, Act. 4. erant illis omnia communia. Item in statu suæ gloriæ. Beda super prædicto verbo, qui ita virunt, ut sint omnia communia in Domo Canonice vocantur, quæ vita tanto felicitior est, quantum statum futurum imitatur, in quo erunt omnia communia.*

III. Deinde cap. XV. & XVI. invehitur in vitium proprietatis, ad quod tollendum duplex præscribit remedium non permittendi peculium, sed omnia potrigendi de communi. *Contra hoc est duplex remedium. Unum est liberalitas Prælatorum, ut liberaliter administrent de COMMUNI, & tollatur occasio hujusmodi. Act. 4. Dividatur singulis, sicut cuique opus erat. Aliud est patientia [non peculium] subditorum. Sunt enim quidam, secundum Gregor. qui pauperes esse volunt, sed sine defectu. . . Sunt enim adeo aliqui circa curam carnis intenti in cibis, & vestibus, quod non sunt contenti necessariis, quæ eis competenter ministrantur: & ideo inordinate procurant alia ad satisfaciendum Carnalitati suæ. Ut huic carnalitati fiat satis, ut solatiis Religiosis indulgeatur, peculia, & deposita quæeruntur a RR. Magistris.*

IV. Cap. XVIII. Prælatos admonet, ne unquam absque manifesta necessitate cum aliquo in rerum usu dispensent. Verba Humberti recitabuntur, dum punctum istud dispiciemus infra. Verba nunc refero, quibus ibidem exerte Mandatum adstruit communitatis. *Sint ergo vobis omnia communia. Sed quia de ejusmodi communi ministrandum est singulis, non equaliter, sed secundum exigentiam, subiungitur de hoc MANDATUM: Et distribuatur unicuique vestrum a Præposito vestro &c. Quia dixerat omnia communia esse debere, posset credi, quod quilibet de communi posset accipere, tanquam de suo, pro libito. Quem errorem excludens, subiungit, quod non propria auctoritate sunt res accipiendæ, sed per distributionem.*

V.

V. Explicatis tribus Regulæ capitulis, gradum facit Magister Generalis Humbertus ad exponendum quartum Regulæ Capitulum, quod est de forma communitatis servandæ tam in victu, quam in vestitu, ut textus Regulæ præscribit: *Es sicut pascimini ex uno Cellario, sic induamini ex uno Vestiario.* Hunc itaque textum sic exponit Humbertus cap. CVII. *HOC EST MANDATUM, quod traditur circa vestium provisionem. Et tanguntur hic tria, scilicet Substantia MANDATI, cum dicitur (induumamini) Modus implendi, cum dicitur (ex uno Vestiario) Ratio Mandati a simili tracta, cum dicitur [sicut pascimini ex uno Cellario].*

VI. Reponunt acuti Magistri, præceptum severum contineri in Regula quantum ad provisionem victus, & vestitus de communi, secus si sermo sit de quibusdam aliis. Verum huic effugio jam præcluserat aditum Humbertus cap. XIX. inquiens: *Circa tertium nota, quod non solum victus, & vestitus accipienda sunt per distributionem, sed OMNIA alia necessaria: tamen de his magis facit mentionem [Augustinus] quia sunt majoris necessitatis, & quotidiana.*

VII. Instabunt iterum, sermonem esse de necessariis, non de religiosis solatiis. Respondet Humbertus cap. XXIV. *Quidam reperiuntur, qui de paupertate venientes quarunt in Religione abundantiam. Hier. ad Eliod. Episc. Ditiores sunt Monachi, quam fuerunt seculares. Alii non solum quarunt abundantiam, sed etiam DELICATA.*

VIII. Admittat Humbertus Mandatum exactæ communitatis, propterea ne damnabit VESTIARIUM nostrum, quod datur in pecunia, & non in vestibus? Audite, utrum illud damnet cap. XIX. *Illæ consuetudo, quæ dat certam pecuniam certo tempore pro VESTIBUS, aut aliis necessariis cuilibet, OMNINO EST REPROBANDA, non solum quia est MATERIA PROPRIETATIS, sed quia est contra Regulam, quæ dicit, non pecuniam, sed victum & vestitum esse tribuendum. Quid ad hæc RR. Magistri? Illud vestiarius pecuniosum, quod defendunt, reprobandum clamat Humbertus.*

IX. Duo heinc colligamus. Primum. Humbertus in ipso Capitulo X. ubi explicat proemium Regulæ, præmittit ceu fundamentum suæ commentationis, *Multa Mandata reperiri in Regula, quamvis non secundum expressionem loquendi, sicut Divina Scriptura, cum nobis loquitur eodem modo; tamen quædam reputantur simplices exhortationes, quædam Præcepta;*

Tomo I.

X

sicut

sicut Luc. 7. Ergo aut negent, in Evangelio multa contineri vera Mandata, aut confiteantur, aliqua haberi in Regula secundum Humbertum. Alterum, quod inter hæc mandata, quæ secundum Humbertum habentur in Regula, primas tenet Præceptum communitatis exactæ tum in victu & vestitu, tum in cæteris omnibus.

X. Quid, quod non modo sub præcepto, sed immediate sub voto ipso hanc rerum communitatem comprehendere Humbertus docet. Antequam illius textum assero, lubet referre arbitrarium commentum Magistri *Vite Clausstralis*, quo eludere inaniter tentat hunc suarum Constitutionum textum. *Verumtamen antequam stabilitatem & COMMUNEM VITAM promittant, & obedientiam Prælo, & successoribus suis &c. Dist. 1. cap. 13. §. 2. Audiamus nunc festivum interpretamentum laudati Magistri Vite Clausstralis iniquientis pag. 219.* „Germanus sensus est, antequam quicumque e seculo, ubi privatam vitam, „ nullo adhuc statu firmatam, ducunt, ad stabilem, & communem nostram vivendi formam veniant. Nemo profecto, nisi unus Concina „ dixerit, Prædicatores suis in Clausstris privatam, & desultoriam vitam ducere, sed communem & stabilem, tametsi aliquid ad proprios „ necessarios usus Prælo indulgentie habeant „.

XI. Quam sit perdidicimus, & nugatorium præfatum commentum, nemo non videt. Nihilo fecius, quia ad Humbertum causam appellavit, Humbertum audiat cap. 31. In uno vocat Augustinus Religionem communem vitam, in alio Monasterium. Superius autem vocat eam Sanctam Societatem. Es sic tria nomina designantur, quæ pertinent ad TRIA VOTA. Dicitur enim Sancta Societas, contra immunditiam. COMMUNIS VITA (audiat Magister) CONTRA PROPRIETATEM. Monasterium, quod est Monachorum statio, propter obedientiam.

XII. Denuo cavillantur ambo RR. Magistri: aures vellunt, clamando, se communem vitam ducere, tametsi aliquid ad proprios necessarios usus Prælo indulgentie habeant. Auris animumque intendant ad Iudicium Humberti Generalis, ad quem appellant, sententiam signatam cap. 22. Alii sunt, qui sua deferunt ad Monasterium: tamen diffidentes de communis provisione, nolunt TOTUM ponere in COMMUNI, sed propter senectutem, vel infirmitatem, partem, vel totum sibi reservari procurant. PEJORES Anania & Saphira, qui tantum partem reservaverunt, Act. 5. Isti facu-

saeculum dimittunt, & tamen Religiosi non sunt, immo partim Religiosi, & partim saeculares. Unde euidam tali Beatus Basilus dixit: Senator esse desivisti, & Monachum non fecisti.

XIII. Est ne alia latebra, ad quam se recipiant Magistri nostri? Una adhuc superest. Videlicet, quod peculium suum habeant ex Prælatorum licentia, & in communi Arca seu deposito asservatum. Hoc est ultimum effugium, quod undique versum præcludit Humbertus cap. CX. In quibusdam Religionibus (inquit) maxime possessiones habentibus, providetur Canonici hoc modo: videlicet, quod detur cuilibet certa summa pecuniæ quolibet anno, de qua providet sibi de Vestibus, sicut vult. Sed hoc est expresse contra Regulam, qua dicit supra: Distribuatür victus, & tegumentum, vel vestimentum, non equaliter omnibus, quia non equaliter valet omnes. Per huiusmodi modum aequalitatis providetur plus, & minus indigenti. Præterea hoc vel est PROPRIETAS, vel PROPRIETATIS species manifesta, quorum utrumque cavendum est. Item per hoc datur interdum occasio expendendi, quod pro vestibus datur, in usus alios præter Domini voluntatem, quod furtum reputatur, & adhuc remanet eadem indigentia vestium.

Propter hoc alii hæc inconvenientia declinare volentes, faciunt aliter, ordinantes, quod illud, quod datur pro vestibus Fratri, sive de intus, sive de foris, sive in panno, sive in pecunia, SERVATUR EIDEM SUB COMMUNI CUSTODIA. Ita tamen, quod aliis NUMQUAM DETUR. Sed hoc iterum est contra Regulam, qua vult omnia esse communia. Et infra DICIT EXPRESSE, QUOD IN REM COMMUNEM REDACTUM, cui necesse fuerit, præbeatur. Item hoc non caret SPECIE PROPRIETATIS. Ita enim PROPRIETARIUS est ille, qui facit sibi aliquid ab alio illicite servari, sicut ille, qui servat apud se.

Propter hoc alii reprobantes hos modos, tenent alium modum, præcipue in pauperibus Religionibus, dantes licentias singulis, ut sibi provideant tempore necessitatis, quærendo ab amicis, vel familiaribus. Sed hoc videtur iterum reprobandum, quia sequitur ex hoc multa inaequalitas: cum videlicet unus habet, a quo requirit, alter non. Unus cum facilitate multa potest acquirere, alter non sine multa difficultate. Unus invenit, qui dat eis bonas vestes, alter non nisi viles. Præterea ex

huiusmodi ordinatione coguntur homines resumere curam sui, quam deposuerant, contra illud Bernardi : Qui nobis semel curam vestri commisistis, quid iterum de vobis vos intromittitis?

Propter hoc, istis tribus modis reprobatis, ordinandum est apud pauperes, quod ita quæatur quidquid quæritur pro Vestibus, quod etiam in COMMUNI ponatur quidquid datur, quidquid habetur pro vestibus, & ex UNO VESTIARIO provideatur omnibus, sicut dicit Vir Sanctus.

Tandem de abdicatione proprietatis concludit doctissimus Generalis cap. XV. Igitur ex primitiva Ecclesiæ perfectione discere poteritis, quod habere CUNCTA COMMUNIA DEBEATIS. Item cap. XVI. B. Dominicus nobis moriens hoc legavit Et cap. XVIII. Quamvis enim nobis necessaria habere liceat in COMMUNI, nullus tamen QUICQUAM habeat in speciali.

XIV. Ad Tribunal illius Sapientissimi Magistri deferant nunc RR. Magistri Vindiciarum, & Vitæ Claustralis suas crumenas, suos census vitalitios, vestiaria pecuniosa, deferant sua deposita in communi Arca seu Custodia asservata. Videant quam optime congruant cum Iudicis ab illis electi sententia, iterumque clamet Magister Claustralis pag. 244. cui non obsequi illiberalis pervicacia est, & indomiti animi indoles. Vociferetur pag. 249. quod Humbertus sententiam asserentem, sub præcepto communitatem impositam esse ab Augustino, tamquam falsam rejecit, expulit, eliminavit, ut visum est.

§. V.

Cardinalis de Turre Cremata *vi gravissimi præcepti exactæ rerum communitati adstrictos esse Regulares docet. Quin addit, teneri RR. Magistros adversarios, si degant in Conventibus, ubi peculia serpent, petere eo, ubi exacta servatur Communitas.*

I. **N**ON minus in Turrecrematæ, quam Humberti interpretatione, emicat bona fides, & candor ingenuus adversariorum. Citarunt illi Eminentissimum interpretem eo loci, quo proemium Benedictinæ Regulæ exponit, ubi nisi imitatus fuisset ipsos RR. Magistros, qui omnia perturbant, non poterat de communi vita sermonem habere. D. Patriarcha Benedictus cap. XXXIII. & XXXIV. Regulæ, præceptum communitatis explicat. Turre Cremata, qui tract. 6. in Regulæ proemium statuit, quod *non omnia contenta in Regula sunt præcepta, sed quædam SIC, & quædam NON*, interpretans laudatum caput XXXIII. tribus aut quatuor tractibus gravissimum exactæ communitatis præceptum exponit. Ex plurimis pauca feligam.

II. Tract. 95. in caput 34. Regulæ. *Postquam B. P. Benedictus dixit, omnia a P. Monasterii esse præstanda, nunc subdit doctrinam circa dispensationem rerum a Patre Monasterii observandam, dicens . . . fiat dispensatio & distributio rerum sicut facta legitur a Patribus primitivæ Ecclesiæ, Act. 4. ubi scriptum est: Dividebatur &c. Unde GRAVITER peccat Abbas, vel Prælatus non distribuens Monachis, vel Fratribus necessarium victum, vel vestitum, sed permittit quemlibet providere sibi ipsi, cum in hoc præstet causam, & occasionem subditi habendi proprium, & multorum aliorum malorum, quibus involvuntur subditi, quibus SECUNDUM PRÆCEPTUM REGULÆ DE COMMUNI non providetur in vita necessariis.*

III. Tract. 92. in caput. 33. Regulæ. *Omnia omnibus debent esse communia, sicut scriptum est in Actibus Apostolorum, unde sumpta est Regula, & conversatio Canobitarum, (Attendat Magister Vindex) ibi enim exp. 4. dicitur: Et erant illis omnia communia. Hac est differentia inter Fratres Carnales, & Spirituales in Religione, quod illi dividunt quod COM.*

MUNE est : : *Isti vero quod divisum est, in commune ponunt juxta morem primitivæ Ecclesiæ, Act. 4. Ergo secundum Cardinalem de Turrecremata RR. Magistri aut suos census vitalitios, pecuniasque prædicatione, lectione, & quovis modo acquisitas in communes Monasterii usus conferant, aut Fratres Carnales commune dividentes se se reputent necesse est, juxta Arbitrium causæ ab iisdem electum.*

IV. Recipiunt se ad consuetum cuniculum. An non licet aliquid ex *venia Prælatorum habere separatim a communi*? Respondet Cardinalis Judex electus tract. 93. in *vitis Patrum* (totidem verbis hoc narrat Humbertus cap. 15.) *eum Frater quidam venisset ad Cellam, volens relinquere saculum, sed retinere ALIQUA MODICA propter necessitatem, dixit ei senex: si vis esse Monachus, vade ad Maellum, & eme carnes crudas, pone supra dorsum tuum, & sic veni ad me. Quod cum fecisset, invaserunt eum canes, & occasione carnum dilaniaverunt eum: & cum venisset ad senem sic tractatus, dixit ei senex: Sic dilaniantur a Daemonibus, qui abrenuntiant saculo, & ALIQUID RETINENT SIBI. Audistis? P. Magister Clausstralis, qui toties obtrudis illud To aliquid de *venia senioris, seu Prælati*?*

V. Verum, quia hæc Prælatorum licentia, & dispensatio est unica anchora, cui crumenas suas fidunt, ideo doctissimus Cardinalis has Prælatorum dispensationes tanquam nullas irritasque rejicit, & damnat. Et licet alibi sermo de hoc habendus sit, tamen, quia Magister *Vita Clausstralis* causam appellavit ad hunc Judicem, cogimur plenam Judicis sententiam promere. Hæc ergo scribit tract. 94. *Excusatio, vel defensio, quibus Monachi sive Religiosi aliqui, se defendere nituntur super usu rerum multarum, quas possident, sine rationabili causa, utpote vestes superfluas, libros inutiles, inutiles pecunias ad sumptus, jocalia, & alia bona hujusmodi mobilia, dicentes se habere Prælatorum Dispensationem, NULLA EST.*

Secundum. Tolerantia, aut dissimulatio Prælatorum in præmissis abusibus, non videtur excusare Monachum. Tertium, quod Prælati, qui talibus dispensationibus minus providis abutuntur, SUNT IN PERICULO ANIMARUM, non revocando illas. Quartum, PERICULOSUM est in Religionibus hujusmodi MODUS VIVENDI sub talibus dispensationibus, quæ sunt sine causa, sine NECESSITATE. Patet ex superioribus ubi dictum est, quod
TAM

TAM PRÆLATUS DISPENSANS, QUAM SUBDITUS hujusmodi Dispensationem suscipiens, **GRAVITER PECCANT**. Quinque, quod **GRAVISSIME PECCANT**, qui **REFORMATIONI** hujusmodi abusum resistunt in Monasteriis, & se & alios defendunt, ne ab hujusmodi **LABE PURGENTUR**.

VI. Quid ad hæc RR. Magistri, qui reapse suis libris typis editis reformationi resistunt abusum peculiorum? Qui & se, & alios defendunt, ne purgentur ab hujusmodi labe? Qui defendunt sua vestimenta pecuniosa aliosque abusus jam indicatos, & infra indicandos? Est ne evadendi locus ab hac sententia Judicis, ad quem appellarunt? Et tamen fortius adhuc eos ad incitas redigit Eminentissimus Judex sequenti sententia, citato loco scripta.

VII. *Quantum dubium. Quid si Abbas, aut Conventus NON VULT VERE IN COMMUNI*, immo resistunt: & Monachus, seu Religiosus aliquis vellet *IN COMMUNI* vivere? Respondetur, quod **TALIS RELIGIOSUS DEBET LABORARE** pro alio Conventu, in quo regulariter vivatur: & si habere possit talem Conventum, ibi permaneat: si vero non possit hujusmodi Conventum habere, in tali casu excusatur, ut nec habendus sit **PROPRIETARIUS**, nec sua Professionis Transgressor, **HABENDO DE LICENTIA SUI PRÆLATI USUM RERUM NECESSARIARUM, CUM PROPOSITO** resignandi ad beneplacitum sui Superioris.

VIII. Hæc sola sententia Doctissimi Judicis electi continet universam Doctrinam propugnatam tum in Disciplina Apostolico-Monastica, tum in presenti Opere. Hæc sola sententia ad fabulas amandat omnia sophismata, commenta, cavillos, distinctiunculas hactenus excogitatas, æternumque excogitabiles a RR. Magistris. Eminentissimus Turrecremata eam exactam communitatem statuit Regularibus necessariam, quæ peculium, non superfluum, non rerum inutilem, sed rerum necessariorum excludit. De eo peculio loquitur, quod habetur *ex venia*, ex dispensatione Prælati. Docet, Religiosum degentem in Conventu, in quo Prælatus, aut Cœnobium ipsum non vult vivere in *communi*, debere *laborare*, nempe sedulam adhibere operam, ut aliquem Conventum inveniat, in quo vigeat exacta rerum communitas, ibique pedem figere. Quod si talis conventus, diligentia sincera adhibita, non pateat, *in tali casu*

casu [concludit Turrecremata] *excusatur, ut nec habendus sit PRO-
PRIETARIUS, nec sua professionis transgressor, habendo de LICEN-
TIA sui Prælati USUM RERUM NECESSARIARUM cum proposito
resignandi.* Ergo dum habetis usum peculii, non pro ludis, non pro re-
ligiosis solatiis, non pro splendido cellarum ornamento, sed pro *rebus ne-
cessariis, de licentia Prælati estis Proprietarii*, quoties prius eo conatus
vestros non dirigitis, ut vel in vestro Conventu introducatur communi-
tas peculii vacua, vel alio non petatis, ubi *vivatur in communi.* Cardi-
nalis Turrecrematæ sententia est ineluctabilis & inconcussa omnium Theo-
logorum consensu. Siquidem admissio præcepto exactæ communitatis, sola
vera necessitas excusare ab illius præcepti observatione potest. Porro, ut
necessitas hæc vera dicatur, involuntaria sit oportet. Ut involuntaria sit,
omnem adhibere industriam Regularis debet, ut eam excutiat, alioquin
libera esset, & volita, atque adeo inexcusabilis. Quemadmodum, ut
occafio judicetur necessaria, & non libera, tenetur Christianus nullum
non movere lapidem, ut eidem se subtrahat. Si nequit, involuntaria e-
vadit, & in eadem permanere licite potest, remediis adhibitis. Similiter
Regularis, si post adhibitum studium se se constituendi in Conventu,
ubi vigeat exacta communitas absque peculio, Conventum hunc reperire
nequit, aut ob infirmitatem, imbecillitatem, aliaque momenta: *In tali
Casu* [definit Turrecremata] *excusatur, ut nec habendus sit Proprieta-
rius, nec sua Professionis transgressor, habendo de licentia sui Prælati u-
sum rerum necessariarum cum proposito resignandi ad beneplacitum sui Su-
perioris.*

IX. Doctrina Turrecrematæ de transitu ad Cœnobium exactæ commu-
nitatis, intelligenda est, spectatis circumstantiis: nam plura occurrere
momenta queunt, quæ a tali transitu excusent. Quisque, si velit, potest
etiam in laxioris Disciplina Cœnobio observare Paupertatis votum,
dummodo peculio utatur juxta Regulas ab ipso Turrecremata, & a cæte-
ris Theologis præscriptas. Quæ de Dispensatione a communitatis lege
Turrecremata docet, infra Differ. V. referam. Interim auscultemus Au-
thorem *Vitæ Clausstralis*, qui adversus suum adversarium in hanc figuram
erumpit pag. 248. Unde Concinam meum ita alloquor. *Si in hosce inter-
pretes suppresso nomine incidisses, o Daniel, eosque semel, aut iterum legis-
ses, quid reposuisses amabo? Non ne sensa & phrasim subodoratus, in hac*
prom-

prorupisses verba? *Proh quam impie loquuntur isti barbari, & quam preposse-
re &c.* Nonne ego potiori jure eadem verba sua paululum inversa in ip-
sum retorquere possum?

X. Si in hocce interpretes *Humbertum & Turcrematam* supresso no-
mine incidisset *Magister Vita Clausstralis*, quid reposuisset? Non ne in
hæc prorupisset verba? *Proh quam impie loquuntur barbari isti!* Nobis
qui professionem emisimus, ubi vita mitigata, & a severa legum ob-
servantia soluta dueitur *ex Prælatorum dispensatione*, vociferantur bar-
bari isti, *Periculosum esse in Religionibus hujusmodi modum vivendi sub
talibus dispensationibus irrationabilibus?* Quam præposere SS. Patriar-
charum Augustini, & Benedicti mentem interpretati sunt! Contendunt,
haud posse Prælatos nostros indulgere, ut paucas pecunias ludis expo-
namus, honestisque vacemus solatiis; quin clamant, *quod tam Prælatus
dispensans, quam subditus hujusmodi dispensationem suscipiens* [verba sunt
istorum barbarorum] *graviter peccant*. Medius fidius inverſis oculis co-
rum Regulas legerunt. Quid? Nos qui a teneris unguiculis a Magi-
stris nostris audivimus scientia, & fama claris, licitas nobis esse cru-
menulas nostras, potissimum si majorem pecunie summam in commu-
nem deponamus Arcam, hæc tamen lege consuetudinis obſignatam, ne
Prælatus ex arbitrio quicquid tangat: nos bona fide has inter pecu-
nias & Religioſa solatia educatos, aliosque, ad severiorem nunc viven-
di formam revocare contendunt? *Quinam sunt, & unde venire hi Au-
gustiniana, & Benedictina Regula deturpatores?* Quid plura? Detonant,
nos in extremo damnationis periculo versari, si horum abusuſum refor-
mationi resistimus: & quod mentes nostras stupore defixas tenet, ad-
jiciunt, nobis a Cornubiis nostris referendum pedem esse ad Conventus
Reformatos, ubi exacta servatur communitas, ubi severior vestitus, erebra
jejunia, abstinentia perpetua, arcta caputia obtinent, demigrandum,
crumenis nostris positis, inclamant, si velimus portum tenere salutis.
Heu! Heu! *Apæge Commensum, Apæge delirium, non rationibus confu-
tandum, sed sibilis explodendum, divisque devovendum*. Hæc *Magister
Clausstralis* contra semetipsum.

XI. Judicent nunc Lectores, non modo præjudiciorum vacui, sed
ausim dicere, vel ipsis præjudiciis præventi, an non jure, & merito pro-
pria Magistrorum nostrorum sensa & verba in eorum cutem a nobis

fuerint reorta? Ipsi lapides projecerunt in celum, ut super illorum capita quam aptissime reciderent.

§. VI.

Cardinalis Joannis Dominici, S. Antonini, Gersonii, Trithemii, Christiani Lupi, Donati, aliorumque Theologorum unanimi consensione, Regula Augustini, & Benedicti sub gravissimo præcepto exactam communitatem præscribunt.

I. **J**oannes Dominicus Cardinalis O. P. sanctitate & doctrina celeberrimus in suo *Opuscul. mss. de possesi.* hæc scribit. *Maxime videtur textus Regule instare circa perfectissimam expropriationem in PAR-TICULARI, ut quod habeat vestitum ab uno cellario, vestitum ab uno vestiario, libros sub uno librario, & quod nullus accipiat occulte litteras, vel quodlibet munus. Et ista similiter videntur cadere sub PRÆCEPTO.* Hunc eundem textum refert S. Antoninus, qui ab eodem Cardinali habitum Religiosum accepit, 3. p. tit. 16. cap. 1. §. 6. eidemque subscribit, additque §. 11. *eos, qui se reperiunt in Monasteriis, & Conventibus, ubi non vivitur in communi, si Prælati sunt, & non faciunt, quantum eis possibile est, sine notabili scandalo, ut vivatur in communi, non esse in Statu Tute.*

II. Joannes Gersonius in Tractatu eidem adscripto adversus *Proprietarios Regule S. Augustini*, hæc inter plurima scribit in hunc textum: „Et non dicatis aliquid Proprium“. Gravius autem peccatum est facere, quam dicere. Ergo si prohibet expresse verbum proprietatis, a fortiori factum. Secundum mox sequitur in Regula: Et sint vobis omnia communia. Omne autem secundum Logicos est universale signum, quod distribuitur præ universis rebus. Ergo falsificatur universalis Regula in vois vestri particulum, per quodcumque particulare, quia proprium, & commune opponuntur. Et sicut pascimini ex uno cellario, sic induamini ex uno vestiario. Cum ergo jubeas unum, & commune vestiarius, sequitur per locum ab oppositis, quod prohibeat proprium, & singulare multum. Videte ergo si VOTUM servetis Regula, cum toties infringitis, & tam expresse, &
non

non semel, sed quotidie judicate si ex uno vestiario induamini, & eo modo, quo pascimini ex uno cellario, & si qua servatis in vestris cameris, & cistis sub communi sunt custodia. Quod si dixeritis; dicim profecto negatis, & experientiam oppositam & contradiçtoria simul vera concedatis, contra quos nihil amplius disputandum dicit Aristoteles (opportuna in RR. Magistrorum verba] nisi tales, aut in ignem projicere, aut excacare. Negare ergo non potestis, quin promissam paupertatis fidem violeis, & ad vomitum revertamini professionis derelictæ. Quo ergo animo tanto tempore dissimulatis prætere commune vestiariu, ut induamini ex uno vestiario, sicut pascimini ex uno cellario? Negare non potestis, quin hoc voto promissis eritis solemni, quod in Regula legisistis quotidie tot in passibus, & locis.

III. Celeberrimus Joannes Trithemius opuse. contra peculium Monachor. cap. 5. Revolvamus omnes Sanctorum Patrum scripta & Regulas, & misquam inveniemus peculium ullatenus permissum. Omnes enim hoc vitium damnant, omnes proprium Monacho prohibent. Omnes in communi vivere renuntiantes seculo præcipiunt, & primo quidem Sanctum Legislatorem nostrum Benedictum audiamus in Regula. Dicit enim: Præcipue hoc vitium &c.... Ab Abbate igitur necessaria speranda sunt.

IV. Dionysius Carthusianus de Refor. Vita Claustralis seu Claustrilium ar. 13. Habere peculium repugnat voto paupertatis, & paupertati Monastica, qua est de Religionis essentia. Monachi tenentur ad paupertatem eo modo, & sensu, quo Sancti Patres, qui Ordines instituerunt, Monachos ad paupertatem obligare intenderunt. Præcepta enim Prælatorum obligant subditos, non tam secundum formam, superficiemque verborum, quam secundum intentionem præcipientium, qua est formale in præcepto secundum Alexandrum de Ales, Thomam, Albertum, Bonaventuram, aliosque. Certum est autem omni homini veraciter illuminato, quod Patres Sanctissimi Ordinum Institutores peculium Monachis non admiservunt, nec admisissent, si Monachi petissent, sed penitus prohibuissent: immo & nominatim & CLARISSIME prohibuerunt, ut infra ex Regulis Hieronymi, Augustini, & Benedicti patebis. Non ergo nomine; vel permissu Abbatis licet habere peculium. Adhuc autem in omni præcepto Superiorum consideranda est ratio præcepti. Sed Patres Sancti, qui Monachis proprietatem tam distriçtissime prohibuerunt, non ideo hoc egerunt, quia proprietates seu rerum

possessio sit mala in se, sed quia ex usu, amore, & occupatione rerum propriarum, seu divitiarum impeditur, homo a perfectione divini amoris . . . Sed si Monachus habeat peculium, aut proprium nomine suo, vel nomine Abbatis, certissimum est, cum occupatione, usu, amore, cura, & varia occasione peculii sui, multipliciter impediatur a spiritali profectu, & fervore charitatis. Lege ibi plurima.

V. Christianus Lupus longum hac de re sermonem habet in Regulam Augustini tom. 12. pag. 35. „ Et non dicatis aliquid proprium, sed sint vobis omnia communia, . . . Hic est cardo, in quo vertitur, ac pendet tota Regula, totaque Monastica Augustini Disciplina . . . Augustinus ergo Disciplina suae basim, columnam, ac fundamentum esse voluit non bardocucullum, aut saccum pannosum, non nudos pedes, non vitam doliarem, sed **PERFECTAM UNITATEM, ac COMMUNITATEM**, in qua nihil esset proprii, frigidi istius ac ad multa propellentis verbi. Voluit commune esse, non solummodo Monasterii cælum, neque solummodo commune Cœnaculum, & cellum, sed etiam communem viclum, habitum, communem nummum, præcisi omnibus strumis, & variis.

VI. Donatus Laynensis tract. 15. q. 4. *Sanctus Augustinus non solum PRÆCEPTUM posuit circa virtutem vitæ communis, sed etiam prohibitionem circa vitium oppositum, dicens: non dicatis aliquid proprium.*

VII. Rescribendus iterum hic esset textus Constitutionum O. P. *Ad communitatem autem rerum ex ipsius Regula PRÆCEPTO adstringimur. In Decl. tex. 1. Prol.* Addendæ hic essent omnes Regulæ Monachales, & transcribendæ omnium graviorum Theologorum autoritates, Verum hæc omnia præstita jam sunt in Disciplina Apostolico-Monastica: & infra, ubi Theologorum examen recurret, de iis sermo erit.

§. VII.

CONSECTARIUM

In quo Adversariorum effugia una esse compertum est.

I. **E**X his, quæ hætenus dicta sunt, perspicue duo constant. Alterum auctoritate Humberti, Turrecrematæ, Cardinalis Dominici, Antonini, Gersonii, Trithemii, Dionysii Carthusiani, Lupi, Donati, Constitutionis Ordinis, Regulas Augustini, & Benedicti sub gravissimo præcepto exactam rerum communitatem præcipere. Neque de hoc præcepto hætenus Theologi dubitarunt. Et sane pudere deberet RR. Magistros, hoc vel in discrimen adducere. Venia, oro vos, detur, si quandoque causæ Sanctitas verbum duriusculum extorquet, ut a stupore excitentur Nummicolæ. Alterum est perpetua, & nimium crassa adversariorum hallucinatio, qua nullum contineri in Regula præceptum inferunt, ex quo omnia in eadem contenta præcepta non sunt. Et quamquam textus ipsissimi, quos illi adducunt ex Humberto & Turrecremata, doceant ex contentis in Regula quadam esse præcepta, & quadam NON, nihilominus perfractæ negant, præceptum aliquod contineri in Regulis. Cum hæc omnia satis superque illis exposita sint, illorumque bona fides postulata, eadem amplius non recoquere, nisi Magister Vita Clausstralis sub finem sui citati cap. 7. pag. 250. iterum hanc occineret cantilenam, iterumque occasionem nobis porrigeret. alius torquendi oscitantiam. Textum obrudit ex Prologo Constitutionum, qui recta illius jugulum petit. *Præceptum in Regula nullum, NISI quod de natura sua & RATIONE TRIUM VOTORUM, vel Divina, aut Ecclesiastica legis, contineri volumus & declaramus.* Iste est textus, quem allegat Clausstralis noster. Declarant ergo Constitutiones ratione trium votorum, Præcepta in Regula contineri. Inter hæc tria vota an non est votum paupertatis? Ergo ratione voti paupertatis præceptum in Regula est. Porro Regula non aliam præscribit paupertatem, quam exactam communitatem, ut legentibus patet: ergo ex illo ipso textu, quem pro se allegat, semetipsum jugulat.

II.

II. Hæc omnia clara sunt, & obvia, quæ, ut intelligantur, non ingenio, & acumine opus est. At legas velim quæ *cit. pag. 250.* post relatum textum scribit. Jam prius sæpius quæsierat, ut ostendamus, ubi nam reperitur hoc *Præceptum exacte communitatis*. Præceptum tanta evidentiâ demonstravimus, ut cæcis ipsis pateat. Quid respondet Vir ingenuus? Audi. *Qui post Humbertum Constitutionum Prologum exponentes, communitatem sub præcepto positam ajunt, de ea solum communitate loquuntur, qua proprietatem excludat, aut de Præcepto LARGE, & IMPROPRIE tantum dicto.* Judicet Lector quibuscum nobis disputatio est. Primum ore rotundo præceptum contineri in Regula negant. Quando præceptum tanta evidentiâ ostenditur, ut negare illud nequeant, non erubescunt respondere, præceptum illud *LARGE* accipiendum esse. Hac via Præcepta Decalogi, & Ecclesiæ erunt præcepta *large* & *improprie* accepta. Communitas præscribitur, quæ excludat proprietatem, non peculium? Sed abrumpamus tandem molestissimum discursum. Nam si hæc futilissima commenta starent, corruerent leges omnes, ut sæpius diximus.

C A P U T VII

Communis omnium fere Theologorum, & graviorum Canonistarum sententia etiam ante Concilium Tridentinum negat, licitum esse Superioribus Regularium permittere subditis suis peculium. Omnium Canonistarum, nemine excepto, falsa est Magistri Vindicis, & Magistri Claustralis opinio.

I. **Q**UAMVIS ex iis, quæ hæcenus dicta sunt, exploratum sit, vi ipsius aut voti, aut præcepti voto a Regulis Monachalibus additis, illicitum semper fuisse, & esse Regularibus peculium, sublata necessitate vera; tamen ad exactiorem controversiæ notitiam, lubet communem Theologorum, & Canonistarum hac de re sententiam paucis perstringere.

II. Nemo melius, atque eruditius, quid antiquiores Canonistæ senserint de monastico peculio, exponere valet, quam *Prosper Fagnanus Sacrorum*
Ca-

Canonum peritissimus. Pauca itaque ex eo de Canonistarum sententia recitabimus, daturi ipsi Theologorum unanimem assensionem. Et primum omnium notandum, vix aliquem Antiquiorum Canonistarum ex instituto, & pro dignitate hanc versasse controversiam voti monasticæ paupertatis, Regulas Monachales presse & distincte examinando. Sed occasione dumtaxat interpretandi *Cap. Non dicatis* 12. q. 2. & *cap. cum ad Monasterium*, plures vi *juris communis* licitum esse ex Abbatis permisso ob *rationabilem causam* Monachis peculium docuerunt. Potissimum illorum fundamentum *servi* paritate nititur, inquit Fagnanus *cap. Monachi* n. 17. *Servus Domini* permisso administrare peculium valet: ergo & Monachus inferunt Bartolus, Baldus, Butrius, & alii. Addit tamen Hostiensis, ut *nisi ex magna & evidenti causa talem licentiam non des Prælati*, subditque Joannes Andreas, apud eundem Fagnanum, *quia res periculosa est, & invidia, & exempli mali causa*. Advertant RR. Magistri nostri, qui scribere non reformidant, *peculium Sanctitatem fovere, & suæ*.

III. Quam sit infirmum hoc ex *servi* paritate arcessitum argumentum ad inferendum licitam concessionem peculii monastici, & simul quam efficax ad ostendendum falsam esse RR. Magistrorum inauditam opinionem, nemo non videt. Primum patet. Siquidem lex civilis, quæ acquisitionem peculii servo prohibet, in Domini favorem lata est. Quis ambiget, huic renunciare favori Dominum posse? Quis ibit inficias, posse Dominum, non usum modo, verum etiam proprietatem servo impertiri, si velit? Ergo & Prælati Monacho? Nec adversarii id audebunt concedere. Alterum. Lex civilis absolute peculium servis prohibet. Ergo lex canonica illud vetat Monachis, solumque disputatur, valeat, ne Abbas, ob justam magnamque causam interdum cum Monacho dispensare. Ergo erronea est Magistrorum sententia, quæ negat præceptum vetans peculium, & jubens communitatem. Dispensatio enim a lege, legem supponit.

IV. Alterum fundamentum colligitur ex *cap. Religiosus de testament.* in 6. ubi narratur relictum fuisse cuidam Regulari legatum distribuendum, prout illi visum fuerit. Ergo, inferit Baldus cum aliis, licita est Monachis privati peculii administratio. Verum ipse Canonista Abbas, ut advertit Fagnanus, re melius consulto cognovit laudato *cap. Religiosus* sermonem esse non de arbitraria bonorum administratione, sed de nuda ultimæ

voluntatis executione, quæ ex Superioris licentia Monacho non reputatur.

V. Tertium fundamentum petitur *ex cap. Insinuante*, ubi declaratur validam esse professionem cujusdam mulieris in manibus Fratris S. Augustini cum privilegio, ut in domo sua cum omni substantia remaneret. Verum hoc ex textu non aliud colligitur, nisi ad summum non infringi professionem ex adjecto pacto. Utrum vero pactum istud validum sit, an ut turpe rejiciendum, textus non declarat, variazque sunt hac de re opiniones, inquit Fagnanus. Interpretamenta Navarri explodit idem Fagnanus. Et revera quam sit perridiculum ex uno casu peculiari, & ambiguo, erueret argumentum adversus tot gravissimas & luculentissimas leges, cuique exploratum est. Accedit, quod, ut advertit Fagnanus, nec vola in textu apparet, unde colligi possit permissam fuisse huic mulieri administrationem substantiæ suæ, cum facultate permanendi in propria domo. Ipsius monasticæ Professionis natura obstat.

V. Fundamentum quartum, quod allegat Abbas eruit *ex cap. cum ad Monasterium §. tales*, contendens inferre, posse Superiorem licentiam dare Monacho plene administrandi certa bona, licitamque esse consuetudinem illius vestiarii, quod in pecunia præberi Religiosis alicubi solet. Idemque sentit Joannes Andreas, si *justa occurrat causa*. Fagnanus, ut explodat interpretationem datam, refert verba textus, quæ sunt sequentia: *Tales autem ad agenda officia Monasterii deputentur, qui fideles fuerint, & discreti*. Quis non videt sermonem hic esse non de simplici, sed de publico Monasterii Officiali? De Vestiario *pecunioso* quid Regule Monachales præscribant, omnibus notum est.

VII. Ultimum fundamentum deducitur ex Decreto Concilii Lateranensis, in quo hæc habentur. *Monachi nequaquam habere permittantur peculium. Qui vero peculium habuerit, nisi ei ab Abbate fuerit pro injuncta administratione permillum, a communione removeatur Altaris*. Ex his ultimis verbis *nisi ei ab Abbate &c.* quidam arbitrati sunt, ex Abbatis permissu licere Monacho peculii administrationem. Verum, inquit Fagnanus, plures *Doctores Classici* verba illa interpretati sunt de administratione stabulorum injuncta Officialibus. Neque aliter explicari præfata verba queunt, nisi ludicrum, & nugatorium dicatur esse Concilii Oecumenici Decretum. Enimvero, si singuli Monachi Prælati arbitrio Officiales infligant

uantur, & sub titulo administrationis peculium habere queant, qui sunt ii Monachi, quibus peculium a Concilio interdicitur? Etiam Petrus Passerinus *in spec. II. n. 300.* hæc scribit. *Concilium Lateranense non prohibet directe peculium, sed supponit illud esse prohibitum, & prohibet, ne Prælatus illud permittant haberi.* Decretum latum a Concilio Lateranensi III. sub Alexandro III. anno 1179. confirmavit Lateranense IV. sub Innocentio III. ann. 1213.

VIII. Ex his omnibus concludit Fagnanus, sententiam negantem licitum esse peculii usum Regularibus, etiam ex concessione Superioris, necessitate sublata, *magis consonam esse litteræ, & menti Concilii Lateranensis, & probari etiam a GRAVIORIBUS Canonistis, & consequenter, jure communi inspecto, fas non esse Regularibus non officialibus, habere pecuniam seu annuos proventus, vel administrationem bonorum stabilium etiam ex Dispensatione Superiorum, & dependenter ab eorum voluntate, & manu.*

IX. Consequitur hinc opinionem, quam nudius tertius excogitarunt RR. Magistri *Vindex, & Clausstralis*, falsam prorsus esse, & inauditam, non modo absolute, verum etiam benigniorum Canonistarum, & Casuistarum auctoritate. Siquidem certum est, vel ipsos inferioris notæ Canonistas docere licitum peculium Regularibus ex *Dispensatione* Prælati: ergo admittunt legem absolute prohibentem, eo quod Dispensatio a lege legem supponit, ut alias diximus. Ergo falsa, & chimærica opinio est Magistrorum, qui legem seu præceptum peculium interdicens negant.

X. Theologos, qui ante Concilium Tridentinum de Monastico peculio, & exacta communitate scripserunt, majori qua potui sedulitate illustravi. Omnes, qui ex instituto controversiam tractant, diris peculium devovent. S. Petrus Damianus, B. Humbertus V. Ordinis Prædicatorum Magister Generalis, B. Raymundus de Capua, Cardinalis Joannes Dominicus, Cardinalis de Turrecremata, S. Antoninus, Gersonius, sive quicumque sit Author Tractatus contra Proprietarios Regulæ Augustinianæ, Joannes de Neapoli peculium damnarunt, exactamque communitatem factam testam custodierunt. Qui vero ardentius pro communitate certarunt, bellumque peculio indixere, sunt Theologi Cistercienses in Concilio Constantiensi, quorum tractatus habetur inter monumenta collecta, & inserta Disciplinæ Apostolico-Monasticæ. Joannes Nyder, Joannes Excuria, qui peculiares pariter edidere tractatus loco citato editos. Alvarus

Pelagius, Theodoricus de Monasterio, Joannes Trithemius, Dionysius Carthusianus. Hi ultimi præ cæteris magna argumentorum copia, non modo peculium, ut proprietatis vicio infectum damnarunt, & perfectam communitatem munierunt; verum etiam omnia sophismata, quæ hodie dum obtrudunt RR. Magistri, confutant, exhibitant, labefactantque. Pauca ex plurimis dabimus in Dissertatione Tertia. Nunc transcribo unum & alterum verbum Dionysii Carthusiani, qui integro Opusculo pluribus distincto articulis gravi & acri stylo peculii pestem persequitur. *Art. 13.* hæc scribit contra quosdam peculium Monachorum periculose, & imperite excusantes. Iste est articuli titulus. Deinde pergit. *Ad ea, quæ supra inducuntur ex Concilio Lateranensi, & Constitutione Domini Pape, respondent, quod prohibitio illa de habendo peculio, aut proprio, intelligenda sit, quod Monachus non debet aliquid possidere peculium nomine proprio. . . . Similiter dicunt, quod cum Monacho non potest dispensari, ut habeat proprietatem nomine suo, sed potest cum eo dispensari, ut habeat aliquid peculii nomine Abbatis, aut Monasterii.* En paucis verbis comprehensa Magistrorum, aliorumque sophismata. Respondet: *Istud videtur INCONSIDERATISSIME dictum in ipsa nomque Concilii Lateranensis Decreto peculium luce clarius Monachis, administrationem communem non habentibus, prohibetur: & Abbati sub pena absolutionis a suo officio districte precipitur, ut non permittat aliquem Monacho um suorum habere peculium &c.* Consule ipsum. Lege Disciplinam Apostolico-Monasticam Diff. 1. cap. 12.

XI. Inter omnes tamen Theologos, qui peculium acrius exagitarunt primas obtinet celeberrimus Abbas Joannes Trithemius. Plura contra peculium edidit opuscula. Plura infra de eo referam. Duo nunc transcribo verba ex cap. 6. de vicio proprietatis. *Quærendum est, utrum in Abbatibus sit arbitrio cum Monacho de peculio dispensare. . . . Ad hanc questionem verbis Summi Pontificis in principio hujus Operis respondimus. . . . Quicumque hanc Monasticam communitatis Regulam violat, proculdubio se extra numerum electorum locat, & sic se meritate graviter damnat. Numquam enim Monastica puritas integra potest consistere, nisi omnes in communi studeant conservari. Enim vero dum unusquisque commodum suum temporale cogitat, caritas Fraternalis exulat, humilitas Monastica perit, obedientia Regularis vacillat.* Verum plura infra.

XII. Provocto RR. Magistros, omnesque alios, ut vel unum mihi perhi-

habeant Theologum gravem cum aliquo ex his, quos retuli, comparandum, qui ante Concilium Tridentinum ex professo, & pro dignitate controversiam hanc versaverit, quique præceptum communitatis ita aperte negaverit, sicuti luculenter illud defendunt, quos retuli: & qui tanta argumentorum copia propugnent, quanta isti diris devovent Monasticum peculium. Unum tantum peto gravem, & celebrem Theologum similem illis, quos opposui. Quem dabunt, Pornasium? At hic ore rotundo testatur, præceptum contineri in Regula Augustini. Cæteræ fabellæ, quas narrat, alibi refutatæ sunt, & præcipue error ille: *Qui ponit commune, ponit licentiam*. Quem ergo? Sylvestrum, Clavasium? At hi obiter rem tangunt, & adversantur. Unum ergo dent Theologum gravem, & insignem ante Tridentinum scribentem. Verum quod magnopere tangere deberet RR. Magistros, est, quod ante Tridentinum nec in communi licitum Mendicantibus erat habere census, & redditus. Et isti novissimi Magistri scribere non reformidant, nullam extare legem, quæ prohibuerit neque Privatis retinere vitalitios census? Magniloquentia Adversariorum opus esset ad tantum commentum exhibilandum.

XIII. Graviore ergo Canonistæ, attento solo communi jure, peculii concessionem improbarunt ante Tridentinum. Et omnes, quos legere licuit, graviore Theologi, unanimi consensu idem peculium damnarunt. Verum quemadmodum Christiani legem Evangelicam tametsi perspicuam violant, sic in Cœnobiis pluribus abusus peculii obtinebar, quamvis Concilia & Regulæ perspicue illud prohiberent. Superiores propria auctoritate abutentes, peculiorum usus quam facillime concedebant. Quare Concilium Tridentinum Lateranensi III. & IV. inherens, novo severissimo præcepto confirmavit exactæ communitatis legem, & peculii prohibitionem. Non novum seu diversum jus condidit; sed novo præcepto, seu novo jure jus vetus confirmavit, declaravit, novas pœnas in violatores constituit, ut egregie docent Fagnanus, Eminentissimus Petrus, & alii communiter. Hæc est facti narratio: & nisi me omnia fallunt, verissima. Ad Tridentinum accedamus.

C A P U T VIII.

Concilii Tridentini Decreta, & Summorum Pontificum Constitutiones exactam communem vitam præcipiunt: peculium quodlibet, sive depositum, sive censum vitalitum prohibent.

Prætermisiss Decretis Conciliorum Lateranensium III. & IV. atque Summorum Pontificum Constitutionibus, & aliorum Conciliorum Canonibus, qui exactam præcipiunt communitatem, quæque omnia legi possunt *Disert. 1. n. cap. VIII. ad XIII. Discipl. Apost. Monastica*, referam dumtaxat Concilii Tridentini Decreta, atque posteriorum Pontificum constitutiones.

§. I.

Primum Tridentini Decretum, quo præcipitur vita communis ut basis Discipline Regularis.

S*ess. 25. cap. 1.* „ Quoniam non ignorat Sancta Synodus, quantum ex Monasteriis pie institutis, & recte administratis, in Ecclesia Dei splendoris, atque utilitatis oritur; necessarium esse censuit, quo facilius ac maturius, ubi collapsa est, vetus & regularis Disciplina inlauretur, & constantius, ubi conservata est, perseveret, **PRÆCIPERE**, prout hoc Decreto **PRÆCIPIT**, ut omnes Regulares, tam viri, quam mulieres, ad *Regula*, quam professi sunt, præscriptum vitam instituunt, & componant: *atque in primis, quæ ad suam professionis perfectionem, ut Obedientia, Paupertas, & Castitas, ac si quæ alia sunt alicujus Regula, & Ordinis peculiariora vota, & PRÆCEPTA ad eorum respectivæ essentiam, NEC NON AD COMMUNEM VITAM, victum, & vestitum conservanda pertinentia, fideliter observent*: omnisque cura & diligentia a Superioribus adhibeatur tam in Capitulis Generalibus, & Provincialibus, quam in eorum visitationibus, quæ suis temporibus facere non prætermittant, ut ab illis non recedatur:

„ cum

„ cum compertum sit, ab eis non posse ea, *quæ ad substantiam regularis*
 „ *vitz pertinent, relaxari.* Si enim illa, quæ bases sunt, & fundamenta
 „ totius Regularis Disciplinæ, exacte non fuerint observata, totum cor-
 „ ruat ædificium necesse est „.

§. II.

Secundum Tridentini Decretum, quo peculium cujusque generis vetatur.

NON satis fuit Sacro Oecumenico Concilio vitæ communis præceptum inculcare, sed insuper aliud adjecit Decretum, quo tam expresse & severe peculium quodlibet prohibet, ut tergiversationi locus non superfit. Est autem hujus tenoris, *cap. II.*, *Nemini igitur Regularium,*
 „ tam virorum, quam mulierum *liceat bona immobilia, vel mobilia, cu-*
 „ *juscumque qualitatæ fuerint, etiam quovis modo ab eis acquisita, tamquam*
 „ *propria, AUT ETIAM NOMINE CONVENTUS, possidere vel*
 „ *TENERE,* sed statim ea Superiori tradantur, Conventuique INCOR-
 „ PORENTUR. NEC DEINCEPS LICEAT Superioribus bona stabilia a-
 „ licui Regulari concedere, etiam ad usum fructum, VEL USUM,
 „ ADMINISTRATIONEM, aut commendam. Administratio autem
 „ bonorum Monasteriorum, seu Conventuum *ad solos officiales* eorum-
 „ dem, ad nutum Superiorum amovibiles, pertineat. Mobilium vero
 „ usum, ita Superiores permittant, ut eorum suppellex statui paupertatis,
 „ quam professi sunt, conveniat: nihilque superflui in ea sit: nihil etiam,
 „ quod sit necessarium, eis denegetur. Quod si quis aliter quidquam
 „ tenere deprehensus, aut convictus fuerit, is biennio activa, & pas-
 „ siva voce privatus sit, atque etiam juxta suæ Regulæ, & Ordinis
 „ Constitutiones puniatur „.

§. III.

§ III.

*Tertium Tridentini Decretum, quo omnis habendi
peculii radix amputatur.*

TAndem, ut Sacrum Concilium omnem habendi peculii radicem e-
velleret, hoc tertium edidit Decretum, quo cavetur, ne ad pro-
fessionem Monasticam admittantur ultra eum numerum, qui ex Mona-
sterii redditibus ali possit. Eadem ergo *Sess. hęc habentur cap. III.* „
„ Concedit Sancta Synodus omnibus Monasteriis, & domibus tam viro-
„ rum, quam mulierum, & Mendicantium, exceptis domibus Fratrum
„ S. Francisci, Capuecinorum, & eorum, qui Minorum de observantia
„ vocantur, etiam quibus aut Constitutionibus suis erat prohibitum,
„ aut ex privilegio Apostolico non erat concessum, ut deinceps bona
„ immobilia eis possidere liceat. Quod si aliqua loca ex prædictis, quibus
„ Authoritate Apostolica similia bona possidere permillum erat, eis spo-
„ liata sunt: eadem omnia illis restituenda esse decernit. In prædictis
„ autem Monasteriis, & Domibus tam virorum, quam mulierum, bo-
„ na immobilia possidentibus, vel non possidentibus, is tantum nume-
„ rus constituatur, ac imposterum conservetur, qui vel ex redditibus
„ propriis Monasteriorum, vel ex consuetis elemosynis commode pos-
„ sit sustentari. Nec de cætero similia loca erigantur sine Episcopi, in
„ cujus Diocæsi erigenda sunt, licentia prius obtenta „.

§. IV.

*Animadversiones in laudata Decreta. Vana quorundam
commenta refelluntur.*

I. **P**rimum Sacri Concilii Decretum exactam communitatem præci-
pit servandam ubi viget, & ubi collapsa est instaurandam. Prælatos omnes severe astringit, ut illius communitatis observationi in-
vigilent. Declarat, nulla eos pollere facultate præfatam communitatem
relaxandi. Hęc quippe communitas basis est & fundamentum univærsæ

Re-

Regularis Disciplina: est forma, qua servari debet votum paupertatis
 Monasticæ: est ipsius voti praxis, & expressa imago.

II. Alterum Decretum, ut præscriptam bonorum exactam communitatem efficacius confirmet, & ab ineptis cavillis sariam testamque custodiat, peculium quodlibet tanta perspicuitate & verbis adeo luculentis prohibet, ut nullus evadendi pateat aditus. Non satis fuit prohibere *possessionem*, quia argutandi occasio remansisset; sed vetat vel ipsam retentionem, seu PECULIAREM USUM *possidere, vel tenere*. Post jubet, ut omnia bona *quovis modo* sive prædicatione, sive lectione, sive industria, sive parentum, amicorumve donatione, aut elemosyna *acquisita, Superiori tradantur*. Hic non sinit Concilium, sed ut fraudem, dolumque illorum improbet, qui asserebant, satis esse bona illa Superiori præsentari, ut voluntate eadem inter bona Monasterii deputeret, & sub ejusdem dominio constituat, usum vero Religioso privato concedat, continuo subdit. *Conventuique incorporantur* eo modo, quo cetera ejusdem Monasterii bona incorporata sunt, ut fufius declarat Clemens VIII. Hæc satis essent ad declarandum communis vitæ præceptum, & ad evellendam cujusque privati peculii radicem. Tamen ultra Concilium pergit, atque Superioribus ipsis potestatem adimit. Quoniam Superiores non pauci laxioris Disciplinae abutebantur potestate dispensandi, declarat, illos eadem carere. *Nec demceps Superioribus liceat &c.* Denique prævenit, damnatque consuetas excusationes & prætextus, quibus se retinere peculia asserebant Regulares ex licentia Superioris, & non ut propria, sed ad merum usum *Facti: Etiam nomine Conventus: Etiam ad usum fructum, vel USUM, administrationem, aut commendam*. Quibus verbis labefactata remanet altera excusatio, qua dicunt, Superiores instituere singulos Fratres administratores proprii peculii. Expresse enim prohibet, ne vel in *administrationem* concedi possit. Quin adjicit, hanc administrationem ad *soles officiales*, ad nutum revocabiles, pertinere. Denique jubet, ut usus mobilium bonorum, quæ ex communi patrimonio pro cella, & indumentis porriguntur, sit congruus statui paupertatis. En *USUM FACTI*, quem Concilium, & Regulæ omnes impertiunt. *Usum vero Mobilium ita Superiores permittant, ut &c.*

III. In postremo Decreto, ut Concilium alteram consuetam repellat cavillationem, qua dicunt, Monasteria, seu Conventus destitutos esse

rel-

redditis, qui ad exactam vitam communem sufficiant, præcipit, ut in posterum in quolibet Conventu is tantum numerus Religiosorum admittatur, qui vel ex redditibus propriis *Monasteriorum*, vel ex consuetis *elemosynis* commode possit sustentari.

IV. Quæro ab Adversariis, quid in his Decretis desiderari potest, si ve ad manifestum vitæ communis servandæ mandatum, si ve ad severissimam cujusque peculii prohibitionem exprimendam? Conferant nunc velini hæc Tridentina Decreta cum Regulis, ad quarum præscriptum professionem emiserunt, & cum Conciliorum Lateranensium Decretis; & nisi ex his omnibus evidentissime concludatur demonstratione luculentissima debitum exactæ communitatis, & cujusque peculii prohibitio evincatur, sponte de sententia decedere velim.

V. Tandem Sacrosanctum Concilium ultimum effugium præcludit eorum, qui opponunt proprii Ordinis Constitutiones, & Capitula quædam eorumdem Ordinum, quæ peculia permittere videntur. Siquidem post tria recensita capita, quæ unice Monasticæ paupertatis observantiam spectant, aliis pro Regularium reformatione editis ordinationibus, præcipit, omnia sua Decreta admissim servanda esse, non obstantibus quibusque privilegiis, *CONSTITUTIONIBUS*, consuetudinibus, vel præscriptionibus, etiam immemorabilibus. *Hæc omnia* (inquit Concilium cap. 22.) *& singula in superioribus Decreta contenta observari Sancta Synodus PRÆCIPIT in omnibus Canonibus, & Monasteriis... non obstantibus eorum omnium, & singulorum privilegiis sub quibuscumque formulis verborum conceptis, ac Mare Magnum appellatis, etiam in fundatione obtentis, nec non CONSTITUTIONIBUS aut REGULIS etiam juratis, atque etiam consuetudinibus vel præscriptionibus etiam immemorabilibus.* Hæc a RR.PP. Magistris altius memoræ mandari velim, ut hinc colligere valeant, quanti sint ponderis, quæ ex Constitutionibus, & Capitulis Regularium a tempore inexactæ laxitatis editis, ut omnes testantur Historici, opponere solent.

CAPUT IX.

*Interpretamenta RR. PP. Magistrorum Vindictis
& Vite Claustralis.*

I. **A**deo lueulenta sunt Tridentini Deereta , ut nulla eludi cavillatione valeant . Nonnulla excogitaverant Defensores peculii sophismata , quæ refert P. Passerinus , adeo vana , ut ridicularia , atque Theologis indigna ostenderit Author Disciplinæ Monasticæ *Dissert. 1. cap. 14.* Dolent RR. Magistri *stigmatizatum* Passerinum talia sophismata obtrudentem : illorum erat *stigmatum* delinire dolorem , & labefactata interpretamenta defendere . Verum tamquam pisces obmutuere ambò , & Passerini responsis neglectis ut vanis , ad alia se recipiunt commenta longe maxime ineptiora . Ne quicquam tamen dissimulem , P. Magister *Vita Claustralis* pag. 254. bellam Passerini defensionem suscipit . Scripsit Author Disciplinæ Monasticæ hanc periodum : *Si quis ex omnibus Regulis Monachalibus vel unam producat , quæ vel annuus redditus , vel pecuniam privatim Monachis impertiat , continuo ei assurgo , victoriamque illi cano .* Reponit autem laudatus Magister : *Non unam , sed plures adducam REGULAS , ex his etiam , quas Romanus Pontifex solemnibus Constitutionibus approbaverit . Quid mihi optabilius , quid jucundius , quam hominem hunc mihi assurgentem , mihi post tot tantisque jactantibus victoriam canentem aspicere , atque audire ?* Prima *Regula* Monachalis , quam ibi adducit , est interpolata Cardinalis de Turre Cremata interpretatio . Secunda *Regula* Monachalis sunt quædam statuta seu Constitutiones Congregationis Cassinensis anno 1680. editæ , & ab Innocentio XI. approbatæ . Cæteræ *Regulae Monachales* , quas Magister noster in medium effert , sunt alia statuta Ordinum Mendicantium , & potissimum Constitutio Ordinis Hieronyminiani a Clemente XII. anno 1734. approbata . Oh quid perdiderunt Benedictus Abbas Anianensis , Hugo Menardus , & Lucas Hølestenius , qui illum non audierunt ! Si audissent , Codicem Regularum Monachalium in immensum auxissent . De Regulis a SS. Patriarchis institutis sermo nunc est , secus de quibusdam sive Capitulis , si-

ve Constitutionibus post collapsam Disciplinam editis . Sed hac de re infra .

§ I.

*Communia utriusque Magistri Vindiciarum, & Vitæ
Claustralis interpretamenta .*

V iam hætenus tum Canonistis, tum Theologis omnibus incognitam ineunt RR. Magistri, ut quoquomodo eludere Tridentina Decreta valeant. Munus cuiusque interpretis est verba, & sensa Sacrorum Canonum expendere, veramque intelligentiam promere . Ita præstiterè Navarrus, Diana, Passerinus, Bordonius, alique . Verum visis istorum commentis ab Autore Disciplinæ Monasticæ penitus convulsis, alio se recipere studuerunt. Intactis itaque relictis Sacræ Synodi Decretis, opponunt plurimos Ordinum Mendicantium Capitulorum Generalium textus, in quibus permitti peculia asserunt . P. Magister *Vindiciarum* pag. 69. & seqq. transcribit omnes textus a *Raphaela de Pornasio* adductos, aliosque similes. P. Magister *Vitæ Claustralis* Dissert. III. cap. 2. quatuor allegat Comitæ Generalia sub quatuor præstantissimis Magistris Generalibus celebrata. Cautè ne, an imprudenter Disciplinam unius determinati Ordinis communi causæ immisceuerint, ceteri videant . Ego, ut, quoad fieri potest, invidentiæ periculo me subtraham, singulares Ordinum invecas consuetudines præteribo, nisi interdum gravis necessitas ab hoc proposito recedendi coegerit, quod nonnisi cautione summa eveniet. In memoriam Lector revocet, quæ Dissertatione prima dicta sunt . Ibi enim ex Ferdinando de Castiglio, ex Olmeda, Fontana, aliisque Historicis patefecimus falsitatem, per quas peculiorum pestis Ordines Mendicantes invasit . Legat, si lubet, *Commentarium Historico-Apologeticum* Caroli Antonii Plantamura, qui, necessitate cogente, ne videlicet seducerentur imbecilles a vanis Pornasio commentis, omnes textus, quos Magistri nostri nunc in nos regerunt, in germano sensu interpretatos inveniet. Consulat quoque, quæ superiore capite ex B. Humberto dedimus. Missis itaque præfatis capitulis, ut ab instituto nostro veluti alienis, quoniam, ut dictum est, non peculiarem, sed communem omnibus pro-

fello-

fessoribus trium solemnium votorum causam oramus, nonnulla satis jucunda ex ultimo adversario obiter indicare lubet.

II. P. Magister *Vitæ Clausstralis*, antequam Tridentina Decreta refert, præfationem valde festivam præmittit, ut retinendo peculio viam pareret. Animadvertit primum, Sacro Concilio ex Regularibus interfuisse quadraginta sex supra centum. Aliquorum sublimia merita effert, encomia laudesque pangit, & quæ sequuntur subdit. „ Adeo ut vix effin-
 „ gi possit, quidquam adversus Clausstralem Disciplinam fancitum fuis-
 „ se, vel quod ejus arctaret vota, aut relaxaret. Et sane, si unus Tho-
 „ mas Castellus, agentibus quibusdam Episcopis, ut prædicationis mu-
 „ nus Clausstralibus interdiceretur, tanto zelo, tantaque animi præsen-
 „ tia Clausstraliū causam oravit . . . ut non leve inter Patres exci-
 „ tarit dissidium; quanto magis si Vota sua, quæ omnis Disciplinæ
 „ Clausstralis basis sunt, fundamentumque præcipuum, e proprio dimo-
 „ veri loco, & quasi luxari animadvertissent, nonne ad ea facta te-
 „ sta custodienda continuo insurrexissent? Aderat Bartholomæus a Mar-
 „ tyribus, . . . aderat Canus, aderat Mutius, aderat Salmeronius, Soto
 „ aderat, aderant & Principum Ordinum Magistri Generales [Deus
 „ bone, quos Viros] Qui viri? qui quantum fervidioris studii in damnan-
 „ dis erroribus adhibebant, tantundem suarum partium putabant NE
 „ QUID NOVI supra proprias Regulas moliretur, aut fieret.

III. Quid prudentius, quid eruditius excogitari poterat? Si celeberrimi Regulares isti animadvertissent, Vota Monastica a Cardinalibus, Archiepiscopis, Episcopis, cæterisque Tridentinæ Synodi Patribus *proprio dimoveri loco & quasi luxati, saclo agmine* insurrexissent. Pape! Nisi celeberrimi isti Mendicantes interfuissent Sacro Concilio, periculum imminabat, ut ejusmodi Patres solemnia Clausstraliū vota *proprio dimoverent loco, eademque luxarent*. At non accidit, quia Regulares *saclo agmine* intercessere. Ergo nihil NOVI supra proprias Regulas molitum est. Nonne omnes Mendicantium Regulæ prohibebant bona stabilia vel in Communi possidenda? Nihil NOVI supra istas Regulas molitum est? Oh quanta eruditio, quantumque prudentiæ in R. Magistro Clausstrali! Nulla ergo in Tridentino Concilio Regularium Reformatio. Eadem ratione nulla Ecclesiasticæ, sicut nulla Monasticæ, Disciplinæ inflauratio? Abolenda ergo tot de Reformatione Decreta. Reponit P. Magister ibidem. „ Si quæ in

„ hæc Synodo facta est Claustralium Reformatio, eo dumtaxat collineabat, ut abusus, praveque consuetudines, non tam Prælatorum coniventia, aut Claustralium malitia, quam temporum injuria invecetæ, de medio tollerentur, & nonnulla eorum privilegia, quæ Episcoporum jurisdictionem minuere quodammodo videbantur, moderarentur. „ Hæcenus R. Magister, concluditque ingeminans illud suum: *CETERA NIHIL*. Quæ amabo te sunt hæc *prave consuetudines*? Qui *abusus* sublati? Nisi Decreta Tridentina haberemus ad manus, Deus scit, quæ confingeres Commenta. Pravam relaxatæ Communitatis consuetudinem, abusus, & corruptelam peculiorum, se auferre de medio Sacra Synodus testatur in Decretis suis, ut legenti constat. Nec longiorem poscit consultationem lepidum commentum, quod Sacra Synodus *cit. sess. 25. cap. 22.* conceptis verbis damnavit. Decretum recitavimus supra cap. VIII. §. 4. n. 5. & iterum rescribam infra.

IV. Aliud non minus curiosum interpretamentum referre lubet, quod habet Magister Vitæ Claustralis *cap. 1. pag. 269.* ubi scribit: „ Sive enim peculium sit ex annuo censu, quem parentes filiis suis Claustrum ingredientibus destinant, sive ex privatorum Claustraliū industria. ac labore, *semper inter bona mobilia computari debet, ut pote quod ad Superiorioris nutum auferri potest, & tolli* „ . Retineant privati Claustrales fundos, domus, redditus, villas. Hæc inter bona mobilia computari debent, quoniam ad nutum Prælatorum revocari possunt. Quid Sacrum Concilium prohibet, nemini Regularium tam virorum, quam mulierum liceat bona immobilia, si respectu Claustralium nulla dantur in rerum natura bona immobilia, quando consensus Prælatorum eum potestate illa revocandi accedit? Hæc tamen Prælati potestas immobilis sit oportet ad mortem usque: immo a tot sæculis immobilis fuit, dum nunquam hæc revocavit peculia.

§. II.

Potissimum RR. Magistrorum sobrietas nixum Constitutionibus plurium Regularium Auctoritate Apostolica approbata etiam post Tridentinum. Eorundem insincera fides in referendis O. P. Capitulis Generalibus. Ab enormi impostura vindicantur Magistri Generales Iustinianus, & Caballus.

I. **C**onstitutiones, seu Capitula Generalia plurium Ordinum Regularium, peculia, seu deposita in communi arca servata permittunt, Ejusmodi Constitutiones, seu Comitua Generalia, Summorum Pontificum auctoritate confirmata sunt: ergo peculia licita. Roma rescripta venerunt: ergo causa finita est. Magister *Vindex* pag. 160. refert Ordinationes pro Provincia Regni sui latas, quas duo Visitatores Apostolici jussu Sixti V. approbarunt, & in eisdem peculium permittitur. Pag. 164. refert Capitulum Generale celebratum anno 1605. subdens: „ Quid insuper, si addas Constitutiones, sive statuta illustrium Ordinum „ Regularium post Tridentinum edita, quibus deposita permittuntur, „ modo juxta Tridentini legem in communi arca servantur. Argutissime. Tridentinum legem condidit servandi peculia privata in communi arca? Ubinam in Tridentino lex ista? Sed mittamus hominem pro ingenio, quæ sibi arident, effingentem.

II. P. Magister Vitæ Claustralis plurium Ordinum Constitutiones, peculium seu depositum in communi arca servandum permittentes, exscribit a pag. 255. videlicet Constitutiones Cassinensis Congregationis, Ordinis B. Mariæ de Mercede, Minorum Conventualium, Regulam Tertii Ordinis S. Francisci a Clemente XII. anno 1739. approbatam, quæ peculium permittit, pluraque alia Ordinum Mendicantium statuta, quæ præterea; nam omnia eo unice pertinent, ut hanc inferant Conclusionem: Constitutiones plures Ordinum Mendicantium, etiam post Tridentinum editæ, permittunt peculia. Constitutiones istæ sunt ab Apostolica Sede approbatæ. Ergo peculium licitum est.

III. Mitto quod omnes istæ Constitutiones allatæ a RR. Magistris dam-

damnant tanquam vitio proprietatis infecta peculia, quæ reipsa communiter obtinent in Cœnobiis laxioris Disciplina. Quoniam peculia, quæ in praxi vigent, sunt hæc. Quisque exigit suos census vitalitios : quisque crumenulam lateri hærentem habet, nisi involuntaria paupertas impediatur. Quisque, prout sibi placuerit, in honestos usus suas distrahit pecunias. Ad summum, qui tot pecunias habent, quæ quoridianis indigentis superfluunt, majus marsupium in communi arca recondunt, parva tamen retenta portione. Hujus praxis Univerſus terrarum Orbis testis est. Si aliqui privati secus agunt, ex ipsorum peculiari fervore, non ex vi Disciplina, quæ obtinet, ortum ducit. Porro omnes adductæ Constitutiones, tametsi infelicitum temporum calamitate editæ, id genus peculia ut sacrilegio proprietatis polluta damnant, solumque permittunt, quod si Religiosus pecunias habeat, *omnes*, aures intendite, *omnes* in communi arca deponat, & quod aliqua urgente necessitate ex Prælati venia expendat. Præcipiunt, quod ejusmodi deposita sint ad breve tempus, & in parva quantitate. Iltarum Constitutionum aliæ severius, aliæ mitius has condiciones præscribunt : omnesque, ut dixi, peculia hodierna damnant. Neque reponant *RR. MM. peculia a me descripta* abusus esse privatorum quorundam. Quoniam vi corruptelæ serpentis cuique liberum est præfata peculia retinere, & reapse communiter retinentur. Id solum verum habet, quod aliquis privatus, propria ductus conscientia, omnibus pecuniis se se expoliat, & pro aliqua gravi necessitate parvum peculium in deposito communi retinet. Et si quisistorum sunt, ab aliis ut stulti, ab aliis ut morosi, a quibusdam ut Sancti habentur. Rem omnibus manifestam narro. Verum hæc omnia missa facio.

IV. Pudori, & famæ Adversariorum, in re litteraria, parecerem, si id fieri posset absque universi Ordinis dedecore. Non puduit Magistros eximios tanquam Tridentini Concilii contemptores traducere, & Magistros Generales Justinianum, & Caballum, & Comitiam ipsa Generalia, quasi post Tridentinum, ut licitos permiserint annuos census Fratribus privatis. Ut ab hac impostura enormi Univerſum Ordinem liberem, Textum describo ipsius Capituli Generalis, laudati a Magistro *Claustali*, celebratique anno MDLXIV. Bononiz a Generali Justiniano, ubi apud P. M. Vincentium Fontana *verb. de bon. Fratr. pag. 66.* hæc ha-

habentur. Quoniam ad extirpandum proprietatis vitium præcipue S. Synodus intendisse videtur : ne quid in Fratribus nostris illius vestigium superstet, omnibus nostri Ordinis Professoribus harum serie denunciamus, quod omnia bona immobilia, & **QUICUMQUE ANNUI REDDITUS**, vel proventus, undecumque advenire soleant, **COMMUNI** nostri Ordinis **UTILITATI** incorporata & applicata sunt, sicut etiam nos presenti Decreto applicamus, & incorporamus. Communi ergo Fratrum utilitati, communi usui incorporati, & applicati sunt census vestri vitalitii. Cur hunc luculentissimum textum præteristiis?

V. Verum, ut Magistri Clausstralis sinceritas plenius pateat, lubet aliud luculentius documentum in medium proferre. Laudatus ergo Magister Generalis Vincentius Justinianus, præter Capitulum Bononiense, aliud celebravit Romæ an. 1569. in quo evidentius etiam declarat, census vitalitios vetitos a Tridentino esse, & Magistros *Clausstralem*, & *Vindicem*, & cæteros omnes habentes annuos redditus, vel eos defendentes, esse sacrilegæ proprietatis reos. Hæc sunt verba Capituli apud Fontana locut. *Declaramus omnes Fratres, qui redditus particulares habent CONTRA Decreta Summi sancti Concilii Tridentini, & Declarationem Capituli Bononiensis, esse PROPRIETARIOS, & pænis proprietarii debitis subiacere. Præcipimus in Virtute Spiritus Sancti, & S. Obedientiæ Provincialibus Provinciarum, & Vicariis Congregationum ac Vicariarum, ut omni diligentia adhibita studentis HOS TALES cognoscere, & pænitentiis debitis punire. Et, ut omnis species proprietatis tollatur, ordinamus, ut in TOTO ORDINE, & maxime apud Fratres Provinciarum utriusque Regni, & Vicarium in Italia, Eleemosyna Confessionum, & Prædicationum COMMUNITATI fideliter consignetur, AD USUM COMMUNITATIS FIDELITER CONVERTENDÆ.*

VI. Quis nunc ferat ausum Magistri Clausstralis, qui & suum Generalem Magistrum, & universum suum Ordinem traduxit, ac infamavit? Audiant RR. Magistri quid Augustinus scribat ser. 356. olim 50. adversus oppugnatores exactæ communitatis. Scio quia querentes licentiam male faciendi, querunt sibi exempla male viventium : & multos infamant, ut socios invenisse videantur. Magister ergo Justinianus cum suo Capitulo Bononiensi testatur, vetita a Concilio Tridentino pecunia privata. Et quoniam Fratres refractarii aliqui tunc, quemadmodum nunc, reperti fuerunt :

runt : iccirco in sequenti Capitulo Romano an. 1569. *Proprietarios* declaravit Fratres ejusmodi . Et quod magis etiam verberat ora Magistrorum loquentium falsa, addit Generalis cum suo Capitulo : *Ut omnis species proprietatis tollatur, ordinamus, ut in toto Ordine Eleemosynæ confessionum, & Predicationum COMMUNITATI fideliter consignentur, ad USUM COMMUNITATIS fideliter convertenda.* Ergo tam Magister Clausstralis, quam Magister Vindex, eorumque Affectus sunt accensendi illis Proprietariis, quos damnat Magister Generalis *Justinianus* . Nullum nunc evadendi effugium. Aut census vitalitii, insuper pecuniz lectione, prædicatione, aliaque via comparatz, & cætera omnia bona in communem Fratrum usum convertenda : aut tanquam *Proprietarii* ab Altari arcendi sunt, qui oppositum agunt, Judice Magistro Generali Justiniano, ad quem appellarunt. Ad majorem præfati Justiniani, & Universi O. P. gloriam, magisque retundendam, ut mitissime loquar, Magistri *Clausstralis* dicacitatem, referenda sunt verba, quibus in Chronica Magistrorum Ord. narratur, laudatum Capitulum Bononiense adductum fuisse in exemplum adversus aliorum Ordinum Fratres, qui obedire Concilio detestabant. *Et hoc deseruere* (inquit Chronicon cap. XVII) *per normam* & exemplo aliis etiam Religiosorum Ordinibus, qui dum in Curia Romana in contra reclamare aliquantum attentarent, iis statuta, & Decreta Capituli nostri Bononiensis a Judicibus objiciebantur, ut nimirum obtemperarent Concilio ad exemplum FF. Predicatorum.

VII. Pestis tamen *Clausstralitatis* seu *peculiaritatis* penitus deleri ab universo Ordine nunquam potuit. Sed quemadmodum tunc extiterunt, teste Generali *Justiniano*, plures Proprietarii Concilio inobedientes; ita nunc plures reperiuntur successores, qui communitati refragantur, quorumque partes Magister *Clausstralis* propugnat contra Decreta & Concilia, & Capitulum proprii Ordinis. Heinc est, quod Comitibus Generalia ad majora præcavenda mala, ut fieri solet, permiserunt interdum Depositum. Sed quibus conditionibus? Audiant RR. Magistri: IN PARVA QUANTITATE, AD BREVE TEMPUS, AD DETERMINATUM USUM. Præcipiunt, ut non penes Fratres, sed in communis arario custodiatur manu officialium expendendum. Fratres autem, qui, his severissimis conditionibus neglectis, peculia, quæ defendit Magister *Clausstralis*, retinent, Proprietatis crimine inquinatos damnant Comitibus

mitia Generalia Valentie celebrata anno 1596. idest circiter 22. annos post Capitulum celebratum a Seraphino Caballo. Confirmamus, quod pro voto paupertatis, ut decet, servando, & vitio proprietatis penitus eradicando, sancte statutum fuit, potissimum quod deposita, non nisi in moderata quantitate, & ad DETERMINATUM, IDQUE BREVE TEMPUS, VEL USUM concedantur: & quia prefatam Ordinationem minus diligenter a quibusdam observari, quam par sit, intelleximus, alios vero sub prae-textu determinati usus suam legis inobservantiam palliare, quasi licitum illis sit LONGO TEMPORE sub tali prae-textu in deposito pecunias habere, quas & PRO OCCURRENTIBUS USIBUS INDIFFERENTER postmodum expendunt: Declaramus intentionem nostram esse, quod ubi Prælatus determinaverit, presentatis sibi a subditis pecuniis, pro pio usu determinato specialiter in Deposito assevari debeant, non licere subdito in alios usus easdem pecunias expendere, nec Prælato facultatem eisdem ad id tribuere, quem virtute presentis Decreti privamus. Quare VITIUM PROPRIETATIS incurrit subditus huic statuto contraveniens, & vitium usurpatæ authoritatis Prælatus, in cuius penam ab officio absolvi debet. Sciatis proinde, qui pecunias undequaque habuerint, teneri infra terminum 24. horarum easdem Prælato suo presentare, & de ejus licentia in Communi deposito ponere. Ita etiam præcipimus in virtute obedientie, & sub formali præcepto, a quo nec Præsidentes locorum, aut Convantum eximantur.

VIII. Hanc eandem legem confirmarunt Comitæ Romana anni 1601. & Capitulum Generale Romæ pariter celebratum anno 1644. Ord. II. Priores de Consilio Fratrum instituant Depositarios, qui particularium Fratrum deposita, UBI hujusmodi ADHUC TOLERANTUR, asservent: ubi autem particularium depositorum PERMISSIO feliciter exolevit, persistatur in sancta consuetudine, nec permittatur, ut quidquam irrepas, quod laudabilem & EXACTISSIMAM RERUM COMMUNITATEM, sanctæque Paupertatis observantiam vel in MINIMO relaxare possit.

IX. Duo nunc colligas velim. Primum, duo Capitula Generalia Bonon. an. 1564. & Roman. an. 1569. sub Magistro Generali Justiniano celebrata, evidentissime declarare, prohiberi a Concilio Tridentino privata peculia, & exactam præcipere, seu præceptam confirmare rerum

communitatem. Omnia ad unum Capitula Generalia Ordinis scelere proprietatis infectos declarant omnes tum Prælatos, tum subditos, qui deposita retinent, aut *longo tempore*, aut *ad usus indeterminatos*, vel in quantitate non parva. Quid ergo Comitibus ejusmodi obijciunt Magistri nostri? Alterum est, quod laudata, aut laudanda Ordinis Comitibus præfata deposita privata, ne quidem tam severis conditionibus circumscripta approbant, ut absolute licita, sed tolerant, ut majora impediunt mala. Opportuna sunt verba P. Magistri Innocentii *Pencini* publici in Universitate Patavina Professoris, & Conventus Veneti SS. Joannis & Pauli alumni in suo de electione Canonica Opere ubi *cap. XII. pag. 82. n. 9.* recenset citata Capitula Generalia, hac adjecta observatione lingua vernacula. *Con questa medesima permissione hanno molti Capitoli Generali sopportato particolari depositi, benchè con singolari circostanze e circospezioni. Quindi nel Capitolo di Roma 1571. [sub Seraphino Caballo]* „ statuitur, ut in Provinciis, in quibus consuetum est permittere deposita „ singulorum Fratrum „ **ECCO CHE È UNA PERMISSIONE AD DURITIEM CORDIS, COME IL LIBRETTO DEL REPUDIO NELE ANTICA LEGGE.** *Deut. cap. 24. Sempre si dice in modica quantitate, ad breve tempus, ad certum usum. Ma oimè, che la poca quantità passa talora in somma grande. Il breve tempus dura tutta la vita, e gli usi determinati divengono senza alcuna pratica restrizione arbitrarij ad ogni suddito.*

X. Hæc, quæ hætenus dicta sunt, in tuto collocant sapientiam, probitatemque Generalium Magistrorum *Justiniani*, *Caballi*, aliorumque, qui post sinceram Concilii interpretationem, necessitate coacti, deposita tot severis terminis circumscripta tolerarunt. Interpretamenta utriusque Magistri *Claustalis Vite*, & *Vindictiarum* gravissimam infamiae labem præfatis Magistris-Generalibus, & universo Ordini aspergunt. Illos tanquam Concilii Tridentini violatores contemptoresque traducunt. Sole meridiano clarius est, Tridentinum absolute peculia vetare, Prælatisque inhibere, ne eadem permittant. Nullum in Tridentinis Decretis verbum ambiguum vel ipsi RR. Magistri objicere valent. At inquirunt, Generales Magistri post Tridentinum concedunt peculium. Hætenus evidenter ostensum est oppositum. Sed ut eos undequaque ad incitas redigam, verum sit quod fabulantur. Quid heinc? Ergo, hac data hypotesi, Tridentina De-

cretis

creta violarunt, contempserunt Generalia Comitia. Hæc est legitima illatio. Tantum ne facinus imponis Sapientissimis Viris? Non ego, qui infior, sed vos, qui asseritis eisdem peculia approbasse, scelus prævaricationis iisdem impingitis. Tridentina namque Decreta luculentissima sunt, nulli tergiversationi obnoxia. Urgeo adhuc. Sint Tridentina Decreta ambigua, quod tamen falsum est: qui istorum Legitimi interpretes? Fratres Mendicantes, an Summi Pontifices? Quid reponitur? Pontifices. Agite dum ergo, Pontifices adeamus. Clemens Papa VIII. Paulus V. Urbanus VIII. & cæteri omnes successores apertissime declarant, Tridentinum Concilium peculia prohibere, Prælatisque facultatem adimere, ne peculia permittant. Vetant poenis constitutis, ne quisquam audeat præfata Tridentina Decreta interpretari præter Congregationem in hunc finem erectam. Quid ergo Fratrum Capita obtrudunt, ut Decreta Concilii eludant? Quid aliud inferunt, si quid inferunt, oppositæ cavillationes, nisi Fratres Mendicantes, repugnante Concilio Tridentino, reclamantibus Pontificibus Summis peculia obfirmata reluctantiâ retinuisse, & in dies retinere. An propterea in hominum mores detorquendæ sunt leges? Propterea ne legum vim elevari transgredientium multitudo? Fulsus quam par erat, disputatum.

§. III.

Oppositum sophisma, Mendicantium Constitutionibus Auctoritate Pontificia confirmatis innixum, omnium Canonistarum Theologorumque consensu refutatur, convellitur.

I. **S**Ciant itaque RR. Magistri, pervertutum esse, rancidumque objectum sophisma a Capitulis Generalibus, & ab auctoritate Sedis Apostolicæ arefictum. Audiant Gersonius, qui illud sibi opponit in tract. contra Propriet. part. 3. his verbis. Tercio obijciunt Proprietatis defensores, quod in Capitulis eorum de ejusmodi proprietatis USU dispensatum est usque adeo, quod amplius non sit timendum. Et Paulo ante opponit auctoritatem Papæ. Sed dicunt forte, quod Papa, vel Ecclesia cum eis super hoc dispensavit. Audiant Papam Innocentium expresse dicentem: Abdicatio proprietatis &c. ergo o fortiori nec Generale Capitulum Ordinis, nec Abbas potest indulge-

dulgete licentiam Votum paupertatis adeo annexum est Regula Monachali, ut non assimet Abbas, quod super habenda proprietate possit cum aliquo dispensare. Nec cavillari possunt, Gersonium intelligendum de proprietate, seu peculio quantum ad dominium, cum expresse loquatur de USU proprietatis. Sed quæso animis adsint, ut audiant, quo acri, falsoque stylo Mellissius Doctor D. Bernardus præfatum sophisma a laxioris Disciplinæ Monachis sibi obtrusum propulset, exhibiletque Episc. 7. ad Adam Monachum n. 9. Quod vos quoque non immerito timentes, nec satis de propria causa confidentes, remorsus, & remordentes Conscientias APOSTOLICA comati estis delinire LICENTIA. O frivolum satis remedium? Quod non est aliud, nisi more Protoplastorum cauteriatis Conscientiis texere perizomata: videlicet ad velamentum, non ad medicamentum. APOSTOLICAM, inquit, LICENTIAM quesivimus, impetravimus. Utinam licentiam non quesivissetis, sed consilium: id est non ut liceret, sed an liceret. Unde tamen quærebatis licentiam? Ut liceret quod non licebat? Facite itaque volebatis quod non licebat Sed quod non licebat malum est Hujus tamen malis patrands querendum putastis esse licentiam: sed ad quid? An, ut quanto licentius, tanto securius, & quanto securius, eo & periculosius peccaretis? MIRA CAUTELA, ET STUPENDA PROVIDENTIA. Malum quod jam corde conceperant, opera tamen cauti fuerunt non implere, nisi CUM LICENTIA. Conceperunt dolorem, sed non pepererunt iniquitatem, donec iniquo conceptui PAPA praberet assensum. QUO LUCRO? Quovo saltem compendio mali? Numquid ideo aut malum esse desuit, aut vel minuaturn est, quia PAPA concessu? Quis vero malum esse neget, assensum prabere malo? QUOD TAMEN SUMMUM FENCISSE PONTIFICEM NEQUAQUAM CREDIDERIM, NISI AUT CIRCUMVENTUM MENDACIO, AUT IMPORTUNITATE VICTUM. Hæc serio perpendant RR. Magistri, & interim ego ultra pergam.

II. SS. Patriarchæ Dominicus, & Franciscus, alique Mendicantium Institutores gravem Monasticæ Disciplinæ relaxationem a Bernardo descriptam, privatoque peculio investam animadvertentes, ne simili jacturæ obnoxie evaderent Religiones a se institutæ, severiorem illis indixere paupertatem. Temporum injuria hac quoque paupertate remissa, pedetentim, ut contingere solet, laxitas, pro lege habita, & statutis confirmata fuit,

fuit, pluribus tamen adjectis aggeribus, ut dictum est. Postremi Clericorum Regularium Ordinum Instructores, spectantes & ipsi Mendicantium declinationem ex relaxatione paupertatis, sicut quodlibet ædificium ex fundamenti imbecillitate corrui, paupertatis rigorem auxerunt. Et quod maxime ad rem nostram facit, D. Patriarcha Ignatius aperte testatur, quod Constitutiones Recentis quorundam Mendicantium minime respondeant Regulis Sanctorum Fundatorum. *Quia humana natura hostis ad hoc propugnaculum [paupertatis] ac refugium debilitandum eniti solet, ex, quæ a primis Fundatoribus bene ordinata fuerunt, INNOVANDO per DECLARATIONES, vel innovationes Primo illorum spiritui MINIME CONSENTANEAS, ut quod in nobis situm fuerit &c. par. 6. Const. cap. 2. Consule Discipul. Apof. Monaf. Diss. 1. cap. 8.*

III. D. Bernardus fuit Doctor Asceta sicut Dionysius Carthusianus, inquit Magister *Vindex* pag. 90. Cæteri Patriarchæ cæstro fervoris perciti paupertatem commendant, & præservida eloquentia exaggerant. Bene habet. Audite ergo alios duos S. Romanæ Ecclesiæ Cardinales. Bellarmin. *Epistol. ad Nepot. Quoniam Papa non est Dominus sed Dispensator: ideoque qui iniquam dispensationem petit, iniquitatis causa est, & qui ea utitur, eadem semper irretitur iniquitate.* Alter Cardinalis est Franciscus Tolæus, qui contra Pensionarios, allegantes Summi Pontificis dispensationem, hæc scribit. *lib. 3. cap. 84. Sine causa enim non habet locum dispensatio, sed tantum in foro exteriori. Unde qui pensiones retinent etiam cum dispensatione, si non adest causa legitima; securi non sunt, nec excusantur, quia Papa dedit. Et ipsius est considerare quomodo dedit. Hoc enim non excusat. Si enim quis accipiat pecuniam ab æcono, quem scit male dispensare res Domini, & contra justitiam, non potest nunc retinere. Papa autem non est Dominus bonorum, & reddituum Ecclesiæ; sed tantum universalis dispensator. Unde sicut cum dispensat in voto, non facit hominem securum in conscientia, nisi causa adsit, ita in pensionum, & beneficiorum distributione.*

IV. Hæc nimium remota sunt, & universalia, nec recta occurrunt oppositioni factæ. Agite dum ergo, vos qui passim Canonistarum obtruditis auctoritatem, ad Canonistas accedamus. Ut itaque omnibus explorata sit fides, & cruditio vestra, Lectores admonere juvat, præfatum sophisma obiectum olim fuisse a duobus Baccalaureis Lovaniensibus PP.

Cleacrtis

Cleerts & Wynants Ord. S. Aug. Zegero Van-espensio, qui illud explo-
dit *opuscul. de pecul. Append. 2. Reflex. 3. pag. 114. Edit. Venet.* Pri-
mum omnium Vanespensius improperat Baccalaureis Lovaniensibus igno-
rantiam rei Canonice, & post allatas Constitutiones & Capitula Genera-
lia Gregorii XIII. auctoritate approbata, eos veluti deridendos propinat.
Verum (inquit) *cum hac materia Canonistas magis, quam Theologos spe-*
ctet, eximio (Magistro) *facile in hac materia error condonandus est.* Ma-
gistrorum, qui Vanespensium passim *Rigoristam* appellant, erat, ejusdem
refellere doctrinam, cum ab eodem non pauca mutuo accipere documen-
ta. Næ illhæc bona disputandi fides? argumenta centies soluta, iterum
promere, solutione indicta? Si responsum imbecille est: cur non refuta-
tum? Si solidum: cur cantio recantata? Audiant ergo iterum commu-
nem & ineluctabilem Canonistarum, & Theologorum resolutionem. Du-
plicem Canonistæ distinguunt confirmationem Pontificiam alicujus Statuti,
Capituli, aut Constitutionis. Alteram *communem* vocant, seu in *forma*
communi. Alteram in *forma speciali*, sive *ex certa scientia*. Confirmatio
ex certa scientia, & in *forma speciali* ea est, quæ fit cum perfecta noticia
totius negotii, & omnium circumstantiarum, & quando tenor totius pri-
vilegii, aut Constitutionis inseritur in ipsa confirmatione, ut docet lauda-
tus Van-espens, & penes ipsum Barbosa *ad cap. 4. de cons. util. & inu-*
alitis. Et hæc confirmatio in *forma speciali* magnam inducit auctorita-
tem. Confirmatio in *forma communi* est simplex permissio, seu approba-
tio, hac semper circumscripta clausula: *Modo Sacris Canonibus, Tridentini*
Concilii Decretis, & Constitutionibus Apostolicis non adversentur. Nemo
mentis compos dixerit, Statuta Capitulorum, sive Constitutiones Regula-
rium approbatas esse in *forma speciali*. Quoniam etiam si Pontifices ex-
pediti essent ab omnibus aliis gravissimis sollicitudinibus Apostolicæ negotiis,
haud possent plenam, exactamque omnium Regularium Capitulorum, &
legum notitiam excipere. Sunt ergo Capitula, & Constitutiones Regula-
rium approbatæ a Sede Apostolica in *forma communi*, nimirum hac adje-
cta clausula: *dummodo non adversentur Decretis Concilii Tridentini, &*
Constitutionibus Clementis VIII. Pauli V. Alexandri VII. Innocentii X. &
XII. Aut itaque Constitutiones Regularium concedunt absolute subditis
peculium, census vitalitios, seu bona immobilia ut licita: aut secus. Si
secundum, sunt approbatæ. Si primum, in hac materia sunt reprobatæ tan-
quam adverfæ Sacro Tridentino Concilio.

V. Instant, urgentque Magistri nostri. Tu ne erroris damnabis Patres illos numero, doctrina, laureis, & gradibus conspicuos, qui Capitula formant, & Statuta edunt? Abiit a me audacia tantum. Sed percontor dumtaxat a vobis. Concedunt ne Constitutiones istæ deposita privata, & bona stabilia Fratribus sive ad usum fructum, Commendam, administrationem, vel usum? Ait is? Ergo repugnant Tridentino, & corruptelam severissime vetitam continent. Si secus, lis finita est. Venum, quia sophisma hoc ex Regularium Constitutionibus Autoritate Apostolica approbatus erutum, fucum non levem facere imperitis solet, lubet paulo fusius illud penitus labefactare.

VI. Animadvertunt Fagnanus, Van-espén, & alii Canonistæ, qui præsumptum sophisma ut ineptum commentum propulsant, occurrere non raro in aliquibus Capitulis Regularium Statuta quæpiam condi, similia iis, quæ quandoque edita sunt in Capitulis Ecclesiarum Cathedralium, de quibus hæc decernit Synodus Colonienfis anno 1536. p. 3. cap. 19. „Hæc fere quotquot sunt Cathedralis ac Collegiatæ Ecclesiæ suum volumen peculiarium Statutorum, quæ interdum pro affectu privato cuiuslibet augentur, & ac cresunt. Inter hæc reperies quamplura, quæ quæsum magis, quam pietatem respirant: & ad inæqualitatem potius, quam æqualitatem faciunt. Unde discordia inter Fratres, ut fieri solet, frequenter alitur; concordia vero scinditur, laceraturque. Et quamvis pleraque inter hæc iniqua reperias, adiguntur tamen, quicquid cens admittuntur, ut ad huiusmodi Statutorum observationem (etiam penitus ignari, quid continent illa) citra ullum delectum iure iurando se se alligent, cum tamen iuramentum non debet esse iniquitatis vinculum, nec ad ignorata extendi. Operæ pretium itaque nobis videtur huiusmodi Statutorum volumina inter visitandum excutere, & quæ evangelicæ puritati, atque fraternæ charitati, denique disciplinæ Ecclesiasticæ minus consentanea reperta fuerint, rescindere &c.

VII. Rem hanc urgentius confirmat Decretum Sacri Concilii Tridentini Sess. 24. cap. 24. de Refor. quod est istius tenoris. „In pluribus Ecclesiis tam Cathedralibus, quam Collegiatis & Parochialibus ex earum Constitutionibus, aut ex prava consuetudine observari intelligitur, ut in electione, præsentatione, nominatione, institutione, confirmatione, collatione, vel alia provisione, sive admissione ad possessionem „ali-

„alicujus Cathedralis Ecclesiæ, vel beneficii, Canonicatum, aut Præbendam, vel partem proventuum, seu ad distributiones quotidianas, certæ conditiones, seu deductiones ex fructibus, solutiones, promissiones, commutationes, seu deditiones, aut etiam quæ in aliquibus Ecclesiis dicuntur. „Turnorum lucra, interponantur: Hæc cum Sancta Synodus detestetur, mandat Episcopis, ut quæcumque hujusmodi in usus pios non convertuntur, atque ingressus eos, qui *Simoniaca labis* aut *sordida avaritia* suspicionem habent, fieri non permittant: ipsique diligenter de eorum „*Constitutionibus*, sive consuetudinibus super prædictis cognoscant: & illis tantum, quas ut laudabiles probaverint, exceptis, reliquas, ut „*prævas ac scandalosas* rejiciant, & aboleant.

VIII. Tandem concludit Decretum his verbis. „Non obstantibus, quibuscumque Statutis, *Constitutionibus* & consuetudinibus, etiam immemorabilibus, etiam APOSTOLICA AUTHORITATE confirmatis, de quarum subreptione, & intentionis defectu Episcopus, tanquam „Apostolicæ Sedis delegatus, cognoscere possit „.

IX. Clarius etiam rem nostram confirmat idemmet Tridentinum Concilium *cir. sess. 25. cap. 22.* his verbis. *Hæc omnino in superioribus Decretis contenta observari Sancta Synodus præcipit in omnibus Canoniciis ac Monasteriis . . . Non obstantibus eorum omnium, & singulorum Privilegiis sub quibuscumque formulæ verborum conceptis, ac Mare Magnum appellatis, etiam in fundatione obtentis, nec non CONSTITUTIONIBUS etiam juratis, atque etiam consuetudinibus, vel præscriptionibus etiam immemorabilibus.* Supponit ergo Tridentinum, aut reapse reperiri, aut posse reperiri Constitutiones, & Statuta Regularium suis adversa Decretis, quæ servanda illis non obstantibus præcipit. Si asserit plura extare in Statutis, & Constitutionibus Ecclesiarum Cathedralium, tamen per *Sedem Apostolicam confirmatis*, quæ pravitatis labe respersa sint: æque, vel etiam multo magis id accidere potest in Capitulis, & Constitutionibus hujus, vel illius Ordinis Regularis. Hæc omnia docent Barbosa, Fagnanus, ceterique Canonistæ. Adeant RR. Magistri Sacram Rotam, ubi in dies audient præfatam distinctionem in *FORMA COMMUNI*, & in *FORMA SPECIALI*. Quæro nunc iterum ab eisdem: est ne honesti Theologi in medium argumenta adducere millies convulsa, nulla adversæ doctrinæ, qua soluta sunt, facta mentione? Hæc disputandi ratio,

ratio, non veritati assequendæ, sed imperitis decipiendis est quam maxime peridonea.

X. Verum ut magis adhuc magisque palam fiat, quam futile sit obiectum sophisma, lubet alia evidentissima argumentatione illud convellere. Innocentius XI. in sua Constitutione data anno 1679. cujus initium est: *Cum nos alias &c.* Constitutionum O. P. correctionem præcipit his verbis., Eligantur quatuor, vel sex Religiosi ex doctioribus, „ & provectioribus, magisque informatis, quibus committatur cura re-
videndi *Constitutiones*, earumque Glossas, & Ordinationes, ac refe-
rendi Capitulo Generali quænam exigant *correctionem* vel emenda-
tionem, sive declarationem, & aliam provisionem in omnibus iis,
quæ concernunt statum, & commodum Religionis, ac *observantiam*,
„ & *Disciplinam Regularem*. Hoc idem præcipiunt vel ipsa Ordinis
Capitula Generalia, ex quibus, plurimis missis, duo ultima allegabo,
utpote majoris ponderis. Itaque Capitulum Generale celebratum Romæ
anno 1721. sub Generali *Pipia*, postea S. R. Ecclesiæ Cardinali, sub ti-
tulo *Commissiones* pag. 13. hæc præcipit., „ Committimus eidem Reve-
rendissimo, ut eligat quatuor Religiosos ex doctioribus, provectio-
ribus, magisque informatis, quibus demandetur provincia revidendi
„ *Constitutiones*, earumque Glossas, & Ordinationes, ac referendi fu-
turo Capitulo Generali 1724. quænam exigant *correctionem* vel emen-
„ *dationem &c.* Tandem Capitulum Generale ultimum, celebratum an-
no 1725. Bononiæ, titulo *Commissiones* num. 8. pag. 107. hanc eam-
dem ordinationem insinuat, laudatque præceptum Pontificium Innocen-
tii XI.

XI. Hinc sic colligo. Sedes Apostolica, & Ordinis generalia Comitia præcipiunt Constitutionum revisionem, ut corrigenda corrigantur,
& emendanda emendantur in iis, quæ spectant *Disciplinam* & obser-
vantiam Regularem. Ergo tam Pontifices, quam Sacri Ordines suppo-
nunt reperiri posse in Constitutionibus Statuta adversa Tridentinis De-
cretis, & Pontificiis Constitutionibus. Ergo non Tridentinum ad Con-
stitutiones, sed Constitutiones ad Tridentinum revocandæ sunt: & si
quid adversum continent, corrigendæ, & emendandæ. Eant nunc RR.
PP. Magistri & vociferentur: Constitutiones Ordinum Regularium, au-
thoritate Pontificia approbatæ, permittunt præculium, etiam post Tri-

dentinum Concilium, & Clementem VIII. Ergo nec Tridentinum, nec Clemens VIII. vetant deposita, census vitalitios, seu bona stabilia retineri posse a Fratibus privatis. Quam sit falsa, insulsa, & inepta hæc argumentatio, nemo est qui non videat. Nam Constitutiones, aut sunt Autoritate Pontificæ approbatæ, aut secus. Si secundum, titulo approbationis Pontificæ nullam vim habent, eo quippe carent. Si primum. Cedo: cujus generis est hæc confirmatio, *specialis*, an *communis*? Si *specialis*, non subjacerent Capitulorum correctioni, nisi authenticas Summorum Pontificum confirmationes supponere velint Fratrum Capitulis. Est ergo approbatio, seu permissio Communis, ex qua, proportionem servata, non melior colligitur argumentatio, quam sit hæc. Hic liber est approbatus ab Inquisitore, ab Episcopo, a Revisoribus: ergo nullum continet errorem.

§. IV.

Incredibilis P. Magistri Vitæ Clausstralis hallucinatio in interpretatione Constitutionis Clementis XII. cujus initium: Ecclesiæ Catholicæ.

I. **P**ater Magister *Vitæ Clausstralis* tum se hostem ferire autumat, cum jugulum suum recta petit: ibique umbratilem agit triumphum, ubi ipse semetipsum prostermit. Adeo luculenta, & ineluctabilia agnovit Tridentina Decreta, ut, cum nec verbum illorum cavillari potuerit, alio confugit, & extrinsecus emendicare quædam curaverit, quibus eisdem tenebras offunderet. Clementis XII. Constitutionem opponit, qua Statuta Monachorum S. Hieronymi confirmantur. Constitutiones istorum Monachorum peculium Monachis privatis permittunt. Ergo Clemens XII. has constitutiones confirmando, declaravit peculium privatum Concilio Tridentino non adversari. Hæc est *Magistri nostri* argumentatio, quam illius verbis describere lubet, ne quicquam illi imponere videamur. Sic quippe scribit pag. 275. *Clemens XII. . . . confirmans Constitutiones Ordinis Monachorum S. Hieronymi in Hispania hæcens correctas, nam fecit, & MANIFESTUM, Tridentini Concilii Decreta privato Clausstrali peculio non opponi, non adversari.*

II. Constitutio Clementina habetur in Bullarii Romani supplem. p. 17. 8. pag. 35. & seqq. Eam transcribit P. Magister fere integram fidelitate summa. Quare ne paginas inutiliter impleam, eam rescribere omitto: & textum, qui totum negotium conficit, ab ipso Magistro exscribam, ut illius incredibilem hallucinationem evidentius Lector deprehendere valeat. Porro Constitutiones Hieronymianæ a præfata Constitutione confirmatæ revera peculium permittunt. Nullum ergo nos inter, super facti istius veritate dissidium. Verba Constitutionis Monachorum S. Hieronymi ex una: pauca Tridentini, & Clementis VIII. ex altera parte transcribam, ut via aperiatur evidentissimæ hallucinationi manifestanda.

CONSTITUTIONES C O N C I L I U M
T R I D E N T I N U M

(Monach. S. Hieronym. XXXVII.

Sess. 25. cap. 2.

Extrav. VI. §. 230.

In omnibus Monasteriis PRÆTER arcam communis, in qua communis pecunia deponitur, *ALLA* etiam existit specialis pro Monachorum pecuniis cum duabus etiam clavis, quantum unam Prior, alteram Monachus ab ipso cum Deputatis, vel cum suo Capitulo secundum consuetudinem Monasteriorum designandus, habeat, in qua teneantur singuli omnem pecuniam ipsi ad usum pro suis necessitatibus permissam, seu quomodolibet pertinentem consignare, & disponere: Inde nullam quantitatem extrahere possint nisi de Superioris licentia. Præterea nullus Monachus dictam pecuniam sibi ad usum concessam, excepta ea parva quantitate, cuius commendæ

li.

Nemini igitur Regularium, licet bona immobilia, vel mobilia, cuiuscumque qualitatis fuerint, etiam quovis modo ab eis acquisita, tanquam propria, aut etiam nomine Conventus possidere vel tenere, sed statim ea Superiori tradantur, Conventuique INCORPARENTUR. Nec deinceps licet Superioribus bona stabilia alicui Regulari concedere etiam ad usumfructum, vel USUM &c.

C L E M E N S. VIII.

Præcipitur, ut nullus ex Fratribus, etiamsi Superior sit, bona immobilia, vel mobilia, aut pecuniam, proventus &c. . . . etiam nomi-

Cc 2

ne

licentiam a Superiore habeat , vel ne Conventus possidere possit ; sed ea peculia aliorum Monachorum apud omnia statim superiori tradantur , & se retinere , vel aliis quibuscumque Conventui incorporentur , atque cum personis custodiendam tradere ; sed ceteris illius bonis redditibus , pecuniis ac proventibus CONFUN-

DANTUR , quo communis inde victus & vestitus omnibus suppeditari possit . Neque Superioribus qui- cunque illi sint , alio pacto licet eisdem Fratribus , aut eorum alieni bonis stipendia , etiam ad usum fructuum vel usum , administrationem , aut commendam , ETIAM DEPOSITI , aut CUSTODIÆ nomine concedere .

III. Quam sit manifesta pugna , & apertissima oppositio inter Constitutiones Hieronymianas , & Concilium , atque Clementem VIII. nemo non videt . Concilium , & Clemens præcipiunt , ut *pecunie confundantur* . Constitutiones Hieronymianæ statuunt , ut *pecunie separentur* . Præter *Arcam communitatis* , *ALLA* etiam existat *specialis pro Monachorum pecuniis* . Alii , ut apparentius saltem illudant Concilio , in eadem magna communi Arca loculos tenent parvulos particularibus clavis obsignatos , & sub majori clavi custoditos . Monachi illi sincerius duas separatas Arcas haberi statuunt : alteram pro communitate : alteram pro pecuniis Monachorum .

IV. Concedimus itaque Præfatas Monachorum Constitutiones peculium permittere . Ubi ergo incredibilis P. Magistri *Vita Clausuralis* hallucinatio ? Quod dixerit , hanc Monachorum Constitutionem a Clemente XII. declaratam esse ut Tridentino consentaneam : quod dixerit , Clementem XII. *notum , & manifestum* fecisse Tridentini Concilii Decreta peculio Monachorum non opponi . Quid diceret *Magister eximie* , si Felice Record. Clemens XII. conceptis verbis affereret non semel , non bis , sed ter , se Constitutiones præfatas Hieronymianas confirmare , dummodo Concilii Tridentini , & Clementis VIII. Decretis , & *Sacra Congregatio-*

nis Statutis non repugnent? Macie itaque animo, textus afferamus, non aliunde transcriptos, quam a Clementina Constitutione a te excerpta, in qua sic lego apud te ipsum pag. 277. sub initium. *Definitive promittitur* [Nuntius Apostolicus] *ut abrogata Compilatione anni 1716. observentur in Ordine leges, & Constitutiones, & Extravagantes in Compilatione anni 1613. EXCEPTIS IIS, QUÆ SACROSANCTO CONCILIO TRIDENTINO, DECRETIS S. M. CLEMENTIS VIII. & aliis Constitutionibus Apostolicis, nec non resolutionibus Sacre Congregationis FORENT CONTRARIÆ.* Hoc semel in capite paginæ tuæ. Secundo, in medio paginæ clausulam eandem repetit Pontifex Sanctissimus his verbis. *In nova Compilatione ponantur Constitutiones omnes fundamentales, quæ non sunt revocata, SIVE OPPOSITÆ SACROSANCTO CONCILIO TRIDENTINO, CONSTITUTIONIBUS APOSTOLICIS ET RESOLUTIONIBUS SACRÆ CONGREGATIONIS.* Tertio, repetit Clemens ipsam Clausulam sub finem citatæ pag. 277. *Adjungantur etiam in suis locis opportunis capitula XIX. publicata sub anno MDCCV. DUMMODO NON SINT CONTRARIA SACROSANCTO CONCILIO TRIDENTINO, ET APOSTOLICIS CONSTITUTIONIBUS.*

V. Consulat Lector Clementinam Constitutionem tum in Bullario *loc. cit.* tum apud R. Magistrum *Vite Clausalis cit. pag. 277.* & nisi adamus-sim vera sit, me nullius fidei hominem totus Mundus habeat. Manus nunc conferamus cum R. Magistro. Ille tanta confidentia adfirmat, Clementem XII. declarare, peculium permissum in Constitutionibus Hieronymianis non adversari, immo consentaneum esse Concilio Tridentino, quanta rem certam enuntiaret. Porro hæc sua interpretatio, non modo evidenter falsa est, sed est hallucinatio adeo crassa, ut ipse me tangi pro illo sentiam. Quam, ut intelligat, [parcat lector, si in re apertissima coactus verba fundo] ponamus quempiam asserere: Approbo omnia, quæ sunt in operibus Lutheri, & Calvini, [multa enim fidei dogmata continentur] *exceptis iis, quæ sunt opposita Ecclesie Catholicae definitionibus, & Sacrosancti Concilii Tridentini Canonibus, & Decretis.* Qui ita loqueretur, declararet ne hæreses Lutheri, & Calvini non adversari Ecclesie Dogmatibus, nec Tridentini Concilii Canonibus? Quid reponit? Clemens XII. conceptis verbis testatur, non semel, sed *ter, se* approbare Constitu-tiones

tiones Hieronymianas, *Exceptis iis, quæ Sacrosancto Concilio Tridentino, Decretis S. M. Clementis VIII. & aliis Constitutionibus Apostolicis, nec non resolutionibus Sacra Congregationis forent contraria. Repetit iterum, iterumque, dummodo non sint contraria Sacro-Sancto Concilio Tridentino, & Apostolicis Constitutionibus.* Et tu in conspectu totius orbis Terrarum non reformidas, non erubescis asserere: Clemens XII. declaravit peculiū permissum in præfatis Constitutionibus non esse contrarium, sed esse consentaneum Concilio Tridentino, & Apostolicis Constitutionibus? Approbationem conditionatam pro absoluta obtrudis? Quod Pontifex excipit se non approbare, tu illum approbare asseris? Tanto ausu abuteris fide publica? Tanto ausu Summo Pontifici, & Sacro Cardinalium Collegio ad eam enormem dicam affingis, quod declaraverint peculiū non adversari Tridentino Decreto?

VI. Cæterum, ut omnibus pateat *R. Magistri nostri* genium, non nulla alia illius verba refero, quibus post laudatæ Constitutionis commentum, triumphale agit tripudium, sibi que præna canit hoc pacto pag. 279. *Adhibeat quemcumque voluerit cunctum ad hoc sciendum Daniel, constans semper æternumque erit peculiū Claustrali privatim concessum optime coherere cum Tridentini Decretis, ut: Patribus Hieronymianis, & Eminentiſſimo Petra defunctis, Sacra super Regularium Disciplina Congregatione approbante, & CLEMENTE XII. Pontifice Maximo confirmante. Si secus est, errant Monachi, erravit Cardinalis, erravit Congregatio, erravit denique Romanus Pontifex. Malitia & arte illi, ut impie perperatatem violarent: crassa supinæque ignorantia illi, qui Tridentini Decreta non intellexerint. At nemo horum ÆDEPOL erravit. Sed unus CONCINA, DUM CONCILII TRIDENTINI DECRETA COMMUNEM VITAM REGULARIBUS PRÆCIPERE, PECULIUMQUE VETARE SCRIPTURAVIT.* Opportunum hic est Poetæ Carmen:

Dicite io Paean: & io his dicite Paean!

VII. Conferat Lector cum clausulis & exceptionibus Clementinæ Constitutioni insertis descriptum Magistri nostri triumphum, radicetque sit ne anicellæ somnium, an puerorum crepitaculum? *Ædepol nemo erravit? Non Monachi?* Immo soli Monachi, P. Magister, soli Monachi Hieronymia-

nymiani, quemadmodum Monachi Cluniacenses errarunt, in quos, similesque omnes mirum in modum quadrant quæ sub initium superioris capituli ex D. Bernardo recitavimus, quorum hic aliqua rescribenda sunt, utpote nimium opportuna, & accommodatissima. *Nec satis de propria causa considerantes, remorsas ac remordeptes Conscientias, APOSTOLICA conati sunt delinire LICENTIA. O Frivolum remedium! Quod non est aliud, nisi more Protoplastorum cauteriatis Conscientiis texere perizoniata, videlicet ad velamentum, non ad medicamentum. APOSTOLICAM, inquit, LICENTIAM quaesivimus, impetravimus. Sed ad quid? An ut quanto licentius, tanto securius, & quanto securius, eo & periculosius peccaretis? Mira cautela? Stupenda providentia! Conceperunt dolorem, sed non pepererunt iniquitatem, donec iniquo conceptui Papa præberet assensum. Ne vero quemadmodum Innocentius, sive Eugenius deceptus a Cluniacensibus, ita Clemens XII. aut circumventus mendacio, aut importunitate velut ab Hieronymianis, quidquam Disciplinæ Monasticæ minus consonum concessisse dicatur, illorum Constitutiones non approbavit, nisi iter addendo: Exceptis iis &c. Dummodo Concilii Tridentini, & Clementis VIII. Decretis non repugnent. Ne multa. Clemens XII. ipsa non approbavit, sed potius improbasse dicendum est laudatam Hieronymianorum Constitutionem, utpote apertissime Concilio Tridentino infestam.*

VIII. Accedit postremum, quod Clemens VIII. non modo Constitutione LX. anno 1599. edita, Regularibus omnibus præcipit exactam rerum communitatem; verum etiam duas peculiare Constitutiones edidit sigillatim pro reformatione Monachorum Ordinis S. Hieronymi. Altera incipit: *Quæ ad prosperam*. Altera: *Sanctissimas Dominus noster, Dominus Clemens Papa VIII. &c. data anno 1596.* Utraque habetur in tom. 3. Bullar. Rom. pag. 26. & 27. Porro in hac secunda perfectæ rerum communitas Monachis Hieronymianis his verbis præcipitur §. 2. *Quo Tridentini Concilii Decreta de paupertatis voto custodiendo fidelius observent, Præcipit, ut nullus ex Monachis (S. Hieronymi), etsi Superior sit, bonis immobilia, vel mobilia, aut pecuniam, proventus, census, elemosynas, sive ex Cencionibus, sive ex lectionibus, aut promissis, tam in propria Ecclesia, quam ubicunque celebrandis, aliove ipsorum iusto labore, & causa, & quicumque denique nomine quaesita, etsi subsidia consanguineorum, aut piorum largitiones, legata, aut donationes fuerint, tanquam propria, aut etiam ne-*
mine

mine Monasterii possidere possit; sed ea omnia statim Superiori tradantur, & Monasterio incorporentur, atque cum ceteris illius bonis, pecuniis, ac proventibus confundantur, quo communis inde victus, & vestitus omnibus suppeditari possit. Neque Superioribus, quicumque illi sint, ullo pacto liceat eisdem Regularibus, aut eorum alicui bona stabilia, etiam ad usum fructum, vel usum, administrationem, vel commendam, etiam **DEPOSITI**, aut **CUSTODIÆ** nomine concedere: eorum vero, quæ ad necessitatem concessa erunt, nullus quiequam possideat, ut proprium, neque ut proprio utatur. Nulla quorumcumque Superiorum dispensatio, nulla licentia, quantum ad bona immobilia, vel mobilia Monachos excusare possit, quominus **CULPÆ**, & pænæ ab ejusdem Concilii Decretis impositæ, & ipso facto incurrendæ obnoxii sint, etiamsi Superiores assererent hujusmodi dispensationes, aut licentias concedere posse, quibus ea in re fidem minime adhiberi volumus.

Monachorum vestitus, & suppellex cellarum ex **COMMUNI** pecunia comparatur, & omnino uniformis sit, omnium Monachorum, statuique paupertatis, quam professi sunt, conveniat. &c.

CLEMENS itaque XII. approbat Constitutiones Monachorum S. Hieronymi, dummodo non repugnent Decretis Clementis VIII. latis pro exacta communitate servanda ab iisdem Monachis Hieronymianis.

Quid plura. Ipse Clemens VIII. approbat Constitutiones Hieronymianas, dummodo non repugnent suis Decretis. Hæc sunt Pontificis verba in laudata Constitutione §. 26. *Quæ Ordinis Constitutiones his Decretis non adversantur inviolatæ custodiendæ erunt.* Si Constitutiones istæ permetterent peculium, essent ne approbatæ à Clemente VIII.? Dux ergo sunt Constitutiones Clementis VIII. quæ Monachos Hieronymianos obligant ad exactam rerum communionem. Altera particularis nempe XXI. quæ sigillatim eisdem afficit, & astringit. Altera communis, nempe LX. quæ comprehendit omnes Clausuales. Clemens itaque XII. approbavit Constitutiones Hieronymianas, iis exceptis, quæ adversantur Decretis Clementis VIII. & Concilii Tridentini. Verum penes criticen eruditi Authoris *Vite Clausualis* hæc clausulæ: *Exceptis iis, quæ repugnant Decretis Tridentini; Dummodo non repugnent Decretis Concilii Tridentini de paupertatis voto custodiendo, & Decretis Clementis VIII.* quid significant? Significant hoc, quod sequitur. *Declaramus peculium permissum in Constitutionibus Hieronymianis non repugnare Decretis nec Concilii Tridentini,*

nec

ne: *Clemens VIII.* Si sensu, & rubore tangitur, ob tam crassum errorem, quo interpretatus est has clausulas, quas vocant *exceptivas*, seu *conditionatas*, semetipsum, non alios culpet. Errarunt itaque Monachi Hieronymiani, & contra expressa Decreta Concilii Tridentini, & Clementis VIII. propriis Constitutionibus inseruerunt peculii concessionem, quam non approbavit, sed apertissime, sua exceptione, damnavit *Clemens XII.*

§ V.

Eminentissimus Cardinalis PETRA ab impostura Magistri Vitæ Claustralis vindicatur.

I. **Q**UAMVIS recitatæ clausulæ Clementinæ Constitutioni insertæ perspicuæ non essent, & conceptis verbis repetitæ, reapse tamen omnium Canonistarum consensu subintelligendæ forent insertæ juxta ea, quæ dicta sunt supra §. III. ubi duplicem distinximus approbationem: in *forma communi*, & in *forma speciali*. Verum quia Eminentissimus PETRA Sacrorum Canonum callentissimus, & non minus purpura, quam sapientia, & morum integritate, rerumque gerendarum prudentia, & dexteritate præstantissimus, conscius eorum, quæ ab aliquibus laxioris Disciplinæ Claustralibus intrudi solent in propria statuta, ut *sub-ty ob-reptitia* confirmatione Pontificia propria peculia approbentur, ter præfatas clausulas inseruit Clementinæ Constitutioni, qua non leve volumen Constitutionum Ord. S. Hierony. 36. paginis magni folii constans, approbatum in forma communi est, ut validius cuique effugio aditum præcluderet. Et hoc satis superque ostendit, quam caute, quam prudentissime Doctissimus Purpuratus præfatam Clementinam Constitutionem formaverit.

II. Verum quia P. Magister *Vitæ Claustralis* imponit pag. 279. sapientissimo Cardinali, quod definierit, peculium privatum Monasticum Sacro Sancto Concilio Tridentino non adversari, operæ pretium existimavi, ut & veritati, & officio in tantum Principem litarem, paucis perstringere quæ sulo, & erudito calamo idem Cardinalis adversus peculium Monasticum scripsit *Tom. IV.* Comentariorum ad Constitutiones

Tomo I.

D d

Apo-

Apostolicas. Itaque in Commentario ad Constitutionem V. Benedicti XII. sect. II. a pag. 90. ad 98. usque controversiam versat eruditione summa, & acumine singulari. Nonnulla delibabo, lectorem orans, ut ad fontem digitum intendat.

III. Pag. 91. n. 5. hoc assertum perijacet. „ Equidem tum *jure communi*, tum *jure novo* Sac. Concilii Tridentini, tum *Constitutionibus Apostolicis*, tum propriis cujusque Ordinis statutis interdictum est Regularibus utriusque sexus, solemnia Religionis vota emittentibus, *præprium, sive peculium in particulari habere; sublata Superioribus-Regularibus omni facultate super eo dispensandi*.

IV. Pag. 92. n. 9. Refert fundamenta illorum, qui defendebant, spectato jure antiquo, posse Prælatos Regulares *indulgere ex legitima causa peculium ad nutum revocabile*. Rejicit ille hanc opinionem, & n. 15. celebrem producit Doctrinam Dionysii Carthusiani asserentis: *Magis nocet Religioso habere usum peculii sine proprietate civili, quam habere proprietatem sine usu. Proprietas nimirum &c.* Argumenta omnia adversæ opinionis efficaciter resolvit.

V. Pag. 93. Exposita utraque opinione secundum jus commune, & propugnata sententia negante, vel jure communi spectato, licere Claustralibus peculium, quid, jure Novo Tridentini Concilii spectato, dicendum sit, statuit. Refert Tridentini Concilii Decreta, & relata opinione Dianæ, Tamburini, Murgæ, aliorumque, resolvit n. 25. *Nihilominus gravissimi ac magis cordati Auctores etiam ex Moralisticis contrarium tenent, Concilium nempe, etiam novum jus statuendo, indistincte interdixisse Superioribus Regularibus posse concedere suis subditis QUODCUMQUE PECULIUM ETSI EX LEGITIMA CAUSA ac ad usus licitos, & honestos, ut præ cæteris docent Suarez, Cordub. Autor. Basil. Pont. Vasquez Castropalaus Lessius, & alii.*

VI. Num. 27. Decretis plurimis Sacre Congregationis Cardinalium interpretum Concilii Tridentini in confirmationem sententiæ peculium damnantis, relatis, & indicatis sic concludit pag. 94. n. 28. *Ex his non videtur amplius dubitandum de mente Concilii; ita ut attendi non mereantur nonnulli Auctores, apud DIANAM, & Tamburinum, qui forsitan NON SINE MAGNÆ TEMERITATIS NOTA AUSI SUNT has resolutiones, cum non magis, quam ipsum Concilium obligent, non posse* com-

comprehendere peculium a Superiore ex justa causa concessum, cum sub Concilio non comprehendi reputant juxta interpretationem ab ipsis Moralistis ei IMPACTAM: Etenim esto mens Concilii dubia esset; CUM TAMEN SIT SATIS CLARA; cuicumque persuasum, iri credimus, tutiorem quoad hoc, haberi non posse interpretationem, ea, quam Sacra Congregatio ipsius Concilii, interpres exhibet.

VII. Hæc pauca delibasse, sufficiat, ex plurimis, quibus Eminentissimus PETRA fuso calamo evincit, peculium Monasticum Tridentini Concilii, Clementis VIII. Decretis, & Apostolicis Constitutionibus improbari, dirisque deoveri: Omnes cavillos, distinctiunculasque Adversariorum propulsat; omnique adhibita moderatione, quid in casu veræ & urgentis necessitatis agendum sit, tum Monialibus; tum Regularibus, prudenter, resolvit.

VIII. Ex his omnibus colligat lector velim, quam mississime me dixisse in*credibili hallucinatione*, deceptum P. Magistrum *Vita Clausralis*, dum allegavit, Eminentissimum PETRA in *peculii Monastici patrocinium*. Colligat, qua justa censura, plerendus foret, qui tam confidenter, vel ipsis Purpuratis, imponit: Colligat, quo spiritu agantur; qua fide procedant, qui vel luculentissima monumenta in pravam, erroneumque sensum detorquent. Prætereo quæ ex Sixto V. obtrudit peracta ad corripendam relaxationem Canoniorum Regularium S. Georgii in *Alga*, quorum Congregatio ob Disciplinam nimium solutam, Innocentio IX. imperante, sublata fuit. Tu ne, bellulus, Criticus, qui ex aliqua Pontificis indulgentia ad extrema præcavenda scandala alicui determinato Cœnobio facta, legem eruis universalem? Curæquit Sixtus gravissimis constitutis pœnis, ut ad meliorem revocaret frugem præfatos Canonicos, eosque exactæ communitati a Concilio Tridentino præscriptæ subijceret. Et cum illi, ut præferebant, non haberent, unde ex communi Cœnobii Patrimonio viverent, indulgit, ut aut propria industria, aut Confanguineorum subsidio, singuli alerentur: Lex naturæ; nedum Sixtina Constitutio, id permittit. Quid præcipiant Constitutiones Pontificiæ a Tridentino Concilio ad hæc usque tempora universæ Regularibus omnibus, præcis strumis, & variis infra recitabo.

§ VI.

Refellitur Sceptisma ab Autoritate falso petito.
BENEDICTI XIV. Sanctissimi
Pontificis Regnantis.

I. **P**urior in aliis meis scribendis libris non raro se se obtulerat occasio celebrandi eruditionem uberrimam, vastissimamque doctrinam Sapientissimi Regnantis Pontificis Benedicti XIV. quem ad plurimos annos Clementissimus Deus nobis servet incolumem; nunquam tamen illius memini tum ne incomparabilem ejusdem in supremo Throno refulgentem modestiam laderem, tum quod humilitatis meae conficius sentiebam propriæ mentis oculos ex radiis Apostolici splendoris habetari, ut cum Chrysostomo *hom. 8. de laud. Pauli* loquar. In præsens vero, cum mihi illius objicitur autoritas petita ex secundo quatuor *de Servorum Dei Beatificatione &c.* magni folii voluminum, quæ antequam ad supremam evectus esset dignitatem in lucem dederat, singulari mihi verto gloriæ confiteri & ex citato Opere æterna memoria digno, & ex pluribus aliis illius libris me magnopere profecisse. Et quod ingenti mihi letitiæ est, hanc ipsam, quam propugno causam, gravissima ejusdem autoritate, confirmare volo, ab illo ipsa petita textu, quem Adversarius opponit.

II. Objectus a Magistro Vitz Claustralis textus habetur Operum Cardis Lambertini lib. 3. cap. XLI. pag. 608. & 609. ejusque ejusmodi. *GRÆVIOR profecto, inquit, est difficultas, quod aliquando adversus votum paupertatis proponitur, & a me preposita sæpe fuit in Causis: Servorum Dei Regularium, ob non observatam vitam communem, & retentionem peculii ipsi a consanguineis assignati, aut suis laboribus quasi ADVERSUS DISPOSITIONEM SACRORUM CANONUM, ET POTISSIMUM CONCILII TRIDENTINI sess. XXV. de Reg. & Mon. cap. 2. Editum fuit Roma anno 1694. opusculum, cui titulus 2. Trattato della vita comune, quod a celebrioribus Theologis fuit approbatum, in ejus cap. 2. circumstantiæ, & conditiones numerantur, in quibus usus pe-*
cuniarum

culis, non obstante Concilio, potest esse Religiosis permissus. I. est, quod illud non habeant titulo Domini, sed simplicis usus. II. quod accedat tacita vel expressa Superiorum licentia. III. quod sit moderatum, & non superfluum. IV. quod sit incorporatum cum ceteris bonis Monasterii. V. quod peculii Concessio sit revocabilis ad omne Superioris mandatum. VI. quod Regularis eo non utatur, nisi pro rebus licitis, & NECESSARIIS. VII. quod peculium non habeatur PENES SE, SED IN MANIBUS PUBLICI OFFICIALIS a Superioribus deputati. VIII. quod si Religiosus aliquid petat a dicto Officiali, rem exponat, quam sibi dicit esse necessariam. IX. QUOD HIC VIVENDI MODUS SINE SCANDALO NON POSSIT IMMUTARI. X. quod concessio tacita, aut expressa facta sit OB JUSTAM ET RATIONABILEM CAUSAM.

III. Pedem nunc conferamus. Doctissimus Cardinalis Lambertinus olim, nunc vero Ecclesie bono Summus Pontifex. veritatem, tamquam extra disputationis aleam constitutam habet, quod Sacri Canones & Potissimum Concilium Tridentinum absolute, & circumstantiis præcis, præcipiant exactam communitatem. Si enim, ut Adversarius contendit, omnibus Canonistis, & vel laxioribus Moralistis repugnantibus, nulla extaret lex adversus peculium; qua ratione dixisset Eminentissimus Lambertinus: Gravior profecto est difficultas ob non observatam vitam communem, & retentionem peculii adversus dispositionem Sacrorum Canonum, & potissimum Concilii Tridentini sess. XXV. Erroneo necessario consequitur, Sacros Canones & Tridentinum absolute præcipere communitatem, & vetare peculium. Super hoc primo puncto nulla difficultas. Pergamus ultra.

IV. Quoniam vero nulla positiva lex est, quæ suas non habeat exceptiones, propositæ difficultati occurrit Doctissimus Cardinalis allegando librum inscriptum: *Trattato della vita comune*. De hoc libro alter Commilito Neapolitanus, qui *Disciplinam Apostolico-Monasticam* oppugnandam suscepit, in suis *Vindiciis Regularium in causa Monastica paupertatis* hæc scribit pag. 6. *Tanta est in eo [TRATTATO della vita comune] & nostri Fratris Opere [Discipl. Apostol. Monastica] conformitas, ut eorum ora similis non erit advenire. Quum uterque liber ad manus sit omnium, comparati nunc, & judicium formet.* Hoc Commilitonis judicium jam a tribus annis latum R. Magister Clausstralis non improbavit, sed silentio confirmavit. Et merito, si doctrinæ substantia spectetur. Itaque Judicibus RR.

Ma-

Magistris, Doctrina *Disciplina Apostolico-Monastica* Vera est, & a duodecim Ordinibus Regularium Theologis, qui erant aut Generales, aut Procuratores Generales eorumdem Ordinum Romæ approbata est, eo ipso quod approbata sit doctrina dicti *Tractatus Vitæ Communitatis*, & ab Eminentissimo Cardinali Ferrari confirmata, & a Summo Pontifice Innocentio XII. in patrocinium suscepta.

V. Ut itaque Eminentissimus Lambertini, nunc Supremus Ecclesiæ Hierarcha occurreret propositæ difficultati, animadvertit ex eodem libro peculiū licitum esse decem conditionibus circumscriptum. Quarum tres solæ, nempe VIII. *quod peculium non habeatur penes se, sed in manibus publici officialis*. IX. *quod hic vivendi modus sine scandalo, non possit immutari*. X. *quod concessio sit ob justam & rationabilem causam*. Solæ inquam hæ tres Conditiones evidentissime demonstrant, gravissimam legem esse peculiū vetantem, & communitatem præcipientem, quam Adversarii ore rotundo contra omnes Theologos & Canonistas non sine scandalo, absit invidia verbo verissimo, negant. Similia alterius generis remedia præscribuntur iis, qui in occasione proxima involuntaria versantur. Porro Viri sancti in laxioris Disciplina Cœnobitis degentibus, nullum non moverunt lapidem, ut peculiū corruptelam exterminarent, ut in *Dissert. Prima* indicatum est. Verum quia id assequi haud possunt, & cum aliunde ex communi necessarium indumentum non porrigitur, tantum sibi peculiū retinent, quantum ius ipsum naturæ comparandi victum & vestitum necessarium præscribit. Quis Theologorum, unquam tale damnavit peculiū? Non ne conceptis verbis hoc peculiū genus permittit, Author Disciplinae Apostolico-Monasticæ? Adversarii ipsi id adfirmant, sed lugent, quod [ut verbis eorum utar] *solabra* angustiarum conditionum *nimum levigaveris*. Vellent ipsi crumenam, non in manibus officialis, sed proprio lateri hærentem, ut indulgere Religiosis, solatiis, honestisque diverticulis possent. Quid ad IX. conditionem: *Quod hic vivendi modus, sine scandalo non possit immutari*? Quodnam est hoc scandalum? Repugnantia, aut subditorum, aut Prælatorum ad hunc pecuniosum vivendi modum, auferendum obfirmata. Qui porro non solum voce, & opere, sed libris typis editis exactæ communitati repugnant, sunt, ne istius scandalī fontes? Vos ipsi nunc Iudices estote. Id nos infra probabimus.

VI. Subdit Author vitæ Claustralis: Sanctissimus Pontifex hæc verba addit.

addit. *Faucibus verbis res absolvi potest, asserendo, licitum esse posse usum peculii, si ab Ordinis Constitutionibus a SUMMO PONTIFICE approbatus permittitur sit: si Regularis eo utatur in causis licitis, aut necessariis a Superiore approbatus.* Et ejus usum habeant cum PROMPTITUDINE illud resignandi in manibus Superioris statim ac eo fuerit preceptum. Sapientissime dictum. Omnes idem adfirmamus. Et ut ab ultimis verbis exordiar. Quam vera, & sincera sit hæc animi PROMPTITUDO, libri, & experientia plurium sæculorum palam faciunt. Si vera esset hæc jactata animi promptitudo, & Prælati non auferrent hunc vivendi modum, omnium Theologorum consensu in extremo versarentur damnationis periculo. Quia, posita hac vera promptitudine, sine scandalo auferri posset peculiorum vivendi modus, ut recitata IX. conditio declarat.

VII. Potissima conditio in examen veniat. *Licitum esse POSSE usum peculii, si ab Ordinis Constitutionibus a Summo Pontifice approbatus permittitur sit.* P. Magister Clausstralis viro, postquam hæc omnia retulit post triumphalem partæ victoriæ cantum, hæc scribit pag. 232. *Lubens audirem quid ad hæc reposurus sis Concillita mens.* Concillita lubens responsum præbet, asseritque, tum ex hujusmodi verbis nihil extendi posse, quod causæ, quam Clausstralis Magister propugnat, ullatenus suffragetur; tum ipsum potius ex iis colligere debuisse, sibi, omnibusque Prædicatorum Ordinis Religiosis maxime vetitum esse privati pæculii usum, præceptamque exactam rerum communitatem. Atque ut ab hoc incipiam, prætermisissis nunc aliorum Summorum Pontificum Constitutionibus, eam solummodo assero, quam edidit Alexander VII. anno 1655. & habetur in Tomo 6. pag. 178. Bullarii Ordinis Prædicatorum editi, eruditisque notis, & dissertationibus illustrati a Viro clarissimo P. Magistro Antonino Bremond. Constitutionis initium est: *Ad propagandam in Ordine Prædicatorum Regularem observantiam &c.* Hæc autem inter alia habentur. *Elapso anno post susceptum habitum ad Professionem [Novitius] admitatur SUB EXACTA TAMEN VITA COMMUNI ad præscriptum REGULÆ, cum solita protestatione, quod PROFESSIO SUA EUMDEM OBLIGABIT AD TRIA VOTA SECUNDUM REGULAM AUGUSTINI, ET CONSTITUTIONES ORDINIS, & non secundum quod hic, aut ibi servatur: nec non servata forma SACRORUM CANONUM CONGILII TRIDENTINI, Constitutio.*

tionum Apostolicarum , ET PRÆSERTIM DECRETORUM S. M. CLEMENTIS VIII.

VIII. Cedo , quid produunt relata verba : *SUB EXACTA VITA COMMUNI*? Forſitan diſturus de more erit , rerum communiatem cum peculio? At tunc quomodo *EXACTA* foret? Sed urgent quæ ſequuntur : *Secundum Regulam B. Auguſtini & conſtitutiones Ordinis* , quæ exactiſſimam præſcribunt eommunitatem : ad *Communiatem autem rerum* [ita in Prol. ter. 1. D.] *ex ipſius Regula PRÆCEPTO adſtringimur*. Urgentius pungunt ultima Apoſtolicæ Conſtitutionis verba : *Nec non ſervata forma Sacrorum Canonum Concilii Tridentini, & Decretorum Clementis VIII.* Clemens VIII. ut infra videbitur , ſeveriſſime interdicit privata peculia , depoſita &c. Et effugia omnia undequaque præcludit. Demum quid ſignificent illa verba : *cum ſolita proteſtatione &c.*? Audiat quod ſcribit P. Ferdinandus de Caſtillo celeberrimus rerum Ordinis Hiſtoricus par. 2. lib. 1. Cap. 23. lingua hiſpanica latine reddita fide ſumma : „ Et revera ad eam [relaxationem] exterminan-
 „ dam opus ſæpius eſſet manibus ſtringere arma. Verum ſi his etiam
 „ Regum , Principumque poteſtas , ac Summorum Pontificum auxi-
 „ lium non accedat , vix hæc omnia fatiſ ſunt ad illam ſuperandam .
 „ Bellum quippe ex utraque parte plurimo ſanguine redundaret. Quo-
 „ niam illi , qui vocantur *Relaxati* , pro ſolſa valloque habent propriam
 „ vitam ſolutam , perditamque , illud dumtaxat obtrudentes , talem vi-
 „ vendi modum illum ipſum eſſe , quem profeſſi ſunt , quemque repe-
 „ rerunt , dum Cænobia ſunt ingreſſi . Quapropter *neceſſum ſui* , ut
 „ *Ordo hanc legem conderet* . *Præcipimus omnibus Prelatis , ſub pana gra-*
 „ *vioris culpe , privationiſque officiorum , ut antequam Novitius profeſſio-*
 „ *nem emittat , eidem expreſſe denunciatur , Profeſſionem ſe editurum fore*
 „ *ſecundum Regulam B. Auguſtini , & Conſtitutiones Fratrum Prædica-*
 „ *torum , & quod ſub hac rigida excluſive vivendi forma ſe obligare de-*
 „ *beat , & non prout diſta Regula , Conſtitutioneſque in hoc aut illo*
 „ *Conventu ſervantur* . Hæc omnia præcipiant leges , ut ruinam con-
 „ ſuetudinis , quæ corruptela eſt , præcluderent . Ex quibus omnibus li-
 „ quet apertiſſime , privati peculii uſum permiſſum non eſſe , immo ſum-
 „ mopere vetitum ab Ordinis Conſtitutionibus a Summo Pontifice appro-
 „ batis , quas P. Magiſter Vitæ Clauſtralis profeſſus eſt : adeoque nihil
 „ ipſum

ipsum colligere posse, quod sibi faveat ex verbis laudatis Cardinalis Lambertini.

IX. Cæterum neque ex iisdem verbis colligi quidpiam potest, quod causæ, quam ille defendit, generatim inspectæ suffragetur. Quod ut luculentius evincam, ab eo inquiero, quod nam sit disputationis nostræ punctum præcipuum, ac fere unicum? Istud profecto. Sint ne Clausstrales vi præcepti exactæ communitati astricti, debeantq. nullum non movere lapidem, ut hæc perfecta communitas, ubi collapsa sit, instauretur. In discrimen ne sapientissimus Lambertinus istud capitale principium revocat? Habet ne vel unicum verbum indicans, aut communitatem vi præcepti non esse Clausstralibus impositam, aut Superiores non astringi ad eandem collapsam reformandam, aut subditos paratos non esse debere ad peculia deponenda, iubente Prælato? Immo gravissimam perfectæ communitatis legem a Tridentino roboratam conceptis verbis in mentem reducit. *Gravior profecto est [inquit] difficultas, quæ aliquando adversus votum paupertatis proponitur, & a me proposita sæpe suis in causis servorum Dei Regularium, ob non observatam vitam communem, & retentionem peculii . . . adversus dispositionem sacrorum Canonum, & potissimum Concilii Tridentini Sess. 25. Certum ergo ille habet, Sacros Canones, & potissimum Tridentinum Clausstralibus vitam præcipere communem: alioquin non gravior, sed nulla foret difficultas. Ut vero hanc difficultatem solvat, quid reponit? Licitum ne absolute peculium asserit? Nequaquam. Quid ergo? Respondet: *Licitum ESSE POSSE usum peculii &c.* Equis unquam inficias ivit, licitum *ESSE POSSE* usum peculii? Non ne a capite ad calcem istius Operis dictum est, naturæ jure Regulares posse uti peculio ad victum, & vestitum comparandum, si id de communi non porrigatur? Plurium Ordinum Constitutiones, collapsa exactæ communitatis observantia, cum non potuerit illico communitas redintegrari, conditiones habendi peculii severissimas præscriperunt servandas, usque dum peculium ad præscriptum Tridentini, Clementis VIII. & Innocentii XII. abigatur. Hi quippe Pontifices, Concilio Tridentino inhærentes, aliisq. Rom. Pontificibus, omnes Constitutiones, si quæ forent, quæ peculium absolute permetterent, penitus abrogant, delent, præcipiuntque Superioribus asserentibus posse vi suarum legum peculium concedere, nullam adhibendam esse fidem a subditis: mandant perfectam*

communitatem, vetantq. peculium *non obstantibus Constitutionibus &c.* Ut itaq. ostenderet Lambertinus non officere servorum Dei sanctitati inobservantiam communitatis, respondet, peculium licitum *ESSE POSSE*, maxime si ab Ordinis Constitutionibus a Pontificibus approbatis permiscum sit. Tota ergo Lambertini doctrina hypothetica est, idq. asserit, quod a nemine vel in controversiam adducitur. Etenim quis negavit unquam licitum *ESSE POSSE*, aut in quadagesima usum caruim, aut in diebus festis corporis laborem, aut a qualibet positiva lege dispensationem, iusta urgente causa? Licet ne heinc inferre nullam esse, aut Quadagesimæ, aut dierum festorum legem? Hæc est mira Magistri Clausstralis Dialectica. Licitus *ESSE POTEST* usus peculii, iusta causa instante, ergo nulla lex exactæ communitatis, peculii prohibitio nulla? Ne multa. Licitum peculii usum *ESSE POSSE* asserit Lambertinus, quemadmodum concedimus omnes, iustam ob causam, & conditionibus servatis. Quid inde? propterea ne a peccato liberi Superiores sunt, qui pro viribus hanc peculii pestem e Clausstris non evellunt? Liberi ne a peccato subditi, vel si parati *non sint ad peculium abigendum*, vel si o-pem, quoad possunt, non conferant, ut communitas a sacris Canonibus, & potissimum a Tridentino præscripta instauretur? Planum itaque est Doctissimi Lambertini auctoritatem non juvare, sed destruere prorsus P. Magistri Clausstralis causam.

X. Prolixius fortasse, quam oportebat, disputatum est: sed interpretamenta falsissima a R. Magistro *Vita Clausstralis* impacta Summis Pontificibus Clementi XII. Eminentissimo Lambertino, nunc, universo Catholico plaudente Orbe, BENEDICTO XIV. atque Eminentissimo Petra ad id coegerunt. Ex solis commentis, quibus Magister *Clausstralis* obnubilare ausus est tantorum splendidissima monumenta Virorum, colligere Lector potest cætera Authoris istius paradoxa.

CAPUT X.

Concilia Provincialia exactam bonorum communionem, ab Oecumenico Tridentino Concilio præscriptam, novis Decretis confirmant, vetitumque peculium iterum probibent. Magistri Vitæ Claustralis lepida interpretamenta in hæc Concilia.

I. **E**Ruditus Vita Claustralis Author 2. p. Diff. 3. cap. 3. Plura Concilia Provincialia refert, quæ conceptis verbis exactam rerum communionem præcipiunt, vetantque peculium. Interpretationes, quibus ab iisdem se se expedit, & contrariæ sunt, & incredibiles. Duo sub initium citati capitis 3. pag. 279. hostiliter pugnancia scribit. Unum est, quod sequitur. *Privatum Claustrali peculium, perinde ac non satis Tridentini Decretis profligatum fuisset, insequitur adhuc Daniel Canonibus posterorum Conciliorum, quæ unusquisque Metropolitæ suis in Provinciis pro Tridentini promulgatione, aut executione celebravit.* Hæc est prima illius cap. 3. periodus, quam nulla interpolata voce, hæc alia consequitur. *Sed quum vallum, & fossa Oecumenica Synodus nobis sit, quantumvis pro Adversario Concilia OMNIA PROVINCIALIA vel nationalia militarent, his armis pugnantem non timemus.* Subdit tamen continuo, hæc Provincialia si recte expendantur, non plus præcipere, quam Tridentinum. *Si qua par est* [inquit pag. 280.] *animi attentione harum Synodorum Decreta expendantur, Tridentini Decretis conformia, nec plus, minusve, quam Tridentinum præcipere, continuo dignoscuntur.* Verum hoc habet. Siquidem ejusmodi Concilia statim post Tridentinum celebrata ejusdem Tridentini Decreta propriis Provinciis exponunt, atque observanda inculcant. Porro Concilia ista apertissime declarant, Tridentinum & præcipere bonorum communionem, & prohibere peculium: idque adeo perspicue, ut nemo hætenus, siue Theologorum, siue Canonistarum, quampiam contrariam explicationem vel apparentem excogitare potuerit. Vidimus supra ipsum Authorem Claustralem nec verbum quidem Tridentini Concilii ausum esse cavillari. Unicum illius effugium fuit, Capitula Generalia Fratrum Mendicantium etiam post

Tridentinum peculia concessisse : perinde ac Capitula Fratrum essent supra Concilium Oecumenicum. Quod vero in præfens subdit, mirificum est. Ait, Concilium Tridentinum, non modo peculium non prohibere, sed tanta perspicuitate peculium præcipere, aut concedere, ut hæc Synodus sibi sit *vallum & fossa*. Relinquamus ergo hominem in hac profunda *fossa* quiescere, & intra *vallum* adeo altum pecunius incubare, & Conciliorum Decreta in medium promamus.

II. Primum Concilium Provinciale, quod in defensionem peculii profert pag. 281. est Cameracense celebratum anno MDLXV. istud autem Tit. XVIII. cap. IX. hæc habet. *Cum Sacrosancta Synodus Tridentina, & Oecumenica præceperit ea, quæ ad communem vitam, vitium, & vestitum conservanda pertinent, fideliter observari: mandat hæc Synodus Monachis, & Monialibus, Religiosisque, ut diligentissime paupertatis votum tanquam ineffabilis ejusdam, & dulcissimæ quietis causam custodiant, neque proprietatis vitio violent. Caveant igitur ne quid pecunia, aut alterius rei sibi ita retineant, vel retinere desiderent, ut communitati nolint esse commune: Neve ad pecuniarum usum eo utantur, sine Superioris consensu.* Hoc Concilium testatur, Tridentinam Synodum præcipere communitatem victus, & vestitus, eamque confirmat. Quis crederet, Magistrum Claustralem potuisse Decretum istius Concilii pro peculio allegare? Cavillatur illam ultimam periodum: *Neve ad pecuniarum usum eo utantur sine Superioris consensu.* Clamat, quod Author Disciplinae hæc verba omiserit. Claustralis noster hic nec latinum sermonem tenere videtur. Duo Concilium præcipit. Unum, quod omnia sint communia. Alterum, quod de his bonis communibus nihil Regulares utantur absque Superioris assensu. Hæc comperta sunt vel ipsis Monachicæ Disciplinae tyronibus. Quæ si perecepisset, minime improperasset, verba illa ultima omissa fuisse, ac si peculio faverent. Clarius quippe explicant communitatis perfectæ executionem.

III. Alterum Concilium Provinciale eodem anno MDLXV. a S. Carolo Borromæo celebratum Mediolani, hoc contra peculium edidit Decretum 3. p. cap. 8. *In omnibus quo ad cibum, potum, somnum, ceterasque res attinet, omnes communiter vivant, ut a SACRO TRIDENTINO CONCILIO DECRETUM EST, neque quidquam inter eas differat, aut alia alii præferatur, aut posthabetur, quemadmodum votum pau-*
per-

petitis postulat, ut tuum, & meum, atque omnis privata rerum possessio, & re, & verbo omnino tollatur, omnis etiam supervacaneus, & inanis rerum usus.

Neque ulla sit, qua quidquam possident, aut adhibeat tanquam proprium, etiamsi ad necessitatem sit concessum.

Omnis itaque Monasterii proventus, cujuscumque generis sint, elemosine etiam, & questus ex laboribus, livelli praterca, legata, & bona mobilia, & immobilia, qua testamento relicta, & qua donationis vel alia quavis causa obtinuerint, a singulis Monialibus ad communem Monasterii utilitatem conferantur. Praefata vero pro sua prudentia, & humilitate ex illis ipsis ejus necessitati potissimum consulat, ad quam pertinerent, nisi obstatet paupertatis votum.

IV. Quid ad haec P. Magister Clausstralis? Celeri passu confugit ad suam FOSSAM & VALLUM inquires pag. 282. Si nec plus, nec minus, quam Tridentinum, postulat observari Mediolanense Concilium, non interdicto peculii usu ab illo, ne probatum est, neque ab hoc interdictum fuisse dicendum est. Duo praestat Concilium Mediolanense. Primum testatur Tridentinum Concilium praecipere communitatem, Alterum hanc eandem communitatem explicat, servandamque inculcat, pulso peculio. Tempus inutiliter tererem, si vana alia commenta, quae adjicit Adversarius noster, confutarem.

V. Concilium Mediolanense IV. clarius peculium vetat 3. p. cap. XI. his verbis. Monialis nummos, ne modicos quidem, apud se quovis nomine ne habeat, neque de Praefata etiam consensu, nisi officii, quod gerit, ratio postulet. Alioquin, ut proprietatis rea puniatur. Quam penam & Praefata, qua id ullo modo, ullove pretextu permiserit, & Monialis item subeat, qua reseriverit, nec Praefata bidui spatii: aut si hac in culpa sit, Superiori quam primum potuerit, non denunciarit. Quid evidentius adversus peculium desiderari poterit? Ut hoc Concilium eludat acutus Adversarius, opponit consueta sua capitula, & statuta quorundam Ordinum Mendicantium, apud quos peculii usus obtinet. Sed hoc interpretamentum, ut inane rejicimus, illudque fufius infra confutabimus, si tamen confutatione egeat, quod, nullo pugnante, corrui.

VI. Concilium Mechliniense MDLXX. ut ea, inquit Adversarius pag. 284. quae de Monasteriorum reformatione in Concilio Tridentino constituta

tuta sunt, executioni fideliter demandentur, ita præcipit *Tit. de Regul. & Monial. cap. 1. In primis, UT SUBSTANTIALIA VOTA* in omnibus Cœnobitis tam virorum, quam mulierum *VERACITER* observentur, plurimum confret, si ea auscramur, quæ proprietati totius Religionis perniciose pesti occasionem, & fomenta ministrant. *PRÆCIPIT* ergo hæc Sancta Synodus, ut victus, vestitus, cateraque vitæ subsidia singulis ex *COMMUNI* pro necessitate indigentia, & Monasterii facultatibus subministrantur, non in *PECUNIIS*, sed in *SPECIE* rerum. Pensiones autem Vitales, aut redditus perpetuos nulli permittantur recipere, neque liceat eis ratione officiorum, vel Ministeriorum pecuniam corrådere, aut conservare, etiam si in pios usus converterere velint, sed *OMNIA IN COMMUNEM USUM* convertantur. Author Claustralis improperat, textum hunc integrum transcriptum non fuisse in Disciplina Monastica. Ita, per me licet, res se habeat. Integer nunc transcriptus est. Ubinam peculii vola? Immo quid expressius concipi contra peculium potest? Si quid omisissum fuisset, quod peculio faveret, objicere Adversarius posset, mancum allatum esse textum. Verum quod ea omissa sint, quæ propriam juvant causam, non aliunde id oritur, nisi ex studio vitandæ prolixitatis. Etiam hoc in Opere plurima commenta prætereo, ne plura edere volumina cogar. Ideo ne mutilationis reus postulabor, si quæ refero, sincera sint? At Concilium, subdit homo acutus, prohibet peculium tanquam fomentum & occasionem proprietatis, non, ut quid voto repugnans, ut contendit Daniel. Daniel testatur esse conceptis verbis, se disputandi gratia propugnare communionem bonorum ingredi voti naturam, si votum spectetur, non *ut sic*, sed ut Regulis Monachalibus & legibus Ecclesiæ circumscriptum est. Et hanc sententiam ipse veram existimat. Sed tunc addidit, & nunc repetit quæ sequuntur. Fac sententiam istam falsam, falsissimam esse. Mihi fatis est, Communitatem gravi Ecclesiæ præcepto imponi, cœu medium, sine quo difficile observari votum potest, ut communiter Theologi docent, vetarique peculium tanquam proprietatis fomentum. Hoc modo Concilium Mechliniense bonorum communionem præcipit, proibetque peculium. Quid ergo cavillatur?

VII. Verum audiat Lector belliozem, immo bellissimam Adversarii nostri responsionem, quæ digna est, ut propriis ipsius verbis rescribatur. Quod vero (inquit ibidem pag. 285.) *de annuis perpetuisque pensionibus*
hæc

heic dicitur, in Tridentini sensum accipi debet, quo cautum est, ne bona immobilia alicui Regulari concedantur ad usum fructum, vel usum, administrationem, vel commendam: qua omnia a peculio annuoque censu, qua modo claustralibus permittuntur, integro modio diversa sunt. Ita ne vero? Igitur furta, adulteria, & cætera flagitia, a Divina lege vitata, integro modio diversa sunt ab adulteriis, furtisque, quæ modo perpetrantur? Idcirco prohibita reputari non debent? Absurda absurdis convellenda sunt: & ne absurdus paginas impleam, plurima alia prætereo responsa, quæ integro modio diversa minime sunt. Illud dumtaxat in mentem revoco, quod alibi adnotavi, Concilium nempe Tridentinum, ut omnibus futuris commentis occurreret, atque effugium omne præcluderet, usum non esse vocabulis sive proprii, sive peculii. Ut enim nullum cavillandi prætextum relinqueret, interdixit usum peculiarem omnium bonorum sive mobilium, sive immobilium, sed omnia de communi præberi jubet. Bona sive mobilia, sive immobilia currentis sæculi differunt ne integro modio a bonis mobilibus, & immobilibus præcedentium sæculorum?

VIII. Concilium Provinciale Rothomagense anno MDLXXXI. celebratum Titul. de Monasteriis n. X. hæc præscribit. Religiosi ad Regulam, quam professi sunt, præscriptum vitam instituire, & componere debent: atque in primis observare obedientiam, paupertatis, & castitatis vota, & præcepta ad votorum respectivè essentiam, nec non ad communem vitam, vitam, & vestitum conservanda pertinentia, ab hisque nunquam recedendum. Neque enim possunt a Superioribus ea, quæ ab SUBSTANTIAM Regularis vita pertinent, relaxari. Nam si illa, quæ basis sunt, & fundamentum totius Regularis Disciplina exacte non fuerint servata, totum cornuat adificium necesse est. Et n. II. Constituto in Regulari vita, cujuscumque qualitatis fuerit, non licet bona mobilia, vel immobilia, etiam quovis modo acquisita, tanquam propria, aut etiam nomine Conventus possidere, vel tenere, sed solum tradere Superiori, Conventuique incorporari. Nec licere Superioribus bona stabilia alicui Regulari concedere, etiam ad usum fructum, vel usum, administrationem, vel commendam. Attamen potest Superior alicui tamquam officario ad tempus, aut ad vitam rem committere, cujus conditionem faciat meliorem, & acquirat, non sibi, sed Monasterio. In his exequendis, & reformandis, prudentia, & mansuetudine opus est, ne frangamus potius, quam corrigamus quæ in prævum longa consuetudine induraverunt.

rum. Concilium istud integra fere Decreta Concilii Tridentini refert, quibus declaratur, vitam communem ad *substantiam*, *basim*, & *fundamentum* Regularis Disciplinae pertinere : & Superiores destitutos esse facultate permittendi peculium, & relaxandi communem vitam.

IX. Responsum Authoris Claustralis non est cæteris, quæ indicavimus, minus lepidum. In lectoris solamen illud transcribo. *Nec in alio* (inquit pag. 285.) *differtire videtur, nisi in eo, quod mitius se habeat, ac benignius, definiens Monasterii bona non ab officialibus ad nutum Superioris amovibilibus administrari, quemadmodum Tridentinum praeceperat, sed etiam alicui Religioso ad vitam.* Si hoc Concilium mitius, & benignius, quam Tridentinum se habet, relinquenda erit illa *fossa* Tridentina, & ad Rothomagensæ propugnaculum immigrandum. Licet Concilium Rothomagensæ afferat, Superiorem instituere officialem aut ad tempus, aut ad vitam posse, non propterea sequitur, officialem ejusmodi non esse ad nutum amovibilem. Numquid dum instituitur ad triennium, non potest ad nutum amoveri? Sed hæc condonanda sunt erudito Adversario, minus in re canonica versato. Interim, hæc appendicæ relicta, fateatur, Concilium istud evidenter præcipere exactam rerum communionem, vetareque peculium.

X. Concilium Rhemense anno MDLXXXIII. celebratum tit. XIX. n. 10. hæc præscribit. *Religiosi, quantum fieri poterit, ad eam antiquæ Ecclesiæ speciosam formam redeant, quando nullus sibi quicquam proprium dicebat : nec aliquid possideant proprio, vel Conventus nomine de bonis Monasterii, quibus qui præficiuntur officarii, & Fratres Monasterii vel accipiunt, vel expendunt, elapso anno reddant rationem. Alii quorum officiis res aliqua est annexa, seu, ut loquuntur, affecta, ea non utantur tanquam propria, sed norint ita sibi committi seu ad tempus, seu ad vitam, ut ejus conditionem in melius augeant, nec dissipent.* Num. 13. *Mensem communem, ciborumque delectum Regularem, similes tonsuras, ac vestes domi, rurique deferendas, commune dormitorium, servorum delectum, convenientemque statui suppellectilem, idest habitum profano, armisque vacuam, ita Superiores Monasteriorum pro virili procurant, ut etiam in privatis domibus, quæ officiis sunt annexæ, nihil sinant contra Regulam servari : locorum tamen, & temporum circumstantias ea moderabuntur prudentia, ut conscientiam propriam non gravantes, nihil non ad pietatem, & vitam Sanctimoniam referen-*
dum

dum esse putent. Hæc vita communis, respondet *Claustralis* noster, optime stare potest cum peculio. Cur? Quia inquit pag. 286. *Claustales peculium habentes, mensam communem, ciborum delectum Regularem, similes tonsuræ, ac vestes domi, rurique descendas, commune dormitorium, servorum delectum, convenientemque statui suppellectilem cura, & vigilantia Prælatorum habent.* Robustissima ratio. *Claustales* peculium una cum rerum communitate confociant. Ergo Concilium Rhemense non aliam exigit communitatem? At *Claustales* isti servant ne *antiquæ Ecclesiæ speciosam formam, quando nullus sibi quiequam proprium esse dicebat, ut Concilium exigit?* Verum habet, quod *Claustales* peculium retinent, & simul quamdam communitatis ludicram speciem præferunt. At quid inde? *Omnia communia* sint oportet. Cæterum non video, qua ratione adfirmare *Magister Claustalis* valeat, *Regulares* habentes peculium, communem habere mensam, commune dormitorium. Si nomine mensæ *Cœnaculum*, tabulas, & nomine Dormitorii cælum tectumque *Monasterii* intelligit, communitatem utique servant. In reliquis, singularia, & selectiora fercula, domunculas extra Dormitorium plus minusve, prout magis, aut minus *Fratres* peculii abundant, offendet.

XI. Concilium Burdigalense coactum anno MDLXXXIII. tit. XXV. eandem prorsus ac Tridentinum præcipit exactam communitatem his verbis. *Nulli vitam Monasticam, & Regularem professo tam virorum, quam mulierum liceat bona mobilia, vel immobilia, sive suo labore, & industria parata, sive parentum, & amicorum liberalitate donata, sive qualibet alia occasione quasita, tamquam propria, aut etiam nomine Conventus possidere, sed quæcumque apud se habet statim teneatur ea Superiori tradere, ut in commune conferantur, & Conventui addicentur. Caveam Superiores bona stabilia cuiquam Regulari concedere etiam ad usum fructum, vel usum, vel administrationem, vel commendam. Omnibus Religiosis una sit domus, unum Cœnaculum, unum Dormitorium, in quo tamen unusquisque suum habeat cubile.* Ex hoc Decreto insert Adversarius pag. 286. nec plus, nec minus Concilium Burdigalense præcipere super paupertatis Monasticæ voto, quam Concilium Tridentinum. Idque verum habet. Concilium Tridentinum peculium prohibet, ut cuique callenti latinam linguam patet. Idque aliquando percipiet etiam Adversarius noster.

XII. Concilium Aquisense celebratum anno MDLXXXV. tit. de Mo-

Tom. I.

F f

n. sch.

nach, ita definit. *Religiosi ad Regula, quam professi sunt, prescriptum vitam instituire, & componere debent: atque in primis observare obedientiam, paupertatis, & castitatis vota: ac si quæ alicujus Ordinis & Regule peculiaritatis vota & præcepta ad votorum respectivæ essentiam, nec non ad communem vitam, victum, & vestitum conservanda pertinentia, ab iis nunquam recedendum. Neque enim possunt a Superioribus ea, quæ ad substantiam Regularis Vitæ pertinent relaxari. Nam si illa, quæ bases sunt, & fundamenta totius Regularis Discipline, exakte non fuerint conservata, totum corruptus edificium necesse est.*

Constituto in Regulari Vita, cuiusque qualitatis fuerit, non licet bonabilia, vel immobilia etiam quovis modo acquisita, tanquam propria, aut etiam nomine Conventus possidere, vel tenere, sed etiam ea tradere debet Superiori, Conventuique incorporare.

Nec liceat Superioribus bona stabilia alicui Regulari concedere etiam ad usufructum, vel usum, administrationem vel commendam.

Attamen potest Superior alicui tanquam officario ad tempus rem committere, cujus conditionem faciat meliorem, & acquirit non sibi, sed Monasterio. In his exsequendis, & reformandis prudentia, & mansuetudine opus est, ne frangamus potius, quam corrigamus quæ in prævum longa consuetudine induraverunt. Non aliud interpretamentum huic Concilio adhibet Author Clausuralis, quam quod nihil in hoc Concilio præcipiatur, quod præceptum prius non fuerit in Concilio Rothomagensi.

XIII. Concilium Provinciale celebratum in Urbe Mexico in America anno MDLXXXIX. lib. 3. tit. XIII. §. I. hæc sancit. *Vota paupertatis, castitatis, & obedientiæ, adeo in Republica Christiana semper magni æstimata sunt, ut a tempore Apostolorum ad nostra usque tempora Ecclesia commendaverit, prædicaverit, & perpetua traditione statuerit ea, quæ ad votorum ejusmodi plenam observantiam visa sunt ei necessaria & opportuna...* §. II. *In primis curent Episcopi, ut in Monasteriis sibi subjectis id omne observetur, quod de Monialibus sanctum Concilium Tridentinum decrevit, præsertim quod de paupertate, & clausura... Quoad paupertatem præcipitur, ut si quicquam alicui Monialium fuerit dono datum, aut testamento relictum, aut industria, & labore quæsitum, Conventui incorporetur: ideoque ad manus Prælatæ rectè deferatur, quæ pro sua prudentia, & humanitate, & in primis ex hujusmodi bonis subveniat arbitrio suo necessitatibus*

his illius Monialis, cujus opera, vel contemplatione fuerint parata: quod vero reliquum fuerit, in communem usum totius Monasterii convertat. Neque huic Concilio aliud commentum Author Clausstralis adjicit, nisi quod Indis Monialibus idem jubetur, ac D. Carolus Borromaeus precipit Monialibus Mediolanensibus.

XIV. Concilium Cameracense II. anno MDLXXXVI. congregatum tit. XX. de Regul. & Monial. num. VIII. hæc habet, *Quia vero Monastica Vita perfectio, ex trium votorum, quæ omnes Religiosi faciunt; observatione dependet, Prælati ea omnia, quæ ad ipsorum votorum observationem faciunt, curent ab omnibus observari. IX. Omnes autem consuetudines dictis votis contrarias, quales sunt in plerisque Monasteriis multa contra votum paupertatis, plane abrogat, & in posterum prohibet hæc Synodus: ideoque Prælati omnibus utriusque sexus precipit, ut communem victum, & vestitum omnibus Religiosis equaliter, prout cuique opus erit, distribuunt. Nec pro vestiario, aut pro vini portione singulis Religiosis dari consuecta, ulla ratione pecuniam assignent. Heic nec verbum opponit Adversarius.*

XV. Concilium Aquileiense. anno MDLXCVI. Tit. XIX. de Monialibus hæc præscribit. *Tria sunt, quibus præcipue Monastica Disciplina status conservatur, & augetur: sufficiens communis victus, & vota Regula observantia, pia Sacramentorum frequentia, ad quæ, si accedat Pastoris vigilantia, Deo favente, sperandum est profici, vel plurimum posse.*

Communis debet iis esse victus, quarum communis est domus, & vestitus, & Regula; neque enim illa, quæ ad substantiam Regularis vitæ pertinent, relaxari, aut mutari possunt: Idcirco sicubi fieri solitum est, partitiones de redditibus Monasterii, tam tritici, quam vini, (quæ fiebant inter Moniales, ut quæque portionem haberet; & inde sibi victum sufficeret) damnamus & abolemus, & sub interminatione Divini judicii, & pœna excommunicationis in singulas consentientes, in universitatem vero interdicti ingressus Ecclesie inhibemus, ne in posterum fiant, aut fieri per ipsarum Monialium Præfectorum, Abbatissarum, seu Priorissarum permittantur: Ipsæ vero Abbatissæ, seu Priorissæ, sub pœna privationis ab officio precipimus, ut quod contra præsentis Constitutionis tenorem viderint, vel cognoverint attentari, aut fieri, Episcopo statim significent, quo abusus veteres tandem aliquando tollantur... Decernimus igitur, in Monasteriis Monialium, ubi jam certus hac de re ordo, & cum ratione consentiens status non est, Moniali aliqua, cujus-

eunque Religionis & Ordinis sit, decedente, post harum Constitutionum promulgationem, & Sanctæ Sedis Confirmationem, statim Abbatissam, seu Priorissam cum sua Vicaria, vel ea impedita, cum aliqua Moniali ex maturioribus ætate, & prudentia, debere thalamum & omnia, quæ in eo sunt, cujuscunque generis, & qualitatis, nomine Monasterii, factò diligenti inventario, in tenutam & possessionem accipere, eaque referre omnia in commune Monasterii vestiarium, illata pecunia in commune Monasterii serinium. Thalami etiam claves apud se retinere, pro munere Officii sui, ac de his omnibus quam primum per litteras Episcopum monere, si quid hoc de genere præcipere voluerit, non obstante Monialis ipsius, dum viveret, electione Discipule, & ejusdem destinatione, etiam cum Abbatissa, seu Priorissa, cui Capituli Monialium licentia ad futuram thalami, & verum successionem: quæ omnia tamquam juri, rationi, & ipsi Regula substantialibus contraria, nulla declaramus, & quatenus opus sit, annullamus, cassamus, declaramus, neque Abbatissam, neque Priorissam, neque Moniales cujuscunque passionis, conventionis, & concordii vigore ad ejusmodi executionem obligatas fuisse, aut obligari potuisse, cum ex altera parte subsistat certissima obligatio non conveniendi, seu conventa non observandi.

Abbatissas, seu Priorissas, & earum Vicarias tamquam Monasterii Præfectas seorsum monemus, ut inter suas Moniales crebro agant hæc de re, ut omnes discant nihil possidere se proprie, usum habere in vita, in morte nullum dispositionis actum habere, aut habere posse, etiam consentiente Præfecta, cujus partes sunt dispensare, non dissipare. Hæc est dissipatio Regule, quæ nec in vita, nec in morte proprietatem Regularibus relinquit, & si quando a Moniali agrotante fuerint requisita, ut alii vel suppellectilem dent, vel thalamum, pie instruant, hoc non licere: ægra partes esse, si quod in vita commisit, lacrymis, dolore, & poenitentia Sacramento expiare, non superaddere nova piacula, quibus sæpius anima ad tremendum Dei Judicium exitura dejurpatur: si quæ licentiam, testandi, aut quomodo disponendi, aut aliquam eligendi, seu nominandi, quæ succedat, de facto dederit; declaramus eam ab officio ipso factò privatam, & depositam; eandemque in perpetuum declaramus ad idem officium, & alia quæcumque in eadem Religione obtinenda inhabilem.

Has vero Constitutiones, cum primum a Sancta Sede confirmationem acceperint, præcipimus, ubi Monasteria reformata non sunt, Abbatissis, seu Prior-

Prioribus, & Monialibus in linguam Italicam versas a Vicariis, seu specialibus Nunciis Episcoporum [ubi Disciplina Monastica reformationem notandum accepit] legi, declarari, & intimari, ac de ejusmodi intimatione in Actis Cancellariis Episcopalis scriptionem fieri diligentem.

In Monasteriis, in quibus proprietas exulat, & omnis affectio corrupta, servetur illa rerum omnium communitas, qua nihil habet, & cui nihil deest, quæ in egestate rerum copiam habet, & nihil omnino habet: Si quid enim est, hoc habet usu, non affectu; quæ quidem dives inopia in omnium Monialium domos, & vitam Pastorali prudentia & vigilantia increbenda est.

Communis esse debet Monialium mensa, ad quam omnes, exceptis agrotantibus, convenire debent, & tenentur. Pactiones, sive consuetudines, quæ corruptela sunt, ut tantum pecunie detur ei, quæ ad mensam communem non accedit, rejicimus, & nullas dicimus: & quæ vel observantur, vel ut observentur, instituerint, mensis unius voce in Capitulo privamus, aut alia pena, quæ Abbatissa, vel Priorissa loci, aut Vicaria, si principales impedita fuerint, conveniens videbitur, plebæ mandamus. Et inferius loquens Aquilejensis Synodus de Puellarum institutione ait:

Salarium pro qualibet Puella assignatum, totum Abbatissæ, vel Priorissæ solvatur, unde victus Puellis, Magistra vero aliquid commodi ultra victum propter docendi laborem suppedietur.

XVI. Hoc Concilium exto digito, inquit Magister Claustralis pag. 291. peculium permittit, docetque vitam communem ad Coneinæ criterium adeo necessariam non esse, ut sine illa paupertatis votum non stet immotum. Adversarius noster ubique sui similis est. Concilium illud non modo peculium permittit, sed digito exto Moniales invitat ad peculium? Conferat Lector Textum Concilii cum istius Adversarii nostri commentis, quia nobis nec otii, nec patientiæ tantum subest, ut longius protrahamus sermonem.

XVII. Synodus Audomarenfis anno MDLXXXIII. celebrata est. XVII. cap. 6. hæc decernit. *Ex quo in oblivionem abiit exemplum in initio westerntis Ecclesiæ in Anania, & Saphira editum, invasit plerique Monasteria cunctiosa rerum proprietas & diametro Monastica professione contraria. Quare vigilens Prælati, & Præfata, si sua, suorumque salutis consultum velint, ut exterminetur hæc pestis, curentque ut, ablatis ab omnibus*

iis.

illis omnibus rebus, quas ut proprias possident, videtur, & vestitur, ceteraque vita necessaria, aequaliter omnibus pro indigentia cujuscumque necessitate, & Monasterii facultate placide & benigne ex communi Monasterii thesauro ac penu subministrantur, non pecuniis aestimata, ac compensata, sed ipsi eorum speciebus praesentia. Id enim eis in virtute S. Obedientiae Dei loco praecipimus. Nec aliud praecipimus, quam id, quod Superiores quidem ex Officio curare tenentur, nulla ipsi relicta, dispensandi facultate, Religiosi vero ex ea, quam Deo fecerunt, sponsione observare. Usque adeo enim abdicatio paupertatis, sicut & custodia castitatis annexa est Regulae Monachali, ut contra eam nec Summus Pontifex possit licentiam indulgere. [Cap. cum ad Monasterium de Stat. Monach.] Quare aboleatur ea consuetudo, qua consueverunt Superiores Religiosis singulis annum numerare vel permittere pensionem, atque redimere necessaria vita eorum. Nec alicui pecunia permittatur, nisi pro injuncta a Praelato administratione; sed prorsus omnia in communem usum convertantur, ita ut impleatur a Religiosis quod sibi imitandum sumpserunt, & ad quod Religione sempiterna se obligarunt, illud primitiva Ecclesia: Multitudinis, credentium erat, cor unum, & anima una; nec quisquam eorum, quae possidebat, aliquid suum esse dicebat, sed erans illis omnia communia, dividebatur autem singulis prout cuique opus erat.

XVIII. Duo ad hanc Synodum responsa adhibet pag. 293. & ambo festiva. Unum est, Synodum istam non posse arctare Regulares per totum terrarum Orbem dispersos ad exactam rerum communitatem. Quod verum habet vi auctoritatis ipsius. Alterum, non plus ab Synodo ista exigi, quam Tridentinum Concilium, & laudata Provincialia Concilia praecipunt. Quod nemo pariter negat. Tria alia Concilia, nempe Turonense, Bituricense, & Avenionense Author Clausstralis promittit in medium. Verum quia haec nec pro nec contra peculium, clare loquuntur, ideo illa praeterco, ut supervacanea.

XIX. Paucis nunc perstringamus nonnulla alia peregrina valde commenta, quibus ab his Conciliis sese expedire, tentat Adversarius. Haecenus negavit aliquod eorundem communitatem praecipere. Nunc vero sub citati capitis finem fatetur, sex, aut septem Concilia legem ad versus peculium tulisse. Subdit vero, hinc haud inferri omnes universi Orbis Clausstrales his legibus teneri, sed illos dumtaxat, qui degunt in

Pro-

Provinciis, ubi celebrata Concilia sunt. Hæc sunt illius verba pag. 295.
 „ Jam vero quum Ecclesiasticæ Provinciæ in Orbe Catholico supra cen-
 „ tum reperiantur, triginta vero tantum, ut plus dicam, suorum E-
 „ piscoporum Conventus viderint, atque ex his triginta, *sex solum*,
 „ *aut septem adversus peculium legemulerint, perspicuum est perpaucos*
 „ *admodum esse Claustrales, qui ad his obsequendum legibus teneantur.*

XX. Tandem denuo ad suam *Fesam & Vallum* recurrit clamant,
 laudata Concilia non plus quicquam præcipere, quam Tridentinum:
 aut si quidquam severius jubeant, fines transiisse suos concludit pag.
 296. *Paucis respondemus, inquit, horum Conciliorum mentem, Tridentini*
menti apprime consonam esse, Et quemadmodum Tridentinum, ut probatum
est, nihil contra peculium definiuit, ita nec ab his Synodis definitum esse.
Quod si morosus aliquis, plus ab his Conciliis, quam a Tridentino sancitum
valuerit, hujus opinionem rejicimus, suosque excurrisse fines laudata
Concilia fidenter asserimus. Saltem demisso, non fidentianimo tam cras-
 sus error promendus erat. Transilirent ergo veritatis, & autoritatis
 suæ limites Concilia Provincialia, si præciperent exactam rerum com-
 munitatem, vetarent peculium? Mala igitur res est communio bono-
 rum, si Superiores præcipere illam suis subditis nequeant, quin excur-
 rant fines suos.

XXI. Pagina antecedenti nempe 295. palam falsus est. septem ex
 his Conciliis *legem adversus peculium tulisse*: nunc paucas post lineas,
 nihil contra peculium hæc Concilia definiisse asserit: aut si quid defi-
 nierint, *fines excurrisse suos* contendit. Infinitus essem, si singula Autho-
 ris istius errata persequi vellem. Paucis ergo res tota consicienda est.
 Conciliorum istorum Patres plurimi Sacro Concilio Tridentino interfue-
 runt. Ad proprias regressi Provincias Canones, & Decreta, quæ Fidei,
 & morum integritatem spectant a præfata Oecumenica Synodo edita,
 denunciarunt, explicarunt, novisque præceptis servanda inculcarunt. Se-
 ptem ex recensitis Conciliis Provincialibus, Adversario ipso testante,
 peculium Monasticum damnant. Hæc autem Concilia conceptis verbis
 testantur, se non aliud peculium damnare, quam quod in Tridentino
 Concilio vetitum est. Legantur adducta Decreta, in quibus verba ipsa
 Tridentini allegantur. Planum igitur est, Tridentinum Concilium præ-
 cepisse exactam rerum communitatem, & prohibuisse peculium. Non-
 ne

ne si Tridentina Decreta ambigua forent, istorum Conciliorum testimonia satis superque nobis proderent eorundem Decretorum germanum sensum? Nonne unum solum Provincialis Concilii testimonium prævallet authoritati centum Casuistarum, etiamsi oppositum assererent? Quam ergo vim habebunt septem Provincialia Concilia idem testantia. Nul- lum ex tot Conciliis Provincialibus negat præceptam esse a Tridentino exactam rerum communitatem. Septem, fatente Adversario, adfirmant. Ergo, etiam admissa ambiguitate sensus Concilii Tridentini, præfata Concilia omnem auferunt dubitandi ansam, causamque nostram extra omnem disputationem constituunt. Quid vero, quod Tridentina Decreta adeo perspicua, adeo manifesta, & pervia sunt, ut nec verbum illorum Decretorum cavillari ausus fuerit Adversarius ipse? Quid, quod vix Theologorum aliquis in dubium revocavit, Concilium Tridentinum præcipere bonorum communionem, vetareque peculium? Sed solum a- liqui ad contrariam consuetudinem, aut ad non acceptationem talium Decretorum confugiunt. Et tamen ejus genii & humoris est Adversa- rius noster, ut repetere passim minime dubitet, Tridentinum nihil contra peculium statuisse, additque, se id *clare probasse, evidenter demon- strasse*. Has phrasas incredibili libertate ad ravim usque repetit: num- quam tamen locum laudat, in quo hæc arcana *probatio, aut demonstra- tio* reperiatur. Legatur integrum caput 1. dissert. 3. a pag. 265. illius *Vita Clausstralis*, ubi Tridentina Decreta refert. Nihil ibi, præter nu- gas, vanasque imaginationes jam supra convulsas, quisquam reperiet. *Cap. 2. pag. 269. & seqq. ejusdem Vita Clausstralis*, ut præfata Decre- ta eludat, ad Generalia Capitula Regularium se recipit. Tandem hoc *cap. 3.* non modo Tridentinum non vetasse peculium asserit, sed, quod omnem fidem superat, addit Tridentinum ita evidenter peculium con- cedere, ut hoc Concilium sit ei pro peculio tuendo *vallum & fossa*: quod sane commentum alto sepeliendum scrobe erat. Sequentibus capi- tibus palam fiet, non modo Concilia Provincialia, verum etiam Sum- mos ipsos Pontifices evidentissime declarasse præceptam a Concilio Tri- dentino exactam rerum communitatem, vetitumque peculium.

C A P U T XL

Constitutiones Pontificiæ a Clemente VIII. ad hæc usque tempora confirmant Tridentina Decreta adversus Regularium peculia, eaque clarius, severiusque prohibent tanquam labe proprietatis inquinata.

I. **Q**Uoniam Regularium plures tum Lateranensis, tum Tridentini Decreta, propriasque, quas professi sunt, Regulas, vanis interpretamentis eludere adnisi sunt; Romani Pontifices Novas edidit Constitutiones, quibus Conciliorum Decreta confirmarunt, inepta rejecere commenta, luculentiusque peculia privata repugnare Monasticæ paupertati apertissime definierunt. Adversarii Magistri veriti haud sunt suorum Capitulorum quædam objicere statuta post Tridentinum edita, quæ peculia permittunt. At superiore capite ostensum est, hæc Statuta aliud nihil evincere, nisi quod ejusmodi Regulares reapse resistere Conciliorum Decretis. Quod hæc argumentandi ratio non defendit, sed inobedientes, ac refractarios declarat peculiorum fautores. Hæc omnia fusius capite superiore ostensa sunt, quæque ut evidentius pateant, Pontificum Constitutiones excribendæ iterum sunt, ad id nos cogentibus Adversariis.

§ I.

CONSTITUTIO CLEMENTIS VIII. qua Tridentinum Decretum adversus peculia Regularium explicatur, & istorum excusationes atque effugia penitus convelluntur.

II. **C**lemens VIII. anno 1599. sequentem edidit Constitutionem.

„ 1. Quo Tridentini Concilii Decreta de *Pauperum voto* custo-

„ diendo fidelius observentur: præcipitur, ut nullus ex Fratribus, etiam si

„ Superior sit, bona *immobilia* vel *mobilia*, aut *pecuniam*, *proventus*, *cen-*

„ *sus*, *elemosynas*, sive ex Concionibus, sive ex lectionibus, aut pro

„ Missis tam in propria Ecclesia, quam ubicumque celebrandis, aliove

Tomo I.

G g

„ ipso-

„ ipsorum iusto labore, & causa, & quocumque nomine acquisita, etiam
 „ si subsidia consanguineorum, aut piorum largitiones, legata, aut do-
 „ nationes fuerint, tamquam propria, aut etiam nomine *Conventus*, possi-
 „ dere possit; sed ea omnia statim Superiori tradantur, & Conventui
 „ incorporentur: atque cum cæteris illis bonis, redditibus, pecuniis, ac
 „ proventibus confundantur, quo *communis* inde victus, & vestitus om-
 „ nibus suppeditari possit. II. *Neque Superioribus*, quicumque illi sint,
 „ ullo pacto liceat eisdem Fratribus, aut eorum alicui bona stabilia etiam
 „ ad usumfructum, VEL USUM, administrationem, aut commendam etiam
 „ DEPOSITI, aut CUSTODIÆ nomine concedere. III. Eorum ve-
 „ ro, quæ ad necessitatem concessa erunt, nullus quicumque possideat,
 „ ut proprium, neque ut proprio utatur. IV. Qui in præmissorum ali-
 „ quo deliquerit, pœnas nedum a Concilio Tridentino præscriptas, sed
 „ alias quoque multo graviores Superiorum arbitrio imponendas incurrat.
 „ V. NULLA quorumcumque Superiorum DISPENSATIO, NULLA LI-
 „ CENTIA quantum ad bona immobilia vel mobilia excusare possit,
 „ quominus culpæ, & pœnæ ab eisdem Concilii Decretis impositæ, &
 „ ipso facto incurrendæ obnoxii sint, ETIAMSI SUPERIORES AS-
 „ SEVERENT HUIUSMODI DISPENSATIONES, aut LICEN-
 „ TIAS CONCEDERE POSSE: QUIBUS EA IN RE FIDEM
 „ MINIME ADHIBERI VOLUMUS. VI. Fratrum vestitus & su-
 „ pellex cellarum ex communi pecunia comparetur, & omnino uniformis
 „ sit Fratrum, & quorumcumque Superiorum, statuique paupertatis,
 „ quam professi sunt, conveniat. Nihil etiam, quod alicui sit necessarium
 „ denegetur. VII. Quorumcumque Fratrum vestes, sive lanæ, sive lineæ,
 „ omnisque alia supellex in aliquem commodum Conventus locum dese-
 „ rantur: ibique ab uno, vel duobus Fratribus huic muneri deputatis
 „ diligenter custodiantur, ut inde Superioris arbitrio, prout cuique opus
 „ fuerit, subministrari opportune possint. VIII. Omnes etiam Superio-
 „ res, quicumque illi sint, eodem pane, eodem vino, eodemque obso-
 „ nio, sive [ut ajunt] piscantia in communi mensa prima vel secunda,
 „ nisi infirmitatis causa impediti fuerint, vescantur: neque singulare a-
 „ liquid, quo privatim quisque in cibum utatur, ullo modo offerri
 „ possit. Si quis in ea re peccaverit, nihil ea die alimenti percipiat,
 „ nisi panem, & aquam. IX. Superiores omnes etiam Generales vel

„ qui

„qui redditus, aut præstationes particulares ratione officiorum habent,
 „eorum accepta, & expensa in libro distincto fideliter, & diligenter
 „adnotari curent: neque in alios usus, quam ratione officii sui neces-
 „sarios, quicquam expendant. Cum vero contigerit ipsos in aliquo
 „Conventu commorari, eam pecuniæ quantitatem in commune conse-
 „rant, ex qua sibi, & iis, qui cum ipso erunt, victus ad præscri-
 „ptum Regulæ, & Constitutionum suppeditetur. X. Nullus ex Supe-
 „rioribus locorum administrationem bonorum, aut aliarum rerum,
 „dispensationemque pecuniarum, & reddituum sui Conventus per seipsum
 „habere, sive exercere possit; sed universum id onus tribus Fratribus
 „eiusdem Conventus a Generali ita demandetur, ut unus rerum, &
 „bonorum, reddituumque colligendorum, ac exigendorum curam habeat.
 „Alter tanquam Depositarius pecuniarum, ac cætera ab illo collecta, ex-
 „acte, & fideliter asservet. Alius de pecuniis, & rebus a Depositario ac-
 „ceptis Priori & Fratribus, ac Conventui universo de necessariis, mani-
 „dante tamen ipso Priore, non secundum proprium affectum, sed juxta
 „charitatis regulam, veluti bonus dispensator provideat, officiorum hu-
 „jusmodi confusione penitus interdicta. XI. Cæterum hi tres tam im-
 „pensi, quam accepti, singulis mensibus Superiori Locali adhibitis e-
 „tiam duobus vel tribus Fratribus eiusdem Conventus probatoribus, re-
 „rumque usu peritis, rationem reddant. Deinde ipsemet rursus præ-
 „bus Priore, & peritis prædictis, Generali cum advenerit. Denique
 „ipse Generalis in quolibet proximo Capitulo Generali, saltem coram
 „tribus iudicibus ab ipso Capitulo ad hoc constitutis, illorum omnium,
 „universamque suæ administrationis tam publicæ, quam privæ, ratio-
 „nem reddere teneatur: cujus etiam exemplum authenticum ex actis
 „Capituli describatur, ad hoc, ut ad omne mandatum nostrum vel Se-
 „dis Apostolicæ transmitti possit. XII. In unoquoque Conventu, Fra-
 „trum istantum deinceps constituatur, & in posterum retineatur nu-
 „merus, qui vel ex redditibus illius propriis, vel ex communibus consue-
 „tis, vel etiam singulorum elemosynis, aliisve quibuscumque obventio-
 „nibus in commune, ut præfertur, conferendis commode possit susten-
 „tari. Redditus vero, & supradicta omnia in communi loco, ac tuto
 „diligenter asserventur. XIII. Superioribus autem, ne Concilii Triden-
 „tini, aut hæc nostra Decreta declarare, interpretari, aut relaxare ullo-

„ modo possunt, omnino interdicimus, & prohibemus, decernentes irritum
 „ &c. Si quis autem contra præsumpserit attentare, is, eo ipso, omni
 „ gradu, officioque privatus, & ad ea perpetuo inhabilis existat „.

§. II.

Interpretamenta Magistri Vindiciæ refelluntur.

I. **M**irifica plurium annorum spatio in Casuillis laxioris Ethices com-
 menta offendi. Nullum tamen adeo prodigiosum, ac illud
 Magistri Vindiciæ occurrit. Paucis ille verbis, nulloque adjecto furo, o-
 re rotundo negat, Clementem VIII. prohibere in laudata Constitutione
 peculia, siue deposita. Rem incredibilem, veram tamen, enarro. En
 verba Regii Professoris pag. 171. & 172. num. 86. *Ad Decretum Cle-*
mentis VIII. isidem nobis oppositum, respondeo, quod laudatus Romanus
Pontifex [siue solam Tridentini legem firmaverit, siue ad eandem sarsam
testam custodiendam præscripserit etiam modum in praxi tenendum] nulla-
tenus vel depositum eliminavit, vel vitalitium præscripsit, sed, dumtaxat
proprietas illam averruncare studuit, quam jure summo Tridentina Sy-
modus condemnavit. Si Constitutiones Clementinæ verba Arabica essent,
 aut Caldaica, vel Ægyptiaca, quampiam sibi mereri veniam posset R.
 Magister. At latina eum sint, obvia etiam, atque perspicua, haud ap-
 parent, qua excusari via possit. Quid amabo te, hæc Constitutionis verba
 sub numero secundo posita significant? Neque Superioribus, quicumque il-
 li sint, ulla pacto liceat eisdem Fratribus, aut eorum, alicui bona stabilia,
 etiam ad usum fructuum, *VEL USUM*, administrationem, aut commendam,
 etiam *DEPOSITI*, vel *CUSTODIÆ*, nomine concedere. Quid produnt
 hæc alia sub numero quarto collocata? Nulla quorumcumque Superiorum
 dispensatio, nulla licentia, quantum ad bona immobilia, vel mobilia, Fra-
 tres excusare possit, quomodo culpa & pena ab ejusdem Concilii Decre-
 tis imposita, & ipso facto incurrenda obnoxii sint, etiamsi Superiores as-
 severent, hujusmodi Dispensationes, aut licentias concedere posse: quibus in
 eo re fidem minime adhiberi volumus. Quid ad hæc Regie Professor? Nul-
 latenus, nullo modo Constitutio Clementis VIII. prohibet siue deposita,
 siue census vitalitios, seu bona stabilia? Nullatenus? Si Advocatus in pu-
 bli-

blico Foro, omni fronte posita, coram Iudice negaret documenta adeo huculenta, & splendida, dubio procul exilii poenam non evaderet. Et Saceratus in Theologia Magister in conspectu universæ Reipublicæ illiterariz, nulla quæstia latebra, glenis buccis negat laudatorum textuum sensa cuique sanæ mentis obvia? Quid dicendum? Ignorare Theologum latinarum vocum significatum? Volle ipsum imperitos decipere, & mentiri in causa gravissima? Absit. Quid ergo? Ille respondeat, ille se se defendat. Neque enim imbecillitati nostræ quidquam occurrit, quo illum de alterutro purgemus lapsu. Sed audi quæ eadem pag. 172. continuo subdit. *Quum ergo Clemens VIII. ad Tridentinæ legem custodiendam Decretum ediderit, quomodo venit depositum ab Tridentino permittum? Concilium Tridentinum depositum permittit? Indos ne, an Garamantes alloquitur Regius Professor? Tanquam suppositum (ut ajunt) certissimum constituit depositum a Tridentino permitti? Ubi vel verbum in eo Concilio peculio favens? Quin ubi clarius, ubi severius, quam in Tridentino Concilio damnatum peculium? Postremo, si verba Tridentini aliquam exciperent interpretationem, sententia, quam pro Tribunali Supremo sedens protulit Clemens VIII. litem omnem dirimit.*

§. III.

Responsa Magistri Vitæ Clausuralis, valde mirifica, nimis rigoris, & durioris severitatis postulant Clementis. Papæ VIII. Constitutionem.

I. **R**everendus P. Magister Vitæ Clausuralis pag. 296. hæc primum ultro fatetur. *Equidem si unius Clementis VIII. Decretum de Regular. Reformat. quantum ad eum, qui primo aures nostras percellit, sonum obiter attendamus, non nisi RIGOREM, & SEVERITATEM detonare videtur.* Etiamne P. Magister Pontificis Constitutiones Rigorismum severum detonare videntur? Hanc tuam Rigorismi notam tanto Pontifici tacite impactam, ut injustam evincunt millia millium Regularium, quæ exactam rerum communitatem a Sanctissimo Pontifice præscriptam, adamussim observant. Rigorismum detonat Clemens VIII. præcipiendo illam ipsissimam, & nec tantillum severiorem communitatem, quam semper.

per observarunt, servaruntque, Deo dante, in dies omnes Sacri Ordines. suarum legum observatores? Exscripto. Decreto. Clementino, paucisque verbis, quibus Author Disciplinæ Monasticæ perspicue prohiberi in præfato Decreto peculium dixit, hæc. confessim. reponit. eruditus. Magister pag. 298. *Sed geræ, geræ, humanissime Frater, æque germanissima sunt hæc Declarationes.* Nihil hic declaravit Frater tuus. Pontificias dumtaxat Declarationes, quibus Clemens VIII. exposuit Concilii Tridentini Decretum, narravit, Quid? Clemens VIII. declaravit peculium. Monasticum, non adversari Tridentino Concilio? Apage nugas, apage. commentum. *Extra omnis dubitationis aleam.* [subdit continuo. P. Magister ibidem] *ponimus, Clementem VIII. pro certo habuisse privatum. Clausulium peculium Tridentini Decretis non opponi.* Quod est in questione, extra omnis Disputationis, aleam constituit? Digna sane tanto Magistro disputandi ratio. Sed. hanc rationem, cur, asserat. Clementem, VIII. declarasse peculium. non, opponi Decretis Tridentini Concilii, audiamus. *Hoc* (inquit ibidem) *aperte colligitur ex constitutione de largitione munerum utriusque sexus Regularibus interdicta, quæ incipit, Religiosæ Congregationes, in qua §. 3. prohibetur ne Clausuales largiantur munera ex pecuniis.* R. Magister semper sibi in disputando constat. Constitutio. Clem. VIII. *de largitione munerum* edita est anno MDXCIV. Altera. Constitutio adversus peculium edita est anno MDXCIX. Canonistæ, & recta ratio præscribunt, legem priorum per. posteriorem. explicari posse; secus e contrario. Accedit, quod. tunc una lex. per. aliam. explicatur, quando ambæ. eandem. rem præscribunt, aut. vetant. Largitio. autem munerum. vetita. a Constitutione priorum. anni. 1594. diversa omnino. res. est a peculio. vetito. per. Constitutionem anni. 1599. Quid plura. Author. Vitæ Clausualis falsitatem, absit. invidia. verbo, evulgar, dum. scribit. Clementem. VIII. prohibuisse, ne *Clausuales largiantur munera ex pecuniis.* Quin. oppositum aperissime Pontifex. vetat, videlicet. Regularibus. munera. largiri. interdicat. ex quibuslibet bonis. tum ipsius. Monasterii, tum. particulari. industria. acquisitis, & in rem communem redigendis. Inquit enim, Pontifex. sub initium ejusdem §. 3. *Absolute, & generatim. vetitum intelligatur, ut neque omnino fas sit quicquam. donare, tam ex fructibus, redditibus, proventus &c. quam ex pecuniis etiam, quæ a singulis. quovis modo. acquisita in COMMUNI. conferenda. omnino sint.* Legatur integra hæc de largitione munerum

Constitutio, in qua si vet unicum verbum reperitur, quo Pontifex peculium aut nominet, aut approbet, decedere de sententia velim. Ad extremum, In Constitutione ultima anni 1599. Clemens VIII. ex Institutio, & summa perspicuitate causam peculii discutit, illudque severissime, quacumque versuta arte tectum, prohibet. In priori Constitutione ex professo munerum largitionem versat. Ergo etiamsi in hac quodpiam ambiguum verbum in materia peculii obiter insertum reperiretur, illud explicandum esset juxta sensum ultimae Constitutionis, quae tota est in peculio vetando. Ceterum sinceritas, & bona fides R. Magistri clucet in ultimis verbis, quibus asserit, Clementem VIII. in sua Constitutione lata anno 1599. *a sententia sua* (lata 1594.) *non recessisse*, quasi anno 1594. in Constitutione de largitione munerum causam peculii definivisset. Hæc bona fides istius Authoris singulis paginis emicat, Verum quæ sequuntur magis festiva sunt. A Decreto Clementis VIII. appellat R. Magister ad Capitula Generalia Clausralium in Hispania celebrata. „ Postquam [inquit P. Magister pag. 298.] Clement VIII. hæc „ sua de reformandis Clausralibus circa paupertatis votum juxta Tridentini Sanctiones edidit Decreta, ejus mens *ÆQUO SEVERIOR* visa „ est : nec satis intelligentes *Claustales*, quæ de re plus sibi impone- „ retur, quam exegerit Tridentinum Concilium, Pontificem non qui- „ dem melius consultum, sed a se non bene intellectum adiere, tanti „ Oraculi sensu clarius percepturi. Hieronymus Xaviere. . . ex his fuisse „ *DICITUR*, qui Clementis Oraculum consuluerit, ei que obtulerit peculii „ rationes : & Clementina Decreta non eliminare peculium acceperit : ideo in *Comitiis Generalibus* . . . an. 1609. *Valisoleti* in Hispania *DEFINIVIT*, sanxitque : „ *Confirmamus illam legem de depositis, videlicet*, „ qui pecunias undequaque habuerint, teneantur sub poenis proprietarii de- „ bitis intra terminum 24. horarum Prelato suo presentare &c.

II. Bene habet. Sententiam DEFINITIVAM audiui. Eam nunc expendamus. Et principio: Mens ergo Clementis VIII. Clausralibus *plus æquo severior visa est*? Eccur? Forte, quia peculium vetat? Ais. Non ergo nugæ, gerasque vendit Frater tuus, dum scribit, Decreta illa Clementina peculia vetare. Sed Hieronymum Xaviere consuluisse *DICITUR* Clementem VIII. & ab eodem accepisse, peculia non adversari suis Decretis. *Itecirco definitivè sanxitque Xaviere &c.* At si quis reponeret, hanc nar-
ratio-

rationem putidam esse fabellam cerebro suo confictam, qui se defenderet R. Magister? Qui se defenderet? Data opera adjecit illud *DICITUR*, ut sibi caveret. At a quo dicitur? Quodnam documentum prodit, ut remanentia sua incredibilem confirmet? Monumentum est *TO DICITUR*. Litterate. Clementis VIII. Constitutionem solemnem edidit, qua universæ Ecclesiæ interpretatus est Tridentinum Decretum super Monasticæ pauperis voto. Constitutio hæc plus æquo severior visâ Clausralibus est. Quid tum Pontifex, ut rigorem deliniret? Facultatem dedit Clausrali uni, ut Vallisoleti in Hispania in suo Generali Capitulo sententia definitiva declararet Pontificiæ Constitutionis sensa. Si quis diceeret, hæc esse figmentum plûquam poetica, & festiva delirantis vetulæ somnia, transiliret ne modestiæ limites?

III. Si non placet hujus Tribunalis sententia, dabit aliam. „Ordo (subdit cit. pag. 299. R. Magister) *B. Mariæ de Mercede Redemptionis Cap. priorum*, quæ & qualis fuerit Clementis VIII. mens & animus, *MANIFESTIUS* ostendit, cum enim post laudatum Clementinum de Reformatione Decretum, nonnulla ab omnibus sancte observanda statuisset, *inter qua peculium* reperitur, ea Clementi VIII. obtulit confirmanda, anno nimirum 1600. & an. 1604. „

IV. Ut aliquo tangatur sensu Magister *Vita Clausralis*, discatque in posterum sibi temperare a fabellis evulgandis, iterum rescribenda sunt verba ipsius Clementis VIII. quibus Clausralibus facultatem adimit interpretandi, aut relaxandi sive Tridentina, sive hæc sua de exacta rerum Communitate Decreta. En verba Clementis inserta illius Decreto. *SUPERIORIBUS autem, ne Concilii Tridentini, aut hæc nostra Decreta DECLARARE, INTERPRETARI, aut RELAXARE* ullo modo possint, *OMNINO INTERDICIMUS, & prohibemus, decernentes IRRITUM &c.* Si quis autem contra præsumpserit attentare, is, eo ipso, omni gradu, officioque privatus, & ad ea perpetuo inhabilis existat. I'nunc Præco, pœnasque in eos constitutas indicito, qui publicum decipientes, Clausralium Superiorum, Capitulorumque Generalium Declarationes obtrudunt, ut Tridentina & Clementina de exacta rerum Communitate, peculio p̄fisso, Decreta eludere, penitusque labefactare pertentent. Author iste Clausralis, ut capite superiore vidimus, duos suos Magistros Generales Justitiarum, & Caballum diffamavit, ut Concilii Tridentini temeratores.

In presentia suum Magistrum Generalem Xavierre seu Clementinæ Constitutionis contemptorem traducere non reformidat, ut suæ crumenæ præsidium quærat.

V. Plurima alia infarcit pag. 301. non ridicularia modo, verum etiam nimium in Pontificem injuriosa. Inquit enim, Clementem VIII. ostentasse severitatem, sicut ille, qui generosos, ac desultorios agit equos, in adversam semper dextrorsum, aut sinistrorsum, ut medium teneant, partem cogit Præterquam quod in interpretandis his, & similibus legibus, quæ **PLUS ÆQUO DURIOR**ES videntur, valet Regula illa L. Nulla &c. Equorum moderatio dextrorsum, & sinistrorsum nobilis similitudo est, & viva imago ad exprimenda Pontificis Constitutionis sensa. Repetita *Injusti Rigoris* nota in Clementinam Constitutionem, aliud est in Pontificem obsequii testimonium.

VI. Præfata commenta, nec ipsi R. Magistro plene satisfaciunt. Quare addit cit. pag. 301. *Quibus omnibus, si addere velimus, Clementem VIII. optasse quidem, ut omnes Clausstrales exactam vitam, ejusque peculii expertem amplecterentur. Ad eam tamen non nisi sponte volentes adstrinxisse: id commodè ex ejusmet verbis addere possumus.* Clemens VIII. Decreta Concilii Tridentini interpretatur. Poenis a Tridentino constitutis in transgressores novas adjicit. *Qui in Præmissorum* [inquit Clemens n. 4.] *aliquo deliquerit, penas, nedum a Tridentino præscriptas, sed alias quoque multo graviores Superiorum arbitrio imponendas incurrat. Nulla quorumcumque Superiorum dispensatio, nulla licentia Fratres excusare possit, quominus CULPÆ ET POENÆ ab ejusdem Concilii Decretis impositæ, & ipso facto incurrendæ obnoxii sint.* Quid dicit Magister Clausstralis? Hortatoria ne tantum verba hæc? Talia audet scripturire? Si bellum Magistri nostri inventum consisteret, actum, conclamatumque esset de universis Tridentini Decretis, aliisque legibus omnibus. Commoda, inquit, est interpretatio, hæc, Commoda utique cupiditati, sed veritati infesta.

C A P U T XII.

URBANUS Papa VIII. confirmat Decretum Clementis VIII. præcipientis exactam rerum communitatem, pulsus peculiis quocumque velamine testis. Incredibili confidentia hoc **FACTUM** negat P. Magister Vitæ Claustralis.

I. Reverendus P. Magister Vita Claustralis scribit pag. 302. *Perspicuum est, Urbanum VIII. Clementina Decreta de EXACTA VITA COMMUNI non innovasse. Hæc palmaria sunt, & solis indoctis ac simplicibus non nota. Factum solis oculis decidendum, Urbanum nempe VIII. confirmasse, & innovasse laudatum Decretum de exacta vita communi pernegare non reformidat? Quæ, amabo, pœnæ luendæ, si publicum decipiatur in re adeo gravi, & tam manifesta? Decretum Clementis VIII. de exacta vita communi capite præcedenti descriptum habetur in Bullario Romano tom. 3. pag. 79. & sequenti, cujus initium est **NULLUS OMNINO** &c. §. 2. *QUO Tridentini Concilii &c.**

II. Urbanus Papa VIII. omnia Clementis VIII. Decreta de Regularium reformatione innovat, & confirmat, ut habetur in eodem Bullario Romano Tom. 4. pag. 63. ubi primum Sacra Congregatio Cardinalium Concilii Tridentini hæc testatur §. 1. **SANCTISSIMI** (Urbanus VIII.) auctoritate innovat Constitutiones & Decreta Generalia Sancti. Mem. Clementis VIII. de Regularium Reformatione : ibi confirmat Decretum De Apostatis &c. Pag. 64. confirmat Decretum de Novitiis non admittendis ad habitum Regularem, nisi in Conventibus designatis.

III. Pag. 65. ejusdem 3. Tom. describitur integra Constitutio Clementina præmissa inscriptione **URBANUS PAPA VIII.** Deinde incipit Constitutio Clementina **NULLUS OMNINO** : & de verbo ad verbum rescribitur usque ad pag. 67. ubi desinit. Facta severa collatione, nec in apice discrepat ab ea, quæ inserta est citato tom. 3. pag. 79. sub Titulo Clementis VIII. Lectores rogo, obtestorque, ut tomum 4. Bullarii Urbani VIII. legant a pag. 65. usque ad pag. 67. & nisi invenerit confirmatum Decretum integrum Clementinum, *Quo Tridentini*

Con-

Concilii Decreta de paupertatis Voto custodiendo fideius observetur, Præcipitur &c. me mendacem habeant. Ne ergo tempus inutiliter teramus, ad alia pergo.

C A P U T XIII.

INNOCENTIUS XII. confirmat Decreta Clementis, Urbani, aliorumque Prædecessorum Pontificum Decreta super exacta rerum communitate. Sacrum Cardinalium Collegium crexit, ut hæc Decreta sacra testia custodiat. Facultatem Claustralibus adimit recipiendi ad habitum juvenes, nisi SACRO JURE JURANDO testentur exactam rerum Communitatem vigere in Cœnobiis, in quibus professio Monastica emittenda est.

I. **M**ISSIS Pauli V. Gregorii XV. Alexandri VII. & Innocentii X. Constitutionibus brevitatis gratia, pauca referam ex Decretis Innocentii Papæ XII. quæ tametsi relata fere integra sint in *Disciplina Apostolico-Monastica*, tamen Adversariorum importunitate vidui rescribere cogimur. Decreta habentur in Bullario ejusdem Pontificis pag. 267. & seqq. Initium Decretorum hoc est: *Sanctissimus &c. Ut Regularis Disciplina ad Religiosorum salutem, & totius Christiani populi adificationem utilitatemque sacra testia custodiantur, ac vigeat, ac sicubi collapsa est, adjuvante Domino, reparetur: constituit, & declaravit, se licentiam recipiendi Novitios in singulis approbatis Ordinibus benigne concessurum: dummodo tamen, quæ pro Regulari vita recte instituenda, tam a Sacrosancta TRIDENTINA SYNODO, quam a Prædecessoribus nostris Romanis Pontificibus, præcipue vero sel. record. CLEMENTE VIII. in Decretis Generalibus pro Regularium Reformatione, nec non INNOCENTIO X. & ALEXANDRO VII. pro Novitiorum receptione, & professorum educatione salubriter constituta sunt, quibus omnibus firmiter inhaerens Sanctitas sua, eaque quatenus opus sit CONFIRMAT, & renovat (salvis tamen in hac parte singulorum Ordinum Statutis, seu aliis Ordinationibus ab Apo-*

solica Sede in FORMA SPECIFICA, post eadem Decreta forsitan approbata aut editis] exacte, & inviolate servantur.

II. Omissa fuerat in Disciplina Apostolico-Monastica illa periocha [*salvis tamen in hac parte &c.*] utpote non necessaria tum quod non exactam rerum communitatem spectat, tum quod de approbatione in forma specifica sermo est, qua approbatione compertum est, nullas Regularium Constitutiones peculium permittentes post Clementem VIII. esse confirmatas. Hoc jam jam clarius patebit. Quæ sequuntur igitur causam dirimunt.

III. Quo circa Sacra Congregatio ab eodem Sanctissimo Domino nostro super Disciplina Regulari specialiter deputata de mandato Sanctissimæ sue præsentis Decreti tenore denunciavit omnium Singularum Ordinum Regularium Superioribus, tam Generalibus, quam Provincialibus quicumque nomine nuncupentur, cæterisque, ad quos spectat, ut in unaquaque Provincia, per Italiam, & Insulas adjacentes, quam primum deputent aliquos Conventus, quos magis aptos censuerint, vel unum saltem, ibique auctoritate Apostolica statuam omnimodam observantiam Regulae & Constitutionum ejusdemque Ordinis & Decretorum Apostolicorum, precipue vero EXACTÆ VITÆ COMMUNIS. Postquam vero Regularem observantiam, & signanter quoad EXACTAM VITAM COMMUNEM CUM EFFECTU stabilitam fuisse, tum ex eorundem Superiorum Generalium, seu Provincialium relatione, quam Præpositi, & Fratrum in præfatis Conventibus degentium, JURANDO FIRMATO TESTIMONIO eidem Sacra Congregationi sufficienter consulerit, tunc Sanctitas sua antedictam licentiam, quam hactenus distulit, Novitius ibidem recipiendi lenigne concedet

Porro ne Regularis Disciplina, dum in Conventibus jam erectis statuitur, relaxetur in erigendis, & quod una ex parte consuevit, simul ex altera destruantur, Sacra Congregatio, Sanctitate sua similiter approbante, statuit atque decrevit, nulla impossetur Monasteria, Collegia, Domos, Conventus, aut alia Religiosorum virorum loca fundari, erigi, aut quovis modo institui debere, nisi sub EXPRESSA OBLIGATIONE EXACTÆ VITÆ COMMUNIS ab omnibus Religiosis ibi commorantibus perpetuo, & inviolate servanda, ac præterea nullas deinceps admittendas hujusmodi fundaciones, nisi, præter alia ad id requisita, prius legitime consi-

*Auteris, adesse annuos redditus vel certam elemosynarum spem, quibus duo-
decim saltem Religiosi in EXACTA VITA COMMUNI commode uti
leant sustentari.*

IV. Perpendat nunc P. Magister Vitæ Claustralis quæ sequuntur.
De more impossuras asingere Authori Disciplinæ Monasticæ in deliciis
habet. Scribit enim pag. 306. illum eate & de industria præterisse su-
pra indicatam periocham : *Salvis tamen* &c. Perpendat inquam quæ se-
quuntur in Decreto Innocentiano.

V. Non obstantibus circa præmissa OMNIA & SINGULA Constitutio-
nibus, & Ordinationibus Apostolicis, nec non quorumcumque Ordinum STA-
TUTIS, consuetudinibus, Privilegiis, cæterisque contrariis quibuscumque.

Ad extremum eadem Sacra Congregatio Regulares omnes, cujuscumque
Ordinis, & Instituti sint, SANCTITATIS suæ verbis serio admonet,
& in Dominio obtestatur, ut omni mora postposita, sicut Filios obedientie
debet, ad Regula, quam complexi sunt, Præscriptum, vitam instituant, &
comparent, Decretisque Apostolicis pro ÆTERNA illorum SALUTE edi-
tis, sincere, fideliterque pareant. Nec ab eorum observantia inanibus in-
terpretationibus, & fallaciis, aut RELAXATIONUM PRÆTEXTIBUS
AD EXCUSANDAS EXCUSATIONES IN PECCATIS abduci se fi-
nant. Sed Professionis suæ memores, quæ se totos Dei obsequio mancipa-
runt, susceptæ Christianæ perfectionis iter, arduum quidem, sed Divina
Charitatis alacritate aspersum, abjectis terrenarum rerum curis, alacriter pro-
sequantur.

VI. His amplissimis Decretis Clemens VIII. Urbanus VIII. Paulus
V. Alexander VII. & tandem Innocentius XII. abtulerunt omnem con-
trariæ consuetudinis prætextum. In his Cœnobiis exactæ communis
sacro jure jurando firmata professionem emisere RR. Magistri. Quid ?
Reponent neludibunda esse tot gravissima Pontificum Decreta, ut nempe
Conventum ipsum materiale, seu muros, tectumque, secus Fratres as-
tringant ? Aut pro illo tantum Novitiatus anno obligent, quo elapso,
soluti a lege sint ? Sed hæc (inquit Ramirex Archiepiscopus Brundisinus
pag. 75.) frivola sunt. Nam Summus Pontifex in iisdem Decretis inno-
vat & confirmat Decretum Sac. Concil. Trident. & Bullas, atque De-
creta suorum Prædecessorum : sed tam Decreta Concilii, quam Bulla &
Decreta aliorum Pontificum Regulares omnes quorumcumque Ordinum tam

viros, quam feminas comprehendunt, ut supra monuimus. Dicant modo RR. Magistri, quo eunículo perjurii violatæ communitatis reatum evadere queant? Respondeant, qua fronte audent legem communitatis publice denegare, si in iis Cœnobiiis professi sunt Religionem, in quibus fervari exactam rerum communitatem sacro jure jurando Apostolicæ Sedi affirmatum est? Quid plura. Ne temporis decursu aut silentium, aut tolerantiam contrarii abusus in Apostolica Sede quispiam vel somnare possit, præter laudata Decreta Innocentius XII. aliud edidit, quo Sacrum Purpuratorum Collegium crexit, seu erectum confirmavit, ut perpetuo vocem exaltaret adversus Monasticum peculium, exactæque rerum communitatis observantiam promoveret. Decretum hoc insertum est citato Bullario pag. 309. ejus initium est *Debitum Pastoralis Officii*. Deinde inter alia hæc habet.

VII. *Sicut non sine gravi animi nostri molestia accepimus, tametsi Decretorum hujusmodi observantia in plerisque Religiosorum Virorum Monasteriis, seu Conventibus prospere ac feliciter introducta fuerit, atque exinde inibi uberior in dies electi Sanctorum operum frumenti messis benedicente Domino exurgat, non eosdem tamen alibi cœlesti idem semen offerat fructus, neque enim cessatis, nec adhuc cessat humani generis hostis in agro Domini superfeminare zizania, qua Patris Familias sementem suffocant. Hinc est quod nos Prophetici illius moniti memores: clama ne cesses, quasi tuba exalta vocem tuam: ut constans enixaque voluntas nostra inceptum opus hujusmodi peculiari studio, summaque animi contentione prosequendi magis ac magis innotescat, omnisque TRANSGRESSORIBUS VANO, FALSOQUE SILENTII NOSTRI PRÆTEXTU se se excusandi occasio penitus praecludatur, motu proprio prædictam Congregationem Cardinalium, & Prælatorum super Disciplina Regulari, tenore præsentium perpetuo approbamus &c. . . . Ipsius autem Congregationis a nobis sic confirmatæ facultates sint & esse debeant . . . designandi ac deputandi pro Novitiatus & professoriis Conventus, Monasteria, Collegia, ac Domos &c. . . . Decreta tum scilicet Record. CLEMENTIS Papæ VIII. Prædecessoris nostri super reformatione Regularium . . . potissimum vero EXACTÆ VITÆ COMMUNIS observantiam promovendi, atque ad hunc effectum dumtaxat novas quorumcumque Conventuum, Monasteriorum, Collegiorum, & Domorum hujusmodi fundationes diligenter examinandi, ne ulla scilicet*
in

in posterum Religiosorum virorum loca fundari, erigi, aut quovis modo institui contingat, nisi in quibus eadem *VITA COMMUNIS* juxta ultimum dictorum Decretorum præscriptum perpetuo & exacte servari valeat &c.

Non obstantibus &c. quorumvis Ordinum, Congregationum, Societatum, & Institutuum, aliisque quibuscumque etiam juramento firmatis, *CONFIRMATIONEQUE APOSTOLICA*, vel quavis firmitate alia roboratis Statutis, & Consuetudinibus, privilegiis quoque, indultis & litteris Apostolicis eisdem Ordinibus, Congregationibus, Societatibus, & Instituentis illorumque Superioribus, & personis, ac aliis quibuscumque sub quibuscumque verborum tenoribus, & formis, ac eum quibuscumque etiam derogatoriis derogatoriis aliisque efficacioribus, efficacissimis, & insolitis clausulis irritantibus, ac aliis Decretis in genere, vel in specie, vel aliis quomodolibet in contrarium concessis, confirmatis, & innovatis &c.

VIII. Hac legantur. Deinde Author Claustralis comparet, si potest pag. 308. adversarium suum seni illi avaro, qui pecunias suas olla inclusas domi absconderat, de quibus servandis adeo anxius erat, ut quoties ollam nominari audiebat, ratus ollam suam dici, continuo accurrebat. *Quid de olla, quid ollam dicis? Haud secus contigit Fratri nostro. Postquam vita communi sine peculio mentem suam pavit, quotiescumque in aliquo RR. Pontificum Decreto Vitam communem invenit, clamat statim: Adest hæc Vita communis &c. Ecce R. Magister adeo frequenter me cogit, illum suismet vilissimis jocis, æniiisque deridendum propinare, illosque, quos mihi definivi modestiæ, & gravitatis limites transilire? Quid Camerinam hanc movet? Quid ollam objicit, si pro olla denariorum dixerim an pulmentorum depræliatur? Conglaciaret ne olla sua, frigeretque sartago, si peculium illi auferretur? Melius cum Hieronymo lib. 3. Epistol. advers. Vigil. dixerem. Inter phialas philosophatur, & ad placentas ligniens. . . . tantum inter epulas Asaph, & Filiorum Chora cantica audire dignatur. Hæc dolentis magis animo effudi, quam ridenti, dum me cohibere non possum, & injuriam Apostolorum (quibus pecuniam affingit) surda nequeo aure transferre.*

C A P U T XIV.

FORMULARIO præscripto a SS. Pontifice **INNOCENTIO XII.** exactæ communitatis servandæ in Cœnobiis pro Monastica professione designatis, reapse solemnî **JURAMENTO** bodie subscribunt Regulares, ut facultatem recipiendi juvenes a Sacra Congregatione super Disciplina Regulari obtineant. Ad incitatus rediguntur Adversarii, qui alto silentio hoc solemnem juramentum obvolvunt.

I. **C** Apite superiori descripsimus **FORMULARIUM**, quod **INNOCENTIUS XII.** inseruit suis Decretis editis die XVIII. Julii anno MDCXCV. subscribendum a Regularibus, ut valeant ad Professionem Monasticam juvenes recipere. Puncta in **FORMULARIO** contenta, quæque sub **JURAMENTO** affirmari debent hæc sunt. In Cœnobiis designatis pro Monastica emittenda professione vigere debet Regulæ, & Constitutionum perfecta observantia. Sed in primis exacta rerum communitas in effectu observetur necesse est. Tandem solemnî **JURAMENTO** adfirmare reapse Regulares debent, in ejusmodi Cœnobiis & Regularum propriarum legum, & perfectæ communitatis observantiam ex amussim florere. Postquam vero, inquit Pontifex Innocentius, Regularem observantiam, & signanter quoad **EXACTAM VITAM COMMUNEM CUM EFFECTU stabilitam JURE JURANDO** firmato testimonio eidem Sacra Congregationi consisteris &c.

II. Ostensum quoque est, Summum Pontificem Innocentium XII. Congregationem peculiarem crexisse, quæ ejusmodi **JURAMENTUM** servandæ communitatis recipiat, ut, inquit Pontifex Sanctissimus, transgressoribus **VANO, FALSOQUE PRÆTEXTU SILENTII NOSTRI** sese excusandi **OCCASIO PENITUS PRÆCIDATUR.**

III. Reliquum nunc est, ut **FORMULARIUM** illud, quod reapse **JURE JURANDO** firmatum exhibent laudato Sacro Purpuratorum Patrum Collegio Regulares, ut facultatem assequantur recipiendi Juvenes ad Religionem, describamus. Est autem tenoris sequentis.

Exem-

*Exemplar formularii, quod jurant Regulares servanda
exactæ communitalis.*

IV. Nos infraſcripti fidem facimus, & in **VERBO VERITATIS** teſtatur, quod in hoc Conventu **N. ſtabilita eſt PERFECTA BONO-
RUM COMMUNITAS**, & omnia bona Fratrum particularium, tum quoad **OMNES PECUNIAS**, tum quoad veſtes, & alia, ſive ſint cenſus viſalitiæ, ſive eleemoſyna ex prædicationibus, ſive undequeque provenientia, **OMNIA SINT CONFUSA** cum bonis, & redditibus Conventus, & ipſis incorporata juxta Decreta Sanctæ memoriæ **CLEMENTIS VIII.** & **INNOCENTII XII.** & Sacræ Congregationis Diſcipline, ita ut ex ipſis omnibus equaliter provideatur tam tempore ſanitalis, quam infermitatis. Et eſt ſtabilita Veſtigia communis, in qua repoſita ſunt omnium Fratrum veſtes, ac omnia, quæ ad communem uſum ſunt: ex qua Veſtigia omnibus equaliter provideatur juxta uniuiſcuſque Fratris indigentiam. In hoc etiam Conventu ultra bonorum ſupradictorum perfectam communitatem viget Regularis obſervantia ſecundum rigorem Conſtitutionum noſtrarum. Et Noſtri in hoc Conventu Religioſe enutrientur, & educantur in omnibus exercitiis ad ſtatum Religionis noſtræ ſpectantibus, & tam de die, quam de nocte probantur. Quare humiliter ſupplicam infraſcripti, cum **JURAMENTO** omnia ſupradicta affirmantes, Sacræ Congregationi Diſcipline Regularis pro licentia recipiendi juvenes ad habitum. Actum die &c. anno &c.

V. Hoc eſt in cauſa noſtra **FORMULARIUM**, cui ſubſcribunt quoto biennio, aut triennio Regulares: hoc eſt **JURAMENTUM** ſervandæ exactæ communitalis, quod Sacræ Congregationi ſuper Diſcipline Regulari exhibent, ut facultatem recipiendi ad habitum juvenes affequantur. Colligas hæc velim, quam verum ſit, quod in Præfatione **Num. XIV.** innui: videlicet eandem fere ſollicitudinem, vigilantiam, ac ſtudium Eccleſiam Romanam in inſtauranda exacta rerum communione in Regularium Cœnobii prætuliffe, quam in afferendis fidei articulis adhibuit adverſus errores Janſenianos. Tanta ſiquidem perſpicuitate tum in Concilio Tridentino, tum in Decretis Clementis VIII. & Succellorum Pontificum præcipit præſatam bonorum communionem,

Tomo I.

I i

pro-

prohibetque peculium, ut nulla sit excogitabilis clausula, phrasis, vel expressio in hunc finem necessaria, quam Summi Pontifices non adhibuerint, ut sequenti capite demonstrabo. Postremum, ne temporis decursu aut silentium Romanæ Sedis, aut consuetudo contraria allegari a quoquam posset, descriptum *formularium* subscribendum instituit singulis bienniis.

VI. Quæret fortasse quispiam, cur in *FORMULARIO* juretur exactam rerum communitatem in Cœnobiis pro *Novitiis* destinatis vigere, cæterarumque legum observantiam? Respondeo: ut nemo unquam contrariæ consuetudinis larva sese excusare queat. Quamquam enim omnes Claustrales eodem sacro vinculo exactæ communitati adstricti sunt, tamen contingere in pluribus Cœnobiis potest, ut abusus, & corruptelæ peculiorum, & relaxationis serpent. Qua in hypothesi, Novitiū in ejusmodi Cœnobiis Religionem profitentes, consuetudinis prætextum opponendi ansam haberent. Ut ergo omnis excusationis prætextus omnino præcideretur in *formulario* exprimunt Cœnobia, in quibus juvenes omnes professionem emittunt.

VII. Hoc solemne juramentum exhiberi cœptum est ab anno 1696. In ejusmodi Cœnobiis omnes fere, qui nunc vitam agunt, Regulares, paucis senioribus exceptis, Vota sua Deo nuncuparunt. Qua ergo via sese ab exactæ communitatis obligatione absolvunt? Numquid *Sacrum Jusjurandum* servandæ communitatis illo dumtaxat *Novitiatus* anno obligat? Non puto, quemquam repertum iri, qui delirare tam aperte velit. Novitii omnes integro illo anno, quo Religionis profitendæ tyrocinium ponunt, reapse jejunia, silentia, abstinentiam, cæterasque austeritates juxta cujusque Religionis præscriptum, ac tandem exactam rerum communitatem servant, quolibet privato peculio pulso. Si hoc negant, sacrilegum ergo perjurium, non juramentum exhibere Sacræ Congregationi asserant necesse est. Sed numquid a juramenti vinculo solverentur propterea quod illud violarent? Si autem asserant, ut adfirmare tenentur, tum quæro. Cur Novitii hoc tyrocinii anno adamussim observantiam Regularem, & *signanter* perfectam rerum communitatem exequuntur? Nam hoc anno, nulla est istius observantiæ Regularis obligatio, nullum paupertatis debitum; quoniam nondum professionem Monasticam ediderunt. Numquid postquam solemni professione Monastica

ſtica consecratū sunt, a Monastica observantia liberi evadunt? Nullus *Novitatus* tempore pecuniæ usus: omnia bona communia. Elapſo vero tyrocinio, & ſolemni paupertatis voto ad *FORMULARII* & legis Eccleſiaſticæ, propriæque Regulæ præſcriptum, Deo ſacro ritu in faciem Eccleſiæ nuncupato; tunc ne & pecunias tractare, & peculia privata in futuros uſus conſervare, & lineis induſiis uti, & cæteras leges negligere profeſſi juvenes incipiunt? Nonne iſti & Dei irriſores, & omnium legum contemptores haberentur? Quis adeo inſaniam, ut dicat, Eccleſiam *Sacrum Juſjurandum* ſervandæ communitatis exigere, antequam quis ſe ſervaturum paupertatem ſpondeat: ſecus vero poſtquam ſolemne paupertatis votum Deo nuncupatum eſt?

VIII. Quo ergo ſeſe recipiunt Adverſarii? Vocem communitatis cavillari nequeunt. Nam Conſtitutio Clementis VIII. ad cujus tenorem juramentum exhibetur, adeo perſpicue communitatem ſervandam explicat, ut nullo conſugere modo valeant ad conſuetas voces, ſeu nugæ communitatis perfectæ, & imperfectæ. Nam nulla unquam diſputatio fuit nec anie, nec poſt Tridentinum, quod ad aliquam communitatem domini, ut vocant, tenerentur Regulares. Quare, ut quamlibet cavillandi anſam Pontifices Summi eriperent, declararunt, explicaruntque, ad eam communitatem Regulares ſeſe vi propriæ profeſſionis obſtringere, quæ bona omnia, cenſus vitalitios, pecunias prædicatione, leſtione, labore, & qualibet alia excogitabili induſtria parias, in communes omnium Fratrum uſus conſert, ut in laudato juramenti *FORMULARIO* conceptis verbis exprimitur. Idcirco non ſemel, & bis, ſed terque, quaterque Summus Pontifex Innocentius in ſuis Decretis, non quæcumque, ſed *EXACTAM* communitatem ad præſcriptum Conſtitutionis Clementis VIII. ſervandam præcipit. Nullum ergo in æquivoca communitatis voce perſugium: Nulla ſuper gravitate obligationis læbra. Nam Concilium, & Pontifices verbis utuntur *jubendi, præcipiendi, ſub culpa pœna*, quæ omnium Doctorem conſenſu ſeverum præceptum produunt, gravemque inducunt obligationem. Si *ſupercrogatoria* eſſet communitas iſta, tot ne pro illius obſervatione edidiſſent Decreta & Concilium Tridentinum, & Concilia Provincialia, & Pontifices Summi? Exigeret ne Romana Sedes tanta ſeveritate ſolemne juramentum ſervandi quampiam cæremoniam *ſupercrogatoriam*? Poſtremum *FACTUM FORMULARII*,

& JURAMENTI negare nequeunt, nisi Romam existere inficiari audent.

IX. Quæ cum ita se habeant, quo ausu duo volumina typis edita emittuntur in lucem, in quibus palam docetur, nullam Concilia, nullam Pontifices servandæ perfectæ, seu exactæ communitatis legem rogasse, sed commendasse tantum? Hæc publice docere non reformidant eruditi Adversarii, qui in Cœnobiiis *jurata communitatis* professionem Monasticam Deo nuncuparunt solemniter? Prætereo plures illationes, quæ hinc derivare possem, ut illorum sensui parcam. Edisserant interim, utrum in Univerſa Christiana Theologia occurrat aliqua vel laxissima opinio, quæ tot Pontificiis Constitutionibus proſtigata ſit, ac eſt hæc de peculio Monastico ſententia? Edisserant, num ex univerſo jure Pontificio, seu Canonico vel unicam Constitutionem allegare valeant, quæ ſive *PROBABILISMUM*, quem ipſi execrantur, ſive quamlibet aliam laxiſſimam opinionem tanta evidentiâ reprobet, quanta perſpicuitate ſum Concilium Tridentinum, tum Clemens VIII. & cæteri Succeſſores Pontifices diris devotent peculium Monasticum? Edisserant, quibus blanditiis exciperent Probabiliſtam quempiam, qui opinionem tantæ argumentorum efficacitate convulſam, atque contritam propugnaret?

X. Quidam tam aperte inſanire minime erubuerunt, ut dicerent, Romanam ſedem ubique exigere *Sacrum Jusjurandum* ſervandæ a Regularibus exactæ communitatis cujuſque peculii vacuæ. Interim illam optime ſcire, juramentum iſtud minime ſervari, atque adeo immunes ab ejuſdem obſervantiâ Regulares eſſe. Nihil hoc commento dementius excogitari potuit. Novit Deus a paucis legem ſuam ſervandam. Ergo ne liberi ab ejuſdem obligatione homines? Ne Romanæ Eccleſiæ ſilentio, aut tolerantia ſeſe excuſare tranſgreſſores unquam poſſint, Summi Pontifices inſtituerunt *formularium* jurandi obſervantiâ exactæ communitatis, omni peculio pulſo. Plurimi non obſervant hoc juramentum. Ergo non obligat? Multitudine ergo, clamant Patres omnes, mendacium defenditur? Sciunt Pontifices, plures in Quadrageſima a carnisbus non abſtinere, & jejunium non ſervare. Antiquata ne propterea eſt lex Quadrageſimæ? Non ignorant Legislatores omnes bonum in paucioribus reperiri. Quid, quod ipſimet legiſlatores leges a ſe conditas non

raro

raro violant. Propterea ne vim obligandi leges amittunt? Tolerant Pontifices quod impedire nequeunt. Tolerant *permissive*, inquit Theologi omnes, fecus *approbative*. Quid quæso amplius præstare Ecclesia debuit, ut peculia exterminaret? Anne omnes refragatores ad carceres, ad patibulum damnare? At sciant oppositores, duo esse eriminum genera. Alterum Societati infestum: & istud suppliciis puniunt Legislatores, Deo sic jubente. Alterum quod solos afficit violatores, & istud in altera vita puniendum permittunt. Ne multa. *Solemne juramentum* servandæ communitatis exigit a Regularibus Romana Sedes. Hoc juramentum reapse exhibent singulis bienniis aut trienniis Regulares. Alterutrum ergo fateantur oportet Adversarii: Aut Romanam Sedem consentire in continuata perjury: aut data juramenta sancte servanda velle a juratoribus. Impium primum. Ergo verum postremum. Urgeo iterum. Romana Sedes absolute posset nullo negotio præfatum juramentum suspendere. Non suspendit, quamvis non ignoret multos transgressores. Ergo aut imprudentiæ, crudelitatis, & injustitiæ arguenda Romana Sedes: aut summæ necessitatis confitendum juramentum? Verum, ne in posterum hiscere queant, ad sequens caput illos voco.

C A P U T XV.

RR. Magistri Vindex, & Clausuralis aut negare debent Ecclesiam posse præcipere Vitam communem peculii expertem: aut fateri coguntur illam reapse præcepisse, pulso peculio.

I. **D**Enegabunt ne RR. Magistri Ecclesiæ Romano-Catholicæ facultatem præcipiendi exactam rerum communitatem, dirisque privata Clausuralium peculia devovendi? Absit. Fateantur ergo id Ecclesiam præstitisse. Quandoquidem nullæ concipi clausulæ, nullæ phrasæ, formulæ nullæ valent, quibus rerum communitas præcipiatur, peculiumque vetetur, illis clausulis formulisque severiores luculentioresque, quibus hætenus usæ Ecclesia est, in præfata rerum communitate præcipienda, peculioque vetando? Paucis perstringam quas in hoc adhibuit negotio Ecclesia clausulæ. Post RR. Magistros provocabo, ut clausulam illam

illam designent necessariam ad hoc ferendum præceptum, quæ omissa ab Ecclesia sit. Eam si ostenderint, ab illis victoria stabit: sin minus, eorum, quæ scripserunt, suavissimam Palinodiam cantillare cogentur. Ad id ergo, quod instat.

II. Sanctissimi Ecclesiæ Patres, & Patriarchæ suarum Regularum voce clamant omnes: *Non dicatis aliquid proprium, sed sint vobis omnia communia, ut legis in Actibus Apostolorum 2. & 4.* Post exactam, diuturnamque præcepti gravissimi observationem, laxata Disciplina, pecculorum corruptela alicubi obtinuit. In tantum abusum continuo Ecclesia exaltavit vocem suam Conciliorum Generalium Canonibus. In Lateranensi III. *Monachi nequaquam permittantur habere peculium.* Eludere hoc Decretum pertentabant Monachi Abbatum permissu. Iecirco cavillationem damnavit Lateranense Concilium IV. *Nec asimet Abbas, quod super habendo proprio possit cum aliquo dispensare.* Hac voce proprii abutebantur peculii Fautores. Tridentinum Concilium sutelas, cavillationes, effugia, tergiversationes omnes abstulit. Primum omnium exactæ communitatis legem novo gravissimo præcepto munit, firmatque. Sess. 25: c. 1. *Sancta Synodus ... hoc decreto PRÆCIPIT, ut omnes Regulares tam viri, quam mulieres, ad Regulæ, quam professi sunt, præscriptum, vitam instituant & component ... nec non ad COMMUNEM VITAM, victum, & vestitum, conservanda, pertinentia fideliter observent.* Hoc strato fundamento, quod *basis totius Regularis Disciplinæ* est, ad funditus extirpanda peculia sub quovis velamine contecta gradum facit. *Nemini Regularium tam virorum, quam mulierum liceat bona immobilia vel mobilia cujuscunque qualitatis sucrint, etiam quovis modo ab eis acquisita, tanquam propria, aut etiam nomine Conventus possidere, vel tenere, sed ea statim Superiori tradantur, Conventuique incorporentur.* Singula verba, inquit Fagnanus, & Eminentissimus Cardinalis Petra, sunt perpendenda. Tria prohibet. Primum repetit verba Regularum Monachalium: *Non dicatis aliquid proprium*, veram domini proprietatem severe inhibendo. Post possessionem bonorum vetat *Possidere*. At quia hoc verbum cavillari poterant, addit *Tenere*, seu prohibet non solum proprietatem domini, aut possessionem bonorum, vel usum juris, sed nullam detentionem, seu *usum facti*, usum inquam facti, non rerum, quæ de communi conservantur, quin expresse jubet talem usum de communi

muni concedendum, sed *usum fassli* peculii separati a bonorum communione. *Cujuscumque qualitatis* sive parvi, sive magni pretii. *Etiā quovis modo acquisita* sive prædicatione, sive lectione, sive parentum donatione. *Aut etiam nomine Conventus*, idest dependenter, seu ex venia Prælatorum: seu in Arca Conventus separatim in loculis servanda. Sed *Conventui incorporantur*. Quid sonat hoc verbum *incorporari*? confundi, immisceri cum communi Patrimonio Conventus. Hoc negabant aliqui somniantes satis esse ad hanc incorporationem, Prælatorum animo mentequæ acceptari hæc privata Fratrum bona in Conventus dominium. Quod inane commentum repulit Clemens VIII. addendo: *Cum cæteris Conventus bonis, redditibus, pecuniis, ac preventibus CONFUNDANTUR*, quo communis inde victus, & vestitus omnibus suppeditari possit. Hoc solum Decretum omnes excogitabiles cavillationes, quibus calamistrari peculia solent, penitus labefactat. Ex tamen Concilium adhuc urgentius, severiusque sanctionem suam instaurat, confirmat, declarat. Regulares tam Prælatos, quam subditos lege ligavit. In Superiores insuper mandata sua recta dirigit: *Nec deinceps liceat bona stabilia alicui Regulari concedere etiam ad usumfructum, vel USUM, administrationem, aut commendam*. His verbis adimitur Superioribus facultas concedendi subditis census vitalitios, redditusque quoslibet sive ad usumfructum, sive in administrationem, sive in commendam, sive ad *USUM*. Ut autem hunc consuetum administrationis prætextum validius Concilium auferret, addit: *Administrationem autem bonorum, Monasteriorum, seu Conventuum ad SOLOS officiales eorundem ad nutum Superiorum amovibiles pertineat*. Hæc dictio ad *solos officiales* excludit ab administratione peculii omnes Regulares, qui publici non sint Monasterii officiales. Idque adeo verum est, ut nemo sanæ mentis oppositum asserere audeat.

III. Rejeda ergo remanent, & labefacta omnia interpretamenta, quibus Antoninus Diana *Studiosus laxiorum opinionum selector*, inquit Fagnanus *loc. cit. n. 8.* contendebat cum aliis quibusdam Casuistis, peculium licitum esse in administrationem, aut merum usum a Superiore concessum. Quæ interpretatio omni ex parte ineptissima est, & conceptissimis verbis a Sacro Concilio improbatæ, atque convulsæ.

IV. Nihilominus Clemens VIII. laudata Concilii Decreta adhuc novis clausulis expressit, munivitque. Verbo *incorporantur* adjecit, *confundantur*.

Clau

Clausulam bona mobilia vel immobilia cujuscunque qualitatis, & quovis modo acquisita declaravit, addendo pecuniam, proventus, census, elemosynas sive ex Concionibus, sive ex lectionibus, aut pro Missis, tam in propria Ecclesia, quam ubicunque celebrandis, aliove ipsorum iusto labore, & quocunque nomine acquisita, etiamsi subsidia consanguineorum, aut piorum largitiones, legata, aut donationes fuerint. Alteram potissimam Clausulam Nec Deinceps &c. tanta evidentissima severitate declaravit, nullo modo licitum esse ex licentia Superiorum peculii usum, ut nemo sana præditus mente dubitare amplius possit. Nulla quorumque Superiorum Dispensatio: nulla Licentia quantum ad bona immobilia, vel mobilia Fratres excusare possit, quominus culpe, & pœna ab ejusdem Concilii Decretis imposita, & ipso facto incurrenda obnoxii sint; etiam si Superiores assererent, hujusmodi dispensationes aut licentias concedere posse. **QUIBUS IN EA RE FIDEM MINIME ADHIBERI VOLUMUS.** Porro ne vocum diversitate velare in posterum proprium seu peculium possent, prohibetur illud concedi sive in administrationem, sive ad usum, aut etiam **DEPOSITUM** aut **CUSTODIÆ** nomine. Ultima denique Tridentini Decreti particula præcipit Superioribus, ut de communi subditis provideant. Mobilium vero usum ita Superiores permittant, ut eorum supellex statui paupertatis, quam professi sunt, conveniat, nihilque superflui &c. Clemens hoc pacto eam exprimit: Fratrum Vestitus, & supellex cellarum ex communi pecunia comparatur, & omnino uniformis sit Fratrum, & quorumcunque Superiorum, statuique paupertatis, quam professi sunt, conveniat. Nihil etiam quod sit necessarium alicui denegetur.

V. Etiamne amplius expectandum? & tamen majora adhuc proferam, pœnas nempe ultimas in transgressores inflictas, nedum constitutas. Sterilitatis anathema in illos Claustrales contorsit Ecclesia, qui præfatam Communitatem peculii expertem servare neglexerunt. Illius tremende suspensionis recipiendi Novitios, nos ipsi testes sumus. Ut huic se subducerent Claustrales ultimo interdicto, supplices porrexerunt preces. Illas admisit Clementissima Mater Ecclesia, hac conditione adjecta, ut in iisdem Conventibus, in quibus recipiendi sunt juvenes, statuunt omnimodam observantiam Regule, Constitutionum cujuscunque Ordinis, & Decretorum Apostolicorum, præcipue vero **EXACTÆ VITÆ COMMUNIS**. Postquam vero Regularem observantiam, & signanter quod exactam vitam communem cum esse.

effectu stabilitam fuisse ... *JURE JURANDO FIRMATO TESTIMONIO confiteris, tunc Sanctitas sua antedictam licentiam, quam hactenus distulit, Novitius ibi recipiendi benigne concedet.*

VI. Multis plurimis Sacrae Congregationis super *Disciplina Regulari* Decretis, quibus luce meridiana clarius peculia quæque vetita declarantur, ex his, quæ hactenus dicta sunt, hanc elicio argumentationem. Nulla est excogitabilis præcipiendi exactam communitatem, vetandique peculium formula, phrasis, dictio, aut clausula severior, clarior, efficaciorque illis, quas Ecclesia hactenus adhibuit tum in Conciliis Oecumenicis, tum in Decretis Pontificiis, in quibus reapse communitatem præcipit, peculiumque vetat. Nec poenæ, aut supplicia in transgressores constituta reperiri severiora queunt. Ergo alterutrum fateri coguntur Adversarii: Aut Ecclesiam destitutam potestatem esse præcipiendi exactam rerum communitatem, vetandique peculii: aut confiteri & illam reapse præcepisse, & istud vetasse. Si primam propositionem in discrimen vocant, provocho illos, ut illam designent efficacior, expressioremque clausulam, quam adhibere Ecclesia debuisset, ut communitatem imponeret, inhiheretque peculium. Clarius adhuc rem expono. Hypothesis loco constituamus, Ecclesiam reapse velle & communitatem exactam præcipere, & peculium prohibere. Respondeant RR. Magistri, quæ dictiones, quæ verba, quæ formulæ usurpandæ Ecclesie forent, ut hanc legem nulli cavillationi obnoxiam conderet? Quas illa neglexit earum, quæ necessariæ forent? Convenit penes omnes Canonistas, & Theologos, neminem posse refragari Decretis Conciliorum Generalium, & Summorum Pontificum, nisi ostendatur præfata Decreta non præcipere, aut vetare id, de quo quæstio occurrit. Convenit itidem penes omnes Doctores, Decreta & leges tum sub gravi culpa obligare, quando in lege hæc tria occurrunt. Primum: verba *Præcipio, jubeo &c.* Et hæc reperiuntur in Decreto Trident. *Necessum esse censuit Præcipere, prout hoc Decreto Præcipit &c.* & cap. 22. *Et quia Sancta Synodus desiderat &c. Præcipit omnibus &c.* Clemens VIII. Paulus V. & ceteri Pontifices verbo præcipio utuntur. Secundum: *materia gravitas.* Hæc porro natura suase prodit, illamque Concilium declarat. *Non ignorat S. Synodus, quantum ex Monasteriis bene institutis &c. in Ecclesia Dei splendoris &c.* Tertium: *Pœna constituta in transgressores.* Hæc autem in Tridentino sunt privationes vocis activæ, & passivæ. Severissimæ & tremendæ poenæ a Cle-

mente VIII. & ab aliis Pontificibus potissimum ab Innocentio XII. sunt interdictæ recipiendi juvenes ad profitendam Religionem, nimirum extirpatio, & abolitio Religionum, quæ *pæne mortis æquivalet*, inquit Archiepiscopus Ramirez, quæque nunquam imponitur a legislatore, nisi quando obligat graviter in conscientia. Ergo omnibus Doctoribus consentientibus, luce meridiana clarius patet, Ecclesiam *severissimo præcepto* imponere Regularibus exactam rerum communitatem. Ergo erronea est Adversariorum opinio, omnibus Theologis & Canonistis contraria, quæ ore rotundo negant latum ab Ecclesia præceptum exactæ communitatis. Et quoniam hæc falsissima doctrina unica basis est, & fundamentum omnium laxitatum, quibus eorum libri scatent, juvat iterum eos ad incitas redigere. Edicant itaque nobis, quæ clausula, quæ formula deest Tridentinis, & Pontificiis Decretis, ex eis, quæ requirerentur ad præcipiendam communitatem, peculiumque vetandum? Vestrum est respondere. Si Concilium, & Pontifices hac loquendi formula uterentur: *Præcipimus, ut Regulares communitatem, non quancumque, sed exactam servant, eam nimirum, in qua victus omnis ab uno cellario, & vestitus non in pecunia, sed in specie, juxta cujusque indigentiam, ab uno vestiario ministratur: In qua omnes, & singuli Fratres quascumque pecunias sive lectione, sive predicatione, sive quacumque alia industria parvas, item census vitalitios consumunt cum cæteris Monasterii redditibus, ut inde omnibus, prout cuique opus fuerit, provideatur. Prohibemus Superioribus omnibus, ne subditis licentiam impertiantur retinendi quidquam bonorum, pecuniarumque sive titulo administrationis, sive ad usum, sive titulo depositi, aut custodie; sub privatione vocis activæ, & passivæ, aliisque pænis proprietariis debitis.*

VII. Quid ad hæc RR. Magistri? Si hoc pacto loquerentur Pontifices & Concilia, præciperent ne vitam communem peculii cujusque expertem? Quid reponunt? Negant? Ergo non occurrunt in universo idiomate latino formulæ, phrasæque, quibus tale concipi præceptum valeat. Si ajunt. Ergo peculia damnata sunt, & exacta communitas sub præcepto imposita. Nam reapse omnes recentitas signatas numero præcedenti formulæ, immo & severiores, clarioreque adhibent Concilium, & Pontifices. Designent quæ desit? Edicant, quam ipsi exigent pro plenissimo ferendo mandato? Si vel unam obicere formulam valent ad præceptum ferendum necessariam, & quam Concilia & Pontifices, aut
re,

re, aut voce non adhibuerint, herbam illis porrigere velim, fascisque submittere. Quid reponunt? Quo se recipiunt? Ad Navarrum, ad Dianam, ad Murgam, aliosque nonnullos laxiores Moralitas? At istimet ipsi, licet in pluribus turpiter erraverint, ut Fagnanus, & Eminentiſſimus Cardinalis Petra advertunt, absolute tamen præceptum non negant: sed peculium defendunt ut licitum dumtaxat, necessitate, & iusta causa urgente. Præterquam quod, nonne ipsi sunt in Sacra Theologia laureati Magistri, Scripturarum interpretes, Professoresque Publici? Illis ergo interpretanda Decreta Conciliorum, & Pontificum sunt. Ab illis interpretationem jure poscimus. Illis incumbit onus ad severiores critices leges revocandi, quam nos dedimus interpretationem: illam ventilent: illam cribrent. Muti hæcenus fuerunt super Decretorum interpretatione. Si dolent turpis erroris insinulari interpretamenta Navarri, Dianæ, aliorumque Casuistarum, illorum est ostendere, interpretationem non esse evidentissime falsam. Et tamen Authores illi præceptum non negant, sicut Adversarii illud rotunde rejiciunt, de quo infra. Cum itaque hæc ita se habeant, quid illis agendum? Alterutrum sane. Aut negandum Concilia Occumenica, & Pontifices Summos posse peculia vetare. Aut confitendum illa prohibuisse. Si primum asserunt: poenas luent. Si secundum: crumenas projiciant, & ea, quæ scripserunt, retractent. Si utrumque negant: ad legem Aristotelicam Iuram adversus eos, qui prima scientiarum principia negant, illos remittimus.

C A P U T XVI.

Alia sunt peculia, quæ bodie obtinent apud Clausrales: alia quæ defenduntur a RR. Magistris. Tam illa, quam hæc chimericum efficiunt Paupertatis Monastica votum.

I. **C**ollapsa Mendicantium Disciplina sub finem sæculi quartidecimi, peculiorum pestis, corporum lue teterrima grassante, Cœnobis invasit, ut testantur Historici omnes, quos supra dedimus. Et quoniam alicubi penitus auferri corruptela haud potuit, aggeres tamen adjecti fuerunt, ne latius manaret. Limites isti sunt, exigua peculii quantitas, temporis

poris brevitatis, usus ejusdem pro re necessaria & determinata. Hæc sunt depositorum confinia, quæ præscribunt leges ipsæ, quas pro pecuniis obtrudunt RR. Magistri, quasque ipsi profitentur. Capitulum Generale Mediolanense anni 1505. *Nolentes, quod aliquis Frater possit tenere pecunias in deposito ad usum INCERTOS, sed solum ad certos usus, puta pro vestibus & libris emendis.* Capitulum Generale Valentinum an. 1596. *Deposita non nisi in moderata quantitate, ad determinatum usum, idque ad breve tempus: nimirum PER MENSEM TANTUM* inquit Capitulum Salmanticense an. 1551.

II. Hæc ipsa deposita nunquam approbata fuerunt ut absolute licita, sed permissa, & tolerata, necessitate cogente, & ad majora præcavenda mala, ut declaravit Capitulum Generale Romanum an. 1644. *Priores de Consilio Fratrum insintuant depositarios, qui particularium Fratrum deposita, ubi hujusmodi ADHUC TOLERANTUR, asservent. Ubi autem particularium depositorum PERMISSIO FELICITER EXOLEVIT, persistatur in Sancta consuetudine, nec permittatur, ut quidpiam irrepat, quod laudabilem & EXACTISSIMAM RERUM COMMUNITATEM, sanctæque Paupertatis observantiam vel in MINIMO relaxet.*

III. P. Magister *Vitæ Clausuralis* hæc ipsa Statuta describit pag. 304. & ubi, ignorans penitus quid sibi faveat, quidve officiat. Vel ipsi rudissimi homines duo hic deprehendunt. Alterum, quod permissa deposita nullatenus approbentur, sed temporum calamitate, & relaxatione prævalente tolerantur. Alterum, quod vi harum legum peculia, quæ nunc serpunt in pluribus Clausulis, sint vitio proprietatis evidentissime infecta. Quare ambo RR. Magistri pessime de proprio merentur Ordine, dum contendunt vi ejusdem legum hodierna peculia, ut licita, propugnare. Evinco.

IV. In pecuniis hodiernis nec ulla ex recensitis conditionibus servatur. In laudatis Statutis nulli permittuntur census vitalitii exigendi & expendendi ab ipsis Clausuralibus. Quid si hodie ea dumtaxat exigua pecunia forent, quæ nequeunt esse opulentiora? Quid si illi retinerent ingentiorum rem pecuniarum summam, qui opimiores habent vitalitios census, qui altiores sustinent Præfecturas aut Cathedras moderantur, aut Suggesta ascendant? Quid si tempestis brevitatis esset totus vitæ cursus? Quid si usus indeterminati forent? Si quilibet Clausuralis ex venia sæpissime tacita ex-

pen-

penderet suas pecunias in quoscunque usus honestos, licitosve : si splendida suppellectile cubicula, non parvam cellam ornaret, peculiaribus vasceretur epulis? Quid si pecunias minime in deposito, seu in arca communi Claustrales reponerent, nisi eas, quæ in dies non occurrunt? Neque reponant, hos esse abusus privatorum quorundam. Immo e contrario aliqui privati conscientia ducti si velint, possunt leges præfatas servare. Cæterum quantum est ex vi Disciplinæ laxatæ, quæ nunc alicubi obtinet, peculia sunt perpetua, & quoad fieri potest pinguiora, & ad usus indefinitos, incertosque, revocabiles utique per Prælatum, qui numquam tamen eos revocat, ut in loco dicemus.

V. Quis autem inficias iverit, hæc hodierna peculia etiam juxta Statuta Claustralium, quæ deposita conditionibus recensitis circumscripta permittunt, seu tolerant, esse vitio proprietatis inquinata? Ridicularia autem & commentitia est hæc paupertatis forma, inquit vel ipse *Vincen-tius Gravina* in oratione de repetendis fontibus Doctrinarum adversus ejusdem legum illusores. *Tu vero [inquit] noster Misericors, qui aliis libenter indulges, ut largius indulgeas tibi ipsi. Quod gratior ubique sis, & Proceribus præsertim acceptior, dum verba legis teneas nihil pendis consilium Legislatoris : ut si quis extremam paupertatem hæc formula imperaverit. Pecuniam ne attingito. Tu noxam omnem amotam potes, dum quis manus a nummis abstineat suas, dextera vero præter necessitate non utatur, & opera ministrorum. Quæ, si ratio valeret, nihil pauperius esset Regibus, atque Tetrarchis. Quid quod Claustrales nostri non officialium, ut vel ipsæ leges tolerantes imperant, sed propria dextera pecunias expendunt?*

VI. Quæro nunc a RR. Magistris, propugnent ne peculia, quæ reapse ferunt in Claustris suis, an secus? Si primum : retractent ergo omnes illas condiciones, quibus & ipsi peculia circumferibunt, ut licita sint. Si alterum : & ipsi proprietatis postulant Claustrales suos. RR. Magistri nostri, ut facum faciant imperitis, exquisita, & nimium perverusta arte circumvolvere, & obtegere peculia sua student. Numquam ausi sunt aperte scribere, licitum Claustralibus esse retinere sibi omnia bona, quæ singuli privata industria comparant : nimirum omnes pecunias lectione, prædicatione partas, census vitalitios, & quæcumque sibi, aut donatione, aut hæreditate obveniunt. Verentur & ipsi tale peculium vindicare.

Et

Et tamen hoc est peculium, quod re ipsa in usu est. Quid ergo latebras captant RR. Magistri scriptitantes *ALICUIUS* ex *venia* *Prelatorum*? Cur, ut alias dixi, & repetendum sæpius est, honesta sinceritate non exponunt, quid comprehendat *TO ALICUIUS*? Istud *To aliquid* ea omnia amplectitur, quæ descripsi. Ne ergo aerem verberent, peculia, quibus *revera* illi utuntur, in examen vocare debent. Quid proderet *Claustralibus*, quod peculium aliquod angustis definitum confiniis licitum foret, si peculium, quod in praxi obtinet, sacrilegum est? Quæ eo dicta sint, non ut peculium quodlibet approbem, excepta vera urgentique necessitate, & rationabili causa infra explicanda; sed ut palam fiat, quod peculium propugnatum a RR. *Magistris* sub quocumque aspectu, & Statutis etiam *Claustralium*, saltem plurimorum, spectatis, proprietatis fulgine tinctum sit. Consulant ergo Magister *Claustralis*, Magister *Vindex*, eorumque *Affectuæ*, consulant inquam proprias Constitutiones, & *Capitula Generalia*, quoniam illa ego nunc prætereo, ut illis parcam.

C A P U T XVII.

Secundum doctrinam Authoris Vindictiarum Claustrales sunt communiter vitio proprietatis infestæ. Antilogiæ, quibus Regius Professor jugulum causæ suæ petit, eamque genitus destruit.

I. **C**onditiones, quibus Regius Professor limitat peculii usum, evincunt *Claustrales* proprietatis labe aspersos. Describenda primum omnium sunt illius verba ex pag. 64. „Dum ergo depositum, seu peculium primi generis ultro libenterque permitto, idque nedum in deformatis, verum & in reformatis *Conventibus* . . . non tam libere indulgeo, ut cuicumque fas sit illud retinere, modo adsit licentia *Superioris*, & in communi capsâ servetur. Hoc enim errore præpediti aliqui, se innoxios exultant, etiam dum thesauros adaugent, ex eoque securius, quia in Capsâ bene enstodita servantur, & sine ulla necessitate pecunias conservant, ut avaritiæ, aut fastui laxent habenas. Apagè crimen detestandum. Apagè intolerabile sphalma.

II. Antequam ultra provehor. Non ergo R. Magister *Vindictiarum* cui-

cum-

cumque peculium indulget, etiam si adsit Superioris licentia? Datur ergo lex peculium vetans: aut ille injustus est, si, absque lege prohibente, cuiquam peculium surripit. Non video quo se recipere valeat. Non datur præceptum exactæ communitatis, ut ille asserit? Ergo omnibus peculium indulgere debet. Si aliquibus peculium concedit necessitatis causa, cæteris negat eo quod necessitas illorum respectu non adsit, confiteri præceptum exactæ communitatis, præcisa necessitate, cogitur. Quod de avaritia, & fastu subdit, lex ipsa naturalis, & Divina, nedum votum, hæc vitia prohibent. Verum persequatur Professor Regius suam depositi descriptionem *cit. pag. 64. & 65.*

III., Permitto itaque illud, quum ad bonum, honestumque finem servatur nedum, verum & *iusta causa adest*, nimirum Religiosæ necessitatis, & honestæ commoditatis, quæ vel in publicum, vel in privatum commodum cedit. *Requiri ulterius determinatum tempus ad custodiam præfati depositi adfero, verum non ita arctæ, & rigide, ut sit individuo temporis mora taxanda, ultra quam amplius non liceat retinere. Quum enim rationabile debeat esse obsequium nostrum, rationabiliter quoque præscribenda est præfata temporis mora, quæ proinde committi debet iudicio prudentum . . . Modum autem servandi depositum limitatum isidem assero, videlicet juxta bullas Romanorum Pontificum, PRÆCIPUE NIMIRUM, UT IN COMMUNI CAPSA, ET CONFUSA PECUNIA SERVETUR.*

IV. Cur *iustam causam* requirit permittendi depositum, si neque votum, neque præceptum illud prohibet? Cur exigit *determinatum tempus*? Quod nulla lege vetitum est, omni tempore licitum est. Elapso illo tempore, prudentis Prælati iudicio designato, depositi retentio illicita evadit non ne? Ait. Cur hoc? Quia Prælati definitivè temporis intervallum, ultra quod peculium non licet. At admissio principio, quod nullum sit neque præceptum, neque votum exactæ communitatis, consequitur necessario, quocumque tempore licere Regularibus peculium. Neque in Potestate Prælatorum est subditorum vota ex arbitrio augere. Alterutrum ergo fateatur oportet: Aut legem consistere, quæ & exactam communitatem præcipiat, vetetque peculium, a cuius legis observantia sola iusta causa excuset: Aut si legem negat, omnibus Clausuralibus, & quocumque tempore, peculium concedat oportet. Si primum asserit: causam

nostram propugnat. Si secundum concedit : ea, quæ scriptis, retractare cogitur.

V. Modus, quem pro licita peculii retentione præscribit, legem exactæ communitatis evincit. Bullæ ergo Romanorum Pontificum præcipiunt *Confundendas esse pecunias cum pecuniis Conventus in COMMUNI CAPSA* asservatis. Nobis itaque manus porrigit victas ? Vera ne est confusio hæc, aut falsa ? Si ludicra, & lalla, Protektor Regius summæ honestatis, ac sinceritatis Theologus falsa deliberato animo dividit. Et reipsa alibi scribit, confusionem istam fieri aut nota retenta summæ confusæ pecuniæ in libro peculiari, ut tota tandem regrediatur in manus depONENTIS, aut loculis parvis in magna illa *CAPSA* distinctis, & claviculis obsignatis ? Jocosæ igitur, ludicra, & fraudulenta est confusio isthæ juxta primas communis sensus scintillas. Si vera est confusio, peculium in fumum abit.

VI. Verum, his parumper interruptis, cedo. Quot sunt Claustrales, qui has ab illo præscriptas condiciones servant ? In testes voco ipsos Regulares omnes istius facti. Et ineptus sim ipse, nisi omnes ad sinceritatem compositi falsari sint, se non plus istarum conditionum, quam exactissimæ communitatis observatores esse. Omnes fatemur, quod justa occurrente causa licitus sit peculii usus. Sed illud est in questione positum, quænam sit causa hæc justa. Ideo vero causam justam requirimus, quia legem recognoscimus peculium absolute vetantem. Si lex non est : Professor Regius pharisaico supercilio, & crudeli severitate tam ardarum conditionum pondere Regulares opprimit, quos defendendos susceperat. Si lex est : diris sponte devoveat vindicias suas necessum est. Si lex est, auferri causa pro viribus debet peculii habendi. Si causa hæc volita sit ab ipsis Claustralibus, non tollit, sed augeat crimen. Ne multa. Istarum conditionum, quas ille jure alioquin, meritoque præscribit, observantia adeo est perdifficilis, ut facilius sit exactæ communitatis insinatio. Idcirco Theologi clamant, difficilior fere inter privata peculia paupertatem, quam inter familiarem puellarum conversationem castitatem illæsam consistere.

VII. Et, ut magis antilogiæ, quibus semetipsum conficit, pateant quid brevi temporis intervallo peculii usum illigat, si a pag. 136. ad finem usque, census vitalitios defendit ? Depositem, non cuicumque *indul-*

dulget, ut vidimus. Et census vitalitios concedit ne omnibus indifferim-
natim? An toto vitæ tempore? An brevi intervallo? Cantherius in fossa.
Verum audiamus limites, quibus pariter census istos circumferibit pag.
136. „ Ex vitalitio censu nullum sibi jus adsciscit, qui illum sibi refer-
„ vat, vel cui advenit, sed Conventui totus incorporatur, eique, etsi ex
„ persona Monachi, de jure cedit. Qua de causa *POTEST pleno jure*
„ [servata tamen Regulari lege] *Superior illum in alios disponere usus,*
„ nec ullatenus potest Monachus *conqueri*, reclamare non potest. Quin
„ immo quia vitalitius, proventus, totus & absolute Monasterium cedit,
„ nonnisi Syndicus, Procurator, sive *Cellerarius* nomine Conventus ex
„ persona *Monachi comparet*, *exigit*, omnesque juridicos actus in foro ju-
„ diciali exerceat ad recuperandum illum, sive ad compellendos laicos,
„ aliasve personas, quibus onus incumbit, solvendi præfatam annuam
„ summam. „ Pag. 138. Abs re igitur, & *sine ullo Theologico ra-
tiocinio* diris devovetur [census vitalitius] ab eo, qui contra reclamat.

VIII. Dispicimus paulisper istius Theologici ratiocinii invictum ro-
bur. Conventus, illo faciente, pleno absoluteque potitur jure in vitali-
tios Fratrum census. Frater vero, cujus intuitu Monasterio proventus
obvenit, non plus juris, quam cæteri omnes ejus Conventus Fratres, in
eundem censum Vitalitium habet. Ergo usus istorum censuum commu-
nis est, eo pari modo, quo commune dominium asseritur. Ergo, pro-
ut cuique opus fuerit, distribuendus, Justitix itaque, & fidelitatis prævari-
cator evadit Prælati, & sacrilevus voti violator, si has pecunias, quæ
revera communes sunt, impertitur soli Monacho reservanti; quia illius
intuitu census Monasterium ingreditur. Evinco illationem. Fur est, &
latro Oeconomus, qui communia Societatis bona æqualiter, & juxta so-
ciorum indigentiam non dividit. Prælati est merus, putusque bonorum
Monasterii Oeconomus. Ergo &c. Si Prælati redditus Monasterii tribus,
aut sex Fratribus Baccalaureis, & Magistris, aut Jubilatis tribueret, cæ-
teris exclusis, immunis ne ab injustitia & sacrilegio foret? Eodem om-
nino jure Monasterium potitur in census Religiosorum Vitalitios, ac in
ceteros suos redditus. Ergo eadem administrationis lege devincitur Præla-
tus. Est ne Regio Professori in tota Casuistica, vel laxiori Theologia a-
sylum aliquod, quo se recipiat?

IX. Ratiocinio pressè excusso, alio ex latere ipsum urgere. Quo reci-

dunt illa verba : Syndicus seu *Cellerarius* exigere census, *actus* juridicos exercere, & in *Arca* communi pecunias confundere debet? Ecce officialis iste has perferre molestias, Tribunalia subire, laicos ad census solutionem sollicitare cogitur? Quo hæc omnia pertinent? Ut jus omne Monasterio vindicet: pecunias vero Claustrali reservanti censum acquirat. Ecquodnam domini monstrum istud est, cujus fructu nunquam verus absolutusque dominus fruitur? Monasterium ob hoc sterile jus officialem instituere debet, ut Claustrali census exigat, quin aliquod verum emolumentum percipiat? Subditus autem absque ullo labore, molestiave, collectis a Cellerario pecuniis fruitur? Oh lepidum, atque festivum paupertatis simulacrum! Quando laici prompte census pendunt, quis tum eosdem exigit, & in marsupium conjicit? Quotusquisque est Claustralis, qui conditiones, quibus census vitalitios coarctat, exacte servet? Colligat heinc iterum velim, juxta suam ipsam doctrinam, communiter plures Claustrales sacrilegæ proprietatis labe tinctos esse, quod reapse, paucis exceptis, præscriptas ab eo formulas non exequantur.

C A P U T XVIII.

Error gravissimus, quo RR. Magistri docent, nulla lege, nullo voto, nullo præcepto Claustrales astrictos esse ex ætæ communitati, sed peculium absolute, præcisè quacumque circumstantia, licitum esse, iterum convellitur.

I. **U**T causam pressius dirimam, quibusdam quæstionculis veluti acutis calcaribus adversarios Magistros urgebo. Paupertatis Monasticæ votum excipit ne suapte natura peculium, aut rejicit? Si secundum, causa finita est. Si natura sua, & hypothesi quaque exclusa excipit, ridiculum votum est. Quandoquidem, si absolute peculium voto non adversatur, sit, ut nullum peculium etiam ingens, eidem voto repugnet. Quid ad hæc? Erumpat in medium Magister *Vindex*, ut parumper quiescat Magister *Claustralis*. Itaque Regius Professor in suis *Vindiciis* pag. 17. præfatam illationem concedit, hac sola adjecta conditione, quod ingens marsupium pendeat a Prælati nutu. *Non officit* (inquit) *Evangelicæ perfectioni.*

*tionis peculium ad bonum finem servatum: Neque ergo officit paupertati Religiosa id ipsum ex licentia custoditum; cum ea stante licentia Præpositi Regularis, eidemque facta manifestatione peculii, in PARI CAUSA sit MONACHUS & LAICUS perfectioni addictus. Uterque Evangelicum Consilium tenebit, modo uterque adfectum a peculo distrahat. Magistri nostri Vindex, & Clausstralis Fraterna concordia sibi constant in opinionum peregrinitate. Laicus addictus perfectioni? Quid? Omnes Christiani non sunt forsitan Evangelicæ perfectioni proprio statui congruæ addicti? Consilium Evangelicum uterque tenebit, si uterque adfectum a peculo distrahat? Non est ergo præceptum, sed consilium solum adfectum a pecuniis distractum servare? Hæc ne publici Professoris Regii doctrina? Catholici docent, immo Evangelium ipsum, consilium esse dimittere, & vendere omnia, & pauperibus distribuere: quod consilium materia est paupertatis Monasticæ voti. Præceptum vero omnibus impositum, cor, animum, & affectum a pecuniis immunem custodire. In PARI CAUSA sunt Laici, & Clausstrales in pecuniarum retentione, dummodo accedat Prælati venia? Non plus officit peculium Monasticæ paupertati Clausstrali, ac obicit perfectioni communi Christianorum? Hæc commenta fabricanda illis erant, ut vel aggredi possent Doctrinam inconcussam *Disciplina Apostolico-Monastica*. Errorum hunc gravissimum non confutatione, sed detestatione sola repellimus. Licentia Prælatorum, sublata vera necessitatis causa, velamen merum sacrilegæ proprietatis est.*

II. Reponet Magister *Vita Clausstralis*, errorem sui Commilitonis enormem esse, si peculia quæque, secus si parva, permittantur. Cedo iterum. Voto paupertatis Monasticæ præciso ab omni hypothesi necessitatis, repugnat ne absolute peculium, an secus? *Absolute*, inquis, non repugnat. Ergo vi istius voti æque mille, ac centum aurei permitti a Prælato poterunt. Votum enim illud, quod absolute peculium non rejicit, æque parvum admittit, ac magnum. At inquit, cum votum illud paupertatis sit, pingue admittere peculium minime valet. Unde hoc colligis? Non ex natura ipsius voti. Non ex aliquo præcepto vetante. Siquidem RR. Magistri buccis concrepantibus vociferantur, neque vi voti, neque vi præcepti astrictos Clausstrales exactæ communitati. *Ex his ineluctabilibus positionibus* [scribit P. Magister Vitæ Clausstralis pag. 311. *consecutio manifeste sumptu natura fluit: scilicet ex nullo præcepto, neque ex propria profes-*

sione ad vitam communem juxta Danielis criterium exactam obstrictos esse Claustrales. Hoc principium, nimirum, exactam rerum communiter peculii expertem, nulla lege, nullo voto, nullo præcepto esse impositam Claustralibus, singulis fere paginis occasione data inculcant, propugnant ambo Magistri nostri. Quem manifestissimum errorem & supra refutavi, & nunc & infra labefactabo.

III. Nulla ergo juxta RR. Magistros Professio, nullum votum, nullum præceptum exactam communiter peculii expertem præscribit? Ergo Prælati ex arbitrio peculia impertiri valent, quacunque præcisa circumstantia. Quin illa denegare nequeunt, neque astringere subditos, ut a peculio abstineant. Quod enim nulla lege vetitum est, nulla ratione Prælati denegare illud queunt. Si reponant, Prælatos vi voti non posse subditis concedere peculia, nisi ex rationabili, gravique urgente causa. Ergo, inquit ego, peculia aut vi voti, aut vi præcepti vetita sunt. Si iterum opponant, talis naturæ votum esse, ut nihil habeatur, nisi consentiente Prælato: denovo recurrit argumentum, valeat ne Prælati ex ingenio, & arbitrio, indiscriminatim omnibus subditis indulgere peculia: an huic, vel illi ob solam necessitatem. Si primum: tot erunt vota paupertatis Monasticæ, quot sunt genia, humores, & phantasmata Superiorum: atque adeo chimericum est votum Monasticum. Si secundum: ergo datur aut votum, aut præceptum vetans peculium. Si tandem replicant. Ideo non posse Prælatos ex ingenio peculia concedere, quia Capitula Generalia vetant hanc arbitrariam indulgentiam, in foveam semetiplos conjiciunt. Nam vel Capitula Generalia vetant absolutam concessionem peculiorum ex arbitrio. Et nulla sunt: quia nec Capitula Generalia ex arbitrio valent vota subditorum augere, & severiora efficere: aut vetant, quia reapse peculia, sublata necessitate, voto, aut præcepto exactæ communiter adversantur. Et hac in positione habeo, peculia aut vi voti, aut vi præcepti vetita esse. Si peculia absolute licita essent, nullaque lege vetita, cur Capitula Generalia ad breve tempus, in exigua quantitate, & pro re tantum determinata permitterent? Cur vel ipsi Adversarii intra definita confinia peculia restringunt, & coarctant? Nonne hec evidentissime patet, aut vi voti, aut vi præcepti prohibita peculia esse? A quo sive voto, sive præcepto dispensare Prælati valent, urgente dumtaxat gravi necessitate, modo infra explicando. Gravissimus ergo est er-

ror illorum, qui negant, ullam reperiri legem, ullum præceptum præferens exactam communitatem, peculiumque absolute vetans.

C A P U T XIX.

Duo alii gravissimi errores cum universa Catholicorum doctrina pugnantes : Alter Magistri Vindiciarum negantis Clausuales promittere communitatem descriptam in Actibus Apostolorum : Alter Magistri Vitæ Clausualis effingentis in Collegio Apostolorum peculiorum corruptelam obtinuisse. Mutuus Magistrorum consiliis illorum causam destruit, confodit.

I. **T**Ametsi prima Dissertatione hi duo errores penitus convulsifunt, nihilominus lubet iterum eos sub oculos ponere, tum ut magis pateat, quam infelix, falsa, & desperata sit Adversariorum causa, tum ut illos tandem supponeat talia evulgasse.

II. Magister Vindex pag. 26. constitetur, communitatem descriptam ab Evangelista Luca cap. 2. & 4. peculii cujusque fuisse expertem. *Communitas Apostolica*, inquit Professor Regius, requirit, *ut ex communi Celario pascantur, ex uno Vestiario induantur Monachi, omniaque bona quomodolibet ad eos pervenientia in rem communem redacta, tui necesse fuerint præbeantur, & ita quidem exacte, ut nec depositum ullum, esto debitis cancellis restrictum, nec peculium aliquod, quovis moderamine adhibito, nec vitalitius proventus, quolibet temperamento moderatus, indulgeatur. Verbo dicam: ita servanda est hæc bonorum communitas, sicut fuit olim Hierosolymis custodita, & a Fratre nostro propugnatur.*

III. Ergo: aut Magister Vindex non emisit professionem secundum Regulam Augustini: aut præfatæ communitati devinctus est. Si negat primum? Ergo fateatur postremum necessum est. Regula Augustini non aliam præferbit communitatem, quam quæ in Actibus Apostolorum descripta est. En illius verba: *Non dicatis aliquid proprium, sed sint vobis omnia communia, sicut enim legis in ACTIBUS Apostolorum.* Ergo aut Regius Professor non est Dominicanus professus Regulam Augustini: aut si est Dominicanus, præfatæ Apostolico-Monasticæ communitati subjectus est.

est. Hæc communitas, ipso fatente, exceratur quodlibet sive peculium, sive depositum quocumque excogitabili cavillo obiectum. Ergo ineptæ sunt *Vindiciæ ipsius*.

IV. Quid ad hæc reponit R. Magister *Vitæ Clausstralis*? Approbat ne Magistri istius commilitonis sui doctrinam? Apagæ nugæ respondet: apagæ commentum? Quid? Ille in suis Nunciis litterariis hæc Magistri sui responsa probavit his verbis: *Tutto che le risposte del P. M. fieroli non sieno*. Porro hæc, quam retuli ex eo, doctrina, unica est Vindiciarum basis. Reponet forsitan se in illo folio, ut veram recognovisset doctrinam Professoris Neapolitani; cæterum in Opere *Vitæ Clausstralis*, ubi ab ovo controversiam versat, illam improbare ut falsam: atque ut *primordiale* fundamentum conlittere sive *Clausstralitatis* communitatem descriptam a Luca in Actibus 2. & 4. non fuisse, neque perfectam, neque perfectissimam, sed suo peculio gravidam atque turgentem. Sic enim tertium, aut quartum scribit *Dissert. V. cap. 1. pag. 365. Primis Christi Fidelibus, qui nempe Hierosolymæ ad Petri Apostolorum Principis prædicationem conversi fuerant, quique ut in Actibus Apostolorum legimus, proprias fecerant communia, indultum fuisse, ut PECULIUM haberent, ex iis, quæ initio hujus II. Partis dicta sunt, facile dignoscitur*.

V. Hic Magistri *Vitæ Clausstralis* error longe gravior est errore Magistri *Vindiciæ*. Siquidem enormem maculam affingit Sanctissimo illi Collegio, a quo, ut cum Patribus omnibus docet Angelicus, Disciplina Monachalis sua arcessivit primordia. Nemo adhuc Catholicorum, quin nec Hæreticorum, tam immane commentum, an delirium dixerim, excogitavit. Patres & Theologi omnes testantur, perfectissimam in Sacro illo coetu resplenduisse evangelicæ paupertatis, exactissimæque communitatis imaginem. Nemo unus hæcenus sic deliravit, ut peculii privati corruptelam ibi obtinuisse effutierit. *Omnes autem, qui credebant, simul erant, & omnia habebant communia*, inquit S. Joannes Chrysostomus *hom. 7. in c. 7. Act. Apost.* Omnes dicis. Non ille habebat, ille secus. *Hæc Angelica Respublica erat, quod nihil diceretur proprium. Hinc radix malorum excisa est. Non erat frigidum illud mœus, & tunc; sed exultatio immensa erat.* Basiliius, Cyprianus, Hieronymus, Augustinus, Athanasius, Gregorius, Beda, D. Thomas Aquinas adfirmant, Sanctos Apo-

Apostolos, & cum illis primos Christianos, Hierosolymis exactissimam
vovisse paupertatem seu communitatem, ut alibi indicavimus. Ex mul-
tis, quæ transcribere isthuc possem, unum afferam Dionysii Carthusiani
textum, quo ambo Magistrorum errores convelluntur. Inquit ergo de
Refor. Clausfr. ar. 9. *Christus Matt. 19. dicit: si vis perfectus esse veni-
de &c. Quem in verbis sensum intenderit Christus nec certius nec ve-
rius scire valemus, nisi ex verbis & factis eorum, quos Spiritu Sancto ple-
nissimos fuisse non dubitamus, videlicet Apostolorum, & eorum, qui cum
Apostolis conversati noscuntur. Deinde ex dictis & factis Sanctissimorum
Virorum & Patrum, qui Ordines instituerunt, ut puta Hieronymi, Augu-
stini, Basilii, Pacomii, Benedicti atque similium.*

VI. Augiant RR, Magistri quæ sequuntur. Itaque quod Christi in-
tentio fuit in verbis prædictis perfectam consulere paupertatem, OMNE
PECULIUM excludentem, primo constat ex eo, quod sicut in Actibus A-
postolorum describitur: Misso in die Pentecostes Spiritu Sancto, & aliquot
Millibus Judæorum ad Fidem conversis, statim universi illi Ecclesie primi-
tive Fideles, Vitam Commune ducere inceperunt, ut quicquam illorum
aliquid proprium possidebat, sed erant eis cuncta communia NEC
QUISQUAM ILLORUM, cui administratio commissa non erat, PECU-
LIUM habuit; sed omne pretium, quod pro rebus, quas vendidit, sum-
psit, ante Apostolorum posuit pedes, dividebaturque singulis per eos, qui-
bus Apostoli commiserunt administrationem illam, prout cuique necessarium
fuit.

VII. P. Augustinus Calmet in cap. 2. Act. Apost. vers. 45. Omnes ex
eodem fonte, ea, quibus indigebant, accipere tenebantur. Annona commu-
nis: domicilia communis: bona communis. Frigidum illud metum, &
tuum ex sancta illa communitate procul exulcerat. Et in cap. V. vers. 1.
Credunt autem Hieronym. August. Cyprian. Athanas. &c. Concilium hoc,
quo Fideles prædia sua vendebant eorum pretium ad Apostolos afferebant,
implicite saltem continuisse votum NIHIL sibi met reservandi, sed omnia
in commune Fidelium conferendi.

VIII. Nolo diutius confutare errorem, quem tum Catholici, tum
Hæretici execrantur. Tremenda Dei justitia permissum existimo, ut in
hos turpissimos gravisque scandali plenos errores prolabantur illi, qui
Christi, & Apostolorum paupertatem, communitatemque, non opere
modo,

modo, verum etiam typis editis libris, de medio tollere infelici conatu pertentarunt.

C A P U T XX.

Consuetum illud POTEST Prælati revocare peculii usum, quem numquam revocat: jactata illa subditorum animi promptitudo dimittendi peculium, quod numquam dimittitur, ludicrum chimericumque efficiunt solumne Paupertatis votum. Scripturæ, Patres, Theologi, & communis omnium hominum sensus id evidenter confirmant.

I. **P**otestas hæc Prælatorum revocandi peculii usum, omniaque in rem communem redigendi, aut erumpere in actum tenetur, aut fecus? Si primum. Ergo Prælati gravissime peccant, propterea quod proprio defungi officio negligant, severissimamque sui Ministerii legem implere omittant. Si secundum. Futilis ergo & inanis est jactata potestas. Quod clarius expono. Aut Prælati aliqua lege, vel præcepto astricti sunt peculiorum usum revocare, exactamque invchere communitatem: aut nulla lege, nulloque præcepto ad id urgentur. Si lege & præcepto soluti sint, illorum potestas mera capacitas physica est, & otiosa, cui subditi parere minime astricti sunt. Si in iis omnibus, in quæ Prælati imperandi capacitem, facultatemve habent, obedientiam præstare subditi deberent, quæ non consequerentur monstra? Possunt Prælati jubere, si capacitem spectemus, ut subditi continue jejurent, ut nudis pedibus incedant, ut a litterarum studio abstineant. Et quid non possunt? Obsequi ne subditi illis debent? Quis asseruerit? In iis ergo præstanda illis obedientia est, quæ leges, & Constitutiones Religionis propriæ spectant. Evidens itaque, quod illud prodigiosum, & adeo jactatum POTEST Prælati revocare peculium, & communitatem exactam invchere, non sit mera arbitraria capacitas, & potestas, qua ex ingenio possit peculium revocare, eo pacto, quo potest jubere vel prohibere quæ nulla lege, aut Constitutione præscribuntur. Quid itaque? Potestas est severissima lege gravata prodeundi in actum, nisi scandala, & majora mala impediant.

diant. Neque evadendi rima patet. Si enim hæc potestas, nulla lege, nullo præcepto revocandi peculium ligatur, inutilis, ludicra, jocosa est, eique parere subditi minime astringuntur, ut dictum est. Si lege & præcepto devincitur: ergo criminum plena, si quoad fieri potest, tepse non revocat peculia, non invehit exactam rerum communitatem.

II. Propositionem natura sua luculentissimam Patres Theologi, atque vel ipsi benigniores Probabilistæ unanimi assensione confirmant, ut infra patebit. *Certum mihi est* [inquit piissimus Abbas Servatius Lairuelz in Opt. Specul. 12.] *esse in continuo peccato mortali eos Prælatos, qui, quantum possunt, sua Monasteria non reformant, quique ad vitam communem Religiosos suos, quantum possunt, non reducunt.*

III. Altera Propositio: quæ subditorum promptitudinem parati animi peculii dimittendi ad Prælatorum nutum primam firmat, universamque causam in pleno collocat lumine. Sacrilegæ proprietatis labe infectum peculium est, nisi parati subditi sint, illud, jubente Prælato, dimittere. Admittunt ne RR. Magistri hanc propositionem? Quam maxime. Immo sub hac animi promptitudine licitum peculiorum usum defendunt. Ipsa voti paupertatis Monasticæ natura talis est, ut nihil habeatur nisi ex venia Prælati, neque retineatur nisi usque dum Prælatus velit. Verum ne hoc habet? Verissimum. Ad rem ergo. Quid est hoc animi propositum? Respondet D. Thomas 2. 2. q. 88. a. 1. in r. *Propositum est actus voluntatis deliberata*. Voluntas deliberata, ne fucata sit, & ludens, quid requirit? Respondet idem S. Thomas 1. 2. q. 20. a. 4. *Non est perfecta voluntas, nisi sit talis, que opportunitate data, exerceatur*. Opportunitas dimittendi peculium adest: Ergo fida est voluntas. Sincera jactatur voluntas dimittendi peculium, & nunquam peculium istud excutitur? Non voluntas hæc, sed voluntatis monstrum, clamat Augustinus lib. 8. *Confess. cap. 9. Unde hoc monstrum? Imperat animus, ut velit, & non fit quod imperat? Non ergo ex toto imperat. Nam in tantum imperat, in quantum vult. Et in tantum non fit quod imperat, in quantum non vult*. Si hæc animi promptitudo vera esset, iam non esset, resumit acutissime de more Augustinus. Quia si vera fuisset, in opus prorupisset, atque adeo cessasset, partu in lucem dato. Nam si plena esset, nec imperaret, ut esset, quia iam esset. Foeminarum, quæ non vento, sed foetu gravidæ sunt, emisso puero, graviditas evanes-

scit. Claustrales plures perpetuo gravi peculio sunt, quin umquam illud excutiant. Quid heinc insert Augustinus *cap. 10. Percant a facie tua Deus, sicut percunt vaniloqui, & mentis seductores*. Nonne Christus ipse toties detestatus est in Judaico populo hanc subdolan voluntatem operibus sterilem? *Populus hic labiis me honorat, cor autem eorum longe est a me. Matt. 15.*

IV. Clamant in libris Patres & Theologi omnes vel laxioris Ethices: clamant e Suggestu Sancti Dei Verbi Concionarores, futile esse poenitendi voluntatem, quæ poenitentia opera numquam parit. Ludicrum esse propositum abstinendi a flagitiis, dimittendi occasionem, sanctamque vivendi formam suscipiendi, si interim & in occasione morantur peccatores, & in flagitiorum cœno persilunt, & meliores mores numquam proferunt. Clamant, hoc, quod jactant propositum, fructibus destitutum diabolicum esse præstigiū, quod omnes damnati ostentabant, dum vitam agerent, & quod omnes vel obfirmati peccatores se habere mentiuntur. Luculentum ergo est, Patres, Theologos, & universæ Reipublicæ Rationalis consensum deridere, sibilare, execrarique hoc, quod ostentant RR. Magistri propositum dimittendi peculia, quæ reapse ad ultimum usque vitæ intervallum retinentur.

V. Theologorum omnium voce voluntas quidquam peragendi communitia & chimerica dicitur, quando urgente præcepto, aut voto, non se se exerit in opus præceptum. Mandatum invehendæ communitatis, peculiique proiciendi urget, instat. Illud imponunt Regulæ Professionis vestrae. Illud inculcat Ecclesia tum Conciliorum Decretis, tum Pontificum Constitutionibus. Voluntas vestra a tot sæculis non erupit in actum, peculium non abegit, communitatem non suscepit. Ergo omnium Theologorum consensu vestra hæc animi promptitudo, vestra hæc resignatio fictitia, ludica; jocosa chimerica est.

VI. Peculia non dimittimus, quia Prælati non urgent, non jubent illa dimitti. Ita ne vero? Ergo Prælati, hoc admissio responso, sunt proprii Ministerii prævaricatores, sacri legum depositi proditores, atque solemnibus professionis temeratores, propterea quod munus suum non obeunt. Quid ad hæc Prælati reponunt? Nos, inquirunt, peculia subditis non auferimus, exactam rerum communitatem non introducimus, quoniam subditorum timeamus scandalum, repugnantiam, contumacemque rebellionem.

Alte-

Alterutrum ergo fateantur oportet. Aut Prelatos in continuo versari periculo, & proprio deesse muneri: aut subditos obfirmatos esse in retentione peculii. Ab hoc nodo numquam se expedient, nisi crumenam projiciant.

VII. Quæ hætenus dicta sunt, facile esset unanimi Theologorum voce firmare. Unum & alterum hic adducam. Celeberrimus D. Petrus a S. Audomaro *lib. 2. Instit. Monast. cap. 18.* hæc scribit. *Sed dicent peculiarium possessores, se pecuniis, vel aliis concessis vel datis non affici tamquam propriis, quin paratos esse omnia RESIGNARE Prelatis exigentibus, in quorum potestate omnia, quæ penes se sunt, esse asserunt. In cujus protestationem singulis annis exhibent schedulam continentem quæcumque habent suo usui deputata. Verum splendide mentitur iniquitas sibi. Hoc uno argumento probare velim, eos taxatam pecuniam, & alia PROPRIETATIS affectu hætenus possedisse, quod noluerint Episcopis, & Prelatis suis exigentibus præstare etiam per professionis & Regula sua obligationem, immo per Concilii Generalis Decreta cedere resignationi: quin immo totis conatibus repugnaverunt. En quo modo noverunt in Abbatis potestate omnia esse debere, & parati sint illi exigenti omnia præstare. Velamen est iniquitatis exhibitæ illa schedula, & ficta protestatio. Et proinde summa impudentia est eorum, qui hac ratione a proprietatis vitio se se defendunt. Sepulchra foris dealbata, intus autem plena ossibus mortuorum.*

IX. Illustrissimus Franciscus Ramirez ex Ordine Prædicatorum assumptus Archiepiscopus Brundisinus hæc scribit §. 12. pag. 73. *De Substantia voti paupertatis est nihil habere sine licentia Prelati cum PRÆPARATIONE animi ad dimittendum omnia in suis manibus . . . Modo inquirimus exercitium illius animi preparati, seu habitus, in quo consistit. Nomen unicuique illius exercitium est actualis dimissio omnium in manibus Superioris, ipso volente & insinuante? Certissime sive. Cur ergo illa quasi habitualis animi preparatio numquam VIDEBIT ACTUM SUUM ET EXERCITIUM? Si enim gladius numquam ad secundum applicabitur, rubigine corrodi necesse erit . . . Dimittantur ergo in manibus Superiorum, ut paupertas suam videat exercitium, & non sit quasi potentia irreducibilis in actum. Neque prudenter creditur quod facile ore dicitur, & difficile corde tenetur, nempe Fratres habere animum preparatum ad dimittendas pecunias, & alia bona, quæ retinent de Superiorum licentia. Hoc enim ut plurimum ve-*

rum non est, quia experientia docet oppositum. Nam modo, & pluries Concilium, Summus Pontifex, atque alii Prælati præcipiunt, & præceperunt, dimittere omnia in manibus Superiorum; & tamen dimittere, & obedire renunt, atque resistunt. Et tot excusationes admittunt, quod Sole clarius apparet, non habere, nec habuisse animum præparatum ad dimittendum.

Nec sufficit ad paupertatem petere licentiam a Prælato retinendi pecunias, & alia bona, quam nunquam negat, imo nec negare audet: & si negaret, statim oriretur intestinum bellum, aut seditio, vel saltem recursus OBSTINATUS ad Superiores. Quæ omnia clare demonstrant, præfata ore dici, sed corde non teneri.

X. Audi nunc, Amice Lector, Magistrum Claustralem pag. 353. hæc scribentem. Raymundi Ramirez testimonium punica fide depravatum fuisse exhibet Auctor Vindictarum. Laudatus Ramirez integra Dissertatione exagitat Nummicolas, illorumque futiles excusationes inter fabellas ridicularias amandat, ut ex recitato textu patet. Et nihilominus tantæ frontis homines reperiuntur, quos minime pudeat pernegare, Archiepiscopum hunc diris devovere peculia? Verum de hoc incredibili ausu Magistri Claustralis plura infra dabimus monumenta.

C A P U T XXI.

*Peregrina doctrina Authoris Vitæ Claustralis asserentis
Prælator Regularium non posse de subditorum pecunia
disponere absque eorumdem assensu.*

I. **A** Byssus abyssum invocat. Error in errorem trudit. Sub latebra potestatis, qua revocare peculium Prælati Regularium valent, crimen occultatur proprietatis. *Claustralis Vitæ* Magister hanc ipsam potestatem, quamvis inertem, & intra meræ potentie cancellos semper consistentem, adortus est, eamque penitus excussit, atque subditorum voluntati subjecit. Error hic omnium est monstruosissimus: quoniam vel ipsam paupertatis Monasticæ umbram exterminat. Ejus verba transcribenda sunt. Ut tanto errori fucum quærat, sequentem textum obtrudit 2. p. Dissert. VII. pag. 435. *Deposita fideliter custodiantur, ut nihil de ipsis accipiantur sine licentia deponentis.* Textus iste editus est in Capitulo

Bona-

Bononiensi anno 1244. pro custodia pecuniarum, quæ ab extraneis quandoque deponerentur penes Fratres securitatis gratia, ut invictis argumentis offendit Plantamura *Differt.* 2. contra quem sic insurgit Claustralis noster citata pag. 435. „ Ex quonam fonte, rogo te, hanc hanc „ fisti Theologiam, ut Superior Prælati, qui majore in rebus Ordinis „ pollet potestate, præcipere non valeat Prælati sibi subiectis, ut ni- „ hil de rebus ad subditorum usum impertitis sine eorum assensu, & vo- „ luntate possint disponere? *Assensu* sit oportet, qui id non intelligit: „ Si tali privilegio non gaudet Sacrum evangelica paupertatis votum, „ quam ob rem Romanus Pontifex Innocentius XII. approbavit die 7. „ Decembris 1691. per Constitutionem *Ex injuncto nobis* legem hanc Or- „ dinis Fratrum Beatæ Mariæ de Mercede Redemptionis Captivorum. „ *Dist. III. cap. II. §. 3. Præcipimus autem Prælati sub pœna priva-* „ *tionis officii, ne a sibi subditis, ex his, quæ in communi deposito ha-* „ *bent, quidquam vel in minima quantitate, neque ad brevissimum tem-* „ *pus sumant, aut mutuo petant.* Et quare non semel Sac. Congrega- „ tio Regularium Disciplinæ præposita in Prælatos Regulares severissi- „ me animadverterit, quod Fratrum peculium sine eorum assensu ex æra- „ rio extrahere ausi sint? „

II. Tam enormem errorem vel ipsi Innocentio XII. Pontifici Summo, qui nullum non movit lapidem, ut exactæ communitati subiiceret Claustrales, assignare non reformidat? Sacra Congregatio super Disciplina Regulari animadvergit in Superiores, quod, inconsultis subditis, ex ærario communi aliquid peculii privatorum Fratrum extraxerint? Hæc commenta dixerim, an mendacia ad decipiendos incautos promuntur in lucem? Quid quæso hætenus propugnavit licitum esse peculii usum, quod sit sub dominio Prælati: quod ex ejus venia retineatur a subditis, quod sit ad Prælati nutum revocabilis? Nihil possunt Prælati disponere de peculii subditorum sine eorum assensu & voluntate? Ergo non subditi a Prælati, sed Prælati a subditis pendunt in paupertatis voto. Ergo absoluta peculii dispositio, non penes Prælatum, sed penes subditos residet. Quid ergo in communi ærario pecunias collocant Fratres, si ipsi invitis, nihil de eisdem in commune bonorum Monasterii Prælati accipere queunt? Veri ergo Domini sunt Fratres suarum pecuniarum? Quid hincit? *Assensu*, sit, inquit, oportet, qui hæc

non intelligit? *Asini* ergo erunt omnes Ecclesiarum Doctores, qui oppositum docent? Quis non miratur Magistrum Claustralis modestiam?

III. Theologi, reponit, oppositum docent absolute: secus si accedat auctoritas aut Magistrum Generalis, aut Capituli Generalis prohibentis Prelatis, ne quid disponant de pecuniis subditorum *sine eorum assensu, & voluntate*. Concilium Lateranense declaravit, nec Summum Pontificem dispensare posse cum Claustralibus super habenda proprietate. Tunc autem est vera proprietas, quando Fratres exempti sunt a subiectione Prelatorum in pecuniis expendendis. Si enim non subditi a Prelatis, sed Prelati a subditis pendent in peculiorum dispositione, tunc subditi ut veri Domini habentur. Porro si nec Papa juxta Concilium Lateranense valet super habenda proprietate dispensare; hac ne potestate praeditum erit Capitulum Generale? Hoc Capitulum Fratres ipsi componunt: Valent ergo ipsi Fratres semetipsos a voto subtrahere? *Si soli privilegio non gaudent votum paupertatis*, reponit Claustralis noster, ut Superiores nihil de pecuniis subditorum sine eorum assensu disponere valeant, in vanum approbasset Innocentius XII. Constitutiones Mercenariorum. Negamus Pontificem Summum tam enormem errorem approbasse. Quid? Errorem appellas integri Capituli Generalis Constitutionem? Non ego, sed Doctores omnes, nemine excepto, erroris gravissimi damnant praefatam doctrinam. Quod Capitulum Generale prohibere inferioribus Prelatis valeat, ne abutantur propria potestate, ne in usus proprios convertant, ne dilapident subditorum pecunia, ubi talis pestis serpit; verum habet: at quod legem absolutam condere valeat, ne quidquam de pecuniis subditorum *sine illorum assensu & voluntate* disponant, error est turpissimus. Errabit ergo integrum Capitulum Fratrum mendicantium? Negat forsitan? Hoc Fratrum Capitulum est ne aliquod Concilium Oecumenicum? Si Fratres isti, repugnante Concilio Tridentino, repugnantibus Pontificibus, pecunia retinent; quid mirum, si in Capitulo congregati leges rogent in peculiorum praedium? At missa errandi potestate, quero. Praefatum Capitulum, aut aliud simile, condidit ne praefatam legem, ut Prelati nequeant, prout illis expediens visum fuerit, convertere in communes Coenobii usus pecunia Fratrum *sine eorum assensu, & voluntate*, aut secus? Si secundum: Fabulam evulgavit. Si primum: Capitulum erravit, legem scandalum plenam condidit, solemne paupertatis votum de medio sustulit

IV. Opponunt, in Constitutionibus aliorum etiam Regularium similem haberi ordinationem. Quid inde? Numquid a multitudine suam accipit æquitatem? Ut iterum quam monitrosa sit lex ista, seu potius corruptela, paucis expediam, ob oculos luculentissima omnium Theologorum Doctrina denuo recurrit: videlicet peculium, repugnante Prælati, habitum, proprietatis labe tinctum esse. Porro, admissa lege vetante, ne Prælati, inconsultis subditis, valeant, prout expediens visum fuerit, de illorum pecuniis disponere, jam subditi, renuente Prælati, peculium habebunt? Et tunc corrumpere paupertatis votum, quis inficias ire auit, nisi prima paupertatis principia neget? At, inquirunt, facta hypothesis, in qua Prælati necessaria non porrigant; nonne quisque sibi proficere jure naturæ potest? Verum habet. Sed quid inde? Si periculum est, Prælatum quempiam repertum iri, qui necessaria subditis denegat, propterea ne a paupertatis voto eximendi subditi sunt? Prælati, hoc in casu, a suo absolvatur officio. Sed, ne prætextus juris naturæ tegere se valeant, revocandum in memoriam est, peculium ab Eruditis Adversariis propugnatum. Quod jure naturæ necessarium est, hic & nunc occurrit. Peculium in communi arca custodiendum traditum, in futuros usus reservatur, atque adeo hic & nunc necessarium non est. Ergo de eo disponere Prælati absolute potest. Ergo lex Capitularis, quæ Prælati admittit facultatem disponendi de peculio, non consentiens libris subditis, penitus destruit paupertatis votum. Consulat quæso Lector *Dissert. Prelim. cap. IX.* ubi tria reperiet peculiorum genera a *Vite Clausuralis* Autore defendi, nimirum peculium ad res necessarias, post, peculium ad res voluptarias, ad honesta solatia intra, & extra Ordinem* ad arcus, & horologia argentea, sive Londinensia, saltem Genevensia, ad ludos, & alia id genus. Capitula ergo Ordinum Mendicantium legem condiderunt, & approbari a Summis Pontificibus curarunt, qua prohibetur Prælati, ne quidquam de ejusmodi pecuniis disponere valeant sine eorundem subditorum consensu? Cribre aquam hauriet quicumque cum paupertatis voto hanc componere legem tentaverit. Approbatio Pontificia, si qua sit, sub et obrepticia omnino est, & gravis injuria tum Romanæ Sedi, tum Regularibus ipsis irrogatur, dum iisdem ordinatio tam luculenter injusta affingitur.

C A P U T XXII.

*Diluitur sobrietas multitudinem obtrudens Regularium
peculio utentium, & exiguum numerum eorum,
qui perfectam communitatem servant.*

I. **P**AUCI sunt exactæ rerum communitatis cultores. Peculii vero consuetudo fere penes omnes Regulares obtinet. Numquid damanda erit tam immensa Regularium multitudo?

II. Exprimi pro dignitate vix potest, quantum fuci imperitis hoc sophisma omnium levissimum faciat. Et principio factum evidenter falsum opponitur. Pauci Clausalium exactam rerum communitatem peculiis vacuam servant? Ita ne vero? Supputationem exordiamur a Mendicantibus. In sola vastissima Seraphici Patriarchæ Francisci Religione centena millia Religiosorum perfectissimam vivunt communem vitam, quolibet peculiis pulso. *Integri*, inelytici, atque in dies florescentes Capuccinorum, Reformatorum S. Bonaventuræ, Reformatorum S. Bernardini Senensis, Reformatorum S. Petri de Alcantara Ordines exactam rerum communionem servant. Ex Prædicatoribus integræ Congregationes, & Provinciæ in Italia, Gallia, Hispania & Polonia. Ex Servitis Congregationes Excalceatorum. Ex Carmelitis Provinciæ plures, & integra Excalceatorum Carmelitarum Religio. Augustiniani pariter Excalceati, Trinitarii excalceati, pulsis peculiis, perfectam rerum communionem excolunt. Accedit, quod in ipsis Provinciis, & Cœnobiis laxioris Disciplinæ plures, aut nullum peculiis retinent, aut si quod retinent, non libere, sed necessitate alendæ naturæ cogente, eodem utuntur, & bonorum communionem anhelant.

III. A Mendicantibus ad Monachos transeamus. Celeberrimæ Benedictinæ Religionis plures sunt Congregationes, quas inter emicat inclita Congregatio S. Mauri, a quibus exulat peculiis abusus. Præmonstratensis quoque Ordinis plures Provinciæ in exacta rerum communi-
one vivunt.

IV. Integra Camaldulensium Eremitarum Religio, Integre Carthusiæ-

sanorum Ordo, Trapensis Congregatio, & alii Monachorum Cœtus perfectam servant communitatem, peculis eliminatis.

V. Ex Clericorum Regularium plurimi hanc excelsam communitatis virtutem inviolatam custodiunt. Duo Patriarchæ Sanctissimi Cajetanus, & Ignatius, licet aliorum Ordinum jejunia, abstinentiam, cœteraque austeritates delinierint, paupertatis tamen legem severius arctarunt. Bona stabilia vel in communi possidenda prohibuerunt. Hic collige quanta ignorantia laborent illi, qui audent asserere Sanctos istos prohibuisse census & redditus in communi possidendos, concessisse vero similes redditus & census privatis Religiosis. Quid enim dementius excogitari potest? Irrisoria quippe, & perridicula esset prohibitio retinendi census & redditus in communi, quando liberum esset eos haberi a singulis Religiosis. Communitas enim in *abstracto* actiones non exercet, non possidet, non utitur. Homines, qui illam componunt, illi sunt, qui bona possident. Si ergo singulis privatis Claustralibus facultatem habendi redditus impertissent Sancti Patriarchæ, futillis fuisset illorum prohibitio non retinendi ejusmodi redditus in communi. Quid plura. Quid, quod S. Patriarcha Ignatius ultra solemne paupertatis votum, aliud peculiare votum adjecit nunquam laxandi, sed potius arctandi paupertatem.

VI. Verum, ut iterum magis magisque pateat, quoniam sit crassa, & erronea deceptio illorum, qui cavillantur, votum paupertatis Monasticæ pugnare dumtaxat cum dominio, secus cum privato peculii usu, lubet, aliud exemplum adducere adversus tam ludicrum commentum. Celebrissima illa, atque de populi Christiani reformatione, solidæque pietatis cultu optime merita Congregatio Clericorum S. Vincentii de Paulis, quos *Dominos Missionarios* vocant, bonorum dominium retinent, facultatemque testandi, abdicato cujusque privati peculii usu. Cum hac domini retentione exactissimam communitatem Apostolicam servant. Communis victus, communis vestitus, communes libri, omnia communia. Nullius pecuniæ privatus usus, neque pro selectiore pulvere nicotiana, neque pro cocholate, neque pro quacunque excogitabili re sed cupediis, & deliciis spretis, Omnia necessaria de communi subministrantur. Cum domo una recedunt, aliamque petunt, exceptis sacris libris, nihil secum deferunt. En sacræ & secundæ *Missionis* basis, & fundamentum. Perfectissimam Apostolicam bonorum communitatem, subla-

sublati distinctiunculis, & cavillis, reipsa adamussum servant. Et ideo, quo sunt istius Evangelicæ paupertatis severiores cultores, eo uberius ex suis sacris missionibus colligunt animarum sanctificationum messem. Hæc Sancta Paupertas illa est, quæ illos populo Christiano acceptos, ac veneratione dignos efficit, illisque vim præbet efficacissimam ad emollienda hominum corda. Hæc paupertas illa est, quæ illos nec amplas quærere Civitates, nec summos Magnates, nec Principum Thronos anhælare sinit; sed Apostolorum vere insipientes vestigiis, castella potissimum, rura, & vicos percurrentes ingentem animarum proventum colligunt. Plura, si occasio ferret, in iustissimam Insignis huius Congregationis commendationem dicerem, ut veritati & iustitiæ litarem. Hæc pauca obiter indicavi, ut exemplis confirmarem, exactam ærum communitatem consociari cum dominio sine privato peculii usu posse, secus cum abdicatione domini reservato privato peculii usu.

VII. Hinc collige, quam falsum sit factum, quod obtrudunt, paucos nimirum Claustrales reperiri perfectæ communitatis cultores. Quandoquidem, ut vidimus, omnes Sacri Ordines in exactissima communitate instituti sunt. Integre reverentia Religiones reformatæ adamussum perfectam bonorum communionem, pulsas peculias, servant. In ipsis collapsæ Disciplinæ Ordinibus integre Provinciæ, & Congregationes, pulsa peculiorum corruptela, omnia prorsus communia habent. Aliæ Religiones exactissimam communitatem a Sanctis Patriarchis institutam, absque ulla mutatione factam tectam custodierunt semper, & in dies custodiunt.

VIII. Verum, ut objectum sophisma undequaque in nihilum redigam, fac paucos esse perfectæ communitatis cultores, maximam vero multitudinem eorum, qui peculias utuntur. Quid quæso heinc colligunt emolumenti? An ignorant Oracula Christi Domini? *Arcta est via, quæ ducit ad Vitam, & pauci sunt, qui inveniunt eam. Lata & Spatiosa, quæ ducit ad perditionem, & multi intrant per eam.* Matth. cap. 7. & cap. 22. *Multi sunt vocati, pauci vero electi.* Quid frequentius in Scriptura Divina occurrit, quam admonitio declinandi a multitudine delinquentium? Exod. 23. *Non sequeris turbam ad faciendum malum: me in iudicio plurimorum acquiesces sententiæ, ut a vero devies.* Corruptelam temporis intervallo larvam induere virtutis docet Deus ipse Sap. 5. In-